

*In musæo claudii Mon. Sm.*

# P R A X I S M E D I C A,

*SIVE COMMENTARIUM*  
IN APHORISMOS  
HERMANNI BOERHAAVE

*De cognoscendis & curandis*  
*Morbis.*

P A R S T E R T I A.

Editio tertia, aucta, & accuratissima.



30524

Sumtibus Societatis.

M. DCC. XXXVIII.



*De Morbis Internis, & de Febris in  
Genere.*

**M**Orbus internus est diathesis partium, quæ lædit functiones ut sedes materiæ in sensus non incurrat, sed intra corpus lateat.

§. 558. *Febris* notat Latine calorem conceptum humoribus, cujus ope humores depurantur; hæc veteribus Medicis fuit idea Februm; hinc Febris dicta fuit à Dea Februa, quæ depurationi præesset, unde etiam Februarius dictus est, quia Romani eo mense purgabantur, ergo Februarius significat expiationem seu repurgationem piaculorum, unde Febris est quasi repurgatio sanguinis. *Hippocrates* Febrem consideravit pro sanguinis impuri despumatione à puro, hanc optimam esse putavit, hinc nunquam Febrim impedivit, uti ex ejus libris videri potest, sed semper malignas causas sustulit, impetum retundit, & si impetus sit parvus, excitavit, nos vero curare volumus & sic ægros perdimus, dixit præterea Podagram esse Purgationem Sanguinis senilis & catharsin depuratoriam in senibus, quæ sic repurgat, ut nullum morbum relinquat, hinc *Hippocrates* Podagram non curavit, nisi quatenus causas sustulit, ergo fuit solus naturæ minister & sapientior in his, quam ullus Medicus. *Sydenham* putat etiam omnem Febrim esse purgationem humorum, & cum

*Tom. III.* A fer-

fervendo corpus quasi depurat ; adeo veteres Catharsin vocaverunt ; ergo *Febris* est *motus natus in corpore ex ipso corpore, cujus affectus est eliminare illud, quod morbum facit.*

*Frequentissimus.* Nemo unum diem transigit sine Febre, sic bihorio vel trihorio post pastum vel post largiorem vini potum vel exercitia corporis majora Febricula laborat homo ; nemo mensem transigit, quin torporem &c. habeat, qui torpor abstinencia sanatur, hinc est morbus omnium frequentissimus.

*Inflammatione.* Nulla Inflammatio sine Febre, ut dicit *Helmontius*, parva spina in digiti apicem intrusa facit Febrim, hac vero sublata vel supuratione superveniente Febris tollitur, sic nunquam vidi Pleuritidem, quæ prius semper non antea Inflammationem habuit, hinc Febris semper est vel causa vel effectus, sed omnis Febris non est Inflammatio, ut multi dixerunt. Veteres putarunt Febrim antecedere mortem, sed in morbis subtilissimis vix observatur Febris, tamen nemo moritur sine Febre, non purgare neque vomere potest, nisi illo tempore adsit Febris, hinc non curanda est Febris, nisi Febris plus noceret quam illa materies, quam Febris debellare conatur, hinc ille est magnus Medicus, qui Febrim fovet, quantum debet foveri, & qui eam tenet in illo æquilibrio, ut ipsa tollat morbum, inde pessime faciunt, qui totam Febrim semper conantur debellare, priusquam suum opus exegerit, ita ut nimia catharsi & nimia Venæ Sectione æger Hydropicus tandem à debilitate reddatur, ut faciunt Galenici & imprimis Galli, nec magis feliciter agunt, qui semper Febrim augent, ut debellent morbum, sicuti *Helmontiani*.

*Comes.* Nulla est Inflammatio, quin ab initio usque ad statum, à statu usque ad declinationem Febris eam concomitetur.

*Morborum.* Infiniti morbi diversis nominibus traditi sunt ab auctoribus, qui in ipsa sua natura Febres sunt, ut Inflammatio in cerebro Phrenitis, in Pulmone Peripneumonia, in Pleura Pleuritis, ita ut una Febris possit facere omne morborum genus, nec mirum, si homo sanus augeat sanguinis velocitatem, ut dicebam in Capite *de morbis ab aucta velocitate productis*, potest omnes morbos imo Pestem ipsam sibi conciliare intra viginti quatuor horas, si enim ultra illud tempus currat, erit mortuus cum maculis rubris. Generale est Proverbium, nemo moritur nisi cum Febre à causis externis, quamvis per Febrim non moriatur, tamen non sine ea, & si centum ægri moriantur, certissime nonaginta novem moriuntur cum Febre, quod verissimum est, nam quam facile oritur, vix enim assumimus salina, vix balnea ingredimur, vix frictiones patimur, quin continuo Febriculæ excitentur; nunquam moritur Hydropicus sine Febre orta scilicet à putredine humorum; Chirurghi, si Suppurationem promoveri velint, semper excitabunt Febrim, si quid sit obstructum, excitatur Febris, cujus motu tentatur obstructi resolutio, vel sublatio, & observetur omnium morborum cura, semper apparebit excitari Febrim v. g. Hydropico dantur Febrim excitantia, quæ purgando evacuant, uti Absynthium, Gentiana, Cæpæ, Cortex Magellanicus &c.

*Sanationis.* Febris est instrumentum naturæ, per quod conatur id, quod Febrim excitat, à corpore amovere; omnes morbi interni fiunt



à sex rerum non Naturalium abusu vel per senectutem vel per contagium, quod saluberrimos æque ac ægrotantes afficit, sic per sex res non naturales male administratas, fit motus major, fitis, calor, hæc duo postrema determinant hominem ad capiendum dilutum subacidulum, frigidiusculum potum, hoc modo corrigitur & sanatur Febris, si per ætatem vel per vitia nata in humoribus oriatur Febris, res plane est eadem, sic administretur febricitanti copia aquæ medicamentis conducentibus mistis, his liberabitur corpus à suscepto contagio, utrum hoc fuerit Venereum, utrum Variolosum sanguini mistum facit naturam Febrem, situm, calorem, per quæ natura ipsius febricitantis impellitur, quantumvis non consuluerit Medicos ad potum acidulum, aquosum, non vero ad falsum, non ad pinguem, à quibus natura abhorret, & sic natura facit, ut malum & contagium v. g. Variolosum ad cutis exteriora determinetur specie macularum rubrarum, & tum natura fecit, quantum potuit, si hoc destituti essemus beneficio, materia proveniens ad nobiles nostri corporis partes sese ibi figens eas pessumdaret; sic *Hippocrates* dicit Deum creando corpora humana ea aptissima reddidisse ad exercendas infinitas motuum varietates & instruxisse tali diathesi, ut ab æquabili motu nunquam lædere potest. Medicus tantum est naturæ minister, hincque adjuvare debet, nunquam deprimere, quia semel deleta nil amplius superest, amissam restituere nequit, ergo Febris tantum non est metuenda, nam sæpe si sibi relinqueretur & naturæ indulgeretur, plures jam intereuntes emergerent, quod nobis clare explicat, *Hippocrates* dicit Febris superveniens Apoplexiæ, Apople-

plexiam solvit, Febris Quartana sanat omnes morbos generis nervosi, nempe Epilepsiam, Paralyfin, Hemiplegiam, Paraplegiam, Spasnum, tumorem Podagricum perfecte; Tertianæ plurimos morbos; Continua omnes morbos. Si quis non assuetus veniat in regionem, in qua nunquam fuit, & utatur victu alieno, incidit in Febrim, sed postquam hanc Febrim habuit, potest hæc omnia ferre, homo sanissimus non accipit Variolas concomitatas cum Febrè, sed oritur effectus, cujus ope venenum haustum ad cutim depellitur, ille veniat inter mille variolosos, Variolas nunquam iterum accipiet, ergo Febris non est metuenda; credo plures ægros mori, quia Febris sanatur, quam quia non sanatur. Anno elapso cum Febres Epidemicæ grassarentur, tum Medici in Praxi occupati omnibus, qui bile laborabant, Corticem Chinæ præscripserunt, unde milleni in Hydropem coniecti mortui sunt, ab hepate corrupto; hinc ergo videmus quod Febris non tanquam hostis, sed tanquam auxiliator considerandus sit, Medici tantum est hoc observare, quod putat in vita esse utile. Si Methodus inveniri posset, excitandi Quartanam Febrim, quemadmodum removendi ars novit, plurimis morbis succurrere possemus, qui Vomicam habet in Thorace, laborabit Febre Hætica; quæ Febris est unicum solatium, si enim tolleretur remanente Vomicæ illico æger suffocaretur.

§. 559. Medicis ab Idiotis objicitur, quod non intelligunt morbos: exemplum sumunt a vulgari & frequentissimo hoc morbo, dicunt eos nescire quid sit Febris, hinc maxime in id incubuerunt, at Hippocrates eam vocavit *τὸ ἐσθιον*, id est, *latens*, seu *divinum* nam latet in corpore

pore humano febricitante aliquod ens distinctum & separatum, quod si cognoverimus, jam sciremus ejus naturam. *Galenus* eam à bilis copia deducit, apud Chemicos audit iratus *Archæus*, *Cartesianis* conflictus particularum Philosophicarum, *Sylviani* suam effervescentiam & fermenta crepant.

*Cavendum.* Physica morbi natura, id est, Physica conditio, quæ in corpore est præsens, facit id, quod vocatur morbus, nunc est definire, quid in corpore sit, quod morbum facit. Is qui asserit, facile errare potest, si enim hic imaginando aliam facit, quam quæ est, errabit in tota natura indaganda; quo nunc res magis remota est à sensibus, eo facilius errori præbet causam, quoniam nunc Febris est adeo abdita, ergo Medicus nunquam facilius errare potest in definienda morbi natura quam hic, sed quo major præcipitatio, eo major debet esse cautela, ut hæc evitetur.

§. 560. Si viginti Medicos legamus & eos in descriptis rogemus, quid sit Febris? viginti forsan diversam habebunt sententiam, Febris est vel calida, vel frigida, vel temperata, vel sine dolore, vel cum dolore, vel cum vomitu, vel absque & alvi dejectione, vel sine, & omnia opposita illam concomitari possunt, hinc tot sententiæ à Febris, hinc non quærenda est natura Febris ex illis Phænomenis, nam tunc tot essent Febres, quot Phænomena; quædam Febris toto suo decursu est frigida, hinc quidam Febrim dixerunt esse Refrigeratorium Sanguinis, at Febris est ubi calor & desinente frigore, *Calenus* dixit Febrim esse ortam à calore sanguinis, sed non potuit respondere quærentibus unde illud frigus. Error ergo fit, quia Febris latet, sed

sed sensibus fit cognita per mutationes Physicas in corpore ægroti, & illæ mutationes sensibiles redditæ vocantur Phænomena seu Symptomata Februm, sed hæc Symptomata sunt innumera-bilia, si nunc Medicus primum symptoma pro Febre accipiat, ille habet id pro Febre, quod re vera est symptoma; rogo v. g. quid Febris? unus respondet est calor, quem hic in ægro video, alter hic summum frigus, alius videt Cephalalgiam & affectum cerebrum dicit esse Febrim, inde factum est, ut coner dicere, Febris est semper una & eadem, sed id, quod Febrim facit, est absconditum, sed mutationes, quæ inde oriuntur falso pro Febre habitæ sunt, cum nunc nil proclivius est in natura, quam ut id, quod præsens abripiatur pro eo, quod absconditum est, unde tot opiniones de Febris ortæ sunt, sed hi boni viri non distinxere, quod illa Symptomata abesse & adesse possint. Febris cum omnibus symptomatibus pono, quod vocatur multiplex Calida, Frigida, Urinaria, Diarrhæa, Colica, Iliaca, Spasmodica, Vinosa, & ita infinitæ sunt Febres, omnes enim hæ Febres deprehensæ sunt, sed sunt Febres, in quibus nil horum, nam possunt esse Febres in quibus frigus, calor nullus, imo in quibus reliqua non adsunt, & tamen est Febris, si nunc homo secum cogitet id, sine quo Febris esse potest, hoc non est Febris, id cum quo & sine quo Febris potest esse, hoc non est Febris, sed sunt adjuncta Februm, tantos errores non committerent; nam si Medicus explicet Febrim Tertianam per vomitus, non explicabit illam, in qua fit alvi dejectio, nec illa, in qua anxius & oppressus est Febricitans, & plura talia, quæ abesse possunt, Febrisque tamen persistere.

§. 561. Agamus, ut oportet vere & candide, rogo omnes Medicos, quid est Febris, quid est in corpore, quod tu vocas Febrim, si ille dicat omnia Phænomena, quæ unquam in Febris observata sunt, dicit completam Febris historiam, & tamen adhibet vocabulum Febris, hinc omnes cognoscimus; quod aliud sit in rerum natura, quod vocamus Febrim; ergo nunc quid est illud, quod in nostra mente præsens est, dum dicimus, est Febris; respondetur, est aliquid, ad quod non attendunt homines, & quod omnibus commune est; ergo hic jam consulendi sunt Medici Practici, qui hæc observarunt, est in natura aliquid, ex quo Medici ex arte periti cognoscunt Febrim esse præsentem, & quid tale est, quod præsens est in omni Febre, sic ut omnes Medici dicerent, laborat hic æger Febre vel non.

*Phænomena eligere.* Febris est Intermittens vel Continua, id, quod Febris vocatur, debet esse symptoma commune & Febris Intermittentibus & Continuis, Quotidianæ, Tertianæ Simplicis, Tertianæ Duplicis, Quartanæ, Quintanæ Simplicis & Duplicis. Continuae sunt vel putridæ vel non putridæ, Ephemera, Synochus non putrida, Febris putrida maligna, Pestis, ardens, sic causæ, deinde omnes Febres Inflammatoriæ, ut Peripneumonia, Hepatitis, Stomachica, Pleuritis, & sic porro id nunc, quod erit Febris, debet esse Phænomenon, quod in omnibus his deprehenditur. Rogo nunc omnes illos, quid est, quod tu deprehendisti in omni Febre Intermittente & Continua, dic mihi, & dabis materiam Febris? sed non debes dicere id, quod in Febre Quartana & non in Febre Hæmitritæa, id quod in Peste & non in Ephemera, nam omnes has  
voco

voco Febres, ergo in omnibus his aliquid commune esse debet, & hoc est unum, quod peto.

*Quorum cognita.* Pono hic hæere novem ægrotantes & unum sanum, omnes novem febricitantes pono successive visitari a Medicis diversarum opinionum, primo *Hippocraticus* ingreditur dicens, sunt omnes febricitantes, & unus non habet illa Phænomena, quorum præsentia dicit, hic est Febris; *Galenus* intrans eodem modo dicit. *Methodius* & *Themisonis* discipulus si sit in Praxi peritus, dicit quoque, novem febricitant, decimus non. *Chemicus* quoque ægros bene examinans eadem dicit, ergo debet esse in rerum natura aliquid, quod non modo in omni Febre innotescat, nunc rogo, quid deprehendat in decem hominibus, cujus præsentia dicit, quod Febris adsit in his novem, in decimo vero non, si omnes diversæ opiniones de Febribus habeant convenientiam, an Febris adsit vel non. Solum signum est diversitas augmenti pulsus, ergo omnia, quæ cum augmento pulsus accedunt ad Febrim non sunt ex natura Febris in genere sed sunt accidentia, quæ abesse vel adesse possunt.

§. 562. *Ex his* scilicet proprietatibus cuilibet Febri communibus, Febris est latens in corpore v. g. rusticus videt filium suum febricitare, adit Medicum; Medicus rogat illum, unde scis filium tuum febricitare, respondet rusticus ex frigore, calore, incontinentia, jactatione, Medicus quoque dicit, est Febris, sed longe aliud quid, quod idiota non attendebat, ego omnes Medicorum sententias in unam tabulam conjeci & videbam, in quo omnes convenirent, reliqua per litteram emaculavi & ad unum redegi & remanebat scilicet in omni Fe-

bre ab internis causis ortis Horripulatio, Febris tamen potest esse sine Horripulatione, ut à motu musculari, cursu, crapula, copia vini hausta, Venere, sed à causa interna semper adest Horripulatio & calor vario tempore, quia pulsus non est velocissimus nisi temporis intervallo.

§. 563. *Internis.* Nam Febres ortæ à quacunque causa externa non cum sensu frigoris, sed caloris incipiunt v. g. quis irascitur, usque dum rapiatur in summum furorem, homo ille Febre acuta laborabit orta cum calore, idem fit, si quis cursui se committat, vel in calidiori hypocausto degat vel assumpserit contusum Piper cum vino, verum si à causa interna oriatur, ut Variolæ, Pleuritis, Peripneumonia, verbo dicam omnes morbi acuti Inflammatorii, ne Peste quidem excepta, sentiunt ægri in initio Horripulationem (Belgice *huiveringh* Græce *καταψυχαισις*, id est, *simplex refrigerium*) per totum corpus, quasi urna plena aqua frigida affunderetur supra ægros, sed si homo sanus se daret cursui & continuaret cursum ultra vires, cale-ret ad Pestem usque sine Horripulatione, hinc dico à causa interna; aliter vero non semper adest, non novi Febres Intermittentes seu Continuos, quia habuerint Horripulationes comites, sed dico tamen non semper adesse, suspendite modo vestrum iudicium, nam statim expurgetur.

*Pulsus velox.* Omnes Medici rogati, an Febris adsit, cito sumunt pulsum ad digitum & attendunt ad pulsus, ex quo iudicant, an Febris adsit nec ne; rogo nunc quid est in pulsu, quod vocatur Febris? si intra datum tempus frequentiores Diastoles & Systoles seu si venæ

ut loquitur *Cicero* se sæpius attollunt & dimit-  
tunt, quam in sanitate, vocatur Febris, ut v.  
g. si per minutum unum in sanitate quinquage-  
sies vel quadragesies pro cujuslibet tempore  
pulsabat, nunc centies vel ducenties intra idem  
tempus, ex hoc solo numero iterum dicit Me-  
dicus est Febris.

*Calor.* In Febris Intermittentibus lethalibus  
in Paroxysmo non est, sed tamen moritur æ-  
ger, aliter vero assumere possumus quod in  
omni Febre sit calor, quia statim expurgetur,  
non est Febris nata, quæ in primo Paroxysmo  
faceret calorem ante mortem v. g. in omni  
Febre Intermittente, Quartana, Tertianæ, si  
æger moriatur à Febre, tum in illo Paroxysmo  
non sentit calorem, sed semper frigus, & si  
calor oriatur, tum sanabit, sed moritur a sub-  
sequente frigore febrili, ergo hæc tria sympto-  
mata omnibus Febris communia sunt, fri-  
gus, pulsus velox & calor, dum æger in insul-  
tu Quartanæ concutitur, ita ut non sentiat, ta-  
men est Febris, sed tum nullus calor adest, &  
post sex horas ægri sic calent, ut æstuent, &  
hic calor est tanto tensior, quo majus frigus  
in initio fuit.

§. 564. *Acuta Febris* est, quæ cito & cum pe-  
riculo vitæ ad finem tendit. Quid est cito? sunt  
viginti & ultra dies? Quid est cum pericu-  
lo? est omnis conditio Physica generata in  
corde, unde circulatio humorum ex corde in  
arterias labefactari, id est, pro tempore desinere  
incipiat; hinc si hæc tria præterita citissime  
transeant cum vitæ periculo Febris acuta dici-  
tur, ergo ad hanc conquiratur subita mutatio  
sanitatis naturalis in hæc tria puncta, si jam  
hoc fiat cum vitæ discrimine, ut v. g. si ipsa



circulatio incipiat deficere id pulsu intermittente se exploretur. Omnis nunc Febris, quæ ex sua natura eo tendit, ut intra vigesimum primum diem faciat circulationem aboleri vocatur Acuta; hæ Acutæ rursus dividuntur in Acutissimas, quæ semper primo die necant, in Paucissimas, quæ intra triduum necant, & in Peracutas, quæ tertio die necant, & in Acutas Vulgares, quæ decimo quarto die vel ad vigesimum primum diem protractæ jugulant, hæ posteriores vocantur Acutæ Tardæ, nam *Hippocrates* eo usque deduxit, sed tum semper est metastasis, & tum possunt commode Chronica vocari.

§. 565. Lenta vocatur, quæ ab initio ad finem lente decurrit, hoc est minimum ultra vigesimum primum diem, quo ergo in Chronicis periculum non adest, respondetur ita maxime, sed sæpe Ephemera non est acuta, nam non definitur acuties à velocitate temporis, sed à periculo, tarditas vocatur tantummodo longitudo temporis, sic Phthisis, Hydrops, Hæctica à Cacochymia purulenta possunt esse Febres lentissimæ, & tamen lethales, ergo morbi Chronici definiuntur à tarditate majori & minori periculo; lenta sine periculo est Quartana, quæ certe potius amanda, quam ut hostis odio habenda, si otio tamdiu vacari possit, nam nemo de Quartana moritur nisi male tractatus.

§. 566. Omnes Febres à causa multis hominibus communi oriuntur, quemadmodum Febres, quæ per Europam grassatæ sunt, sed nonnullæ Febres oriuntur à causa hærente in homine ipso, homo duodecim libras vini bibit, cras habet Febrim à causa singulari scilicet vino  
*Δήμος* Græce est populus, hinc *ἐπιδήμιος νόσος*  
 notat

notat morbum popularem, ergo Febris Epidemica est, quæ oritur à quacunque causa communi toti populo, unum locum inhabitanti, ut à corrupto victu, ut sæpe fit in urbibus obsessis vel ab aqua stagnante putrefacta in illa urbe, vel tandem ab aëre infecto.

*Singularis* est à causa singulari cuique singulari homini obveniens v. g. à potu frigido, tempestate calida, at etiam ex alia causa alicui facile oritur Febris v. g. oriatur Pleuritis ex frigore, quæ non accidit aliis, qui idem frigus passi sunt post calorem, ergo illi singularis.

Febres Endemiæ vocantur, quæ certo & certo aëri affixæ in loco generant semper eosdem morbos, id est, ortæ à causa aliqua communi certæ cuidam regioni propria in populos illos, ut hic regnat Scorbutus, hinc est Febris, quæ oritur quotannis in aliqua regione incolis hujus loci, v. g. Febris putrida oritur hominibus circa stagnum aliquod habitantibus.

Vagæ vel Sporadicæ à *σπείρα* sero quasi seminatae vel propriæ causam habentes in qualibet varia hominis temperie diversam, vel à vitæ genere ut ex malo usu sex rerum Non naturalium, vel morbis prægressis, hinc Sporadicæ vocantur, quæ ortum ducunt ex temperie, vel à causa in corpore latente uti Cacochymia, Plethora vel à morbis in corpore relictis, &c. vel ex regimine sex rerum Non naturalium, quæ causæ externæ vocantur, à fabrica hominis in Febrim inclinante ortum ducit, v. g. isti, qui angustum pectus habent ad Peripneumoniam, vel qui biliosa temperie sunt, ad morbos acutos proni sunt, vel quando morbi prægressi, vel quando homo aliter gesserit, aliter ingesserit, aliter retinuerit, aliter excreverit &c.

§. 567. Hic describuntur omnes morbi acuti Febriles & Chronici. Morbus acutus vocatur febrilis, inde quo functio est læsa & cum hac functione læsa simul Febris Acuta concomitatur, soletque denominari ex primo loco, ubi Febris causa hæsit, sic Phrenitis est Febris Acuta ab Inflammatione cerebri *φρην mens*, sic Pleuritis est ab Inflammatione arteriarum Intercoastalium à *πλευρὸν latus* vel *πλευρά membrana latus* interius cingens, sic in acutis morbis fere semper duæ sunt Febres, & locus unde ortus est morbus, ut in Phrenitide & Pleuritide &c. patet. Talis etiam est Febris assidua post sumnos exacerbata diu durans in Phthisi ob corruptos pulmones à *φθείρω* corroumpo. Pleuritis non est Febris, sed est morbus conjunctus cum Febre, & id, quod in hoc morbo Febris est, est morbus acutus, ille dolor inflammatorius abesse potest, inde jam dicitur Febris Acuta Pleuritica, ut omnes morbi acuti.

*Chronici.* Hi sunt Scorbutus, Hydrops inveteratus, Suppurationes, Phthises pulmonum junctas sibi habent Febres cum Cacochymia purulenta, aquosa fætida, ut in Hydrope, qui certe morbus cum Febre diu durat.

§. 568. Hi morbi sunt infiniti, & omnium horum morborum intellectus pendet à præmissa cognitione Febris, ergo debemus videre, quid Febris. Dicturus quid Phrenitis sit? Est morbus acutus cum Febre, sed potest esse morbus acutus sine Febre ut Apoplexia, hinc examinandum restat, quid in Chronicis, quid in Acutis, quid in Simplicibus, quid in Compositis Febris sit, & id quod ad Febrim accedit.

§. 569. Ergo omne, quod scimus pendet ab horum trium cognitione, Geometra, quando  
solu-

solutionem problematis facit, ad minimos terminos solet reducere & tum solvere, quod adhibet propter illud minimum, habetur pro errore, nunc minimum possibile sunt hæc tria. Exemplo sit Medicus vocatus ad Phthisicum indicat, si curare non possit à pomeridiana Febre sanum fore, dat varia Antifebrilia, non proficit, quia adest & manet fomes putrefactæ materiæ, causa enim est tollenda, ne miasmata putrida amplius inficiant sanguinem, tunc etiam curata erit Febris, sic in Pleuritide si Inflammatio tollatur, Febris erit sublata, cum ergo horum omnium morborum cognitiones pendent à Febre, sub quo nomine multi morbi involuti sunt, hinc artis est detegere, hisque detectis symptomatibus, tum ab invicem distinguere, ergo si rogetur, quid est in ægro, qui frigescit, tremet, anxius sit, calet, sudat, toto corpore dolet, & quid sit morbus, qui per illa symptomata se manifestat? Ergo primo Medico sunt colligenda omnia symptomata tam generalia, quæ omnibus adsunt, quam particularia, v. g. in multis Febribus sunt vomitus, anxietates summæ, at non in omnibus. Triantum ab observatoribus in omni Febre notantur scilicet refrigerium, pulsus velox & calor, si aliud symptoma addatur, per illud non intelligitur Febris, hinc symptomata mihi nota tantum hæc tria sunt, quæ in omni Febre adsunt, aliquando tamen Febres quidem adveniunt sine Horripulatione, v. g. si homo sanus citissime currat, ut caleseat, tum febricitat, & non refrigeratur, id quidem verum est, sed hæc Febris non orta est à causa interna, vel si quis inficiatur veneno, moritur cum Febre sine Horripulatione.

§. 570. Ponamus hominem laborantem Quartana, per duas horas algebit, rogo an Febri laboret, dicunt plerique ita, quia insultum habet, quæro quando ille detectus sit, respondeatur, quando incepit Horripulatio, sed trihorio post adhuc laboret Febri, sed jam est calor, ergo Medici per Febrim intellexerunt tale quid, quod nec calor nec frigus est, nam in Quartana v. g. sunt calor & frigus, si nunc calor esset de essentia Febris, æger non frigeret & vice versa, sed sola pulsuum velocitas remanet, & hæc æque in frigore quam in calore; ergo omnes Medici Chemicæ admittunt pro natura Febris solam pulsuum velocitatem, & hinc hæc tria ad unum hoc residuum deduxi, debetis mihi dicere, quod adhuc aliud sit, quod præter velocitatem pulsuum adsit, aut id, quod Medici de Febris cognoverant sunt pulsuum velocitates; novi quosdam dicere, Febris cognoscitur ex syndrome omnium signorum simul ut in Quartana, sed tum tu non dicere auderes, Febris adest, dicunt alii addi debere in definitione læsas functiones, sed non video cur? Nam in Febre Ephemera non video functiones multum læsas.

§. 571. Rogo ubi calor est, si febricitans toto corpore trement? Respondetur, tunc non dici potest calorem latere. Hoc nil explicat, & sic fingi potest quidquid lubet, at velocitas pulsus semper in omni febricitante adest, si friget, si caleat, semper habebit pulsuum velociorem, ergo sola velocitas pulsus notat Febrim, dices nimis simplex esse hoc, at id quaeritur; hinc Febris solo arteriæ pulsu dignoscitur & explicatur ab omnibus in toto orbe Medicis, qui tantum ad pulsuum velocitatem attendunt,

dunt, ergo nullus Medicus signum diagnosticum majus dare potest, & causa Febris nulla alia erit nisi hæc; reliqua symptomata non sunt Febris, sed quid ad Febrim adveniens, si dices, ab urina cognoscitur, hoc est signum fallax, nam si æger Crocum aut Rhabarbarum assumpserit, tum urina colore igneo tincta erit, hinc Medici dicunt, ubi pulsus major, ibi semper Febrim adesse non negamus, sed dicunt absurdum esse, Febrim constituere in simplici pulsus velocitate, minime; Vel aliud patognosticum signum dare debent, quod non præstant. Tamen nunquam fere Febris existit, quin habeat secum aliud symptoma concomitans, sed illud symptoma poterit abesse à Febre, cum tamen non minus existisset talis Febris; hinc Medici potius attendunt ad diversitatem symptomatum quam ad ipsam Febrim, sic putant Febrim esse difficile cognoscendam, cum tamen sit morbus simplicissimus & notissimus, nam *febris est conditio corporea seu Physica in corpore vivente nata, quæ facit pulsum auctum intra datum tempus*; quamvis autem Febris sit tam simplex naturaliter, cum tamen fere semper adiunt alia symptomata, hinc non tam facile curari potest, ergo semper est inquirendum; à quam causa Febris sit orta, & quibus jungatur Phænomenis; hinc non hic dico, quod nil magis occurrere possit cum Febre, ex qua causa cognosci possit, sed omnia illa erunt in omni Febre, id est, generaliter, de quibus Febris hic tantum agitur, sed denotabunt ejus species, de quibus postea.

§. 572. Sanguis dilatans arterias sæpius repetitis vicibus, in illas agens intra datum tempus & sic eas extendens, sola causa est velocita-

citatis, quod omnes Medici cognoscunt, & de hoc nemo dubitat. Scio plures ridendo quam confutando hanc materiam tractare, sed si aliter concipiant, non eandem putant Febrim, nec conveniunt nobiscum, nec idem intelligunt, & majus signum Pathognomicum non est.

§. 573. Quid vero est pulsus? Est cordis contractio, quid est causa proxima omnium Februm? Est contractio frequens cordis facta intra datum tempus, ponite in homine omnia manere, sed pulsum duplo tardiores fieri, an non omnes Medici dicent hic fit ἀσπράλος, quia pulsus est lentus, si Pestis aliquem corripiat, dices Febris adest. Quare? quia pulsus est celerior, ergo omnis causa proxima est in omni Febre eadem scilicet intra datum tempus contractio velocior, omnis cordis contractio fit vel à motu sanguinis arteriosi ex Aorta in arterias Coronarias, vel à velociori influxu spirituum per nervos cerebelli in villos musculosos cordis, vel à combinatione harum trium causarum, cor potest celerius contrahi scilicet à velocitate sanguinis arteriosi & venosi, vel ab arterioso sanguine & influxu spirituum vel ab omnibus simul, vel omnes causæ Febris possunt desinere, sed illæ, quæ sanguinem arteriosum vel venosum vel spiritum velocius movent, sunt infinitæ, sed hæ recensitæ sunt remotæ. Cor vero ex corpore exemptum & in urnam injectum potest exsilire, sed hoc tantum uno momento durat, nunquam enim pergit movere, quando sanguis venosus non magis fluit, quando arteriæ Coronariæ nil accipiunt, quando spiritus non influunt, aufer unam ex his tribus causis, non movetur cor, licet duæ reliquæ

liquæ superfint, quod hoc verum sit, quod hæ tres causæ Febrim producere possint, patet exinde, quia sola frictione venarum Febrim excitare possimus, si v. g. nudato brachio, paulo plus fricuerim, paulo citius movebitur cor, & oritur anhelatio & Febris, si musculos moveam, comprimuntur venæ, eatenus celerius sanguis pellitur, cor celerius pulsatur, homo, qui calidus è lecto surgit, habet rarefacta vasa, rarefactos humores, tum si se gelido aëre exponat, corpora extrema illico se contrahunt, sanguis pellitur ab exterioribus ad pulmones, incipit anhelare & gravitatem sentire, & quia hoc non assuetus habebit à frigore Febrim, & quidem à sola contractione vasorum arteriosorum mittentium sanguinem ad interiora; hinc interius species Plethoræ internæ, quo celerius agitur sanguis, unde *Virgilius* canit:

*Nudus ora, sere nudus*

sed non complevit carmen, hinc alter apposuit *habebis frigora Febrim*. Si aliquis quietus sedens sonitum ingentis bombardæ audiat, habebit palpitationem cordis, Febrim, citissimum arteriarum pulsum, si matutino tempore homo dormiat, & magnum audiat sonitum, statim spiritus celerius ferentur ad cor & orietur Febris, ergo Febris est aliquid ex his tribus causis.

§. 574. Hæc est Mathematica demonstratio, sanguis in arteriis non movetur per se, aut in homine febricitante sanguis recens missus non effervesceat, ebullit vel movetur, ergo causa non est à sanguine sed à tribus causis supra recitatis.

§. 575. *Frigoris*. Dicebam antea tria symptomata omnibus Febribus esse communia, sed tamen



tamen cogor fateri, quod tantum unum omnibus commune est, si mille Febres sint, 999. incipiunt cum frigore, hoc post universalitatem scilicet pulsum velocitatem pono, siue sint Febres acutæ, siue non, siue periculosæ, siue non; siue cum Cacochymia, siue non, si modo à causa interna semper frigent homines; hoc etiam scio ab omnibus Pleuriticis & Febre Pestilentiali laborantibus, qui omnes asserunt se hoc cum frigore accepisse, excepta causa applicata corpori sanguinem calefaciente, sed hic sermo est de Febribus internis à perturbatione humorum ortis.

*Sensu.* Quod addo, ut denotem minimum frigoris gradum.

*Concussiones* sunt quasi corporis introtractiones, est incipiens quies humorum, quia liquida calefacientia repelluntur introrsum. Hi ægri non modo frigent, sed sæpe concutiuntur, Belgice *sy krygen een schudding*, qui Febre Tertianâ & Quartanâ laborant, frigescunt, horrent, maxillæ concutiuntur, ut postea circa temporum commissuras dolorem vix ferre possint, genua connituntur &c.

*Horripulatio* est *status frigoris accedenti & recedenti*, Belgice *Huyvering*, Gallice *Frisons*, quasi parvum internum refrigerium, in Febre Quartanâ, tantum est frigus, ut ægri dicant se sentire quasi interne essent congelati, licet externe adhuc parum sint calidi, quæ sunt Febres pessimæ, quin externe circa Pericardium maxime hærent, & id sæpe à causa externa; ægri minus diu frigent Æstate, quam Hyeme, & sic Febri quo magis lenta est, eo plus frigescunt ægri & eo diutius durat Febri. Ephemèrius dicit, nescio quid mihi sit subito, corpus frige-

scebat,

scebat, paulo post sequitur calor per tres vel quatuor horas & Febris cessat.

*Majori.* In Quartana majus est frigus, quam in Quotidiana, Tertianae vel Simplicis vel Compositae, ita ut viderim tantum frigus corripuisse praecipue seniles, ut tantum essent homines mortui, combusserant sibi articulos pedis sine sensu.

*Externo.* Aegri congelant ad exteriora, & ardent nonnulli in interioribus, & exterioribus scilicet congelascunt, quales vidi, qui sic frigebant, ut si manum halitui adjicerem, fiebat frigida, ut *Hippocrates de Signis Morborum* dicit.

*Subjecti.* Corpora facile mutabilia frigus maximum occupat, fortissima vero minimum, in Phlegmaticis frigus maximum est, in Cholericis vero minus.

§. 576. *Pulsus.* Cum autem velox est pulsus, non tamen hic oritur à copia sanguinis è corde pulsus, sed ille pulsus inanis dicitur, & fit cum cor palpitat tantum nec contrahitur, hinc celeritas pulsuum in summo frigore, sed tum cor se non potest penitus evacuare, hinc tum est magnum periculum, nam si cor diutius stet in hoc statu, ut sanguis congelascat, mors oritur, tum stagnatio fit in corde & in pulmonibus à parva copia spirituum cerebellorum cor moventium, hinc cor non contrahitur, ut par est. Non scio aliud experimentum, an non in initio Febris, quo tempore frigus maximum sentitur pulsus exilis & celer, scio vos objicere posse, quomodo potest dici hic esse celeriore pulsus contractionem, exilem & celerem esse; quin saepe sint syncopes in frigore febrili, sed quando cor in frigore se

con-

contrahit, tremit tantum præ celeritate, hinc potest esse pulsus velocissimus cum debilitate, quando tum animi Deliquium fit, eo momento non est Febris, ergo illa symptomata à Clarissimo *Bellino* observata nil faciunt contra doctrinam de Febris, hinc ægri in suo frigore celeriores pulsum habent, quam in ipso morbi vigore, sed tam parvus, ut nil distingui possit, est quasi minima undulatio, à Poëtis incantes venæ sunt dictæ, cor exploranti videtur tremere non pulsare, ut etiam in omnibus arteriis, hinc est quam celeberrimus; in Quartana res fere sic se habet, hora duodecima pomeridiana homo erit lætus, dicit se non recepturum Febrim, post  $\frac{1}{4}$  horarum spatium quasi frigida aqua perfunditur, febricitat, maxime tremit, ejus facies pallet, labia & extrema livent, nasus cærulescit, & ubi adest frigus, semper ita fit rigidus, ut hæreat instar lapidis, nec moveri possit; quando frigus est tam immane, ut æger quasi mortuus sit, tunc pulsus est minimus, sed tum etiam æger est in animi Deliquio, in quo, si diutius maneat, moritur.

*Intermittens*, ad multa minuta secunda, & tum oritur animi Deliquium, sed simulac resuscitantur spiritus, iterum oritur Febris. Cor semper sanguinem receptum expellit, hinc cor repletum citius contrahitur, sed si non tantum ejiciat, intermittit pulsus, si cor intermittat, pulsus intermittit, quia nervosus & venosus humor intermittit, nervosus non tantum, quia sanguis non tam cito fluit, hinc etiam venosus. Nonnulli putarunt hanc doctrinam destruere pulsum in frigore tardum esse, quod non ita est, sed est minor & proin velocior quasi

quasi tremulus, ergo pulsu cessante cadunt ægri in animi Deliquium.

*Pallor.* Fit 1. quando arteriæ ultimæ minimæ valde se contrahunt & sanguinem pellunt in ramos arteriarum majorum, quæ ex partibus exterioribus sanguinem resorbent, v. g. si quis vulnus lætiferum accipiat, statim pallescit, at cor citius contrahitur, vasa minima collabescunt, hinc externa pallent, quia remotissima sunt à corde, unde frigus nascitur.

2. Quando in corpore nostro cor tantam habet debilitatem, ut sanguinem ad extrema non propellere possit, quod hæc vera sint, patet exinde, sit homo robustissimus calidus, subitissime glaciali aëri se exponit, non acquirit minorem sanguinis copiam, sed tamen pallet, quia vasa minima se contrahendo sanguinem in latiora vasa pellunt. Quod pallor oriatur, à debili cordis contractione ex sequenti exemplo patet, si homo sanus videat aliquem fauciatum, incidit in anhelitum, sudat, cadit in animi Deliquium & totus pallet, ibi cor minus spirituum accipit, fit Semiparalyticum, sanguis accumulatur in pulmonibus, angetur & paulo post cum cor nil accipit, cadit in animi Deliquium. Loca ubi pallescunt ægri, sunt, ubi vasa sunt nudissima, id est, circa ungues, qui fiant opaci albi, tum circa canthos oculi, sensim in genis & labiis, quæ penitus livescunt, ut in moribundis, ut etiam in Peste & Pleuritide, ut certe minime cogitaremus de futuris similibus morbis.

*Rigor* oritur, quia liquida non influunt in fibras motrices, quæ jam sunt quasi mortuæ, vel quia per frigus omnia filamenta fiunt uno momento breviora & contractora; in Intermit-

tentium Februm principio est sæpe tanta rigiditas, ut ægris fere impossibile sit manum flectere, nam manus eorum sunt tanquam columnæ inflexæ, si velint aliquid accipere, retinere non possunt, nam omnia eorum membra adeo rigescunt, ut pedibus insistere non possint, ut accidit præsertim in Quartana, hinc notat hic rigor tanto violentius frigus.

*Tremor.* Si bene animadvertissis tremor est illa conditio *Physica muscui*, per quem musculus uno momento inflatur, & momento post iterum destituitur causa exporrecta muscui, & iterum desinit, tum fit tremor in parte, qui oritur, si non tantum sanguinis, nec tantum liquidi nervosi influat, hinc illud tremere nihil aliud est quam habere dimidias vires tantum ad motum; partēs, quæ tremunt, sunt præcipue labia, genæ, maxillæ, & artus.

*Insensibilitas.* Vidi propriis oculis puellas juvenes adeo sensiles, ut minimum dolorem ferre non potuerint pedes exussisse ad perio-steum usque tempore frigoris, ut non senserint tantum ignem, unde hoc fit, quia calor non percipitur, nisi communicetur ad cerebrum, quod fieri non potest, quia sanguis aut liquidum nerveum vix fluit & refluit, & vita tantum in medio corporis subsistit, hinc fiunt *Dyspnææ* & anxietates, sanguis enim in pulmone accumulatur, hinc aer vix admittitur & frigore subrepente maxime anxii sunt & sentiunt pulmones ita obrutos, ut moveri non possint. Hæc est Febris frigida seu conditio frigoris febrilis, quo acrius erit frigus, eo magis perit sensus. Vidimus jam citiorem sanguinis circulationem non esse in Febre, sed quidem citiorem pulsum, sequitur ergo calor.

§. 577. *Stagnare.* Quænam est causa irritationis cordis? Anatomici facile respondere possunt. Illo momento, quo frigus extrema occupat, vel eo momento, quo cor desinit agere, omnis sanguis fertur ad cor dextrum; nam simulac cor desinit agere, frigescunt; tum arteriæ & venæ se contrahunt, sed sanguis per arteriam Aortam retropellitur versus Coronarias, quo usque arteria se contrahit & per venas pellitur ad cor dextrum, sed ibi est patens via sine resistantia in pulmones, ergo pulmones obruuntur, & hæc est ratio, cur ægri moriuntur tempore frigoris; *Clarissimus Duverney* cum *Pel-fero*, ejus discipulo, dum incidebant tot cadavera post *Wepferum*, nos docuerunt, quod si cor quievisset in corpore mortuo, posset rursus in motum redigere immissa aqua tepida in venas, si hoc verum sit, videtis, quando cor vi muscolari deficit, accipiet tanto plus sanguinis venosi, tremet, & per illum motum oppletur pulmo, & hinc tum hi homines de anhelatione conqueruntur. Corpus sic est factum, ut calor rarefaciat partes, & frigus condenset, si homo sanissimus subito corriperetur Febre vel frigore quodam externo, totum corpus fieret minus, retineret omnia Solida & Fluida, sed minus tamen evaderet, quia cum frigore perit rarefactio, contrahunt se Solida & Liquida, & sic oritur quædam causa, quæ sanguinem minus urget, fit frigus, & sanguine acto in interiora, exteriora frigescunt; si vasa laxa sint, eo momento fit frigus, ut in omnibus morbis Acutis, si fiat metastasis materiæ, id est, si sanguis in finibus arteriarum stagnans derivetur in venas, oritur frigus absque ulla remora, sic *Hippocrates* dicit, Febris Ardens, quæ jam erat de-

structura corpus, cum rigore solvitur, id est, in hoc puncto frigus facit.

*Irritantem.* Si causæ evacuantes cor fuerint duplo majores, replentes cor erunt etiam duplo majores, si jam stagnet venosus sanguis quantumvis pauca copia irriter cor, & hæ duæ causæ faciunt frigus febrile, nempe stagnatio vel minor motus in Capillaribus arteriis, & irritatio, ita ut cor sæpius se contrahat, non autem plus emittat, sed tantum ab illo stimulo Systolem suam & Diastolem intra datum tempus auget; si æger non moriatur ab illo frigore, statim subsequitur calor, qui variat in diversis partibus, aliquando enim est magnus ad pectus.

§. 578. Cur ita anxii sunt ægri, ut respirare non possint? Quia cor dextrum omnem sanguinem accipit, non potest eum agere per pulmones; hinc eos opplet, & homines mortui in frigore Intermittentis Febris exhibuerunt exploratorio Anatomico pulmonem nigrum lividissimo sanguine repletum. Cur debilitas in pulsu? Quia cor sinistrum vix accipit sanguinem, cor dextrum tamen irritatur, sed vires moventes non habet, quia dependent à corde sinistro.

§. 579. Quantumvis Febris inceperit cum frigore, tamenprehenditur in omni Febre calor, sed non omni tempore. Major calor naturalis degenerat in calorem febrilem, hic in æstum frequenter satis magnum, ut faciat veros effectus elementalis extrinsecus appositi, ut in Peste manifeste apparet incipiens Inflammatio, quæ adeo augetur, ut per paucas horas certa corporis loca combusserit in verum carbonem, Anthracem dictum, hinc exurit maxime, &

& ut *Hippocrates* & *Galenus* loqui amant, exassat sanguinem, ut partes solidas ita comburat, quasi ab ipso actuoso igne combusta fuissent. Tanto major sequitur calor, quanto majus fuit frigus, & ille oritur, quia vasa in frigore sunt contractiora; hinc majorem vim elasticam habent, & fortius comprimunt sanguinem à corde receptum; quando in frigore obambulavistis, manus est sine sensu; si acceditis ad ignem, oritur sensus fornicationis, & quasi puncturæ per locum, paulo post manus duplo ardentior calet, quam aliæ partes, eadem ratione in omni Febre frigus calori prægressum erit, ille calor est aliquando major, aliquando minor, quo majus frigus, eo major calor, ita quoque se res habet in Febribus Ardentibus, sed in Febre Hæctica est leviuscula Horripulatio, sed post decem horas sequitur calor, sic ut calor triplo diutius permaneat quam frigus, si frigus per duas horas duret, tum calor per decem durabit & ultra.

*Internus.* Ita ut algeant externa, ut in Febre Ardeute & interne exurantur.

*Externus.* Tum est aliquid topici, si per summum frigus matutino tempore obambuletis, nasus obrigit, quando paulo post ad colorem redit nasus, rubet, scintillat præ calore, & totum corpus adhuc friget, si manus obriguerit præ frigore, paulo post calet & fumat, reliqua vero non. Dum calor ad exteriora pertingit, interiora sunt calida, & ubi est calor, in omni parte corporis est æqualis, quantumvis maximus, quod semper est bonum signum, verum ubi circa vitalia loca maximus, & in remotis ab his partibus deficit, pessimum est signum, notat enim circulationem



minui, & proin vitam similiter, quæ ab illo dependet.

*Loci.* Quod est pessimum, si æger dicat, quod caleat maxime circa hepar, & si lintea humida duplicata cito exsiccentur, est pessimum, quia ad unum locum plus determinatur.

*Febris.* Omnes hætenus notæ Intermittentes Febres habuerunt summum frigus, ergo pariter habebunt summum calorem, verum ubi mitius fuerit frigus, calor quoque erit mitior, & totus Paroxysmus benignior, verum tempora quoque inducunt varietatem, at ubi calor febrilis incipit adscendere, vocatur *Epacme* vel *Anabasis* seu *Adscensus*, si æstus fervidissimus fuerit, hoc tempus vocatur *Acme* vel *Vigor*, si iterum desinere incidiat, dicitur *Catabasis* vel *Paracme* descensus, donec tandem in temperatum & naturale pervenerit, & tum finis vocatur.

§. 580. In tota mea Praxi nunquam insultum Febris cum frigore observavi, ubi non calor insecutus est, vidi in Hæmitritea Febre geminata Tertiana, ubi unus Paroxysmus à calore potest durare, ubi calor magnus per duas horas duraverat, si nunc oriatur frigus febrile sequentis Paroxysmi, non potest plane refrigerescere, sed minus calefacit, sed tamen est frigus. Febris Hæctica accedit cum calore sed paulo post prandium sunt minus calidi, & tum calor rursus sequitur, Febri jam nata; ergo calor non est materia Febris nec causa, sed potius effectus Febris. *Galenus* definit Febrim, quod sit calor præternaturalis, *Arabs* definit omnem Febrim eodem modo, alius dicit est calidum innatum acutum, sed calor non est de essentia Febris, sed tantum effe-

effectus, nam æger mori potest à Tertianâ, Quartanâ, qui æger fere semper moritur in frigore, qui tamen non sine Febre moritur, sed sine calore, hinc pleræque Febres cum frigore incipiunt, nisi ut jam antea monuimus à causa externa orta fuerit, ut si homo sanus se fortiter moveat, motus sanguinis acceleratur, oritur calor, qui in sua vehementia ascendit usque ad vigorem, hinc magis appellandus est Febris.

§. 581. Ad omnia animum adverti, quæ invenire potui, ergo quid est in homine dum febricitat? Semper citior cordis contractio, sed illa fit sæpius, & illico desinit, uti quando aliquis subito per plateam currit, ille habet Febrim, si tum vocet Medicos peritos, & dicat Medicis, quid est? Omnes dicerent eum laborare Febri (maneo in signis non in historia) sed illa Febris intra quadrantem horæ iterum sedata est, ergo requiritur in Febri non tantum velocitas contractionis cordis, sed etiam causa, cur velocitas cordis contracti æqualiter distribuatur: si attendatis ad causam irritantem vel resistantiam ad capillaria vasa, videbitis vera esse, quando homo sedatus habet pulsum sedatum, currit fortius, habebit pulsum febrilem, quoniam sanguis per motum subito expressus ex venis citissime ad cor redit, cor vero tam cito humores per pulmones pelleré nequit & Aortæ dare, ut per corpus distribuatur; hinc sanguis est in vena Azygos vel Cava vel Specu cordis dextro vel pulmonibus sed in cordi sinistro non est; hinc æger anhelat, sentit oppressionem, sed quiescit sanguis, fluit æqualiter; venæ fiunt laxiores & latiores, sed simul fit irritatio ad extrema vasa, hinc in omni Febre

sunt duæ causæ considerandæ, prima causa est, quæ facit, ut cor se celerius contrahat. Secunda causa est, quæ facit, ut sanguis expulsus non possit illico ad extrema ferri, si enim hoc fieri posset, hæreret in venis: accedit; quod omnes in Febre mortui habuerint sanguinem aggestum in arteriis, ex. gr. qui Febre lenta mortui sunt; habent omnem sanguinem in venis congestum, vide elegantissime observata *Boneti* in Sepulchreto Anatomico, ubi simul doctissimæ *Sabaudi* annotationes habentur, causæ in corpore humano Febrim excitantes revocari possunt ad tres species, deinde componendo ad septem diversas, & deprehendetur semper in aliquo harum causarum trium simplicium vel quatuor compositarum ratio Febris.

§. 582. Hactenus cor se habet cum arteriis suis ut in sanitate, sed contrahat se tantummodo duplo celerius, resistentia augebitur, & eo magis, quo magis causa permanens urgetur à corde, si jam resistentia in tantum aucta sit, cor omnem sanguinem evacuare non poterit, sed pars in corde manebit; quantum enim addis resistentiæ, tantum augebis minoris expulsionis, cor tum replebitur à suis venis, hinc causa irritans oritur, celerius contrahitur; hinc patet unum sine altero subsistere non posse multis momentis. Nulla fere est causa, quæ hic non obtineat, causæ, cur liquidum cerebelli plus moveatur, sunt innumerabiles; causæ, quæ sanguinem versus cor dextrum venosum propellunt, sunt innumerabiles; causæ, quæ faciunt, ut arteria Aorta in arterias Coronarias velocius agatur, sunt infinitæ, inde obscuritas fere orta est, qui enim causas entis cujusdam scire volunt, sumunt ea, quæ in sensus incur-

runt;

runt; hinc sumunt tam diversas causas, sed si vidissent, quid faciant omnes hæ causæ, cum producant Febrim, vidissent certe hæc causas esse admodum simplices. Ut cor celerius contrahatur, semper unum ex tribus dictis sit, aut sanguis venosus citius impellitur, aut succus nervosus, aut uterque simul; jam à causis innumeris sanguis venosus magis potest impelli & succi nervosi influxus varius facile esse potest v. g. ab ira, vini usu, acribus, stimulantibus, & infinitis aliis, ergo quidquid hæc promovet, Febris causa esse potest.

*Seorsum.* Nam hæ tres simplices causæ possunt seorsim fieri, sed possunt esse causæ, quæ omnes tres simul movent, sed una nata sequetur altera, ut impossibile sit assequi causam, quæ primo fuit v. g. sola frictio comprimens venas velocius possit sanguinem pellere versus cor dextrum, paulo post oritur celerior cordis contractio, agitatio per pulmones, celerior pressio versus cor, celerior versus Aortam, celerior versus cerebellum, celerior versus spiritus nervosos, adeoque hæ causæ tantum celeres sunt, ut distinguere non possimus, an prima causa sit v. g. sanguis venosus, an arteriosus, an impetus spirituum; hinc ante *Harvæum* Medici non potuerunt aliquid dicere de Febribus, quia ignorabant sanguinem sic adferri ad cor & sic deferri ex corde.

§. 583. Causa frequentioris contractionis triplex dicta est causa remota, ut cor contrahatur frequentius, plurimæ sunt & fere innumerabiles, sed poterunt omnes referri ad hæc tria capita, causas remotas in uno capite enumerare est impossibile; hæc causa erroris fuit, quod viderint Medici Febrim ortam à causis diversis

ipsæque contrariis, ut si v. g. manus multum atteratur, calefcit, rubescit, & in hoc loco fit Febris, pulsusque major, non tamen in corde, si quis jam manum frigori exposuerit, ut plane fit frigefacta, tuncque eam statim apponat foco, calefcit, rubescit, pulsabit, febricitabit, sic omnia putantur diversa, sed non sunt, nam si manus calori non opposuisset æger, non febricitasset. Proxima causa Febris intelligitur, sed proxima causa, quæ illam facit, difficillime, ut quando Febris fit à miasmate varioloso, sæpe causæ Febrim excitantes oriuntur à degeneratione humorum, quandoque vero ab aëre, & ab Endemia quorundam locorum.

§. 584. & 585. *Singulares.* Hoc multum huc facit, nam Febris ab omni ætate Medicorum duplex, prima est, quæ occupat totum populum simul, & hinc vocatur Epidemica seu Popularis morbus, qui occupans homines diversa vitæ fruentes, non potest venire nisi à contagio æris, nam divites & pauperes nunquam utuntur eodem victu, sed eodem aëre, hinc Comicus dicit halitum inflat dives, quem canis ex intestino recto efflat. Si dicetis causa est in solo, hoc est verum eatenus, quatenus hæ exhalationes aëri communicantur, sed in urbibus obsessis quando omnia deducuntur ad jus naturale hoc est æqualiter distribuuntur, tum oriuntur morbi Epidemici. Ergo Febres sunt Populares vel Epidemicæ, vulgares Epidemicæ relatæ sunt ad tres diversas causas vel ad aërem, vel ad victum, vel ad vitæ genus, sic in Peste vitium hæret in aëre; tempore varioloso vitium non ita hæret in aëre, sed in effluviis & spiramentis ex corporibus infectis, sic si in urbe variolosa infantem ab omni commercio variolosorum segregaveris, non

inficietur. In Peste an sit à spiramentis nescio, saltem *Sydenham* ita sensuit, qui Pestem vidit.

*Victu.* Ut in urbibus obsessis à malis cibis & indigestis, uti *Hippocrates* dicit de iis, qui Triticum non commolitur comederunt, ergo & à victu possunt oriri; in castris homines Epidemicis morbis plurimum invaduntur, quia fere idem victus est omnibus.

*Vitæ.* Sic litteratis frequens est Hypochondriaca passio; in multis locis incolæ certo vitæ generi incumbunt, uti in Massuria, ubi pueris nil datur, nisi quod ex loco affixo telo quodam potuerunt ejaculare, & sic adhuc in multis regionibus vitæ communis est, ergo aër, victus, cibus, potus & exercitia sunt causæ & ad has tres classes reducuntur morbi vulgares.

§. 586. Causæ propiores Februm referri possunt ad quædam capita; est brevis doctrina, sed si semel percipiatur, facilis est, & semper præsupponitur causa, quæ ante non adfuit v. g. si Pestis oriatur, senes pituitosi & acido prædominantes non inde moriuntur, sed flos juventutis; ergo judico causam externam internam in actum duxisse; causa inhærens dicitur Proëgumena, id est, quæ viam præparet alteri, causa hæc ergo est prædispositio, sed externa accedens vocatur Procataretica, *Hippocrati* προκάτοις, *Occasionalis*, ergo duplex est causa prædisponens & agens, causæ vero hæc quærendæ sunt juxta *Hippocratem* in sex rebus non naturalibus; sic solebant cogitare, una causa est, quæ prædisposuit viam, altera quæ priorem excitavit seu in actum duxit, inquirebant cibos, motum vel quietem, animi affectus, somnum, vigilias,

excreta & retenta; si horum quid peccavit; vocant causas Procatarcticas vel προκάττιν ut loquitur Sydenham; puto has causas in quatuor capita optime dividi posse nempe in ingesta, retenta, excreta, gesta & applicata, quæ in sex rebus non naturalibus non ita recensentur. Febris singularis causæ pendent à vita, quæ in illorum corpore est, & omnes illæ causæ sunt interiorius in corpore hærentes vel exteriorius applicatæ. 1. Si temperies laxa, stricta, acida, salina, iners, pituitosa, sanguinolenta, terrestris, oleosa sit, inde oriuntur certi morbi, quibus homines hujus temperamenti laborabant. 2. A Cachexia, quæ est in solidis & in fluidis, vel Cachoehymia, quæ est degeneratio humorum non in Idiosyncrasia, ut qui semel Pleuritide laboraverit, iterum simile afficietur, quia est aliquid relictum, unde recidivam pati potest. 3. *In causis externis* & tum semper invenietis in aliqua classe illorum non naturalium scilicet ingestis per arteriam vel corpus, vel ingestis cibis potibusque &c. 3. *In Excrementis retentis*, quatenus corpus retinuit, quod debebat ejici &c. si nunc Medici non negligentes sunt, invenient semper causam, si v. g. vocatus sim ad Febrim curandam, delibero, quid causa Febris sit, & in prima visitatione cogito, hic æger laborat Febri, est ne Epidemica vel non? an Epidemica sit? docet numerus ægrorum eadem Febre laborantium, sed si videam Febrim non esse Epidemicam, sed habere causam singularem, tum cogito hæc causa est vel interna vel externe applicata ad hoc corpus. Interna est vel in Idiosyncrasia vel in temperie, vel in malo à morbo præcedente, & tum ille morbus est à Cachexia, hoc est à mala diathesi corporis,

ris, quæ solida & fluida occupat, vel in Caco-chymia hoc est degeneratione humorum, si in his causis nil simile inveniam, dico Febris non est nata à causis internis, ergo à causis externis, causæ externæ ad quatuor classes reduci possunt. Quodcunque excitat majorem motum ad cor aut resistantiam ad extrema, illud facit Febrim, hoc autem reducitur ad duas causas. Prima causa est Proëgumena seu prædisponens & sunt Plethora, temperamentum, Caco-chymia, Plethora generat Febres ardentes, Caco-chymia generat Febres pro varietate naturæ Caco-chymicæ, temperamentum generat Febres uni homini singulares, solæ Proëgumenæ non produxissent Febrim, nec solæ Procatasticæ sed ambæ simul junctæ faciunt Febrim.

*a. Ingesta.* Sunt aer, ille non potest esse malignus, si v. g. aliquis in cautissime olei Vitrioli vaporem hauriret, laboraret Peripneumonia, post aërem sequitur cibus, si v. g. homo dicat hora duodecima bene valebam, sed quinta habui Febrim, si quæram, quid comedisti, dicit lardum rancidum vel hepar piscium, habeo causam, si aliquis haleces sale conditos ad unam libram comederit, habet paulo post Febrim, quam largiter bibendo rursus abigere potest, si nunc in cibus nec qualitate nec copia peccantibus non inveniam causam, ad potum accedo.

*Acria.* Acrie corpus est illud, quod mole figuræ & motu suo motum violentiorem in sanguine efficere potest. Tinctura Cantharidum commendata à Bartholino nunquam potest esse bona, semper est venenum, nam subsequitur Stranguria, Mictus Sanguineus vix sistendus, tum injectiones in vesicam per Urethram cum oleo Amygdalarum Dulcium recenter expresso



cum lacte dulci, ut acrimoniam tollamus, sunt optimæ, uti & victus Antiphlogisticus. Sume acre quodcunque v. g. de Raphano Rusticano magna copia Febrim habebis sed cito evanescentem, sic sume vinum vel cerevisiam vetustam acriorem, certo Febri Crapulari laborabis, si insuetus magna copia hauseris, quæ sæpe ultra quatuordecim dies perdurabit cum suis anxietatibus, idem verum de

*Condimentis.* Ut Piper, Allium, Cepas, Acetum, sal magna copia si hauseris, certo certius febricitabis, nam Piperis dragma dimidia cum aceti dragmis duabus Febrim excitabunt, & æger febricitabit longe plus, si Piper fuerit Longum Indicum: Aloe & Scammonium eundem edunt effectum, hoc ipse in me tentavi assumendo salem Marinum ad dragmas quatuor vel quinque, quod veram Febrim cum siti & calore per aliquot horas durantem fecit, sic acria aromatica assumpta certo Febrim faciunt, imo ipsa medicamenta Antipyretica, quorum forte maximum est sal Absynthii, si ad dragmas quatuor assumatur, Febrim excitabit, cum tamen illud ante frigus propinatum curabit sequentem Febrim alia Febri nata; sic in lentis Chronicis morbis Febrim excitamus, ut in languore Scorbutico, Hydropico, Leucophlegmatico, si putridi humores non evaserint per medicamenta calida, ut per Theriacam Diatesserun adeo commendatum medicamentum, quod tamen Febrim facit, hinc & medicamenta pleraque saltem pro maxima parte Febrim faciunt, sic ubi Febris nimia est, contraria requiruntur; hinc præscribimus in Febris Ardentibus aquam Hordei, serum lactis, aquam Avenæ, ut Febris expellatur, verum si similia darem Hydropico

mise-

miseros non juvarem, sed exinguerem.

*Medicamentum* vocatur hoc, quod corpus ita movet, ut malo superato ab hoc motu natura reddat hoc medicamentum iners. Tamen omnia medicamenta excitant Febres, omne purgans facit Febrim, nullus sudor erumpit, quin excitet Febrim, nec nullum Vomitorium.

*Veneri.* Ita causæ bene sunt perpendendæ, aut si causa cognita non sit, nil agitur, v, g. si accedam ad hominem, qui ante tres horas fuit sanus, & rogem quid ederit, biberitve, si dicat nil, an non medicamenta assumpserit, tum mihi est cogitandum de venenis, cum symptomata sint gravia, nam impossibile est, hominem sanum subito incidere in tam gravia symptomata nisi à veneno, hinc plurimi pereunt, quia Medicus nimis oscitanter inquit in causas. Vidi à grossulariis, supra quas aranea ambulavit, mala symptomata subsecuta fuisse, & ab assumptis Fragis, supra quæ forsan bufones exuerunt ventres, homines Abdomina tumefacta accepisse & in Febrim incidisse. Si des non assueto grana duo Opii, calefcet, rarefcet, & Febrî Crapulari laborabit, sic si Mercurius Dulcis ad Ptyalismum exhibeatur, fit Febris tamdiu permanens, donec salivatio subsistat; hinc patet, quod assignare possimus multas causas, quasdam nostro arbitrio, quasdam non; hinc male dicitur nos nihil de Febris certo scire, multa enim de iis scimus, sed quum venenum nos lateat & solo effectu pateat, hoc intelligere non possumus, sic si dormienti cuidam Seps, id est, serpens Africanus, vulnusculem mordendo infixierit, totus Panniculus Adiposus gangrænescit, & fragmenta de corpore excidunt, suppone me jam illud

cognoscere, sed tamen non novi, quomodo illud, quod in Sepe prius hæsit in vesicula gingivali absque ullo nocumento, ab homine deglutitum nil mali adferatur, sed humoribus mistum evadat tale venenum, quod tales effectus Physicos producat, hinc si inveniatur ejus antidotus sanari poterit, aliter nunquam, idem obtinet in Variolis, Morbillis, Peste & Lue Venerea, & credo, quod nullus definiet, quid hoc sit, quod Luem Veneram facit, quæ olim dicebantur Variolæ Majores, in hoc morbo totus quantus Panniculus Adiposus consumitur, & ulcera maligna sæpe totum corpus infestant, & depascuntur, quod nulla ratione potest inflare infamiam arti, sed est illud in morbis divinum secundum Hippocratem.

*Digeri.* Hoc est, quod voco in nostram naturam assimilari, quando chylus sanguini miscetur, fit quædam alteratio sanguinis & levissima Febricula, sic si sanissimus homo edat in prandio talia, quæ in corporis viribus non possunt digeri, ut multum de Pisces, Fabis Turcicis &c. incipiet languere, paulo post etiam torpidus esse, quatuor post pastum horis anhelosus erit, paululum Asthmaticus, surgat, ambulet, bibat aquam tepidam, Febris superatur, natura digessit: verum si à vi vitæ intromissum tale fuerit in vasis, non digeri nec superari poterit, & faciet Febrim magis duraturam. Sic interdum in urbibus obsessis, ubi nec molendinæ nec furni pistorii agunt, homines Triticum non commolitur edunt, in primis diebus nil advertitur, sed lente accumulata hæc materies postea Febrim facit, & si diu hujus vel similis crudi usus continetur ob de-

fectum aliorum, fiet Febris adeo certe Lethalis & Epidemica, ut male dicant Pestem regnare in illa urbe, cum tantummodo fit Febris orta ex materia indigestibili assumpta, nam omne, quod vasa ingreditur, quibus non obedit, excitat Febrim; si cibi & potus nimia copia assumantur, producunt Febrim, ut vinum vel cerevisia in nimia copia, quia jugens humorum copia subito affunditur sanguini, quæ superari aut subigi non potest, hinc sequitur, quod illud adhærens debeat Febrim excitare, donec dissolutum sit, ut si stomachus nimis sit repletus, tunc ille nimis distenditur, magis se contrahit, & utraque orificia tunc clauduntur, cibus calefcit, rarefit, acrescit, irritatur, oritur Febris, hinc à commestatione nimia facile oritur Febricula, quæ vel vomitu vel valida Diarrhæa tollitur. Pulvis Adamantum non habet in se ullam noxiam, sed talis pulvis corpori ingestus intestinorum nervos maxime irritat & moritur homo per dolorem Colicum &c. Pili tenuiter concisi & cibis commesti creant insuperabiles & lethales languores.

*Moveri.* Si materia stagnet ad minima vasa facit resistantiam auctam, est una causa Febris jam explicata.

*Excerni.* vel ad emunctoria communia, ut per alvum; vesicam, salivam, mucum, perspirabile Sanctorianum &c. quæ soliti erant homines deponere, nunc autem non possunt pertransire per hæc vasa, irritationem & stagnationem ad hæc vasa efficiunt. Si æger assuetus sit fortiter vomere, salivam demittere, sæpe alvum deponere, vel per Hæmorrhagiam vel per Fontanellas vel per Hæmorrhoides, vel per consuetas Purgationes, vel per Clysmata, vel per

Men-

Menstrua, vel per Podagram, sed egestionem possunt esse insolitæ nec debitæ ut post sanguinis per uterum dimissionem.

*Irritent.* Sic levissimi cibi, si supra vires ventriculi assumantur, certissime Febrim faciunt.

*Putrescant.* Hæc motus febriles maximos excitent, & hi sæpe fiunt à causis, quæ putantur minime febriles esse, sic via interclusa bilis in Intestinum Duodenum, hæc retrograde petitur in ramos venæ Cavæ, & facit teterrimam Febrim, postea bili sanguini mista & Ictero producto omnes illi febriles insultus cessant, sic mulier novem post conceptionem mensibus pariens fœtu enixo, uterus antea maxime dilatatus nunc constringitur, vasa tum patula nunc angustantur, tum naturâ retropellitur humor in mammas, & oritur Febris Lactea vel Puerperalis.

β Quamdiu vivimus, à capite ad pedes externe & in toto corpore interno ubicunque perspiramus & secernuntur liquida, quæ, si retineantur, inducunt materiem acrem mutati corporis, hinc faciunt Febrim, tunc orietur Febris à resistentiâ ad extrema propter perspirationem abolitam, quod quoque accidit ab infarctione cutis oleo nimio, & à mœrore animi, notante Sanctorio.

*Frigus* producit illico Febrim, quia retinet perspirabile Sanctorianum. Si homo laxioribus vestibus assuetus arctioribus induatur, tunc exhalatio intercipitur, fit Febris, & è contra si arctioribus assuetus laxioribus induatur, tunc frigus constringit cutim & minuitur transpiratio.

*Unctiones* cutim intercipiunt, obstipant, irritant, inflammant & producant Febrim, quia hæ lentorem cuti superinducunt eam inspirabilem reddunt, ut si oleum vel unguentum quo-

rundam cuti & imprimis plethoricorum applicetur, fit Inflammatio Erysipelatodes, tanummodo ductibus his Sanctorianis obstructis.

*Animi affectus tristes.* Quos Sanctorius ad statum demonstravit omnem omnino perspirationem prohibere uno momento, si hi rogentur, quid habent, veram Physicam pronunciant naturam, dicunt, nescio qua anxietate premor, est quasi cor inter duo prela esset pressum, quod nil aliud notat, quam perspirabile retentum.

*Potus.* Gelida aqua potata vel vini mutatio sæpius efficit Febrim. De cibo & potu legendus est Sanctorius in Aphorismis, ubi omnium optime de cibis perspirantibus & non perspirantibus scripsit.

*Medicamenta.* quæ obstipant, obstruunt, agitant & retenta putrida reddunt.

*Venena* constringunt.

*Aërem nebulosum pinguem.* Nebulæ sæpe nullum hominem lædunt, sed interdum reperiuntur, quasi redolerent ambustum lac, & ita aliquando sunt pingues, ut puras vestes, marmora & lapides pavimentorum inficiant, nam si abluatur pavimentum factum ex lapidibus Italicis, illico illud madescere facit tenacitate pingui, & oriuntur Peripneumonix Febres, quia pulmo inungitur quasi hoc nebuloso pingui, & in parte sua aërea redditur in perspirabile. Tempore aëris nebulosi, maxima est levitas in aëre, hinc vasa nostri corporis minus premuntur, magis ampliantur, crassiora admittunt, unde facile Febris, præterea pinguedinosum in aëre idem agere minitatur, si quædam vasa obstructa sint, humores putrescent, acrescent & producent Febrim.

*Quietem.* Si magnis laboribus affueri uno ictu ab iis desinant & vitam sedentariam agant.

*Exercitia.* Nil magis promovet perspirabile Sanctorianum, quam moderata exercitia, maxime si assueverit homo.

*Compressiones.* Si homo sanissimus tibia Femoralia fortiter constricta habeat calceos pedi acutissime quadrantes, & fibulis fortiter adductis; si vestes quam arctissime corpus ambiant, totus calefit, pulsus erit febrilis, & urina similiter erit mutata, nam partibus nimis constrictis sanguis ire non potest ex arteriis.

*γ. Gesta.* Homo constat mente & corpore, gerit ergo negotia per motus corporeos, quo etiam somnus & vigilia, animi affectus & valida studia referuntur, nunc examino, an corpus nimium moverit, vel mentem excitaverit, si hoc hic inveniam, habebo causam Febris, si non accedo ad ingesta. Ex Diarrhæis aquosis sæpe homines incidunt in Febrim Acutam, quia ubi pars liquidissima secedit è sanguine, crassa remanens in venis & arteriis facit Febrim Acutam, unde mirantur Medici, quomodo talis tunc Febris oriri possit.

*Affectus animi*, ut ira, dolor, ardor in vindictam.

*Motus* solus productus nimius non modo ab agitatione, sed etiam à metastasi, id est, à mutatione facit Febrim, nempe quando per motum fiunt errores loci in vasis corporis. Hic fuit nuntius, qui aliquando citissime litteras destinare debebat, ipse currens velocissime (erat enim admodum robustus) & domum veniens se lecto composuit, Febre Ardentissima correptus, præcipui Medici advocabantur, institue-

bant

bant Venæ Sectionem, diluentes potus, balnea, fots, medicamenta &c. quæ exhiberi possent, suppeditabantur, non obstante intra tres dies expiravit à solo aucto motu.

*Calor.* Si in cælo ignis urgeatur, aër quoque ignem hunc inducet, ergo corpus expositum illi aëri quoque calefcit, sic si aura ex frigidissima tempestate in calidissimam mutetur, pessimæ Febres oriuntur, imo ipsa Pestis, notante *Sydenhamo*. Calor orbat sanguinem parte liquidissima & vasa lateralìa jam non amplius elastica aperit, unde errores loci.

ð. *Applicata.* Ut Balnea Epithemata, Emplastrà, Linimenta, Unguenta, Vestes &c. à multis annis vocabar ad infantem primarium hujus Urbis accusatum quasi laboraret Gangræna Scorbutica oris, Belgice *Waterkanker* dicta, occupabatur os lavando iis, quæ Gangrænam sistunt, re bene detecta, ratio erat, quia Medicus dederat Mercurium Dulcem, qui non operans fecit salivationem, & crudelitas accessit, quia Aqua Theriacali os lavabat &c. vidi ab Emplastro Vigonis in infante halitum fætidum salivationem & crustas gangrænosas &c. in gingivis esse ortas, applicabantur acria Antiscorbutica, sed purgatione ex Rhabbarbo & Diæta lactea cessavit malum, qui vidit salivationem, vidit quam terribilia symptomata inde sequentia, ad quæ bene sunt attendenda maxime in infantibus, vidi Apoplexiam in infantibus ortam ex eo, quod custos caput infantis nimis clausis pileis compressisset; vidi Febrem natam ex acicula intra partem vivam adacta, ergo ad externa bene attendendum, & si ad hæc bene attendatis, invenietis causam, aut debet esse  
subti.



subtilis, licet nos nesciamus, quid fiat in corpore, dum morbus est. Applicata acria non modo ad cutim, sed etiam ad pulmones Febrim faciunt; *Bellinus* ex cute humani cadaveris fecit faccum, in quem injecit aquam cum sale Ammoniaco, & vidit hanc aquam exire per porulos hujus cutis. Scripsit quidam tractatulum de vitandis morbis ab expuitione dignissimum; verosimile est plurima miasmata in aëre contenta hauriri posse simul cum aëre & deferri ad ventriculum, in quo primum agunt, nam observatum est in morbis contagiosis, præsertim in Peste malum esse primum ad summum ventriculi orificium seu stomachum dictum. Omne acre excitat Febrim, quodcunque enim fuerit vel animale vel vegetabile vel fossile indifferens est, sunt homines, qui non possunt ferre Cantharides, quin habeant Febrim. Fuit Rusticus, qui sanabat Febres Intermittentes sola applicatione inter digitos Ranunculi Pratensis in scobem rasi (superimposita vesica suilla) tempore Apurexiæ, id est, ante Paroxysmum, nam tum oriebatur calor summus, qui tum superabat frigus Febris venturum, sed ille rusticus volens uti eodem remedio ad Febres Acutas, pessime ipsi cessit curatio.

*Pungentia.* Si cuspis Vitri vel Ligni vel Ferri corporis cuidam parti inhæreat, fit Inflammatio & Febris.

*Rodentia.* Qualiacunque fuerint acida vel alcalica, quatenus concutiendo nervos agunt.

*Lacerantia.* Hinc malefici torti à carnifice paulo post febricitant.

*s. Fames.* Quod contra multorum opinionem est, sed verissimum, nam jejunium diuturnum

turnum acrem reddit sanguinem & Febres producit pessimas, hinc æger, qui præ fame moritur, per Febrim moritur. Nimia evacuatio producit Febrim, ut nimia purgatio, vomitus, & Missio Sanguinis, causa est, quia humores evacuati deducuntur ad longe alium circuitum; Canes, feles & similia animalia, si fame necentur, antequam moriuntur, semper Febrim Ardentem patiuntur maximam, sitim, calorem; sitis est summa, quia perspirat mobile, crassum manet, quod tot repetitis circulationibus fit acre, & producit Febres. Fames est effectus physicus in corpore humano natus, ex eo, quod causæ in ventriculo sint aptæ cibum durum dissolvere, attenuare, & in chylum convertere, nemo enim valde famet, quin se assumat tale quid, utcumque digerat, & quo fortior fames, eo fortior digestio.

*Pus.* Simulac pus, se permiscet sanguini copia magna & durabili tempore, fit Febris Hæctica, quæ inde oritur, quoniam intra sanguinem acre ingeritur, quod Febrim facit, homo habet ruptam arteriam in pulmone, sputat Sanguinem, nascitur crusta, oritur tuberculum hoc cum impedimento oritur pusculum, quod se permiscet sanguini, unde fit Febris Hæctica post somnum aliqua phlegmata ejicit, & sanus videtur, quando se putat pulchre valere, ex cibo comesto remanet aliquid, quod ibi irritat sanguinem, fit novum pus, unde Febris hora quinta vespertina oritur, hæc facit, ut homo nil possit comedere, rursus exspuit, redit iterum eadem tragœdia, donec moriuntur Febre Hæctica.

*Aquæ* possunt diu sine Inflammatione in corpore

pore hæreere, sed si putrescant, faciunt Febrim Hæticam ob præcedentem rationem; nemo enim Hydropicorum moritur, nisi afficiantur Febricula, hinc *Hippocrates* dicit de Hydrope, si Hydropici non sitiant, nec tussiant, sunt sanabiles; nam aqua eorum stagnans in ichorem putridum conversa omnia hæc Phænomena secum habet.

*Ichor.* Ut scilicet ulcus malignum.

*Empyricorum.* Hæ Febres sunt in habitu corporis, hinc vocavit antiquitas Febres Hæticas.

*Serum.* Quando hoc acre effluit ad femora vel crura, facit ibi depositiones, quæ in sanguinem creant Febrim, est inter observata *Hippocratis*, quod homines, qui aliquo loco habuerunt secessum feri v. g. fontanelam & clauferunt subito, laborabunt Febri.

*Bilis* acerrimus humor nostri corporis habet circulationem plane singularem scilicet per regionem demonstratam, si hæc bilis per motum violentum Æstivo tempore sustentatum aeris, subtilior, & minus viscosa fiat, tum aciores ejus partes in venam Cavam intrant, & in ductum Hepaticum permiscuntur sanguini, ibique faciunt stimulum. Medici antiqui dicebant optime nulla Febris est peior, quam ubi bilis sanguini permista est, sed expedire bilem à sanguine difficillimum est.

*Inflammati.* Hinc omnes Febres Acutæ, id est, à subtili acri stimulo in sanguine insinuatæ, vel ab Inflammatione in partes Missione Sanguinis & diluentibus solvuntur; sed in quibus Missio Sanguinis obest, ut in Peste Massiliensi, unde nemo evasit, ut in libello edito per principem Galliæ patet.

*Gangræna.* Credo quod vix inventuri sitis illam Gangrænam majorem, quin Febris adsit, & quin margo gangrænosus semper sit inflammatus, hinc ibi individua symptomata.

*Cancer.* Cujus ichor facit Febrim.

*Vigiliae.* *Coehoorn Frisius* in exercitu Batavo Ingeniosorum (uti vocant) *Generalis* dicebat, alios Duces in urbibus obsessis dormientes adoriri, verum se efficere è contra, ut semper vigilarent, idque tormentorum bellicorum assidua explosione, observatum enim est, quod in urbibus obsessis, illi, qui cogunt semper vigilare, incidunt in Febres neque subsistere possunt, nisi alterna quiete fruantur.

*Studia* quæcunque nimis extensa reddunt corpus imperspirabile, & hac ratione creant Febres.

*Venus*, *nipia* producit Febres curatu difficiles imprimis Æstate vel diebus Canicularibus, quæ anni tempore sponte sua inclinant in productiones Februm à motu nimio; hinc dicit *Celsus* Æstate peior concubitus quam Hyeme, id in siccis corporibus & calidis maxime obtinet. Venus pessimam Febrim excitat, unde dicitur Venus Febris mater ἡ ἀποδιττὸν πυρετὸν μήτηρ, quia monente *Sanctorio* maxima ibi sit mutatio generis nervosi. Si quis sibi velit discere legem, in primo examine ægri hæc capita recolat, semper inveniet causam Febris, si inveniat causa, tum patet natura Febris, imo etiam Diagnos & Prognosis; sed in omnibus his est aliquid, quod *Hippocrates* τὸ Θύον vocavit, id est, semper in Epidemicis, & nunquam in Sporadicis, sed in Epidemicis est adeo latens, ut Veteres Astronomi

mi illud à sideribus derivaverint, sic *Virgilius* dicit de miseranda cæli tempestate, qui occiderat; *Justinus* dicit de fidere Pestilentiali afflata exire &c. quando de morbis Epidemicis agit, sic morbi ad Deorum iras referebantur, unde Sacri vocati sunt, quod *Hippocrates* risit, sed stimulus nullius ponderis ratione sensuum nostrorum potest corpus mutare, ut omnes ferre morbos cognitos habeat, sit fœmina Passioni Hystericæ obnoxia, quales multæ sunt, habeatur  $\frac{1}{1000}$  pars grani Zibethi ponatur ad nares ut hauriat vaporem, cadit fere Apoplectica & moritur, si ponderetur  $\frac{1}{1000}$  grani haberet idem pondus, & tamen corpus quod centum & sexaginta libras ponderat in omni motu est immutatum, sic homines sunt, qui Rosarum, alii qui alium odorem ferre non possunt, quin incidant in lethalem Febrim, multi à Missione Sanguinis, multi ab aliâ re sic affici possunt, si nunc tale quid in aëre ratione exhalationum Moschi, Zibethi, nonne caderent homines Apoplectici, & mutaretur corpus, si nunc hi homines olfactu privati & nemo cognosceret, & fœmina quoque non cognosceret, qua re illa inciderit in morbum, cujus causam investigare non potest, hoc absolute nisi per effectus cognosci potest, sed hæ causæ sunt paucæ, forte Pestis, Variolæ, & Morbilli hujusmodi causas habent, pono nunc, quod corpus sese optime habeat, sed quod Febris simplicissima sit orta, jam volo inquirere, quid fiet, si à sola hac causa orta Febris fiat, & nulla alia accesserit. Hactenus ergo cognoscimus Februm naturam, nam Physice ipsas pro lubitu facere possumus, excepto subtili illo, in quo indagando

do nostros sensus subsistere debent, verum proximam hujus inde natæ Febris causam cognoscimus, quæ communis jam explicata est, verum causas remotas, quæ quam plurimæ & nostris sensibus non observandæ existunt ignoramus.

§. 587. Pulchrum est Medico cognoscere effectus Physicos dependentes à Febre, verum sciendum prius, me hic sumere corpus perfecte sanum, in quo nil est nisi velocior humorum circulatio, non sumo hic effectus particularis cujusdam Febris, sed tales, quæ in omni Febre communes sunt, & quod febrile dicitur in omni Febre.

*Celerior.* Hoc est, quia ponitur simplicissima Febris, hinc hic nil fit nisi velocior cordis contractio, quod in omni Febre est, sed hæc est sanguinis cardiaci expulsio, non vero dico, quod fiat major sanguinis circulatio per cor, hoc enim nescio, sed scio, quod sanguis nunc citius expellatur quam ante.

*Propulsio.* Si enim cor plus liquidi expellat, plus propellit, arteriæ debent vi sequenti cedere, ergo propulsio celer, quæ non est ubique sed circa cor à resistentia maxima in extremis, hinc circulatio prope cor longe celerior videtur.

*Stagnantium agitatio.* Ut si laboret quis obesus valida Febre. Dicunt Medici vix ægrum evasurum, quia humores nimis agitabuntur (*de humoren worden gaande*) hoc petitum est ab experientia; calescit valide, adeps miscetur sanguini, si jam humor sit talis, ut possit nocere, oriuntur pessima symptomata, vidi semper in obesis, ubi inciderunt in Febrim pessimam, hoc accidisse, quia sanguis siebat nimis pinguis & ama-

rus, hinc humores antea stagnantes & quieti sub mole & pondere nocentes reaffunduntur sanguini, & fit omnium permistio, aut in quiescente manet liquor stagnans & à motu redditur sanguini. Duplex est liquidum. 1. In viis ubi circulatio est perpetua, 2. in quibus stagnatio aliqualis, ut in oleo pinguedine inter ossa & musculos; hinc omnis Febris, qui in sano accidit, liquefacit, movet omnia, maxime vero pinguedinem. Stagnant liquida, ut in Ventriculis & aliis cavitatibus corporis, Cerebri, Thoracis, Pericardii, Peritonæi, Vaginæ Tunicæ, Scroti, sed tum sunt simul extra vasa, quando vero augetur circulatio, tum humores qui extra vasa stagnabant, debent alienos motus producere. Omnis Febris, quæ alicujus momenti est, agit plus liquida per arterias & per venas quam ante, ergo multa, quæ stagnabant, propellunt, stagnatio etiam fit 1. in venis, nam certus sum per experimenta, sanguinem in venis posse stagnare per multos dies, sed non credendum sanguinem per venas velociter fluere, secut enim Chirurgus venam maximam, nil fere sanguinis accipiet, ergo sanguis hic fere pro stagnante haberi potest, sed Febre accedente velociter & celeriter movetur. 2. In folliculis extra vasa secretoria & in omnibus glandulis vel secretoriis vel loculis, vel conglobatis vel conglomeratis. 3. In receptaculis, sic urina in pelvi renum & in vesica stagnat, sic semen stagnat in ductu Higmoriano, in Epididymidibus, in vesiculis seminalibus, & in cavis locis prostaticarum, sic lac stagnat in mammis. 4. Stagnatio fit in Tunica Vesiculari, vel in tunica Adiposa, ibi enim potest pinguedo per multos annos nunquam exiens hæere. 5. Medulla

dulla in ossibus, ergo in sano corpore sunt humores stagnantes, hi fusi liquidiores redduntur, per pressionem vasorum exprimuntur, aucto motu circulatorio expelluntur, Febris facit hæc, ergo Febris multa stagnantia solvit, movet & permiscet.

*Permissio.* Hippocrates nos olim ex suis observationibus monuit, quod si corpora macilenta Febris obnoxia reddantur, minus periclitentur; corpora vero obesa extinguantur, semper ratio patet, nam omne, quod in homine superpondium lucratur, est pinguedo, equus rhedarius est fere lignum, & nil habet nisi musculos, arterias, venas, pellem & ossa, sed si ille fiat triplo gravior & ponderosior, an habet plus sanguinis? non, nam totum superpondium est pinguedo, si nunc in homine obeso fiat Febris, quæ fundit pinguedinem, hæc permiscetur cum venis, desertur ad arterias Capillares, habebit suffocationem ad vasa capillaria, omnia hæc commiscuntur cum sanguine, quæ antea secreta & diversa sunt à sanguine, sed hæc non ferre possumus, sic *clarissimus Raysehius* observavit in equo subito mortuo (quod Belgæ vocant *bevangen*) aperto Abdomine incredibilem copiam fusæ pinguedinis in cavo Abdominis, quæ tanta erat, ut vasa creparent & dimitterent oleum. Quod nunc de pinguedine dico, verum est de omni stagnante humore, nam omnes humores stagnantes sunt in venis, venæ vero oriuntur ab arteriarum extremitate, uti in Physiologicis docui vel ex cavo quodam vel ab extremitate corporis, quatenus bibunt humores introrsum. Hinc falsum est, quod omnes venæ oriantur ab arteriis, sed saltem unum genus venarum, sed omnes venæ bibentes eunt ad ve-



nas nunquam ad arterias, vinum assumptum & intra os detentum & resorbtum nunquam venit ab arteriis, argentum vivum per frictiones it per venas, sed nunquam venit ab arteriis, cum nunc tales venæ bibant, ubique intelligitur, quod hæ fufum liquorum haurientes bibant.

*Subactio.* Veteres perturbatos humores sic vocarunt, sic serum, sic bilis in Hydropicis potest in sanguinem ire, sic humor Cancerosus & Lues Venerea facere possunt, ut soluta talia mala circulatoria in corpore faciant, *subactio* vocatur *reductio*, ut non noceat, nocere est *circulationem destruere*. Ergo *resistens* est quod *circulationem lædit*, illud quod sic resistit, per Febrim patitur *mutationem*, si hæc patiatur, ut non resistat, fit *subactum*, pone quod parva particula vitrea intra manum introducta & non educta, statim partes pressæ tument, illud tumere est, quod vasa premantur versus frustum, quo magis hoc fit, eo minus potest excidere, æque ac qui pilum in manu continet, quo fortius ille manum comprimit, eo minus excipere potest, tum fit *Inflammatiō*, & oritur Febris, quæ destruit vascula, quæ ibi sunt, hæc vascula compressa in pus vertuntur, & frustum excidit, tum est *subactum*, sic si vasa habeant *resistentiam*, tum premuntur & versus *resistentiam* franguntur, jam si intra sanguinis massam infundantur per cibos, medicamenta, venena acria & ingerantur corpora *sistentia* motum & facientia *obstaculum*, itidem oritur Febris, nec hoc *obstaculum* tolli potest sine Febre; quia Febris majori motu impactum *resolvere* tentat, & sic fit *subactio*.

*Hippocrates* vocavit naturam totum corpus cum om-

omnibus viribus, si nunc hoc obstaculum ita attenuari possit, ut fluere possit, sistitur causa, si nunc sistatur Febris, antequam hoc fiat, oritur Scirrhus & morbus longe peior quam Febris; hinc Febris optime ab Hippocrate consideratur tanquam causa, quæ subigit naturam mali, & sic subigendo juvat, & si hoc non fiat, oritur Scirrhus nunquam sanabilis, scitis jam quid de usu Corticis Peruviani & simul de aliis, remediis tenendum sit, illa materiam liquefactam figunt, hinc patet, unde Tertiani & Quartani Hydropici & IctERICI fiant, & demum sic moriantur, quia Febris est suffocata, hinc non manebit pervigilium Febris, sic Febres plurimæ elapsa Æstate erant cum Inflammatione levissima hepatis, quæ excitabantur à natura, ut illud infarctum subigeretur, sed Medici Empirici stiterunt Febres, & non usi remediis idoneis statim ægri fiebant IctERICI, bile subeunte massam sanguineam tumebant & languebant.

*Coctio est humoris crudi vel peregrini mutatio in naturalem, omnis coctio fit per Febrim, ipsa enim Pestis non nisi hac coctione superatur, humores peregrini vel crudi vocantur, qui fluere possunt, sed nondum nutriri, nec in corpus nostrum immutari, sed è contrario humorum circulum turbant. Hæc coctio apud veteres Pepasmos vocabatur, nam veteres duplicem statuebant coctionem, unam πῑψις alteram πῑπασμος vocabant. πῑψις est crudi non naturalis assimilatio in naturale, ut ciborum, potuum & aëris, qui panem accipit, sumit crudum, fit tamen ex hoc crudo sanguis, facultas, quæ hoc facit, vocatur πῑψις. πῑπασμος est humoris morbofi reductio in non morbosum, quando Febri gravedinosa laboratis totum corpus est grave, tor-*

per, caput est hebes, sed si diluentia assumantur, totus morbus cessat. Natura suscitet Febrim, hæc Febris facit, ut fluat, hæc est coctio humoris crudi morbofi, hæc coctio à veteribus tantifacita & ab *Hippocrate* maxime est exulta, quæ semper fit per Febres, nam sine Febre materia Febris non coquitur, sed intacta manet, requiritur etiam motus plusquam naturalis, ubi humores plus resistunt quam naturaliter: hæc Febris ergo est maximum instrumentum *πρωτης*.

*Secretio cocti.* vocatur, quando id, quod primum obstaculum fecit, nunc per Febrim reducit, ut fluere possit, sicque fluat, ut mutet circulationem à circulatione prima, tum vocatur materia Febris mota, hæc potest pati metastasin, hoc est, transmigrationem, si hæc materia ad loca naturalia puta os per salivam, pectus per phlegma, cutim per sudorem. *Æsophagum* & ventriculum per vomitum, intestina per *Diarrhæam*, renes per *Diuresin* pellitur, tum est secretio facta, sed hæc est mutatio non perfecta, aliter esset circulatio, ergo requiritur paulo major motus vel Febris; hinc fit nunquam bona circulatio nisi in actu Febris, inde nox inquieta ante accessionem est quibuscunque judicatio fit, notante *Hippocrate* in *Aphorismis*, vid. *Pr. Alpin. d. præf. vit. & mort. ægr. p. 376.* edit. ult.

*Crisis* vocatur illa corporis agrotantis conditio, in qua expectanda est maxima mutatio, non dico evacuatio, nam sine illa *Crisis* fieri potest, hanc veteres vocarunt litem oriundam inter viam & morbum, tanquam per partes sibi mutuo oppositas, hinc iudicium vocarunt, quia in unam vel alteram partem lis tunc temporis est decidenda, vel *Crisis* est cocti determinatio ad locum.

Iocum ubi minus nocet; denique Crisis est duplex, consideravit *Hippocrates* quod in corpore esset aliquid naturale & præternaturale. Naturale, quod de vita, & sanitate cordis arteriarum pulsu, secretionem & excretionem dicitur, omnia hæc simul sumpta vocabat naturam, sed in morbo erit, quid contra seu citra, seu præter naturam; hoc vocabat morbosum & aggregatum morbi, uti alterum aggregatum vitæ, quando bilanx nunc huc nunc illud inclinat, si natura præponderet, actum est de vita, quando corpus erat in tali statu, dicebat esse in Crisi, non quod in incremento erat, ut multi male intellexerunt, sed omne tempus, in quo magnæ mutationes versus salutem & versus mortem, vocatur Crisis, adeoque est iudicium, ubi singulæ partes agunt, & causa ergo est in iudicio, vocabulum hoc quoque sumitur pro iudicio naturæ facti, & tum significat Crisis, quod vita triumphatrix iudex tulerit hostem seu materiam morbi expulerit, hæc Crisis fit per Febrim, & si Febris ante Crisim desinat, nunquam erit sanus sive à natura, sive à Medico ita facta fit, si vero vel Medicus vel natura nimiam Febrim excitet, æger mori potest.

*Stimulo.* Sæpe fit Febris à solo stimulo non à materia; ut si sanissimus acceperit Miasma Variolosum, incidit in Febrem acutam sine materia, sic homo, qui coram Pestilentiali est, hauritur tantummodo ejus efflatum, Peste corripitur, hic est ille irritator stimulus, qui per motum in sanguine suscitatum, ejus corruptionem producit, quæ non pendet ab illo stimulo, sed ab humorum circumductione aucta per illum stimulum, sic v.g. intimus alicujus amicus videat suum integerrimum incidere in manus latro-

num, stimulat & spiritibus quasi appellitur ad illum juvandum, unde tantus fit stimulus, ut Febris oriatur, sed sine materia, sic etiam veteres eam distinxerunt, sed Febris cum materia oritur, si v. g. æger habeat vomitum in hepate, ex quo pus continuo producit, illud sanguini miscetur, quæ communicatio pro effectu suo habet Febrim, quod maxime notandum est Medico, nam Febris in principio orta à solo stimulo hoc domato sanatur, & nil amplius de Febre sequitur stimulus, ille tantum est sopiendus. Verum si ille mutaverit sanguinem in densum inflammatorium, tum non juvat stimulum hunc tollere, sed diathesin hanc inflammatoriam productam à stimulo, sic Pestis incipientis miasma pestilentielle stimulans si compescerem, auferrem totam Pestem, verum si jam ille irritator eo usque progressus fuerit, ut sanguinem inflammatorium effecerit, & anthracem & ad inguina bubones generaverit, tum irritum erit Pestem curare velle solo obtuso stimulo, sic si Febris interna, pura, casta, exquisita fuerit absque ulla Cacochymia sed tantummodo à simplici stimulo Epidemico orto, cortice Peruviano dato, certo certius tota Febris curabitur, & nil mutabitur in corpore, nec ulla Crisis expectanda seu ulla evacuantia &c. instituenda, tantum stimulus ille est auferendus, & tum Febris sublata erit, verum si Cacochymia adfuerit vel similis alius morbus, exhibeatur Cortex Peruvianus, tollitur quidem Febris, sed an postmodum corpus sit futurum sanius cum illa Cacochymia sine Febre quam cum ea, hoc iudicium penes Medicum esse debet. Febris vel stimulo vel coagulo producit, nil enim in Febre præter stimulum, excitat cor  
ad

celeriores compulsionem vel resistantiam ad capillaria vasa, & dato alterutro, sequitur alterum, tamen stimulus facit coagulum, & coagulum facit stimulum, v. g. homo sanus habet sanguinem dilutum, si homo currat plusquam potest, sanguis evadit quasi Pleuriticus habens crustam coriaceam, hinc stimulus non mutat corpus, sed liquidum expellendo facit sanguinem crassum. Circulatio maxime agit in resistens peregrinum, hinc in id fit maxima actio, agitatio & mutatio; Febris enim effectus est vasa exhaurire, saliva spicula promovere, spirituosam dissipare, oleosa attenuata & minus blanda adeoque fetida reddere, terrea non subigendo compaginare & compingere in unam massam cum oleo & salibus, v. g. si violentus cucurrerim, febricitabo, at hæc est Febris Ephemera, nec ibi humores erant antea corrupti, ut excitarent Febrim, sed si Febris per triduum durasset, taliter mutasset humores, & hi fuissent hujus effectus non causa. Sic multi Medici incusant Cacochymiam pro causa Febris, cum tamen sit ipsius Febris sæpissime productum & à Febre natum.

*In morbosam indolem.* Si hominis corpus perfecte valeat, habet omnes humores perfectissime bonos, sed oritur Febris simplex, tum per admissionem, quæ prius stagnabant, per dissipationem tenuioris, per coctionem spissioris, fiunt Inflammatorii & Suppuratorii &c. videtur susceptum Miasma Variolosum, quod tam parvum erat, ut ratione sensuum nostrorum pro nullo haberi possit, nisi sanguinem, sanguis erat purissimus & defæcatissimus, si sequenti die morbus maneat, mitte sanguinem, erit Pleuriticus, ubi Febris per aliquot dies sic duravit, mitto

iterum Sanguinem, erit plenus pure. Si vario-  
losæ pustulæ per totum corpus sint, totus san-  
guis mutatur in Ichorem, unde hoc? certe à  
Febre, quia Febris est, nam hæc mutatio non  
fuisset facta, nisi Febris non adfuisset.

*Indolem aptam.* Hæc mirabilis est efficacia Fe-  
brium, quod in historia clarius patebit, sic qui  
accipiunt venena insulsa, Febre violenta labo-  
rant, sed Febris assuefacit corpus, ut dein æ-  
rem & venena melius & impune ferant, &  
qui semel bis terve Peste laborant, conver-  
santur cum Peste infectis, nec inficiuntur, quia  
eorum corpus assuetum est, sic qui Variolis non  
laboravit, accenditur, si accedat ad Variolosum,  
non vero, qui eas perpeffus est, nam cubabit  
cum Varioloso, nec multum nocebit. Nulla  
mutatio fit in corpore à consuetis ad insueta,  
quin per Febrim fiat, homo assuetus certo mo-  
rui corporis, certo aëri, certo cibo, certo po-  
tui, tunc bene valet, sed ubi hæc mutat inci-  
dit in Febrim. *Celsus* optime dixit; qui bene-  
fanus experiri debet, ut corpus non extingua-  
tur, ut omnia ferre possit, hoc omni experi-  
mentorum genere confirmare possum, qui se-  
mel laboravit Morbillis, ille per hanc Febrim  
aptus est, ut possit cum omnibus morbiliosis  
conversari, omnes qui semel Peste laborave-  
runt, eandem Pestem nunquam accipient, do-  
cuit hoc quoque Pestis, quæ intra boves præ-  
terito anno regnabat, nam omnis bos, qui se-  
mel Peste afflictus reconvaleuit, erat duplex ca-  
rior, ergo videtis, quod illi morbi, qui per  
miasma produunt Febrim, reddant, corpora  
apta ad illum morbum nunquam accipiendum,  
sed morbi, qui non habent Febrim, hoc pro-  
prium non habent. Lues Venerea est opposita.

Febris

febris, hinc nemo Lue Venerea afflictus Peste corripitur sed qui semel Lue Venerea curati sunt, æque rursus in morbos Venereos incidere possunt, ergo Febris nunquam sistenda, sed moderanda, ubi natura excitat Febrim, ut se liberet & à recidiva præservet.

*Incrassatio.* Id optime explicat *Hippocrates*, per violentas Febres liquidissima & mitissima exhalant, crassissima, pingua & terrestria compaginantur in unum, hinc sæpe febricitantibus ultimo Obstructionibus dirissimis laborant, homo per semestre Febre laborans sæpe ubique Scirrhus accipit, quæ Febris semper producit sitim, quæ oritur. 1. Quoties diluens aquosum deficit, 2. salina acria exsuperant, & 3. ubi pingue terrestre nimis abundat, quod diluendum est. Vide *Observationes Boneti*.

*Dolor.* Nam sanguis acrior in salibus & spissus in partibus terrestribus facit dolorem, sed unde dolor? in Febribus imprimis in Intermittentibus ratio est manifesta ex *Ridley*, qui docuit, quod arteriæ, quæ petunt integumenta cerebri introeant & venæ exeant per idem foramen, sed quod omnes arteriæ, quæ ad inferiora vadunt, introeant per eosdem canales, & venæ per alios canales redeant, & quia sanguis stagnat, oritur dolor, quia sanguis stagnans comprimit venas, hinc venæ per idem foramen egredientes comprimuntur, & tum *Duræ Matris* arteriæ tenduntur, sed quare tum non moriuntur, quoniam omnes arteriæ *Duræ Matris* reconduntur inter duplicaturam ejus, sed si arteria patiatur talia in ventriculis cerebri, *Apoplectici* fiunt ægri.

*Anxietas* est perceptio molesta, quæ in mente oritur, & quando circulationis fines incipit sentire,



nam aliter definire non possum. 2. Quoniam sanguis in arteriis pulmonalibus sistitur, ut cor dextrum sanguinem non movere possit; tum illis oritur quasi immenso pondere comprimerentur pectus & Abdomen; 3 si Spasmo contrahantur vasa minima, ut non possint transmittere sanguinem, uti in Hypochondriacis & Hystericis videmus. 4. Quoties per hepar sanguis non potest libere fluere, tum sanguis per venas Cæliacas & Mesentericas sistitur & retropellitur ad Abdomen, & ibi quasi suffocatus simul repercutitur. 5. Quando intestina Spasmo contrahuntur, tum oritur anxietas ab aëre distento, ergo anxietas est perceptio molesta omnis conditionis, unde initium & fines circulationis sentiuntur, quemadmodum dolor est quando nervosa pars sic tenditur, ut jam jam rumpenda sit.

*Debilitas* adest quoque ob dissipata liquidissima. Vel quando muscoli non moveri possunt. per inflationem liquidi nervosi & arteriosi.

*Lassitudo* est impotentia muscularis ad motum cum sensu quodam doloris immobilitatis & gravitatis partes afficientes; nam quemadmodum itinerando defatigamur à motu aucto sanguinis per musculos moti, hinc lassitudo fit ob motum nimium aut ob stagnationes.

*Gravitas* est ablatum in parte vel in toto æquilibrium, id est, si æqualis per partem non sit circulatio, tum oritur in illa parte gravitas v. g. homo trecentas libras ponderans nil sentit, totum corpus est tamen agile, ut uno articulo pollicis pedis innitatur, si tale corpus insideat natibus, non dicit, hæ partes dolent, sed simulac æquilibrium est sublatum, & liquidum libere fluere non potest, oritur gravitas, si hoc  
brachium

brachium ita ligaretur, ut venæ sanguinem non reddere possint, sentirem pondus, vel simulac sanguis arteriosus vel liquor spirituosus vel nervosus non influit, quia minima vasa quiescunt, hinc coalescunt & fit gravitas.

*A'vopeſtia.* Deus dedit causas, quibus ingesta in nutriendi naturam digerere possunt, quando illæ causæ sunt præsentēs circa ventriculum, tum semper in mente est sensus, qui vocatur appetitus, quando oritur Febris non sunt causæ in corpore, quæ alimentum in nutrimentum convertere possunt, si vero hæc desint, tum quoque appetitus deficit, scio vos cogitare appetitum esse ubi non convenit edere, sed scio, quod comestio nocere possit, at quod homo se bene haberet, si non ederet, nego; in appetitu Canino edunt carnes fumo induratas &c. & male se habent, sed si hi homines nil assumerent, pejus se haberent, nam nil citius necat quam fames, hinc quando Febris sic corripit humores, succum Pancreaticum, succum biliosum, ut non convertat in nutrimentum, non erit nutritio. Appetitus dicitur fieri ab attritu humorum, sed fit tam per tritum quam per bonos humores, ergo causa deficiente appetitus destruitur.

§. 588 Per lentorem non intelligo inspissationem sanguinis vel ejus viscositatem, nil minus, sed omne obstaculum quaecunque ortum ad minima vasa capillaria.

*Irritatio brevis.* Si stimulus ille irritans lenior & brevius duravit, & non sit malæ indolis, ut humores corrumpat, vocatur illa vulgo Febris Expurgatrix, & certo est saluberrima, quæ corpus repurgat. v. g. in Ephemera lentor facile & brevi solvi potest. Ut tollatur Febris

requiritur, ut tollatur causa data ante duplex, nam semper duplex causa Febrim facit, una naturalis, quæ impedit liberum transfluxum per vasa capillaria; secunda, id est, stimulus, qui agit villos musculos cordis & arteriarum, ut vi lentissime premant hæc liquida, quo ergo & fere ausim dicere hanc rem per experimenta probari, si morbus acutus Pleuritis occupet corpus cum lentore Inflammatorio, illa Febris vix terminabitur, & lentor vix prius solvetur, nisi ante 21. diem, sed si sanguinis lentor in Febre Ephemera levissime excutitur, brevi intra paucas horas dissipabitur. 2. Est hic stimulus, qui licet omnes humores sint boni, per solam vim stimuli sanguinem reddere potest malignum & crassum, si homo sanus accipiat variolosum contagium, quantillum illud sit, tremet, friget, accipit Variolas, hic aliquid committitur corpori, quod illud movere potest, movet sic sanguinem, ut fiat inflammatorius, si nunc Febris habeat materiam lentam pro causa mali, quod ex Missione Sanguinis videtur, quo illa tenacitas solvitur facilius; eo Febris est levior; solutio fit per Missionem Sanguinis & diluentia. 3. Quo stimulus facilius emitti potest, eo facilius curatur Febris & contra. Si hominis sanguis sit fere ut corium tensum. 1. Ille non intra viginti quatuor dies solvetur, licet mittetur sanguis, fomenta ad vasa laxanda applicentur & dentur diluentia & salina ad incidendum, tamen nil efficitur. In Febris Quartanis videmus lentissimos humores hæere imprimis circa splenem, Pancreas & Hepar, illi humores lenti faciunt, ut illæ Febrēs ad quatuor, quinque vel sex annos durare possint, imprimis si utantur medicamentis liquidissima dissipantibus, & 4. quo

quo stimulus est acrior, & minus potest expedire, eo Febris diutius durat, utinam sciremus quid ille stimulus sit. Nam quis mortalium hoc potest concipere, quod si hic hæreat æger Variolis obsessus & ingrediantur decem homines, qui Variolas passi sunt, cum illo possint comedere, bibere &c. ut nil sentiant, sed si unus accedat, qui non laboravit Variolis, ille ab ægri visu fere afficitur, seu si præsens sit, inhalat modo ægri halitum, accipit Variolas, qui stimulus non desinet nisi decimo quarto die suppuratione facta, ergo tota ratio, quæ hujus hominis humores sic mutantur, est in eo, quod halitum adduxit, sic jam non amplius dubitatur de Variolis insititis, nempe si pus variolosum injiciatur in venas, tum fiunt Variolæ; hoc venenum variolosum tantillum in vestigiis suscitatur Febrim cum dolore Capitis, Anxietate, Delirio, Convulsione, sequenti die mittitur Sanguis, dentur Sudorifera, Clysmata injiciantur, diluentibus & salibus datis non mitigabitur Febris, sed perget; hinc producet Inflammationem, quarta die illa Inflammatio attolli incipiet, septimo die suppurabitur, decimo, undecimo usque ad decimum quartum diem omnes humores sunt facti pus, & corpus est plenum abscessibus: an non omnis hæc sequela & humorum mutatio pendet ab illo stimulo, & per hunc stimulum omnes humores in pus mutati sunt, vidi enim manifeste in Britanno Studio fuisse tantam puris copiam collectam, ut duo ingentia Apostemata producta fuerint nunc videtis, quid per stimulum intelligatur, sic ut nunc hic stimulus in Variolis est, alius potest esse in Peste, alius in Febre Ardente, alius in certa specie Pleuritidis, alius in certa specie

Pe-

Peripneumoniæ, hinc stimulum nisi per effectum intelligere possumus. Ille est optimus Medicus, qui stimulum natum sine corporis læsione reddere potest inertem, hoc in Febre Tertianâ & Quartana possumus, nam sic à solo stimulo tutissime tollitur, sed non ita, si à lentore oriatur; stimulum in Peste Hippocrates vocavit Sacrum vel τὸ Ὀϊόν.

*Concursu.* Nam aliquando morbi sunt, cum valido stimulo & cum lentore, tum ægri plerumque moriuntur, ars enim habet limites, non enim possumus sanare omnes Febres, sed tantum istas, quas natura sanabiles facit, & si hoc potestis, estis optimi Medici, sed omnis stimulus susceptus in sanguine tolli non potest, vide Hippocratem in Epidemicis, sic veteres Medici parentes & cognatos viderunt mori, sed si aliquid fieri posset, hoc fiat mitigando stimulum & lentorem dissolvendo.

§. 589. Si velitis bene proficere, componite Thema ex variis & selectis Auctoribus, & videte quosnam morbos Febris sanat; nam Febris Acuta sanat omnes morbos, qui oriuntur à subita mutatione in sex rebus non naturalibus, nam inde Febrim oriri nimis notum est, & illa Febris corpus relinquit dispositum, ut sex res non naturales ferat sine Febre. 2. Febris curat omnes morbos contagiosos, disponit corpora ad auferendam lethaliitatem, quæ orta fuisset à simili causa, scimus per experimenta Asiatica, quod si Variolæ mitioris generis infundantur in corpus non laborantis Variolis, excitant Variolâs, & tum hæc disponunt ejus sanguinem, ut ille homo postea à Variolis non afficiatur, ergo omnes morbi contagiosi plerumque per Febrim subiguntur, ut ferri possint. 3. Omnes morbos,

bos curat, qui à lentore, ut materia hæreat in certo corporis loco, ut v. g. levis Apoplexia orta à lentore corticem cerebri obsidente solvitur à Febre. Omnes morbi Spasmodici, Epileptici, si v. g. Spasmi sunt ad musculos Gastrocnemios seu insultus Epileptici, si illis morbis superveniat Febris, dissolvitur fomes & liberi sunt ægri ab his morbis, habui senem, cui ex dirissima Podagra supervenit Quartana, quam habuit per biennium, quam optime tulit, & liber postea à Podagra fuit, idem verum est de Mania & omnibus morbis spirituum, ut loquuntur Britanni; nunc videndum est, qualis Febris ad hos sanandos morbos requiratur, imo dixerim forte, quod omnes morbi saltem plurimi, quos Medici curant per Antiscorbutica fortia, Antispasmodica fortia, Antiepileptica, lentori opposita, non prius curentur, quam Febri inducta, hinc omnis methodus medendi in morbis Chronicis consistit in eo, ut faciamus Febrim, quando morbum curamus per frictiones, sudores, vomitus, diarrhæas, vesicatoria, sales alcalinos fixos, oleosos, seu macilentos, aromata &c. facimus semper Febrim; sic Febris Continua, Tertiana, Quartana superveniens Paralyti, si non fuerit Apoplexia, Paralytin solvit, & sic morbi obstinatissimi Febre curantur; si velim ægrum Quartana laborantem sanare, prius mihi est animadvertendum, an non sit Scirrhusa diathesis, si hoc non inveniam, curare possum per stimulum quovis modo excitatum, v. g. volo per Diaphoresin curare, sumo Centaurium Minus, quod non fallit in Febribus, conficio exinde vinum. jubeo, ut de hoc vino omni bihorio diei unciam unam assumat ante frigus febrile, inde corpus incalescit, frigus anticipatur.

tur, urina fit rubra, sitis magna, calor major & æger erit liber à Quartana, sed hæc curatio fit per Febrim inductam, tamen non fit perfecta Febris continua, quæ curatio fit, quia major ille calor depellit frigus Quartanæ, sed tunc plerumque mutatur in mitissimam Febrim Continuum, sed si fortissima Sudorifera incaute dentur, fit Febris Continua cum dolore capitis &c. & sic Febris Quartana evadit cito lethalis, & omnis medicina nostra eatenus efficax est, quatenus facit Febrim Continuum sed mitem, & si natura hanc Febrim prædat, tum curat. Mulier Chlorosi laborans perfecte languet toto corpore, vix motus apparet in sanguine, pallet, urinam excernit pellucidam, aquosam, albam, color ejus sanguinis est loturæ carnis similis, coloris subviridis, pellucidi, albi, si Medicus huic det fortissima aromatica, certissime hunc morbum sanat. v. g. Myrrham, Aloën, Corticem Magellanum, Piper &c. quibus miscet Chalybem, dat ipsi sumendam hujus medicamenti satis magnam quantitatem; dum incipit sanari, genas rubras accipit, ut conqueratur Medico de calore, siti & perfecte febricitat, quæ Febris unum superstes erit remedium, ut subigeretur illa materies. Consideramus cum *Hippocrate* & *Sydenhamo*, quod Febris per Febrim sit tollenda, si obstructio per Febrim orta sit, quomodo tollatur, nisi per Febrim, id est, majorem motum, hoc enim intenditur continuatio Febris non tanta ut noceat, sed ut solvatur, subigatur & coquatur obstructum, hinc major est Medicus, qui opportune excitare potest Febrim, quam tollere causam. Coqui spumam, ab aqua ebullienti separant, sed si debilis fiat ebullitio, spuma non ejicitur supra, si minus ebulliat, omne

omne humidum dissipatur & consumitur, idem fit in corpore, si Febris debilis sit, non resolvitur obstruatum, si nimia, omnes humores atteruntur; hinc maxima hæc sit regula in morbo Acuto vel Chronico Febrim tantam excitare, quæ requiritur ad reducendos in statum naturalem humores, at ne procuratur nimium, ubi forte materia est resoluta; hinc ille non est bonus Medicus, qui tollit Febrim non nocituram.

§. 90. Hæc unica divisio continet maxima *Hippocratis* scripta sed temporis brevis requirit, ut breviter saltem dicamus, non cogitare debetis, quod dum Febris appellatur, morbus idem maneat, nam qui dicunt, sic curatur Febris, auctores decipiunt, *Hippocrates* Febrim spectat, ut morbum valde divisum.

Initium Febris est finis sanitatis, ergo finis sanitatis est initium Febris, & paulo antequam erat Febris, erat sanitas, nam initium Febris erat sanitati proximum, uti Febris erit in fine, quando in sanitatem abibit, hinc materia Febris est stimulans; hæc minima vocantur initium Febris, hinc supputabat sapiens ille Vir, cogitans est aliquid in corpore præter sanitatem, & hoc quod in corpore præter sanitatem est, facit initium Febris, quid fiet de hac Febre? hoc nemo scit, nam homo tantum semel horret, supputabat jam, nunc sequitur Febris augmentum, quid fiet? sanitas minor, & causa sunt omni momento majores, quamdiu hoc pergit vires naturæ minuendo, & vires vitæ augendo, tamdiu vocatur augmentum Febris, sed tamdiu vocabatur vetus schola *ἰναρμὴ*, quod significat illud tempus, in quo natura sanitatis minuitur, & natura morbi augetur, *ἀρμὴ* seu *status* significat, quando causa Febrim faciens omni momento aucto-  
stat,



stat, & vita est imminuta, ille quietus status vocabatur ἀρχὴ morbi seu *conditio Physica*, in quam potuit reduci conditio corpus humani ab aucta natura, sequebatur tempus, quod vocabatur decrementum, quod est decursus temporis febrilis in quo sanitatis causæ quotidie augebantur, ejus initium ab ἀρχὴ & ejus finis in perfecta sanitate, totum hoc tempus vocabatur παρακμὴ à πρὸ ultra seu *post*, & ἀρχὴ status, ergo est imminutio Febris, quæ inde vocatur παρακμᾶσις, hinc ἀρχὴ, ἀύξησις, ἐπίδυσις, ἀναβύσις, idem significant, & Latine dicitur vigor morbi, vide *Celsum*. Tamen quando febricitans incipit torpere, frigere, rigere, tum est ἀρχὴ, altero die ubi pejus se habet, est ἀύξησις itemque tertio die, id est, tendens ad ἀρχὴν, ubi quarto die vel ad summum quinto pervenit, est ἀρχὴ seu vigor, sexto die status est, ut in ἀύξησις & παρακμὴ seu descensus ad ἀρχὴν, tunc dicitur Febris Paracraftica, ubi desinit, & indicat; vocatur Crisis, in quo statu maxima mutatio est expectanda, & proinde desinit vel in salutem vel morbum vel mortem vel evacuationem materiæ, quæ fecit morbum, si hæc esset, perfecte vocabatur crisis μεταστροφικὴ materiam migrare faciens, non educens; hinc apostasis critica. Quæritur an dies certus decretorius Criseos sit, aut qui determinat mortem vel sanitatem, ut dies nonus, decimus quartus &c. numerante *Hippocrate*? respondetur, hæc vero pro varia ætate, diætâ, regione, regimine mire variant, v. g. Sporadicæ Tertianæ Vernaes raro durant ultra tres periodos; ut si Autumno invaserint; malo autem regimine unum vel alterum mensē durant, hinc non semper juxta *Hippocratem* Tertianæ septem periodis terminantur, sed observandum

vandum, quod ipsa manente diversitates variæ sunt.

*Mutatio* est vel in sanitatem vel in alium morbum, quo semel recidiva intelliguntur, vel in mortem, tum hæc Febris est distinguenda vel in acutis vel in aliis Febribus, nam in rerum natura est commune iter, sed stimulus variat, sic omnes inflammatoriæ Diatheses ascendunt per septem dies, octavo die stant, & decimo quarto die ægri sunt sanati, si morbus sit lentior, ad vigesimum primum diem percurrit, imo ad octuagesimum quintum, uti *Hippocrates* observavit, non possumus ergo certo dicere, quod illæ Febres sint, quasi plantæ & animalia, quæ certo tempore crescunt & desinunt, uti *Sydenhamus* credidit. Quantum ex libris *Hippocratis* videmus, ille tantum Febris impetum videbat, & si ille tolerabilis esset, dabat Ptychanum, commendabat abstinentiam & quietem, ut natura sanare posset coquendo, separando, & expellendo, sed si Febris esset tanta, ut corpus destruere posset, moderabat, si videret Febrim deficere, malum per calefacientia curabat, si vero aliquid divinum esset in morbis, dabat aliud remedium, quod ipsi soli erat notum, uti discimus ex *Artaxerxis Epistola*; hoc remedium sapiens hic Vir in suis scriptis non descripsit. Sed hodie putant Medici se debere tollere Febrim, Galenici mittunt Sanguinem & nesciunt, quare, non attendunt ad rupturam vasorum, sed ad solum nomen Febris, sic alii simili ratione in omni Febre adhibent pulverem Cornachini, alii dant Vomitoria, alii pulverem Sudoriferum, alii pulveres absorbentes, omnes conantur tollere Febrim; hinc quæ hic dixi, non sunt tam multiplicia, si modo Medici non

turbarent institutum naturæ, si dicas, fiat Missio Sanguinis, debes te examinare, an possis reddere rationem serenissimo Medico, cur velles mittere Sanguinem; omnes Medici, qui legerunt *Hippocratem*, dicunt, *Hippocrates* hic non valet, nam Febris non curatur, sed illi non curant, omnes enim Febres Peripneumonice Pleuriticæ sequuntur tempus ita, ut habet *Hippocrates* ne uno momento excepto, sed in iis tamen non multa mutamus. Dixit *Hippocrates*, Tertianæ exquisita septem diebus absolvi-  
tur, res est vera, sed relinquatur suo genio, si enim facias nimium calorem, Febris non nimia est legitima, si frigus plus produces per subductionem sanguinis tum non est legitima curatio, tamen mutasti, ergo in omni multum discriminis in uno ab alio tempore.

§. 591. Sequuntur pulcherrima in Febris observata. Triplex semper erit exitus, vel sanitas, vel morbus, vel mors. At rarissimi inveniuntur auctores, qui notarunt vel docent, quomodo hæc diversa sequantur, doctrinam hanc ergo proponamus.

§. 592. *Vitio Destructi*. Dicitur vita nostra suspensa pendere, quasi bulla æquali textu illorum filamentorum, profecto credibile est, quod filamentum, quod duxit aranea, vel bombyx sit rude, si comparatur cum canalibus, per quos fit vita, intelligo ultima stamina cerebri & cerebelli, si nunc aucta velocitate per impetum hæc minima conterantur, est mors, quæ non apparebit ullo signo, nam hæc minima non videmus neque mille simul sumpta, sed quibus signis hæc Febris cognoscitur? respondetur per Deliria, & omnes, quos mori videmus, per Deliria à vasorum minimorum de-  
stru-

structione moriuntur, idem de vasis pulmonum & cortice cerebelli verum est, sic viri clarissimi, incidentes istiusmodi cadavera, omnia bona inveniunt, & mirantur, cur hi ægri mortui sunt, sed hi viri celeberrimi ultimas has telas non videre possunt.

*Vasa vitalia.* Nam omnis aucta velocitas sanguinis auget momentum solidorum, unde fluida urgentur, comprimuntur, graviora fiunt, & consolidantur inter se, tum evadunt tam tenacia, ut per vasa cerebri & cerebelli & pulmonum transire nequeant & moriuntur à materia tenaci, si hæc materia in cerebro deveniat, tum quoque moriuntur Delirio, si vero in Thorace, moriuntur Peripneumonia cum summa anxietate ad pectus, vel si materia infundatur in loca Intercoastalia, tum statim inde oritur Inflammatio, quia materia tam crassa per hæc vasa minima transire non potest.

*Aut per ea &c.* ut Venæ Lactææ, Venæ Meseraicæ, si per Febrim hæc aphthis obducuntur, ut nihil sorbere possint ægri, moriuntur, quia ab Æsophago usque ad intestinum Cæcum omnia sunt una crusta immeabili Aphthis obfessa, hinc via chyli est interclusa, ergo moriuntur ægri ab aphthis diu postquam Febris desit.

*Ulcera aphtbosa.* Omnes Physicæ rationes, quibus homo à Febre moritur vel mortuus est, huc referuntur, quando ergo es coram febricitante, & rogas te ipsum, an hic æger periclitatur, ut moriatur à Febre, cogitas est impossibile, uti ille æger moriatur, nisi quin tenerissima vasa destructa vel quoniam liquidum minus pressum in tantam tenacitatem evadat, ut per vasa fluere non possit, vel quin Inflammatio

matio vel Suppuratio &c. oriatur, circa partes, quæ faciunt, ut homo moriatur, sed si Febris augeatur, & Deliria oriuntur, cogitas hoc Delirium oritur, quia vasa minima atteruntur, & destruuntur, ergo periculo mortis versatur æger, & simulac hoc cognosco, video unde metus mortis à nimio scilicet motu, mitto Sanguinem, Clysmata, Balnea, potum aquæ nitrosæ, omnia diluentia &c. suadeo, & si impetus non adsit, debeo abstinere aut crearem alium morbum, sed si Delirium suffocativum adsit, calor magnus, pulsus non violentus, humores sic degenerant, ut crassescences transire non possint, tum aliæ viæ sunt insistendæ, quia nimia est incrassatio in vasis Capillaribus, vel forte circa organa vitalia Œsophagi, Intestinarum, Ventriculi, Coli malum hæret, tum datus purgantia ex Rheo & simul magnam mellis copiam.

§. 593. Quomodo Febris mortem faciat, dixi, quænam mutationes Physicæ huic corpori accidant, antequam ultima mutatio mors accadat, quoque enarraui, nec cognosco alios modos, per quos Febris in mortem tendit nisi hoc, ago enim hic solum de morte producenda per Febrim. Quomodo Febris alium morbum à se diversum creët? hic rursus est magna circumspeditione opus.

*Dum lædit.* Nam omnis nimia Febris agitatio, reddit omnes Febres longiores, omnis fibræ elongatio cæteris partibus facit fibram accedere ad dissolutionem, fibra vero, qua parte dissoluta est, non est elastica, nam chorda discissa non trahit se in mutuos amplexus ubi divisa erit, sic elongatio membranarum, fibrarum & vasculorum minimorum se disponere inci-

incipit, ut amittat elasticitatem, si Febris hoc faciat, oritur per hanc Febrim jam sanatam omnis morbus, qui ex ipsa laxitate oritur, nempe omnes Febres Quartanæ, omnes Febres Phthisicæ, omnes Tertianæ, si protrahantur diutius, si violentissimæ sint in accessu, corpus disponunt ad Hydropem, tument pedes & viscera Abdominalia, & vix est casus, qui excipitur, ergo Febris exhausto succo vasorum consolidat, firmat, de hac hic non ago, sed post nimiam agitationem vasa læduntur, ut destruantur, & quidem ut hinc sequantur morbi, qui à continuitate læsa oriuntur, vide Caput de *Vulneribus*. Sic Febris quoque rumpit minimas arteriolas ut in pulmonibus, à quibus vidi homines illico mortuos, ut sanguis Asperam arteriam &c. oppleret, videmus rupturam vasorum in renibus, in intestinis, unde Dysenteria & Hæmorrhagia narium, quæ in Febribus sæpe ad mortem contingunt, ergo Febris, qua Febris, vasa lædere potest, ut destruat, & sic producit morbos, qui à continuitate læsa & liquidis effusis producuntur.

*Vasa.* Quatenus diametri vasorum augentur, hinc humor turbatur per errorem loci, tum pars crassior derivatur in dilatatos canales minimos, & facit omne morborum genus, à Febribus distinctum, v. g. nimis violenta agitatio pellit sanguineam partem in vasa serosa, ut postea tota facies ruberrima sit, cum scilicet, vasa serifera sic facta sunt sanguifera? ergo omne morborum genus fit à Febribus, hæc fiunt à Febribus licet non tendant in mortem, hinc possunt liquidiora dissipari, & reliqua inspissari, ut restet *Cacochymia*, quæ est *degeneratio humorum à naturali indole, ut functiones læ-*  
*Tom. III. D dat,*

*dat*, quid est evidentius, quin ibi humidissima dissipentur per vim Febris & crassa relinquantur, licet non eat in mortem, tamen in alium morbum, *Hippocrates* dicit in Febris excutitur id, quod mobile, facile superabile & spirituosum est, hinc aquosum, mite & spirituosum diffatur, manet minus solubile, oleosum & terrestre, & hæc tria si coquantur in piceam materiam, manent in corpore, tum corpus laborat alio morbo à coagulo, dicis, cur tum non mors sequatur, sed inter hanc extremitatem & mortem sunt infiniti gradus, ergo hinc infiniti morbi, quia humorum Cacochymia fieri poterit.

*Nimis debili &c.* Quando Febris nimis impar est resolvendo. Febris est motus in corpore, ut projiciatur sanguis velocior per pulmones, arterias & per totum corpus, ut hac ratione omnes mutationes producat, quæ ex velocitate projectili aucta sequi possunt, sæpe vero vita est tam debilis, ut Febrim facere non possit, quæ oritur à causa materiali dissolvenda per Febrim, si nunc Febris non sit tam efficax, materia Febris abest, & causa remanet, de his recens Medicina nil habet, Venæ Sectio resolvit quidem eatenus, quatenus impetum minuit, & vasa laxat, occasionem diluendi dat, & eatenus solvit, sed per se non, si nunc coagulum excitet Febrim, & Febris sit tam parva, ut non moveat coagulum, omnia stagnant, & oritur species mortis, quæ vocatur maligna, & species morborum Chronicorum, ponite oriri spissitudinem mucosam in serosa sanguinis parte & ponite hanc materiam deponi ad cerebelli corticem, incipiet ille homo laborare Febri seu Catarrho vel Rheumatismo febrili, & hæc Febris

vix apparebit: si vero mittatur Sanguis & dentur diluentia, Febris affurget, & coagulum dissolvetur, si vero Febris non affurgat, æger Lethargicus moritur vel gravitatem capitis habet, memoria & judicio carens, sicut nunc hoc hic pono, idem in Febris Inflammatoriis verum est, si nunc diathesis inflammatoria sanguinis obsideat corticem cerebri & cerebelli, tota Febris desinet, spiritus non resluunt, manet diathesis inflammatoria, & æger moritur sine Febre comatosus, aut si non tendat in mortem, pars obseffa erit, & orietur labefactatio illius functionis, quæ inde pendeat, requiritur tamen à Medico, ut mittat Sanguinem, sed si à Sanguinis Missione non decreſcat, non resolvetur, ergo æque magnus motus, quam parvus nocet, sed producit tres morbos. per metastasin seu transmigrationem materiæ de loco in locum,

*Materiam Criticam.* Hoc est tempore, quo magna judicia fiunt, si illo tempore moveatur materia, & auferatur in vasa, ubi major angustatio occupabit hæc, tum prior morbus erit ablatuſ, sed ſequetur novus, notante *Hippocrate*. Angina cum Febre movens materiam & per venas deducens in pulmonem facit Peripneumoniam lethalem, si vero non lethalis facit ulcera pulmonum seu Phthiſin &c. vel si hæc materia tendat in Scirrhum facit tubercula in pulmonibus per metastasin, ergo materia critica ferri poteſt primo in vasa obſtructa, si nunc unus locus plus obſtructus ſit; ibi materia plus hæret, pone corpus eſſe laxum, habere vasa æquabiliter laxa, pone tum caput illud frigori exponi, tum ſtatim materia ibi ſiſtitur, ſic ſæpe contingit, si ægri laborent morbo acuto, & leniant



niant sitim potu frigido, in Icterus incident, quoniam hepar ventriculo incumbens constringitur, tum quidem vasa maxima aperta manent, in quibus bilis intrat, vel oriuntur alii morbi, nam inde sistitur sanguis, imo exinde infinita deduci possunt.

*Vel fertur in vasa dilatata.* Nostrium corpus est sic constructum, ut quot diversa liquida, tot in diversa vasa vehantur, sanguis non venit in vasa Serifera, nec serum in Lymphatica, nec lymphæ in vasa quarti generis, & si liquidum, quod est in vasis uno gradu crassioribus, non veniat in vasa uno gradu subtiliora, non fit morbus, sed si in morbo adeo dilatentur vasa, ut accipiant liquidum peregrinum, tum orietur novus morbus per quæcunque loca.

*Rupta.* Infinita sunt exempla, ubi vasa Sanguinea primi generis rumpuntur in naribus, unde materia critica deponitur, & venæ manent ita apertæ, ut nunquam claudentur, ita multi ægri Hæmorrhagia Acuta laborarunt, sed hoc de arteriis crassis verum est, & quod sæpe in vasis Pulmonalibus, Intestinalibus, Uterinis & Ventriculi fiet, unde certe morbi principes oriuntur.

*Maculæ rubræ.* Sunt collectiones humorum crassorum in glandulis subcutaneis, ubi hæ in corpore febrili apparent ut effectus, ibi sanguis est ingressus in loca aliena.

*Pustulæ.* Uti maculæ rubræ in acutis, sic etiam pustulæ fiunt, sunt parva Erysipelata vel parvæ Phlegmones.

*Erysipelata,* quæ sunt obstructions in vasis sub Epidermide & est quasi pannus ruber per corpus, explicui in capite de *Inflammatione.*

*Morbilorum* varia genera sunt periculosa & minus

minus periculosa, sunt autem Morbilli proprietalis morbus, ubi æger valde febricitat, nulla alia re in initio apparente, sed secundo, tertio, quarto vel quinto vel sexto die prærumpunt sub Epidermide maculæ lividæ vel nigræ, quæ dein desquamantur.

*Variolæ.* sunt Phlegmones parvæ sub cute, & in veras Phlegmones vel Abscessus abeuntes, oriuntur à Febre præcedenti determinante materiam in vasa minima, si vero ista vasa jam dilatata sunt, illud venenum abit, hoc fit in hominibus, qui Variolis & Peste laborarunt, ibi id, quod acceptum rursus absque noxa dimittit extrorsum, sed qui Variolas vel Pestem non habuerunt, ibi quia non satis dilatata sunt, venenum hæret.

*Bubones.* Ut in Peste, quia tunc fit curatio per metastasin & deponitur materies morbifica ad hunc locum, vide *Diemerbroekium* & descriptionem Pestis Massiliensis.

*Parotides* fiunt ex materia febrili violentissime mota in partem & hæ sunt præsentēs in Febribus, ubi omnes hæ apparent, ibi semper est aliquid Pestilentiale, nam in Peste nulli homines, nisi per Parotides vel Anthraces vel Bubones sanantur, sed illæ Febres, quæ hæc in interiora deponunt, sunt molestissimæ, sic Pleuritis est obstructio orta in loco, ubi nullus est exitus, si enim hæc oriretur in dorso manus, fieret Suppuratio sine ullo periculo, sed si in Pleuritide suppuratio fiat, facit Empyema & Phthisin &c.

*Abscessus*; significat semper Suppurationem vel secretionem vel aggregationem materiæ morbificæ ex toto systemate segregatæ in hunc vel illum locum, si hic fiat Suppuratio, tum

fit saltem una species Abscessus, sed hæc plerumque curatur per Suppurationem, hinc abscessus postea à Chirurgis pro Suppuratione habetur.

*Scirrhi* fere semper fiunt à Febre præcedente, nisi causa externa sit, quæ deponit materiam in folliculis, scitis, quod omnis folliculus sit membrana duplex, inter duplicaturam sunt vasa, quæ in cavum ampullæ transudant liquidum collectum, quod tum in locum destinatum exit, si nunc illa vasa in membrana ampullæ ita sint dilatata, ut non humores tenues sed crassos effundant in cavum ampullæ, tum hoc liquidum ibi hæret, & fit obstructio extra vasa, extra venas, & extra arterias, id est, in vasis extra circulationem positis, hinc vix resolvitur Obstructio, omnia durescunt, exsiccantur & nunquam emolliuntur, quia materia extra vasa vitalia hæret, hinc à Febris mulieres Scirrhos in mammis accipiunt, nam ex centum mulieribus lactantibus nonaginta novem laborant Febre, quia materia stagnat ad uterum, unde tot mala videtis diversa à Febre oriri.

*Cachexia* est degeneratio corporis à statu Solidorum & Fluidorum ad vitam requisitorum in talem indolem, ut functiones destruantur seu lædantur, quæ est nutritio, si nunc destruantur Solida & Fluida, Cachexia oriri potest, ut Febris effectus, quando nempe Febris nimis fortiter agit.

*Gangræna* fit, si tota moles nimis agitetur. Omnis Febris fit vel à nimis parva vel à nimis magna agitatione, vel à tali mutatione vasorum, unde humores perturbati mutantur, hinc si Medicus extinguat Febrim, antequam oporteat,

teat, tum illud coagulum derivatur ad quædam viscera, unde tot mala & languores oriuntur, & hoc fit ut plurimum, quando inopportune subministratur Cortex Peruvianus, hinc Medicus debet considerare, an illa sit tollenda nee ne, nam si illud coagulum deponatur ad hepar, inde fit Icterus.

§. 594. Quomodo Febris sanatur? multa experimenta institui, ut discerem, & viderem, quomodo sanatio fieret, putabam primo omnes Febres sanari posse, sed vidi ægros æque sanatos, qui nullum medicamentum acceperunt, quam qui medicamentum assumpserunt, hinc medicamenta non sanant Febrim, sed natura, inde vidi, quot modis homo à Febris liberaretur, & quo usque hætenus perspexi vidi ad duo posse referri.

*Insanitatem.* Sanitas vocatur perfecta facultas excolendarum omnium functionum sine dolore, sine molestia, cum levamine & specie oblectamenti & constantie; si Febris in sanitatem eat, significat, quod functiones in Febre læsæ iterum fiant integræ post Febrim ablata, ergo debet nil plus vel minus esse quam ante, pono nunc, quod homo perfecte sanus sit, & quod nullum morbum medium pati debeat.

*Expellit.* Hæc est prima methodus, qua natura utitur, si Obstructio sit in corpore, oritur Febris, hæc solvit obstructionem, materiam obstructam adeo tenuem reddendo, ut sine ullo sensu ex corpore perspiret, hæc sanatio vocatur Diaphoretica, hinc à *Paracelso* & *Helmontio* discimus, dicit enim *Paracelsus*, qui Febrim sanat, ut effectus sit sensibilis, facit morbum, siue sit per Vomitum, siue per Diuresin, siue per sedes, &c. sed dicit, materia Febris tam te-

nus est reddenda, ut sine sensu vel læsione totum corpus liberet scilicet per perspirationem.

*Materialem.* Febris dicitur materiam habere, quoniam in causa est vel Plethora vel Cacoehymia, hæc rursus est vel serosa vel viscosa, vel inflammatoria, ichorosa vel purulenta, vel in corpore aliquid cancrum hæret, vel in intestino est aliquid infectum, & hæc sunt causæ pro catartica.

*Hunc impetum sopit.* Si Febris sopiat materiam, erit major agitatio, hæc sistetur, si omnis sanguis in omnes venas æqualiter deducti possit, quia omnes venæ sunt latiores, ergo una causa tenax Febris naturalis tam subtiliter solvi debet, ut sine ullo sensu vel functionis læsione eliminetur per solam corporis vim, ut ille motus omnia versus ultima sic reddat patentia, ut liber itus sit in venas, quamdiu nunc diversitas in parte manet, hæc duo facienda sunt, hæc est vis resolutionis sine ullo morbo, sine ulla metastasi; hinc etiam si cor nunc celerius movetur, attamen si possim expedire capillaria, tunc solvitur Febris, quia tunc sanguis distributus per omnia illa vasa, in venis quiescit redit, Febre laborantis corpus fit prius grave, caput hebes, appetitus destruitur, os fit pituitosum, urina spumosa, artus delassati quasi suffigati, si nunc abstineant à nimio cibo, potum tenuem calentem assumat, motum moderatum adhibeat, brevi post se rursus sanus dicit, si tum hic decursus examinetur, fuit Febris à lentore, quæ resoluta est per dilutionem, si gravior sit, non cedit his, & fiunt pejora mala.

*Secundus modus,* qua Febris curatur est alium mor-

morbum parvum inducendo, & tum vocatur curatio per crisin; *Paracelsus* dicit, qui expectat crisin, non intelligit artem, sed tunc nemo Medicorum intelligeret artem, sed gaudemus, ut sub labore criseos possimus liberare ægrum à tormentis è longinquo. Accidit aliquando, ut materia lenta sic hæreat in vasis, ut magnam excitet Febrim, sæpe tunc possit transire ex arteriis in venas; sed hæc materia tam peregrina est, ut irritando reliqua vasa suscitet & ad locum aliquem deponatur vel ejiciatur, sic per crisin solvitur vel per urinam crassam hypostaticam, aliquando per sudorem, ut plurimum levi sudore judicatur Ephemera, Intermittens in Paroxysmo, Continua vero in fine. Hic sudor distinguendus est à sudore symptomatico & viscido lethali, aliquando per salivam, Diarrhæam, irritatis fibrillis per vomitum. Materia Febris erat, quæ faciebat stimulum, hæc excitat novum morbum, quia non tam subtilis est, ut per omnia vasa eat, tum vasa per stimulum liberant corpus, hinc Vomitus, Diarrhæa &c. hæc secunda sanatio est tam perfecta ut prior, sed est sanatio per Abscessum, at antequam materia ex loco veteri eat, oritur novus morbus, si hæc post coctionem & statum morbi fiant, fere intra quatuordecim dies sanatur morbus, tamen non omnes Febres per crisin intra quatuordecim dies sanantur.

*Notem.* Quia pars non perfecte sana non potest æque bene circulare ac cæteræ, hinc fiet stimulus, qui vocatur crisis Febris, quæ post coctionem oritur, hoc est post obstaculi illius eo usque factam resolutionem, ut possit utcumque circulare cum cæteris, unde cum hæc materies se applicat ad omnia vasa, quando acce-

dit ad vasa sibi idonea, per ea exibat, & e corpore secerneretur, hoc est nobile observatum Hippocratis.

*Sudor* est bonus 1. Quando materia acris volatilis ut in Peste & omnibus morbis Pestilentia- libus. 2. Post peractam coctionem non ante, quia Febrim insigniter augent, nam non datur ullum Diaphoreticum, quod in paulo majori dosi assumptum, Febrim non faciat, quamdiu ergo est Febris *ἐπικύρηται* augetur Diaphoresis, non parcatur humor blandus in sanguine, qui Diaphoresi expellitur, monente Sydenhamo.

*Saliva*. Præsertim in morbis Acutis, ut in omnibus Variolis & morbis Aphtosis, quam plurima enim exstant exempla, quæ pessime sese habuerunt, cum expuere non poterant, non loquor de salivatione Mercuriali sed naturali.

*Vomitus*. Quo stimulo materia ex intestinis in ventriculum se exonerat, ergo patet, quod per vomitum tota massa sanguinis à fœcibus liberetur.

*Diarrhæa*. Quando nempe in Duodenum ex hepate venit, unde sit Diarrhæa Critica; idem dici debet de Diarrhæa; per quam non tantum ventriculus sed omnes, qui conficiundæ bili, pancreati & chylo inserviunt, humores repurgantur.

*Urina*. est vero cloaca seu sentina, per quam sanguis depuratur, estque ejus verum lixivium; hinc in Febris Criticis vulgaribus fere decimo quarto die habetur hæc dispositio vel Pleuritide, Peripneumonia, &c. vulgaribus septem diebus ascendit, descendit, septem, decimo quarto habetur Crisis. Jam sequitur tertia methodus.

§. 595. *Materies male* scilicet, quæ primo Febrim

brim fecerat, ita ut perfecte assimulata sit humoribus sanis, quis est qui Febre optima Ephemera per duas vel tres horas laboraverit, qui bibit Coffe vel simile quid, & qui post duas vel tres horas non levamen senserit, quin capitis dolor abierit, quin lumborum dolor cessaverit, & quin humores æqualiter circularint? hæc Febris humores ita resolvit, ut iterum sani fuerint; hæc resolutio vocatur assimilans, nam materia peregrina per Febrim ita subigitur, ut fiat cum sanguine homogenea; hinc omnes naturæ viæ ad hæc tria reduci possunt, ergo est triplex methodus 1. per Diaphoresin, id est, resolutionem stimuli, quam voluit *Sanctorius*. 2. Per Criticam dispositionem, id est, per resolutionem materie. 3. Per assimilationem cocti, id est, per mutationem materiæ morbosæ in bonum, quæ materies etsi fluere fuisset potens, subactione tamen adhuc indigebat, ut assimilaretur. Hæc omnia ab ipso *Hippocrate* sed sparsim sunt observata, unde patet, quod natura aliquando per corporis Diaphoresin, aliquando per Pepasum curat.

§. 596. *Genius* vocatur singularis natura, quæ illa Febris à statu sano sensibilibus se distinguit, ergo à statu sano per omnia Phænomena percurrendum est, & quo Febris plus divergit à sanitate, eo est periculosior & eo minus facilis resolutio. Canon hic non fallit, si Medicus non turbet naturam, v. g. vocor ad ægrum prima hora, qua Febri laborat, cogita, hæc Febris potest esse lethalis, unde hoc scio, si omnia insueta fiant præter naturam & præter sanitatem Febris erit lethalis, sed si parum à sanitate & lento gradu decedit, diu durabit, & non erit periculosa, 2. si videam Febrim intra



duos dies adeo violentam, ut omnes functiones læsæ sint, tertio die erit mors, si in Febre Ardente hunc tertium diem effugerit, protrahitur morbus, si hic protrahatur, scio Febrim tertio die stare & decimo quarto sanatum iri, omnes vulgares homines suspirant ad nonum diem ex eo præjudicio, quod eam attingentes sanati erunt, idque fit eo fundamento, quia nonus dies est Decretorius in Acutis & tunc tantum descendit morbus quantum ascendit. *Hippocrates* dicit, omnes Febres, exceptis Variolis & Anomalis continuæ putridæ Synochi quot dies in ascensu tot in descensu impendunt, primo die violentissime mutantur, secundus dies est peior, jam metus est, ne mutetur cras, si cras non sit peior, stat morbus, nil mutat, erit perfecte quarto die ut secundo; & quinto die ut primo, & sexto ut tertio die erit sanus vel occisus; Febris ascendit per septem dies quotidie gravior, stat octavo die, hinc si ille æger illud ferre non possit, ante nonum diem moritur, si hunc supervixerit, tunc Febris nono die erit ut septimo, decimo die ut sexto, undecimo die ut quinto, & decimo quarto die ut primo; & post decimum quartum diem sanus erit æger, hoc fit quando morbi non turbantur, si vero subdlexeris sanguinem, & purgaveris, non adscendit ad decimum quartum diem, sed vacillabit, & morbus erit penitus anomalus & irregularis. Si æger primo die fuerit lassatus & quasi fustigatus, secundo vomens, tertio & quarto anxius, quinto delirans (pono nulla adhibita esse externe vel interne turbantia) descensus iisdem diebus se eodem modo habebit, si Febris ascendat ultra dimidium diei, non erit Ephemera, si tantum per duodécim horas adscendat, ter-

minata erit. Febris cognoscitur esse præsens, ubi pulsus est frequentior, & talis aliquamdiu manet, tum vocatur Febris. Febris Intermit- tens cognoscitur futura, si cito adscendat, stet, desinat, & corpus post finem non sanum re- linquat, prævidetur tum altera Febris. Febris Continua cognoscitur futura, quando cito ad- scendens cito desinens corpus perfecte liberum relinquit, sed si Febris lente adscendat, lente stet & declinet, est lenta. Medicus facile cu- rabit Febrim, si non turbet naturam, quæ tan- tum tunc est adjuvanda, nisi sciat has Febres esse Epidemicas, nam v. g. si sciam Pleuritides nunc esse Epidemicas, statim atque videbo ho- minem iisdem symptomatibus corripì ac alii, primo die mittam Sanguinem, quia scio natu- ram solam, si sibi relinquatur, tunc creaturam Suppurationem, quam evitare oportet.

§. 597. In his differt summopere bonus Me- dicus ab Empyrico (ut ante dixi) non artis est Febrim tollere, sed opportune eam conservare, si non minuetur magnum periculum, non tol- lo, sed adero secundo die ut observem omnes mutationes, hinc dantur quædam medicamen- ta, quæ non turbant, ut oculi Cancrì, aqua Hor- dei, & similia quæ Febri tollendæ non satis fortia sunt, nec non turbantia, si tam magna sit Febris, ut ferri non possit ad octavum diem, inquirò causam, si calor sit maximus, mitto Sanguinem, do Nitrosa refrigerantia, sed San- guis non est mittendus nimia copia, ne quid hærens maneat futurum postea causa mali Chro- nici, si vero Febris sit minor, præscribenda sunt lenia talia Diluentia, Emulsiones, Syrupi diluti, Julapia; nec Medicus interea parum sollicitus sit de exitu morbi, sed semper sit attentus; si

morbus à die octavo decrefcit, tum decimo quarto die habebitur crifis. Si motus naturæ fit nimis languidus, tum do Cardiacæ, quæ omnia Febrim faciunt, ut vinum Cardiacum optimum, & omnia aromata, fi motus hic nimius excitetur, paululum minuendus eft. Natura Febris nofcitur 1. per ftimula & obftacula nata. 2. Per caufas Proægumenas, 3. per caufas Procatarticas, 4 per Epidemiam peculiarem. An febris cito definat, patet ex idea cito adfcendentis, & definentis, tum non erit diu, fi functiones vitales non lædat, ut Cor, Pulmones, Cerebrum, & Cerebellum, fi vero hæ functiones fint læsæ, tum eft Febris valde periculofa; hæc vero eft de gradibus.

§. 598. Legi fupra hanc rem plurimos auctores, & nullum inveni, qui diceret, hæc eft caufa quare hanc curam inftituam, exceptis duobus magnis viris *Hippocrate* & *Sydenhamo*, præter hos nullum excipio. Cum ad ftudia me applicui, primo legi juxta Chronologiam annorum omnes quotquot exftabant auctores, in Medicina notos, qui pauci funt, tum perveni ad defcriptores, qui exftant plurimi, & puto hoc fuiſſe maximum in ftudiis meis, unde emolumentum percepi.

*Generalis.* Hic dabo generalem curationem omnium Februm, id eft, quod commune eft in omnibus Febris folum & individuum hic pertractabimus, non autem hic eft curæ Tertianæ, Quartanæ, Quotidianæ Febris &c. nam generalem ejus curam dare eft impoffibile, quia in illis funt fupera accidentia, fine quibus Febris eſſe poſſit, horum claſſes fingulatim pertractandæ funt, fed quatenus habet id, quod commune eft omni Febri, poterit curari ſequenti methodo, ergo.

ergo cura generalis non curabit omnes Febres, sed tantum id, quod commune est in omni Febri jam explicatum, sic si Febres fuerint Intermittentes legitimæ à solo stimulo ortæ, Cortex Peruvianus ad unciam unam datus intra spatium, quod intercurrit inter Febrim & Febrim citissime eos sanat auferendo illam celeriores cordis contractionem; hinc impossibile est tradere generalem methodum curandi, sed tantum illud, quod omnibus Febribus est commune, quod ex *Hippocrate* ad quatuor canones reduxi, quorum applicatione optime curantur Febres.

1. His prospiciendum est, antequam morbus sit finitus, ne moriatur æger. *Hippocrates* dicit, non modo conservanda est vita, sed omne, quod ad integram sanitatem requiritur, vires consulere consistit in bonitate humorum & solidorum, & in motu temperato. Si duo homines laborant Febricula, unus animam vix ducere potest, ita ejus pulmo opprimatur, alter libere respirat, jam patet, quod plus virium sit in illo, qui non suffocationis metus incurrit, omnes reliquæ functiones, quæ in sanitate perfecta aderant, erant sanæ, ergo hoc est certissimum; quod in omni Febre facere debeamus, ut vita & vires vitæ perennent, nec aboliantur, omnis ergo Medicus, qui Febrim curet, cogitare debet, hic est vita & adhuc superest functio, hinc mihi est incumbendum, ne periclitentur & minores fiant.

2. *Acre stimulans*. Nam non habeo aliud vocabulum, per hoc intelligo omne illud, unde Febris oritur, tanquam causa motus violentioris, ille stimulus est auferendus, id est, quæcunque causa irritans illiminanda vel corrigenda est, hinc si quis à stimulo Crapulari Febre laboret,

ret, stimulus ille aufertur per largiorem potum aquæ tepidæ paucæ vino mixtæ vel infusum Thee vel Coffe, si homo valde moveat corpus, habet Febrim, si assumpserit salem acrem Alcalinum, idem accidit; nunc hæc omnia sub uno vocabulo comprehendere volumus, nempe stimulan-tem acre vel quaecunque fuerit, quod Febrim facit, excitat talem motum, hoc iners est reddendum vel è corpore educendum v. g. aliquis bibit nimium vini, si dem aquam tepidam, ut vinum diluat, æger erit sanus & acre ablatum, corrigendo & diluendo, sed omne irritans habebit suum oppositum, est in rerum natura causa, quæ facit Febrim Pestilentialem, uti est, quæ æquivalet illi causæ, & quasi apponitur, facit, ut non fiat Pestis, & causa, quæ facit Variolosum Contagium, sed habet suum oppositum, quod hoc verum sit, exinde patet, quia omnes Variolæ sponte desinunt, omnis Pestis sponte desinit, unde fit, ut boves ante annum demortui sunt, jam vero non moriantur amplius, est causa, quæ hoc superavit, si hunc stimulum non ignoraremus, hanc causam tollere possemus. v. g. Si quis hauserit vaporem accensi Sulphuris, inde ejus pulmones contracti Asthma producunt, fit Peripneumonia & morietur æger, sed si deter illi ægro Spiritus Alcalinus Urinosus, vel Spiritus Salis Ammoniaci, tum hoc medicamentum facit, ut illud acidum non sit acidum, sed convertet in Tartarum Vitriolatum, illud Alkali hic correxit id, quod fecit Febrim & Peripneumoni-  
 am, ergo omnis Medicus, qui vocatur ad curandum ægrum Febre laborantem & de vitæ functionibus conservandis cogitet, 2. illi est inquirendum, ut inveniat causam irritantem, quam

quam expellere vel per suum Antidotum curare debet, & felix erit Medicus, qui multa talia Antidota novit, hæc res est tam clara, ut nil evidentius, si homo hæuserit dragmam unam Mercurii Sublimati Corrosivi, ille morietur, nam habebit partem gangrænosam intra pauca momenta, Convulsiones, Vomitus & Dysenteriam, sed quando causa, hoc faciens, est acidum Salis Marini hærens ad glebam metallicam Mercurialem, hoc Mercuriale additum acido Salis Marini facit, ut nil resistere possit nisi dragma una olei Tartari, nam scio unciam unam olei Tartari posse destruere uncias duas spiritus Salis Marini, si ergo diluatur hoc oleum in aqua & detur potandum, tum spiritus acidus Salis Marini fit Sal Marinus & Argentum Vivum erit Præcipitatum iners, hacque ratione stimulus erit exemptus, si nunc quis hæuserit Arsenicum, delabitur in Febrim, quæ nullo modo exstingui potest, non enim scio, quod ullus Medicus Chemicus manifestaverit Antidotum contra hoc exquisitum venenum, ut in Mercurio Sublimato, hinc tantum noscimus oleum & aquam, quibus expellimus & delinimus, sed non habemus venenum oppositum, & qui hoc cognoscerent, essent summi Medici, nam illi perverterent omnia mala.

3. Per lentorem non intelligo, ut sæpe monui, viscositatem vel tenacitatem quandam sanguinis, sed tantum omne obstaculum, quod liberam circulationem impedire potest, hoc uno vocabulo omnes causas qualescunque, quæ faciunt ut resistentia sit ad vasa Capillaria, ne æqualiter transmittantur humores, voco lentorem, imo lentor potest esse sanguis æque fluidus imo fluidior ac antea, modo ille in vasa aliena intret, hinc

hinc talem sanguinem fluidiorem lentorem, nomino, nam magis generale non cognosco, si vitam servem, stimulantem causam compesco, lentorem dissolvo, & Febrim sisto, sed Febris est conditio actiosa, hinc Febris mutavit corpus per mutationes, quæ vocantur Symptomata, si Febris tollitur Cortice Peruviano, in hoc casu auferetur quidem stimulus, ut causa Febris, non ejus effectus, v. g. homo Febre viginti quatuor horas laboravit, ponite rubram sanguinis partem ivisse in cerebri corticem & ægrum delirare, ponite nunc Febrim esse sublata, manebit tamen æger delirans, licet Febris fuerit sublata, remansit tamen Febris effectus, quotidie tamen oritur necessitas, ut Medico Febris sit tollenda; hæc sunt omnia, quæ in Praxi Medicâ concipere potui, ubi vocamur ad consilium febrile, cogitate nunc quod omne, quod Febre laboranti facere possim, sit, quod r. coner sustinere vitam, causam auferre, vel ut causam attenuando mobiliorem reddam, vel ut effectum Febris tollam; hæc res est maximi momenti, nam si in primo consilio hoc fiat, bene dirigitur morbus, si Medicus sit felix, si vero non, tamen successus animadvertitur; v. g. vocaris ad hominem, qui Hæmoptoe prægressa laboravit, tum invenis hunc ægrum Febri laborare hora, qua chylus fertur ad sanguinem, antequam hæc Febris tollatur, primo Medico est videndum, qualis victus, cibibus vel potus sit, qualis somnus, vigiliæ, excreta, retenta, & animi pathemata, si inde inveniat effectus Febris, tum alia vita illi ægro est præscribenda.

4. Video Febrim fieri ab obstaculo & matutino tempore deesse, an hæc Febris à stimulo?

certe

certe ab utroque, omne Heteroclitum facit Febrim, vinum non assuetum facit Febrim, homo, qui nunquam carnem comedit, accipiet Febrim, si ille carnem edat, homo, qui ex aëre humidissimo in siccissimum v. g. Italiam defertur, accipiet Febrim, & illud, quod hic facit stimulum, est pus, quod sanguini communicatur. Quis nunc est Febris effectus? despu-  
mare hoc pus in sanguinem receptum, si velis Febrim tollere, tibi corrigenda est fomes irritans, nam si Febris irritans tollatur non ablato acri, tum Febris, quatenus movet, nunquam tolli potest, sed stimulus relinquitur, qui postea ægrum suffocat; testantur hoc quotidiana exempla eorum, qui per Corticem Peruvianum Febrim tollunt; simulac ille homo novum chylum in venas accipit, tum ille chylus transire non potens per pulmonem fractum & intortum accumulatur, qui vasa extendens facit novam quasi vomicam, hinc in pulmonibus excitatur Febris proposito naturæ, si tum Febris tollatur, suffocatur æger, sed dentur levia, quæ facile per pulmonem transire possunt, ut est v. g. lac cum duabus vel tribus partibus aquæ cum sapone, saccharo, vel melle, si æger tale quid assumat, omni semi-hora Febricula aderit, sed tum illa Febris depopulata erit; hinc effecta sunt præveniendæ, & symptomata mitigandæ. Medici, qui frequentioribus Practicis uno die sæpe viginti vel triginta ægros vident, debent secum habere quoddam memoriale, quoad causam & prognosin, si videam hominem subito incidere in Febrim violentissimam, antequam morbus finietur, forte materia deposita erit ad cerebrum, tum æger incipiet delirare & soporosus fieri, & quia illa dispositio est periculosa,



culosa, curabo solum id symptoma, relicto altero morbo.

§. 599. Vires vocantur omne illud Physicum, quod erat in homine ante Febrim, & quod adhuc est in Febre sanitas, id est, omnes causæ in ægro superstites ex sanitate ut v. g. sanguis bonus, bilis bona, succus Pancreaticus bonus &c. hæc bona conservari debent. Vita conservatur, si vasa & liquida conserventur, hoc fit curando 1. ut sufficiens liquidi copia pro viribus venis recipiatur. 2. Ut tam facile fluat, quantum requiritur ad vitam, 3. ut cor habeat vim requisitam recepta pellendi ad partes conservandas. Hinc veteres commendaverunt Cardiacæ, sed male dicta, nam Cardia significat orificium superius ventriculi, sed Barbare obtinuit horum usus, Latinis tanquam Cordialia, sed Græci magis Cardiacæ dixerunt, quia vires cordis augment, ergo vires arteriarum, & his augetur circulatio; hinc Cardiacæ Medicina seu Cordialis est, quæ vitæ vires sustinet, & quia cor est causa princeps motuum, hinc ejus vires sunt restituendæ. Cardiacæ sunt duplicia, vel suppletia humores bonos, vel moventia stimulo humores inertes. Primum Cardiacum est cibus & potus, sed illi cibi & potus quales dixi in *Materia Medica* §. 28. No. 1. secundo debent esse talia, quæ possunt digeri in Ventriculo, Intestinis, Vasis Lacteis, Cryptis lumborum, Ductu Thoracico, Venis & Pulmonibus, ubi fit secunda digestio & quæ facile digeruntur in arteriis Capillaribus; nam ibi est tertia digestio; furibundo enim vinum propinare est cum occidere, Febrî Ardentî spiritum vini exhibere idem est, si in animi Deliquium cadat æger, tum vires resuscitandi sunt iis, quæ suppleant humoribus

bus & replent inanita; dandi sunt cibi & potus, qui facile digeruntur & paucas fæces post se relinquunt, potus ordinarius sit Hippocraticus ex Hordeo non decorticato, ergo in Acutissima Febre tantum hoc dabo, quia non Cremorem facit, si vero excorticetur, tum dabit majorem Cremorem, hinc potero illo uti, quando Febris erit minus intensa, dari etiam potest semper lac cum quatuor partibus aquæ, hoc parum acescit, & non abibit in grumos caseosos, si autem hoc rite procedat, tum secundo die potero dare serum lactis aut lac dilutum tribus aut duabus partibus aquæ cum syrupo Violarum, ne casefeat. Tertio die dabo panem coctum cum succo Citri &c. vel aliquid simile cum succo Aurantiorum &c. quarto die si tempus sit Cerasorum vel Ribesiorum, coquam ea in aqua & faciam Ptisanam, si nunc sumpserit lac ebutyratum cum Pomis coctum vel serum lactis idem efficiet.

*Putredini adversis.* Hoc est Alcalescentia salium & Rancescentia oleorum, contraria medicamenta danda sunt in hisce casibus, nam in vi Febris est putredo, partim à stimulo, partim à remora. Omnis Febris Acuta in genere generabit humorem sibi naturalem, id est, Alcalinum, & ejus effectus est corruptio humorum in putridam naturam vergens.

*Siti contraria* est aqua, & omne, quod conservat, ne putrescant humores & resistit putredinis impetui, nam aliter sitis fit semper major.

*Appetitui.* Ille cibus est eligendus, quem appetunt, nam raro videmus, quod febricitantes aliquid appetant, quod ipsis non profit, appetunt enim aquosa, acidula, horrent calida & pin-

pinguia, sed amant, quæ placent Ventriculo, ago hic in genere de Febris, nam Febris Hætica plus requirit succos acidos quam alia, sed inde sequitur Tussis, quæ temperanda est, sed quando simpliciter ago de Febris, scio, quod ille cibus vel potus, quem æger appetit, sit solus idoneus, si vero alia symptomata adsint, tum generalia instituere oportet. Nauseæ & horroris causæ sæpe sunt Medici, porrigentes ægro diviti jus carnum, carnes assatas &c. sed contraria illi sunt danda, hinc semper in omni morbo, ubi humores sunt alcalescentes, putrescentes, detur serum lactis vel Hordei vel Avenæ decoctum, levissimum acidulum, & omne acidum non fermentatum cum magna copia aquæ, unde ægri feliciter sanantur.

*Causa morbi.* Si morbus sit ab acido, jura carnum profunt, si ab Alcalina materia, jura carnum obsunt, hinc cum omnes Phthises oriantur pulmone corrupto, si utantur sero lactis optime valent, sed si morbus habeat sequentia symptomata, nempe tussiculam, ingentem sitim; maximum calorem, ingentem siccitatem, cibi aquosi nempe Hordeum cum aqua coctum ad spissitudinem lactis cum melle, vel lac defloratum & succi Pomorum Acidulorum vel Cerasorum egregii sunt, sed si frigiditas & appetitus ingens adsint, tum alcalescentia dari poterunt. Si homo sit macilentissimus, adhibenda sunt olea Lini, Amygdalarum Dulcium &c. si vero sit obesus, oleo scatet, huic dentur macilentissima, ut potus tenues, aciduli & nitrosi, abstineatur ab omni oleo, & sic de cæteris est judicandum. Quandoque per absurdissima remedia Febrim expulsam fuisse quam plurima habentur exempla v. g. multi æ-  
gi

gri eam profligarunt, assumpto Halece bene salito &c. Medicus vetat, nihilominus æger Medicum fallens comedit pro lubitu & sanatur. Basis liquidorum assumptorum in Febre sunt Aqua, Hydrogala, basis solidorum Farinacea, & reliqua facile digerenda, morbo contraria statim proposita.

§. 600. Si sitis & calor modum excefferit, cibi aquosi, subaciduli & refrigerantes sunt porrigendi, si magna humorum inspissatio committetur Febrim, conducet cibus, qui humores iterum reddit fluidos & meabiles, ut est v. g. aqua parum decocta cum Hordeo, si æger laboret Febri v. g. Peripneumonia vel Pleuritide, dandi sunt cibi, qui obstaculum auferunt, Hippocrates hic tantummodo dabat aquam cum Hordeo crudo coctam, nil præterea, in Febribus Pestilentialibus Gelatinam Cornu Cervi, addito paucò acido, ut putredo avertatur, hæc Gelatina conducit in morbis non diu durantibus; in Febre summopere in putredinem vergente non reperitur sanguis inspissatus, sed penitus dissolutus, ut ab exhausto contagio venenata fieri solet, ut in Variolis & Morbillis, &c. in hisce casibus licet uti inspissantibus, ut spiritu Vitrioli vel oleo Vitrioli potui misto. Si sanguis vergat in putredinem non præscribenda est Gelatina Cornu Cervi, verum si in illud putridum non vergat, hæc Gelatina libere dari potest, sed hic notandum est, quod vinum in Febribus circa tempus Criseos datum, Crisin acceleret, & una hora totam Crisin sæpe expellit.

*Quo abest.* Hippocrates notavit in Libro de *Dietâ Acutorum*, quod tempus Apurexiæ sit opportunum ad nutriendum, sed si non sit Apurexia, tum cibus est dandus eo tempore, quo mor-

morbus fit levior, hinc in morbis acutis, quo Febres semper adscendunt, detur Ptisana, sed postea detur Avena, si hora sexta æger habeat Paroxysmum, duas vel tres horas ante non dandi sunt cibi, sed tantum potus dilutus; si hæc observentur, raro peccatur; in Febre Intermittente detur potus pro dilutione non pro refectioe, in Continuis tempore, quo Febres sunt mitissimæ, & æger minus febricitat; in Quotidianis nunquam ad tempus accedentis vespere, nam nox aggravat ægrum. Si detur victus in Febris Continuis, quando Febris est minima, tum impediuntur Obstructiones, quæ oriuntur, si in Febris vigore victus præscriptus fuisset.

§. 601. *Parca.* Quin tum non obruitur sanguis peregrino corpore admixto, non suffocatur pulmo, ad cuius vasorum angustias primo appellet, hacque ratione ventriculus facile digerit, & se ipsum exonerat.

*Repetita.* Quantum scilicet requiritur ad vires sustinendas; hinc in Febris Continuis Acutis omni hora cibus sed paucus est dandus, nam tot moriuntur ægri, quia cibus nimia quantitate una vice porrigitur, sic Ptisana Hippocrates ad unciam unam data omni hora facilius admittitur, quam si libra integra una vice detur. Falluntur Medici, qui credunt febricitantes nil comedere debere, didici enim nil esse, quod humores nostros plus exasperet, quam Febris, hinc si manserint tres dies nil dando ægris, tum eorum sanguinis sales & olea magis alcalescunt, ergo tantum in hac re est incumbendum, ut dentur cibi cum conditionibus præscriptis, non vero oleosa, quæ non facile digeruntur.

*Viscera,*

*Viscera* maxime laborant, si cruda & non facile meabilia in corpus ingerantur.

§. 602. Qua copia sit dandus cibus in febricitantibus, scire debemus ex diversis circumstantiis, nam ex regulis antea datis certissime scimus, quamdiu Febris sit duratura.

*Vis* est illa potestas augens stimulum circulationis, quem producet cibus acceptus, hinc stimulo vel tenacitate peccare potest; vis cibi est ergo duplex 1. tenacitas, qua repugnat facile dissolvi & superari, 2. vocatur effectus, qui facit, ut cibus in sanguinem receptus plus minusve sanguinem movebit. Vis ergo determinat cibi virtutes, sic aquosum enervat potius quam fulcit, quod autem est meracius, ut salsum Aromaticum, oleum acre magis irritat & stimulat, hinc vis proprie est motus, qui à ciborum non tam quantitate quam qualitate oritur.

1. *Dies.* Hippocrates monuit Febres Acutas durare ab uno die usque ad sexaginta dies, si prævideam, quod Febris tantum uno die sit duratura, tum nullum cibum do, sed solum potum tenuem. Scio, quod tantum unum diem duret, si intra duodecim horas habet suam æstivam, tum prævideo, quod post duodecim horas desinat, adeoque nil do, nec si Febris intra octo horas stet, nam si tum cibus detur, suffocatur æger; proinde ex Epidemicis patet, quibus modis morbi adscendunt, si Febris per quatuordecim dies duret, ægri non poterunt tamdiu jejunare, hinc nono die cibus est dandus, ut æger ad morbi exitum ferre possit, ergo nemo victum dabit, nisi qui sciat genium morbi, qui à præviso tempore durationis febrilis cognoscitur. Si scias, Febrim duraturam biduum, & tunc futuram crisin,

non opus est, ut multum de cibo sis sollicitus, per biduum enim facile feret in ediam, & sic minimum fit periculum; si Febris per duodecim horas vel vehementissime currat, adscendat, & hora decima tertia stet; illa Febris non durabit ultra viginti quatuor horas, si vehementissime duret per tres dies; raro quartum attingit, prima & secunda die nil cibi darem, nisi Ptisanam Hippocratis cum syrupo Violarum, sed si iudices Febrim per octo, decem vel quatuordecim duraturam; quod cognoscitur, si lenissime invadat & non intermittat, tum ægro cibus est dandus, ut per hos quatuordecim dies subsistere & omni hoc tempore valere contra vim morbi possit, Febris quæ sesqui die increfcit, quarto die sanata est, si per tres ascendant, quarto die stat, & septimo sanabitur.

*Quo brevior morbus.* Si sciam, quod morbus sit duraturus per quatuordecim dies, primo die do cibum v. g. Ptisanam coctam, quæ Cremoris lactis spissitudinem refert, si secundo die morbus invalefcit, do eandem Ptisanam sed morbo debiliorem, tertio die longe debiliorem, octavo die nil nisi tantum diluentia, nono die do ut septimo, decimo ut sexto, & decimo-quarto die ut primo, hæc est regula Hippocratica memoriæ mandanda, ubi Febris per tres dies adscendit, primo die do aquam puram, cui Hordeum incoxi, & non permitto ut Ptisana vel Cremor detur, nolo enim accelerare sanguinis motum, nec obstruere pulmones, secundo die nil do nisi aquam Hordei cum succo Limonum vel pauxillo syrupo Limonum, quinto die do levem cibum.

2. *Ex ætate.* Omne animal, quo origini propius, eo minus, fert abstinentiam, quia tam for-

fortiter increfcit, in ætate virili facilius inedia fertur ob copiam olei, tunc in corpore exiftentis; homo fenex non fert inediam, hinc non oportet ftrictam diætam fenibus aut infantibus præfcribere, aut corpus ab inedia fuccumberet, fed à decimo fexto anno ufque ad quinquagefimum annum abftinere poffunt à cibus; ergo generalis regula febricitantibus hæc fit, infantibus dabitur plus & fæpius ita & fenibus, media ætate licet plus detrahare.

3. Tantum ut habeat vires, quibus poffit materiam morbofam expellere, hinc male agunt, qui febricitantibus omnia prohibent, omne vinum, omne aliud corroborans v. g. fi quis Febre *Æftiva Ardente* laboret, Sanguine miffo, clyfmate injecto ut fieri debet, balneoque inftituto, non abftinebit à cibus aliter enim humores fierent acerrimi, fed dentur cibi nutrientes, ut lac ebutyratum cum aqua Hordei, Cerafis, fi adfint Poma acido dulcia, non nocebunt; ergo generalis regula hæc eft; quo fortior morbus, eo magis dilutus fit cibus v. g. in *Ephmera* nil dabo, quod nutriet, quia facile per diem patitur inediam, fi duratura fit Febris per quatrimum, non dabo nifi tenuiffimum cibum, fi Febris adfcendat ufque ad feptimum diem, non prohibetur æger ab omni cibo, nec folam tenuem cibum affumet, fed etiam ut nutriat, & materiam morbofam superet aut expellat. Si quatuordecim dies duratura fit Febris, ut *Continua* jam graffante & prævideam die decimo quarto liberaturum iri ægrum, tum non abftineat, fed cibumumat paulo minus, tertio die iterum minus, fitque cibus, quo Febris major, femper minor copia & tenuior natura: in *ægrum* victus debet effe tenuiffimus, quæ magna



mutatio est pugna ultimæ naturæ & morbi, nam omnis homo labefactatur, postquam comedit, nemo tam alacris est post prandium quam ante; tum omnes sumus hebetes: hinc in ἀκμῇ dilutiora danda sunt, & quo magis ab ἀκμῇ distamus eo crassiora, si Febris decimo quarto die terminetur, si tum primo die dentur tenuissima, non continuare potest usque ad ἀκμῇ, si ergo primo die dentur tenuissima, ad ἀκμῇ deficit corpus, sed do primo die Ptisanam, octavo die spissiorē, quia sanitas morbo validior est, secundo die sanitas erit debiliior, do ergo dilutiorē cibum, octavo die do tam dilutum ut aqua, nono die ut septimo, decimo ut sexto &c. non vero dandæ sunt carnes similiaque toto decursu morbi. A multis audiui Practicis, secundo die non opus est dari cibos, natura non indiget, inquiunt, sed eget maxime, ut acrimonia necessario humoribus concilianda superetur, quæ fiet à continuo illo motu & hæc temperari non potest nisi per blandum, recentem & renovatum chylum, non poterit æger hunc cibum ingerere octavo die, morbi enim vigor est maximus, ergo non potest dari tempore magis opportuno, quam ubi sanitas adhuc triumphat supra morbum, id est, primo die; ergo tunc non nocebit, hæc ingestio non fit in supplementum liquidi, sed ad demulcendam nimiam acrimoniam v. g. primo die est dandum decoctum Hordei satis crassum, secundo dilutius, sumendo majorem copiam aquæ minorem farinæ, tertio adhuc dilutius & sic porro, octavo die aqua Hordei levissima, descendendo paulo crassiorē, si quid autem dicant octavo die, nil est dandum, nam tunc temporis est, humorum nostrorum transvectio  
in

in alcalescentiam, hoc verum est, sed ferendum illud, si enim crassum & crudum chylum tunc temporis humoribus miscerem, ἀρμὴ supplebo, & totam œconomiam conflitantem turbabo, hinc ex duobus malis unum eligendum, quod prævalet. Si Febris duratura sit per septem dies inde judico eam adscensuram ad quartum diem, & dein descensuram, quarto die est dandus cibus tenuissimus, quinto die idem ac tertio, sexto idem ac secundo, septimo ut primo.

4. *A loco.* Qui in gelidissimo solo inhabitant, non tam facile ferunt inediam, quam qui in locis Meridionalibus.

*Facile.* Inter duos Tropicos & Æquatorem vix nisi Horæis fructibus, aqua copiosissima, Oryza & Milio utuntur ægri.

*Difficile.* Hinc Medici, qui in calidissimis regionibus summa cum laude Praxin exercuerunt, venientes ad Boreales incolas pessime operantur, quia est Clima multo frigidius, idem si ex frigidissimo migrent in calidissimum locum, mirantur se spe ita frustrari, nam membra, quæ strictiora uti in Hyeme multum differunt à laxioribus uti Æstate, & omnes nostri humores assuescunt se ad illa, quæ sæpius reiterantur, nam illi homines, qui soliti sunt semel uno die edendo vitam sustentare, simulac venit illa hora esuriunt, dentesque pruriunt, similiter contingit iis bis de die edentibus. Hispanis & Italis abstinentia est gratissima, quia fani parum edunt, idque tenuius, ac in Suecia & Norwegia plus comeditur.

5. Tempestas anni facit præcise, quod facit diversitas climatum in diversis locis, sic in media Æstate nulla aromatica placebunt, verum aquosa: hoc est universale verum, non modo

in morbis, sed etiam in sanitate ut docemur in *Epistola Dioclis Caristii ad Antigonum Regem* maxime commendabili, Hyeme cibus sit durus & ficcus, Ætate tenuissimus, & Autumno medius. Hæc medicina est simplicissima sed verissima, hinc diversitas est curæ Hyeme ac Æstate. Qui sub gelu febricitant, habent digestionem fortiolem, id, quod *Hippocrates* satis accurate observavit, quantum vasa sunt contractiora, & sic plus caloris naturalis faciunt, tum in eodem morbo meraciora dare debes, quam urgente Æstate dedisses. *Hippocrates* dicit ventres Hyeme naturaliter calidissimos esse, scimus enim, quod Æstate corpora sint multo laxiora, Hyeme vero multo constrictiora, unde magis indigent & digestionem celerrime fiunt.

6 Hoc repugnat vulgari doctrinæ, ipse enim vulgus sic argumentatur; ille febricitat, in sanitate debacchatur edendo & bibendo, jam facile in diem ferre potest, abstinencia non erit ei molesta, quæ falsissima est argumentatio; nulli enim homines cæteris paribus difficilius ferunt retardationem prandii vel cœnæ, quam qui soliti sunt his temporibus sese maxime ingurgitare esculentis & potulentis, nulli facilius, quam qui parum edere sunt soliti, hic enim paucis in Febris contenti vivunt, verum prioribus interdum concedimus vinum bibere, jura carniū comedere &c. sic legibus tamen præscriptis, sic novi hominem, qui omni vespere assuetus erat tantum vini bibere ad incipientem usque ebrietatem, tales homines si dormierint & mane surgant, omnia fere membra tremunt, & imparia sunt motibus muscularibus exercendis, ratio est quia vasa assueta huic plenitudini manere fere sunt vacua, hæc est causa tremoris,

nam

nam ad hunc discutiendum omni mane coacti sunt suas replere & inflare venas, ut iterum distendantur, si tremor abeat, membra suum perficiunt motum. Nunquam felices eritis in tractatione febricitantium, nisi hoc observetis, iis, qui frugaliter vivere soliti sunt, danda sunt paucissima, dum febricitant ut etiam levissima, offenduntur, si paulo meraciora assumant, at iis, qui belluones Bacchanalia instituunt, aqua non contenti sunt; vidi id nuper in Prætoris pagi vicini, qui inciderat in morbum violentum, aberat Medicus ordinarius noscens hominis vitam, ordinarius adveniens præscripsit largum vini Rhenani potum, dicens scio qualis muria huic corpori conducit, unde melius se habuit, alius jam præscripserat dietam strictam, unde pejus se habuit; homo sobrius potest ferre inedia & non sentiet tremorem. Nil pejus est quam subito mutare consuetudinem, licet pessimis in meliora fiat mutatio, hoc semper in Praxi animadverti, hinc ægri, qui largis epulis assueti sunt, nunquam inedia sunt tractandi, aliter necamus ægros, v. g. qui largis potibus assueti sunt, si iis detur aqua, male se habent; mulieres ex cibo & potu generant omni mense Plethoram, quam per Menstrua evacuant, hinc post aliquot annos earum corpus huic evacuationi ita assuetum est, ut intra viginti octo dies impleri & intra biduum depleri debeant, & nisi hoc fiat, male se habent; qui bis comedunt omni die, eorum vasa ita sunt assueta, ut bis impleantur & bis depleantur, aliter fit morbus.

7. Hinc quædo nescimus, quantum cibi æger sumere debet ad sanitatem suam, oportet incipere à levissimis, sensim augere dosin & ad-

vertere quando hæc copia & qualitas sat magna erit, primo die igitur dandum admodum parum, deinde rogandus est æger quomodo se habeat, si dicat se non inde male habere, tunc poterimus augere cibum & potum, & quando advertemus hoc nocere; aliquantulum debemus minuere dosin; hinc omnis æger debet tantum sumere, quantum ferre potest; omnis fames est causa Physica, quæ pro effectu debet dissolvere & corrodere, si nil des, agit in humores; in Pleuritide & Phrenitide &c. detur ægro quantum ferre potest, si minus des, æque peccas quam si plus des, si intra quatuor horas ab assumptis ventriculus gravetur &c. subducendus est cibus, si deficiat æger, paulo plus est dandus. Medicus, qui vult Febrim curare, debet primo vitæ consulere, medicamenta, quæ hoc faciunt vocamus Cardiacæ, hæc bene sustentur, si bene capiamus, quod ad vitam humor idoneus & ejus motus requirantur, ille vel habetur ex ingestis & præparatur per vires corporis; hoc vocatur Diæta ægrotantium, & hoc est primum Cardiacum genus, alterum est eorum, quæ motum augent, nam possunt omnia in corpore esse æque ac ante & tamen mors, uti in suffocatis patet, ergo secundum genus est eorum, quæ materiam in corpore per stimulum movent & propellunt, nunc Medicus debet meditari, an in Febris stimulus movens requiratur, si ille non requiratur (uti raro requiritur) Diæta debet esse tenuis, hinc aqua est commune Cordiale in iis, qui humores nimis crassos habent, aliqua abstinencia, & Venæ Sectio sunt optima Cardiacæ in illis, qui suffocantur Plethora, raro requiritur motus humorum, hinc raro conveniunt Cardiacæ, quod

solus

solus *Sydenham* bene consideravit, summum est præjudicium apud Medicos, ubi ægrum viribus dejectum vident, statim dant spiritus, aquam Theriacalem, Tincturas Bezoardicas, Sales Volatiles Oleosos, Spiritus Stillatitios &c. hæc omnia æque male, vidi in descriptione Pestis Massiliensis, quod describant morbum calidissimum, dicunt in *Ætiologia*, quod morbus sit ingens dejectio spirituum, quod an verum sit nec ne in medio relinquo, hinc adhibuerunt medicamenta, ut spiritus excitentur, & dicunt, licet omnia adhiberentur, quod tamen nil efficerent; recensent Tincturam Bezoardicam, Theriacalem, *Diascordium*, spiritum Theriacalem, spiritum Cornu Cervi, sal Cornu Cervi, & nullum fere remedium præter hæc, fatentur simul, quod omnia hæc medicamenta licet optima nulli profuerint, mirum non est, si enim morbus subito vires prosterнат, nam est a defectu circulationis, hinc exinde quod nimis vires & quia liquores adacti in minima vasa pulmonum & cerebri. Nunc satisfacimus primæ indicationi; qua Medicus debet facere, ut homo aptus sit sustinere morbum, morbi decursum & morbi finem. Ex his septem regulis puto hauriri posse omne, quod de *Diætâ febricitantium* dici potest.

§. 603. Acre est illud corpus, cujus partes cohærent fortiter intra se, ut totum corpus conflatum inde rigidum fiat, 1. solum & densum, 2. figura tali, ut rigidum & densum corpus motum quem accipit per paucissima puncta, id est, per apicem acutissimum applicet corpori in paucissimis punctis, & omnem motum acceptum ita communicet, hinc separationem & dilacerationem facit, aliam acris ideam non

habeo, idque vel externe applicatum vel interne ingestum aut natum est; hinc non est corpus tam sanum, quin Medici intra unam horam Febrim facere possint, hoc in omni vulnere, contusione, combustione accidit, sic ante dixi de infante, qui habebat acum corpori infixam, & inde Febrim acceperat, quæ non prius sanabatur, nisi prius acus educta esset.

*Externe.* Impacta vulnere faciunt Febrim, quæ non cessat; nisi à natura vel manu Chirurgica ejecta fuerint; si saluberrimo homini sub pinguedine intruderetur frustum vitri, fieret Inflammatio, Suppuratio vel Febris stimulando, si Raphani Rusticani scobem cuti applicetur & supponatur vesica Suilla, orietur summa titillatio, pruritus, calor, dolor, & si per dimidiam horam ille calor duret, cutis erit exesa, & homo febricitabit.

*Stimulantium.* Quæ in cutem agunt, totumque nervosum genus concutiunt, movent, hinc totum corpus immutant.

*Rubefacientium.* Hæc sunt corpora externa, quæ absque motu cuti imposita, Erysipelas faciunt, id est, rubram Inflammationem sine tumore, sic fermentum panis acris cum multo sale & aceto agit.

*Rodentia* sunt corpora, quæ à corporis calore agitata vasa abscindunt, ut sunt Vesicantia, Corrosiva ignis, hinc Corrodentia faciunt Febrim, ut Mercurius Præcipitatus, & Mercurius Sublimatus, aut si lateat in Trochiscis Vigonis falso de Minio dictis, Lapis Infernalis, oleum Vitrioli & similia, si oriantur in cute stigmata, fit Febris.

*Vesicantia* sunt illa, quæ vasa minima à supposito corpore cutaneo in Epidermidem porrecta,

reſta, abſcindunt, hinc hanc ſolam relinquunt integram, & vaſa abrupta humores effundunt, qui in bullas collecti remouent cuticulam, quatenus ligacula minima exporreſta à ſuccumbentibus in Epidermidem abſcinduntur; hinc non amplius exhalant & locus maxime dolet, hinc ſi applicentur Cantharides ad cutim hominis frigidiffimi, in quo non eſt Febris, habebit illico calorem, ſitim, urinam acrem cum pulſu veloci & Febrim, Epidermis in bullas eleuatur, his diſciſſis humor effluit, & villoſa cruſta ſub Epidermide reſta mirifice dolet; hoc eſt unum ex optimis ſtimulantibus, nempe ubi Febris in morbis frigidis eſt excitanda.

*Cauſtica* ſunt illa, quæ non modo in veſicas cuticulam attollunt, ſed quæ vaſa ſub hac cute quaſi deſcendunt & partes comburunt.

*Septica* ſunt illa, quæ partes ſanas in putredinem mutant, nam *seps* ſignificat *putrefacio* ergo Septicum eſt, quod tabefaciendo humores infeſcit & ex ſtatu ſano in putredinem mutat, hinc ſunt venena, poſtea oriuntur Phlegmone, Gangræna vel ſimilia mala. Calx viva non eſt adeo acris, nam habet ſaporem ſubdulcem ſtipticum, ſed ſi urinæ, ſanguini vel alteri corporis parti admiſceatur, facit noſtros ſales Ammoniacos penitus igneos. Cantharides ad duodecim grana aſſumptæ creant ſitim, Inflammationem, faucium fætoſem, Stranguriam, & in toto corpore Febrim vi ſeptica, ſi hæc humoribus permiſceantur, eundem creant effectum.

*Venena* ſunt illa, quæ penitus deſtruunt, hinc in corporibus facile mobilibus peſſimas Febres produciunt, ergo veriſſime dixerunt Arabes, quod ſi inertiffimis & languentibus, in



quibus tota mali ratio, hæreret in laxitate & inertia humorum, venenum Cantharidum sanguini admisceretur, vel externe applicaretur, inde Febrim orituram, quæ ipsis salutaris foret, hinc patet venenum Cantharidum facere Febrim proin vesicantia, rodentia & reliqua similia applicata Febrim producant, hinc multi sunt, qui Febres per Cantharides sanare volunt, licet hæc in facile mobilibus corporibus pessimam creent Febrim, inde Medicus scit causam extremam Febrim producere, ergo si sine manifesta causa, sine Cacochymia prægressa, sine ullo morbo præterito oriatur calor, frigus, motus vehementior, qui à violenta Febri, ut causa dependet, hæc omnia stimulum acre in corpore receptum notant, si stimulus fuerit externus, removendus est, sic Medicus sanat Tertianam & Quartanam, si Febrim ante frigus febrile inducere possit, ob quam causam rusticus in vicino pago colligebat Ranunculi Pratensis radículas contusas, quas inter interstitia digitorum cum bono successu in Intermittentibus trihorio ante Febrim applicabat faciebatque dolorem, calorem & Febrim, unde hi ægri curabantur, verum idem voluit tentare in Febris Æstivis & Continuis sed sinistro cum successu.

*Auferendum.* Quando illud oblatum est,antum Febris est sublata? non, sed locus est fovendus aqua tepida, mellitis, decocto emolliente, ut omne acre extrorsum eluatur, si v. g. esset infans Continua Febri laborans, & uti in hisce casibus accidit, convulsionibus iatis vehementibus inde natis stipatis, si tunc ut quidam Medici solent vesicantia præscriberentur contra illas Convulsiones, hæc faciunt Febrim, & sunt peiores Convulsiones, alius Medicus

advocatus nesciens hæc applicata esse, quid-  
quid tentet per Antipyretica, Antispasmodica  
&c. morbum tollere nec fomitem exstingue-  
re potest, inquit ergo ab amicis, an nil fue-  
rit huic puerulo applicatum? referunt ei vesi-  
catorium, licet hoc auferat, tamen locus ad-  
huc dolet, infans valde sitit, locus ille est de-  
tergendus & fovendus cum decocto lactis &  
mellis, floribus Althææ, farina Tritici, hacque  
ratione brevissime sanitatis restitutio erit facta;  
sic Calx viva externe applicata mutat sales no-  
stros Ammoniacos in igneos, si vero intra assu-  
mantur, corpus tabefacit & putrefacit, sic à  
Cantharidibus corpori appositis fiet plerumque  
in corporibus facile mobilibus urinæ stillici-  
dium, & Febris ingens, quæ tolli non poterunt,  
relicto stimulo, sic si corpori sanissimo appli-  
cetur Raphani Rusticani recentis rasura & su-  
perimponatur emplastrum, locus ille ardebit &  
Escharam gangrenosam contrahet, hinc hæc  
& similia vesicantia in usum venire possunt,  
ubi lentor Febris est excutiendus, verum si fue-  
rit Inflammatio alicubi in vesiculis Pulmonali-  
bus, pessime agunt, nam horum effectus est  
tantum circulationem accelerare, & proin te-  
nax solvere, hinc ubi stimulus peccat, ab his  
est abstinendum, nam augebunt Febrim & æ-  
grum in magnum conjicient periculum, sic si  
v. g. detur albumen ovi putrefacti ad granum  
semis & hepar piscium in eadem quantitate &  
involvatur externe foliolo auri, erit maximum  
Septicum, si externe hæreat, idem præstabit,  
hinc in Acutis à stimulantibus cavendum est,  
ergo locus fovendus est Emollientibus Topicis  
applicatis forma decocti &c. vel unguento Au-  
reo & Populeo, quæ externe applicata extrema

nervorum detergent & inungunt, nam hoc unguentum est optimum in malis à stimulante materia; Unguentum Nutritum dolores tollit, ab omni acri provenientes, ut Chirurghi pro Diis eos habeant, qui hoc applicant, his unguentis inungitur pars Erysipelacea, Phlegmonodes &c. hinc quando Cantharides violentissime agunt, & Medicus nocte excitatur, ut sæpe fit, putat ægrum Calculo laborare, nam reddit guttas sanguiferas per renes, hinc acre est removendum & locus fovendus lacte, cui incoquantur flores Althææ, tunc curatur morbus, quatenus fit ab acre. Si illud acre à combustionem fiat, ut quando nempe homo in ignem incidit, tum Febrim & Inflammationem accipit, hinc assumenda sunt mollissima medicamenta, & his locus est obruendus, talia sunt decoctum Avenæ imprimis in lacte dulci, decoctum farinaceum, emulsiones seminum Cydoniorum factæ in aqua Spermatidis Ranarum vel aqua Rosarum, unde partes contritæ emolliuntur, hæcque ratione diathesi febrilis tollitur, si homini, qui linimenta & fomenta cum oleo mista ferre non possit, talia applicentur, accipiet Phlegmonem & Erysipelas, ex hisce dictis patet, quod Medicus acri manente nunquam Febrim tollet.

§. 604. *Acre irritans interne* ut est primo omnis Inflammatio, nam omnis Inflammatio est tensio ad rupturam usque multorum nervulorum simul, hi nervi ad rupturam tensi faciunt semper Febrim, si ergo in loco Inflammatio sit, semper adest stimulus febrilis, qui si non tollatur, non tollitur Febris, Inflammatio cerebri in Phrenitide & Paraphrenitide, Inflammatio Faucium, Laryngis, Pharyngis, Pleu-

Pleuræ, Pulmonum, Intestinorum, Stomachi, Mesenterii, Renum, Vesicæ, Vaginæ musculorum in Rheumatismo, tendinum ultimorum in Podagra, &c. quæ omnia faciunt Febrim, hinc si velis tollere, tibi causa est tollenda, aliter non curatur Febris, nil pejus est, quam in Febris statim ad specifica recurrere, nam si Pleuritis adsit, æger Febre laborat, qui non tollitur ullis specificis, nisi tollatur Inflammatio, idem de cerebro & quocunque loco corporis verum est; nam omnis Inflammatio sic tendit nervos minimos, ut maxime doleant & hæc irritatio auget Inflammationem, hæc fit ab acri rodente externe vel interne hærente, & Febris non potest sanari, nisi fuerit sanata Inflammatio, an vero hæc sanari potest? non, nisi fuerit resolvable, vel tunc si non resolvi possit, degenerat in Suppurationem & Gangrænam &c. manebunt toto illo tempore Inflammatio, dolor & Febris, & omnia applicata frustra tentantur, sic si vis Febrim illam tollere Cortice Peruviano, auferes stimulum, sed ab Inflammatione ibi hærente renovatur Febris, quænam ergo hic loci est methodus, Antipyretica? Antiphlogistica nulla alia, si jam hæc methodus applicetur Tertianæ & Quartanæ, moreretur æger infallibiliter, vide *Sydenhamum*, nam evaderet Hydropicus, illoque morbo exstingueretur, & sic Tertianæ & Quartanæ fere omnes curantur per aromatica actia Diaphoretica, sed si hanc methodum Febris inflammatis applicare velles, occideres miseros ægros.

*Suppurationis.* Nulla pars sine Febre suppuratur, si Febrim vis tollere, prius Suppuratio est tibi tollenda, nam ubi est Suppuratio, ibi est perpetua Febris, omnis chylus abit in novum pus,

pus, hinc ibi quotidie Suppuratio, quæ expellat Phlegmata, tum fit nova Febris ad locum secundo si puris materia rapiatur in venas, facit Febrim, hinc si vis Febrim tollere, tolle Cacochymiam, nam remedium quaecunque fuerit, non juvabit, nisi antea Suppuratio tollatur. Si fomes Suppurationis hæreat in corpore, ille continuo generabit pus, illud stagnans evadit acrius & subtilius, erodet margines sanas, rapitur in sanguinem, fit Phthisicus, expuet pus, & non male inde se habebit, nisi quod langueat, hoc modo etiam oritur Febris Hæctica à Cacochymia purulenta, ad hanc curandam requiritur, ut Vomica illa auferatur, ut illud pus separetur à loco illo antiquo. Sanguis non est mittendus, si in hepate sit Vomica, certe vix curabitur, nisi methodo prædicta, attamen ars adhuc quid solatium hisce adferre potest, sed sub certis conditionibus omne, quod hic à prudenti Medico fieri potest, est, ut sanguis tam tenuis reddatur, ut fluat instar aquæ, sed tunc miseri, si haud difficulter moveri possint, sudoribus diffuunt, tumque hæc methodus nil proderit, verum si corpus tam forte & robustum sit, ut magna copia aquosi haurire, retinere & mobilem reddere possit, plerumque feliciter juvantur bibendo v. g. decoctum radicis Chinæ, Salsaparillæ, Bardanæ, Scorfonæræ & similium leviusculorum detergentium ad libras unadie, Febres curat & fomitem exstinguit, sic hac methodo Phthisici, qui corpus habent tam forte, ut horum abluentium copiam ferre possint, felicissime curantur. Cortex Peruvianus tollit Febrim, quatenus nascitur ex illa causa, de qua dicetur in Febris Intermittentibus, sed non tollit illam Inflammationem quæ facit Febrim, hinc

hinc illi, qui dederunt hunc Corticem in aliis ut in Continuis vel in Hæcticis Phthificisque pefundarunt ægrum, ut voluit facere *Morton*, vide *ejus casum*. Hinc quando vult Medicus curare Febrim, debet quærere, quænam sit caufa naturalis Febris, quænam irritans, quænam stimulans fit, ergo non poterit Febrim tollere nisi sublato illo stimulo vel acri &c.

*Sphacelus*. Propter Inflammationes ad margines vivas, qualis Febris observatur in ipsis senibus moribundis præ debilitate, quando habent Sphacelum ad extrema.

*Cancer*. Non hic loquor tantum de Cancris in Mammis, sed etiam sub Axillis, in Parotidibus, Submaxillaribus, Sublingualibus glandulis, in palato oris hærente, in interno labio, tonsillis, in parte postica & laterali Æsophagi, ubi duæ illæ glandulæ sitæ sunt, in intestinis, utero, vagina orificio uteri, Pancreate, Mesenterio &c. locis glandulosis, inde sæpe oritur Febris Hæctica ob putridum illum Ichorem sanguini mistum.

*Cariæ ossis*. Tunc semper in Periosteo tam interno quam externo fit dolor & Inflammatio; sic Lues Venerea, ubi cariem ossis producet, facit Febrim, idem de Spina Ventosa verum est, & rarissime homo invenitur, qui Odontalgia laborat à dentibus cariosis, quin semper quodammodo febricitabit, hinc Febris non tollitur, nisi prius auferatur putridum.

*Ichoris*. Omnes humores peregrini sanguini venoso misti semper Febrim faciunt, si Vomica sit in hepate, ubi putrida biliosa materia hæret in sacculo, inficit totum hepar per venam Portarum, venit in sanguinem, oritur Febris Hepatica cum Ictero, si sistatur impetus vel stimulus

lus febrilis, male agitur, causa enim in acri hæret, si vero velis Febrim tollere, fiat hoc per diluvium & inundationem aquæ Spandanæ vel per decocta herbarum Splanchnicarum, Taraxaci, Acetosæ, ut eluatur, & stagnans materia acris scilicet excutiat, inde patet, quam multiplex sit Februm curatio, si homo sanissimus per fascinationem Vomicam in hepate accipere posset, statim acciperet Febrim Hecticam, hinc illud acre est res maximo studio & acerrima indagine digna, nam curabilitas Februm hæret in curabilitate vel in incurabilitate horum fomittim.

*Lympha* Homo v. g. laborat Hydropo morbo à Febre remotissimo, attamen Hydropici sapissime curantur Antipyreticis, sed remedia Antipyretica Febres Intermittentes quoque sanant sic v. g. Centaurium Minus largius epotum in initio Hydropis est summum remedium, atque præclarius non datur illo in Febribus Intermittentibus, sic Absynthium prius medicamentum fere æque certe agit ut Cortex Peruvianus pro Febribus Intermittentibus, & est commendatissimum non sine jure, nam tollit illas Febres, attamen idem medicamentum tollit quoque Hydropem incipientem, idem verum est de Marrubio, Scordio, Radice Gentianæ, salibus lixiviosis; quæ in initio Febris Intermittentis frigida & in principio Hydropis infailibilia fere sunt remedia, verum aqua collecta in Hydrope putrescens fit acerrima, fætida, & alcalina, quæ antea pellucida, blanda, inodora, leviter subsalsa erat, hinc ille æger secum fert illud balneum vaporis fætidissimi ichoris, qui diffusus omnes partes afficit, in Febre Ardentissima urina nunquam est tam fætida tamque

pauca copia, quam est in Hydrope in Abdomine suffocato, an jam Absynthium, Centaurium, Marrubium remedia forent huic Febri curanda? non remedia dixerim sed venena, nam in hoc morbi statu conveniunt spiritus salis, spiritus Nitri Sulphuris per Campanam, acetum &c. & hæc ad hanc Febrim maxime sunt conducentia, hinc patet quam varius potest esse ille stimulus febrilis & qualis sub nostram potestatem incurrat, & quam diversa non modo sed penitus contraindiciantia exigat remedia, ergo hæc ex capitibus traditis prius tollenda sunt, hinc Medici prudentes nil promittunt, Empirici facilem curam promittunt, at ubi nil præstitum est, redeunt ægri ad priores Medicos, sed tamen fateri debemus, quod non possimus semper illud acre tollere, v. g. si oriatur à veneno, quod ut dicit *Plinius* de serpente quadam, quæ Seps dicebatur in Africa, cujus morsus putrefaciebat homini totum Panniculum Adiposum, idem dicendum de miasmatis omnibus Venereis, Variolosis &c. In miasmate Venereo, quo homo est senior, eo facilius & pejor est infectio, hinc in his stimulis incognitis est petenda curatio ab indole symptomatum v. g. in Variolis per effectum miasmatis convertitur sanguis in pus; si benignius sit, vel in Gangrænam si malignius, vel in Ichorem si pessimum, tum ego semper curavi hos morbos tanquam Phlogisticos nempe Venæ Sectione, diluentibus Antiseptis, &c.

§. 605. Hæc est Asiatica methodus, in calidis istis regionibus, scilicet si homines essent fatigati ad hospitium suum accedentes, pro prima refectione bibebant aquam, & pedes in pelves immissi à servis suis fricabantur, tum bibe-

bant



bant Coffe vel in aliis regionibus Thee, vel aliquid aliud illi regioni simile, in quo potu nil spirituosum reperitur, tum se in aëre placido ponunt dormituri, si nimis effervesceret sanguis, tum sumebant Pomum Aurantiorum, succum recentem Citri & sic curabantur.

I. *A motu nimio.* Nemo enim est, qui plus se moverit, quam corpus sustinere potest, quin corpus habeat Febrim, homo non assuetus laborare, labores summos faciens habebit summam Febrim, nullus est, qui Febrim ab Ephemera usque ad Pestem per motum producere non possit, nam per motum nimis magnum potest fieri metastasis omnium humorum in loca non debita, si sanguis in minima cerebri vascula adigatur, æger laborabit Phrenitide, Caro, ut tandem mors subsequatur, si sanguis rapiatur intra minima pulmonum vascula, homo laborabit Peripneumonia, si in arterias Inter-costales, Pleuritide, vide Caput de *Morbis ex excessu circulationis* ubi dixi, quod in robustissimis per exorbitationem motus Febrim inducere possimus, si nunc Febris inducta sit, quatenus muscoli voluntarii stimulum faciunt, debet corpus quiescere, ut omnes muscoli quiescant.

*Quiete.* Ut omnino nil moveat, tam blande respiret quam potest, caveat corpus multum invertere, ponat illud commodissima positura, dum enim muscoli non agunt, venæ laxantur, sanguis incipit temperari & in motu moderari, incipit parum quiescere, quia jam hæret in venis explicabilis, & quia non urgetur per musculos antea valide motos, hinc recedit parum à corde.

*Animi.* Hoc est, æger est deducendus, ubi  
nul-

nullum objectum externum in sensus externos agere potest, in locum tenebricosum, frigidum, nil illi est imprimendum, quod affectus facere possit, ita ut æger sit in somno & quiete perfectissima.

*Humectantibus.* Statim porrigenda est satis magna quantitas farinosorum aut subcremoraceorum aquosorum, horum omnium optime sunt Emulsionēs Amygdalarum Dulcium, seminum Papaveris, quatuor seminum frigidorum majorum & minorum, Hordei & Avenæ, quæ certe omnibus fere palmam præripiunt, modo largiori dosi hauriantur, prosunt etiam Ptisana & potus ex Malva, Parietaria, & Papavere Erratico, externe pediluvia & balnea.

*Diluentia* prosunt, quia tenuissima motu sunt dissipata; hæc sunt aquosa maxime calida assatim hausta, si dicam alibi diluentia (ut ea ante explicavi) tum semper fomenta, balnea, pediluvia, potus aquosus, clysmata & hæc omnia semper simul intelligo.

*Lenientia* sunt omnes potus ex Hordeo & Tritico confecti, ex Amygdalis Decorticatis, serum lactis non acescens, jura carniū tenuia non acida, non acria, oleum Amygdalarum Dulcium recenter expressum, Emulsa ex Avena cruda, quod est egregium medicamentum hominibus, qui valde se moverunt, vel nimis defatigati sunt, in Asia quando homines se nimium movent & defatigati sunt, adhibent balnea ad genua usque, dein potum sumunt ex Oryza cum aqua cocta. Hic vero intelligo, si morbus sit à motu & non fecerit Inflammationem, si vero adsit Inflammatio, tum ad numerum præcedentem pertinet, ubi dixi

de Inflammatione tollenda, nondum etiam Inflammationem Ichorofam, Suppuratoriam &c. hic fuppono, tum femper hac methodo tollitur, cavendum etiam eft ab acribus falibus lixiviofis &c. quamvis uncia femis fpiritus vini non noceat, fi magna aquæ copia fuperbibatur, fi vinum addatur aquæ refrigerat, fi parca copia addatur, ut una vigefima aut vegefima quinta pars.

3. *Calore.* Tunc oriri folent Febres Continuæ & Ardentes, ut contingit Æftivo tempore, fi v. g. rami abfciffi à Tiliis arboribus ab Ebulo vel Sambuco vel Rofis vel Populo vel Salice plantentur in aquam nitrofam, vel fine Nitro, tum illi rami per frondes faciunt emanare copiam aquæ, hæc aqua aërem inficit, tum laxantur pulmonum vafa, nil enim magis tollit calorem, quam venarum laxatio, quia tum fanguis non tam cito redit ad cor; eodem fco- po fonticuli Boyleani infervire poffunt, quibus aqua projicitur, vel his deficientibus mifcetur aquæ commune Sal aut Nitrum, præterita Fe- bri Epidemica anno 1719 juffi pavimenta cubi- culorum frigida aqua afpergere, & ægri ftatim fe melius habuerunt.

*Exhalatione.* Aër ille eft temperandus, id eft, non reducendus ad fummum frigus fed per gra- dus fucceffivos à fuo excedente calore reducendus eft ad moderatum, nam fi fummus æftus mu- taretur in gelidiffimum frigus, ægri illico nece- rentur, fed hoc fit fenfim per gradus fine fenfu (ut loquuntur) eo ufque eft temperandus, ut fo- let plerumque effe in initio Maji vel in initio A- prilis, fic poffum aquam Æftate calidam paucis minutis reddere tam frigidam, ut fi frigus foret uno gradu altius, congelafceret, v. g. inſper- gendo

gendo Salem Ammoniacum Nitrum vel Salem Marinum; tum fit actuosum frigus, si talis aqua dispergatur per pavementum, vel ex alto destillet in pelvim æneam suppositam, possum illum locum reducere ad illum gradum frigoris Thermoscopio appenso, qualem requirit ars.

*Plantis.* Aqua sola non tantum frigefacit, quam si exhalet ex plantis, sic Salix per medium discissa vel ramus ingens Sambuci, Populi, Betulæ, Fagi &c. ponatur in vase in medio cameræ arena repleto, hinc implantentur rami florescentes Sambuci, & orietur amicissimum naturæ refrigerium ex ipso odore non ingrato.

*Potui aquæ.* Nil magis temperat calorem quam aqua, laxat sanguinem nimis ponderosum, reddit minus compactum & magis meabilem, laxat vasa & enervat stimulum, si addam succum Limoniorum, Ribesiorum, Rob Sambuci, tanto melior est potus, uti & Nitrum, qui potissimum refrigerat; Sal Ammoniacum assumptum calefacit, Sal Marinum & Gemmæ & Boracis stimulando calefaciunt, at Nitrum refrigerat, si vero Nitrum nimia copia adhibeatur, tam sanguis fit acer, hinc ratione acris Nitrum stimulat & calorem producit, non vero frigus.

*Nitrosæ.* Acidum tollit putrefactiones, calida putrefactionem faciunt & augent, hoc patet in carnibus quæ in Æstate calidissima per unam horam putrescunt, aceto vero asperso, putredo arcetur, si affundatur liquor alcalescens, eo citius hoc fit, corpus ergo est minuendum per acidula, quæ nulla meliora sunt quam subacida, id est, quæ plurimum olei subtilissimi gerunt & acida naturalia & stillatitia, huc quoque referendi sunt succi Horæi, hinc inter salia nul-  
lum

lum magis convenit quam Nitrum, quod à putredine corpus servans non gravat.

*Vini.* Vinum culpatur à plurimis, & tanquam venenum è foro Medico proscibitur, sed re vera arcanum est in Febribus, sola enim aqua non tantum refrigerabit, quam si pauxillo vini Mosellani vel Rhenani detur, pura enim aqua in corpore ne quidquam efficit, nisi à nostra vi in actum deducatur, hinc, si tum vini parum admixtum habeat, non nocet, sed potius quantum ad vasa actiuosa reddenda requiritur, est optimum remedium tali formula.

℞. Vini Rhenani ℥vj  
 Succi Citri ℥j  
 Sacchari ℥ij  
 Aq. simpl. Hordei ℥LX  
 in quo dissolve Nitri ℥j vel ℥ij

Hoc medicamento assumpto, maxime resocillatur æger, vidi ægros in discrimine vitæ præ ficcitate & calore, quibus prohibebatur potus, quos statim hoc remedio restitui, huc faciant Limonadæ, Citronadæ &c. parum simul, sed sæpe dandæ.

*Cibo subacido.* Ut serum lactis, lac ebutyratum, aut

℞. Aqua communis ℔ iv.  
 Vini Rhenani ℥vj  
 Nitri puri ℥j  
 Succi Limon. ℥x  
 Syrup. Mororum aut Cerasor. q. s.  
 M.

aut de Acetosa item poma acidula matura maxime conducunt.

*Demulcente.* Galenus optime dicit, aqua sola modo alluit, non humectat, nec commisce-  
tur, quibus affunditur, sed simul cum Amyg-  
dalis, Farinis aut seminibus subacta, si ingera-  
tur, multum boni præstat; hinc nulla huic  
scopo magis satisfaciunt quam Emulsiões vel  
dicta vulgo emulsa facta ex Avena excorticata  
tali modo

℞. Avenæ Excorticat. aq. ℥xx  
Succi Limon. ℥j  
Syrup. Violar. ℥ij.  
M.

hic cibus sic præparatus, placidus & gratissi-  
mus est, satisfaciens tamen scopo vel ex sero  
lactis cum farina Avenæ tali modo

℞. Seri lactis ovilli vel  
vaccini recentis ℔vj  
Avenæ in farinam  
redactæ ℥ij  
M. F. Pulticula tenuis,

qua si assiduo utatur æger, Febris curatur, sic  
etiam lac defloratum cum Ribesiis, Grossulis,  
Moris, Cerasis, vel Rob Ribesiorum &c. Sam-  
buci, Limonis & Cydoniis.

*Salito.* Multi Medici abhorrent salina, sed  
ubi nimius calor adest, ibi redduntur humores  
Alcalini, si lac nimis coquatur, redditur alca-  
linum, ova redduntur alcalina, si nimis igni  
imponantur, hinc quando tantus est calor, non  
peccatur, dando leviora salina, quæ vasa sti-  
mulare non possunt; optimus sal, qui eligi po-  
test nostro scopo est Nitrum, omnis sal qui-

dem hic conveniret, si modo abessent ejus pondus & acrimonia, sic si unum granum salis datur contra Calidas Febres. Febris augetur, si datur Sal Ammoniacus, ipse est nimis acer, si Sal Marinus est nimis ponderosus, sed Nitrum est quasi ambiguum & facilius obedit, hinc à natura subigi posse videtur, hinc Nitrum solum convenit methodo nostra paratum, vide Processus Chemicos, aliud salinum hic necesse non est, nisi sumantur præparata ex Tartaro vel Tartarum ipsum.

*Medicamenta* quæ simpliciter calorem impediunt, ut aquosa laxantia, diluentia, & omne acre mitificantia, hæ tres conditiones in aqua sunt, sed quia sanguinis pars oleosa & terrestris coire conatur, hinc Saponacea sunt addenda, quæ tamen non acria sunt, nec haud minus tamen putredini resistunt, talia sunt acida, ut supra, Saponem ergo acidi esse debent, hinc *Hippocrates* sumebat Oxymel dilutum cum aqua, quod summum est contra Febres Calidas arcanum, sed parum ingratum est, ars profecta huc usque delicatiora præparare potest, quæ tamen ejusdem sunt indolis & efficaciam ac est Oxymel *Hippocratis*, sic sumimus v. g. unciam unam Syrupi Violarum, quod Oxyssaccharum est saponaceum, cui additur pro divitibus succi Pomorum Aurantiorum ad gratum saporem acidum, hoc jam compositum diluatur in magna copia aquæ vel sumatur Tartarus Crudus vel Cremor Tartari, sunt omnia acido oleosa, quæ soluta omnia aperiunt & resolvunt, vel Nitrum depuratum sola fusione paratum, vel Nitrum Ablutum, vel Sal Polychrestus vel Prunellæ, vel Nitrum Solutum in decocto florum Papaveris Rhæados rubri, unde fiunt crystalli rubri, qui in morbis acutis pro maximo arcano habentur &

& quia Magnates medicamenta respuunt, nisi sint pretiosissimi, hinc hoc titulo pretiosissimi medicamenti insignitum est, ex his omnibus saponem spiritus fieri possunt cum Rob Sambuci, Ribesii, Cerasorum: præterito anno in Febre Epidemica dabam decoctum Tamarindorum; addebam Syrupum Mororum aut Cerasorum nigrorum proditioribus, vel succum Citri cum syrupo Violarum.

℞. Aq. Stillat. Sambuci ℥v  
 Nitri puri ℥j  
 Syrup. Moror. ℥j  
 M. F. Mixtura.

his salibus supra dictis adduntur Diluentia ad laxandum diluendum & ad melius acre mitificandum, hæc vario modo adhibentur nempe per Balnea, Pediluvia; Gargarizationes, Clysmata, Potus &c. alia hic non sunt, nam si famosissima & pretiosissima illa medicamenta ut Radix Contrajervæ, Serpentariæ, Virginianæ applicentur, nocent, quia non agunt, nisi quatenus calorem augment, quod sic pejorem statum morbi efficiet, verum si ad Crisim disponatur materies, & natura se movere incipiat, jam locum habere poterunt, & sic audivimus centenos ægros, quando cum aliis Medicis ægros tractamus, conquerentes de anxietatibus, Erysipelate, Phlegmone &c. quod indevenit, quia Theriacalia, Alexipharmaca, Alexiteria, omnia ex calefacientibus petita ægris suis supeditarunt, si vobis ergo occurrat Febris Calida, hæc proposita vos nunquam desistent, & nunquam sub illis subministratis errabitis, si jam Inflammatio simul adfuerit, mitte largiter Sanguinem, ut omnia vasa debilitentur, omnia



farinosa aquosa conveniunt in Febris Calidis, nullis exceptis, & quo calidior Febris, eo plura acidula danda sunt, sic aqua cum farina Avenæ palmam omnibus præripit, & succus Limoniorum, præter omnia reliqua, acetum melle temperatum vel saccharo prævalet, si major sit calor, spiritus Salis, spiritus Sulphuris per Campanam misceri possunt ad gratum acorem, ut aqua farinosa cum Nitro & tunc hæc includunt fere omnia, imo in infantibus tantum solo Nitro utor.

3. Aër humidus creat Febres, quia laxat nimis vasa, hinc facilius in his fiunt errores loci, unde Inflammationes & postea Febres oriuntur, præsertim post aërem pluviosum, nebulas diurnas Barometro depresso multi incidunt in Febres admodum malignas.

*Foco.* Hæc flamma, si per latum caminum abire possit, calefaciendo non nocet, nihilominus tamen aërem valde exsiccatur, quæ ratione multum prodest.

*Ligna.* quæ multum hæc præstant v. g. ligna Quercina, Buccina, Cornina, Juniperina, sed quia talia tam pretiosa sunt, hinc sumantur tantum fragmenta Buccini ligni & quisquiliæ, quæ supersunt ab operibus, quæ dum comburantur, spargunt vapores aromaticos humidum discutientes, tales sunt herbæ aromaticæ, ut Mentha, Marrubium, Origanum, Dictamnus, folia Fæniculi, Rorismarini, quæ in camera ponuntur in papyris ut aër horum effluviis plenus sit, sic accendi potest Olibanum, Thus, Mastiches, & Succinum.

4. Est vis quædam venenata septica hærens in aëre, vel tale contagiosum miasma; quod insinuat in humoribus, eos in putredinem convertit,

vertit, & quaecunque hoc fuerit, semper erit acre putrefactum, quod in Peste adeo est velox, ut brevissime vi sua septica destruat totum corpus, & ignoratur, quid hoc sit, quod humores tam cito inficit, quidam dicunt hoc oriri à fœtore, sed illi hos erident, qui coria præparantes in locis putridissima exhalantibus versantur, & tamen sunt sanissimi; hinc omnia hic intelliguntur, quæ spectant ad acrem stimulum, quando Febris oritur à vi septica, tum Venæ Sectio, Purgatio, Clysmata, Cardiacæ, Vesicantia, & Balnea nil profunt, hæ Febres vocantur malignæ, ab his Febribus sæpe deletur integra regio, quæ Febris non tollitur, nisi auferatur stimulus. Sunt loci, qui infesti sunt omnibus animalibus, ut ille locus in Italia dictus *Grotta del cane* seu *Avernus* veterum, ubi quaecunque animalia moriuntur expirante ibi halitu, vide *Virgilium*, qui dicit illud contingere ovibus non de cæteris animalibus loquens, sed hodie scitur, quod ille halitus sit infestus omnibus animalibus hunc locum habitantibus, hoc vocarunt Medici κακόν σήπτικόν, sed etiam sunt alii loci, ubi peculiare quædam animalia moriuntur, non autem alius speciei, vide *Virgilium* de Peste Boum, Equorum & Suum, jam vero *magnus Hippocrates* considerans hoc nasci à talibus causis, quas nemo assequi poterat, vocavit τὸ θεῖον, id est, Divinum quid, si nunc quætur, quid sit remedii contra hoc difficilis erit responsio, nam nunc Scarlatinæ Febres, nunc Pestis, nunc Variolæ oriuntur; hinc ab aëre Febres Variolosæ, Morbillosæ, Rheumaticæ, Dysentericæ &c. hætenus caremus bonis observationibus, ut dicamus, quid subsit; æger hac hora veneno varioloso infectus per quatuordecim dies ac-

cepit ichorem, licet Medici adhibebant omnia remedia, omnemque methodum, quam noverint; hinc qui laborant Contagio Varioloso à stimulo liberari non possunt; nisi prius Suppuratio inducatur, & omnis sanguis convertatur in pus, hinc aër est considerandus tanquam ducens in putredinem per stimulos, videtur hic esse eventus scilicet generatio omnium humorum ex commutatione blanda in putredinem, nam ægri Variolis laborantes fætent, totum eorum caput olet sæpe instar fætidissimi cadaveris, hinc vocatur septicum, ergo optimum est, ut aër mundificetur.

*Nitro.* Inspergitur Nitrum prunæ ardenti imposito cinere carbonis atrii, qui sese immiscens huic flammæ fit vapor acidus volatilis, nec unquam quiescit, sed oberrat undequaque volatilis, hoc est Nitrum volatile acidum, quod solum novi & manet Nitrum, si aër corruptus sit ut in Peste, narrat *Helmontius*, quod illi, qui vestes suas imbuerant hoc vapore à Peste in castris immunes manserint, sic usu venit illud maxime in Nosocomiis publicis, ubi vulnerati, suppurati, gangrænosii, & omnis generis decumbentes patientes adsunt, hinc fætores exhalant putridos, alii inhalent, & sic una omnes inficiunt, miserrimi sunt illi, qui capitis vulneribus laborant, qui hunc aërem ferre non valentes plerumque inde moriuntur. Vide *Processum de Nitro*, illud sal est summum Prophylacticum contra Pestem.

*Pulvis Pyrius.* constat Sulphure; Nitro & Carbonibus, fumus Sulphuris esset quidem optimus sed intolerabilis pulmonibus, hinc circa loca sulphurea raro Pestes occurrunt, si jam Sulphur Nitro mistum accendatur, flamma amittit

amisit vim Sulphuris, sed permiscendo se Nitro multo simul meliora evadunt, observatum est in Peste ultima Lugduni Batavorum, quod si ante fores demum imponderetur talis suffumigatio ex Sulphure, Aceto & Nitro, nulli ex illis essent Peste corrupti; hoc vapore omne acre extinguebatur.

*Vapore aceti.* In Asia sequens cura etiam instituitur, clausa janua in camera patulo camino acetum ponitur eo in calore, ut exhalet, observatum est, quod loca, ubi acetum fit, nunquam Peste fuerint infesta, nam quando aer acetum vel nitrum habet, videtur resistere putredini, corpus variolosum igni, acido, nitro vel Muriae submersum non putrescit, & pars gangranosa & variolosa non corrumpitur; ulterius observando patet, quod homines quid egerant, ubi acetum destillatur, optime se habuerunt tempore Februm, novi per experimenta hic facta, quod nullus æger perierit, qui acetosis usus est, vel Sale Marino cum largissima copia pultis avenaceæ, quod decoctum maxime acefcit. Optimum est etiam in Peste lavare omnia vestimenta in aceto, antequam imponantur corpori, & Medicus accedens ad ægros Peste correptos debet in ore tenere spongiam aceto imbutam & nullum aerem attrahere nisi per hanc spongiam.

*Sale.* Si Sal Marinus prunis injiciatur, dat vaporem adhuc æque fortem ac Nitrum; dum committitur prunis, totus ille sal fit Volatilis, unde spiritus salis totus aer imprægnatur, & hac ratione illud sal mutatur totum in acidum, vide *Processus nostros Chemicos de Sale Marino*, hoc fuit quibusdam summum arcanum, nam sal est summum contra putrefactionem.

5. *Animi affectibus*, in his elucet Medici

prudencia, effectus non compescuntur nisi per contrarios, homo iratissimus stans stricto gladio, si Prætorem videat, statim metuens recondit gladium, hinc multi Medici laudati sunt summi, quod proponere semper sciverint præcedentibus contraria, metus & ira sunt effectus plane contrarii, vidi sæpe morbos ab animi effectibus non superandos, nec sedandos, quia contraria vix adduci poterant.

*Varietate objectorum*, ut sæpe minuendo objecta, renovando alia, reponendo, tacendo, deducendo in alia loca, & sic decipere objectis ægros & hi Medici vocantur splendidi mendaces. In ira Febricitantium adhibenda sunt talia, in quibus aliquis metus, hac ratione ira tollitur, nam metus maximum est ejus remedium.

*Anodynis.* Si hæc non juvent, danda sunt ultimo Opiata, non vero in initio, nec jam magna dosi, sed tantummodo prius per parvam, antequam geminetur major; hinc si præcedentia non suffecerint, tum proponenda est ægro Nepenthes Heleni, id est, Opium, quod nascitur prope Thebas in Ægypto, ubi Helena hoc habuit, nam certe quando Opiata, vel Diacodiata dentur, satisfaciunt optime huic indicationi. Nepenthes Heleni referuntur in animi affectibus, quia obliuiofam somnolentiam inducunt.

6. Illud enim est evidentissimum, quod homo possit tanta copia Acidorum uti, ut illud acidum, quod Febri repugnat, tanta vi ingeratur, ut fiat stimulus, & per hunc stimulum Febris excitari possit, acida plerumque Febri resistunt, sed quando sales alcaliæscientes & putridi mutantur in sales compositos, tum homines febricitant, quod ex victu noscitur. Quando  
illa

illa curanda est Febris & qualia danda sunt, cognoscitur ex capite de Acido.

*Diluenda.* Nam larga copia aquæ, tum vis sua perit, si v. g. quis bibisset dragmam unam Olei Vitrioli, gangrænosus fiet stomachus, at si dragma una Olei Vitrioli fuisset diluta in libras quatuor aquæ, non nocuisset; idem de Mercurio Sublimato aliisque verum.

*Demulcendo* oleo Amygdalarum Dulcium vel Lini recenter expresso, si cibi acres, acidi vel alcalæscientes suo effectu in humoribus excitant Febrim, quomodo illa curanda est, qualia danda sunt, cognoscitur ex Capite de Acido Spontaneo, primo per Diluentia, secundo per Demulcentia blanda suboleosa, si permisceantur acido, id reddunt iners Oleo Vitrioli, si blandis oleosis mucilaginosi corporibus misceatur, perdit acrimoniam; huc faciunt Gelatina animalium, non Emulsionem vegetabilium, quia acescunt & acidum augent; hinc mirantur, quare in infantibus Emulsionem blandæ, quæ in adultis juvant, non prosint, ratio patet, quia in acidum permutantur. Gelatina Cornu Cervi, carniū macilentarum & similia prosunt, demulcent, quatenus sunt spissa mucilaginosa, acidum infringunt, quatenus sunt alcalæscencia.

*Absorbendo.* Hæc sunt omnia illa, quæ acidum in se trahunt, & sibi uniunt, talia sunt metalla, inter quæ eminet ferrum, fossilia terrestria maxima sunt Ostrocodermata, & ex his imprimis, docente *Homborgio*, pulvis testarum Ostrearum, inter terrestria eminet bolus Armena. Tum ex salibus contraria, ut post effervescentiam fiat sal enixus quidam per Diaphoresin facile secernitur, & omni debili pallido infanti solo lacte materno nutrito hæc maxime

sunt frequentia, hinc in infantibus per hæc maxima fit cura scilicet per oculos Cancrorum, Cretam, Matrem Perlarum, Perlas Orientales & Occidentales, Corallia rubra, Lapidem Cancrorum, Mandibulas Lucii Piscis, Calcem Ostreorum, Calcem Mutulorum, quæ in ætate puerili & debili pulchre Febres curant, hinc vim febri-fugam iis adscripserunt Medici. Nunc videtis quando verum est, quod sales alcalini Febrem tollant, scilicet quando Febres ab acido oriuntur, videtis quoque, ubi pulveres Testacei Creta Coralli rubri, Ostrocodermata Febrem tollant, quando scilicet Febris ab acido, hinc tantum Febres puerorum & puellarum, quæ ab acido in iis sunt, non à laxa temperie, his non debet dari aqua ad diluendum, sed oculi Cancri & similia. Fæminis prodest sal dilutum seu sal fixum semi-alcalinum, nempe si Febre laborent ab acido. Omnia autem salia, quæ vulgo hic laudantur, non prosunt nisi in Febribus ab hac causa ortis, id est, peccante acido, pituita vel inertia.

7. *Salinis.* Sal, quo vulgo utitur culina, est Marinum, in Borealibus regionibus, ubi mare non propinquum est, sale fossili vel Geminæ utuntur, unde ab horum abusu uti & à Sale Marino Febres pessimæ & fere incurabiles oriuntur, maxime Scorbuticæ non facile delendæ, sic fuit puella, quæ salem undequaque collectum devoraret, unde incidit in Febrem Hecticam tantâ cum exsiccatione totius corporis, ut Scleron obtulerit ante mortem, eodem modo afficiuntur per mare vehentes, nisi cocta cum aqua salsa & salsamenta edentes sine fere quibusdam interpositis, hinc omnes tales maxime inclinant ad Scorbutum, Sal Marinum est in nobis indomabile acre & grave.

& si jam his suis tribus facultatibus agat in minima cerebri vel pulmonum vascula majori motu excitato facile destruentur, si quis sanus unam vel duas Salis Marini pauca aqua diluta biberit, febricitabit; idem accidit illis, qui carnibus fumo induratis sale conditis vel expiscibus & quadrupedibus utuntur. Quando navigatores deveniunt ad loca Africæ, ubi pluvie decidunt per longum tempus, tunc si bibant ex illa aqua, male omnes se habent; vide *Tractatum Glauberi dictum Salus Batavorum per mare currentium*, ubi ille auctor optime commendat usum spiritus Nitri & omnium acidorum, hic est methodus sanandarum Februm ab indole Scorbutica.

*Diluendo.* Aquæ Granenses & Spadane has Febres feliciter curant; & nulla Febre magis conveniunt, quam in Scorbuto Muriatico, id est, qui oritur à nimia copia Salis Marini ingesti, vel aquosa ut Thee, Coffe, serum lactis, lac ebutyratum, Hydrogala, quæ omnem salinam materiam abluunt, & ad vias Urinarias ducunt, jubeo apponere Lumbis, Peritoneo &c. fomenta ex Sale Ammoniaco, aqua Petroselini, Lini &c. demulcendo per jura carniū subpinguia; recentia.

*Evacuando.* Nam aqua fit Diureticum & acidum per renes eluit.

*Lenta &c.* Simulac homines his malis obruti possunt jura carniū comedere, brevi liberantur, imprimis si herbæ molles incoxerint, uti Endivia, Acetosa, Lactuca &c.

*Lixiviosa.* Febris Scorbutica Nautarum vix expellenda est, nam sæpe partes illæ salinæ intricatæ sunt terræ & oleo sanguinis amurcofo ut atrabiliario, sed hoc malum inextricabile per hoc solum lixivium Calcis Vivæ curatur; Calx in Li-



xivium convertitur, si libra Calcis Vivæ coquatur in duodecim libris aquæ, tum filtretur; & ut tegatur illud medicamentum, additur huic unica una aut altera Syrup. Violar, ut coloretur lixivium hoc, & ut sapor gratus concilietur, miscetur hinc gutta una aut plures olei Cinnamomi, tunc æger non abhorret, dosis est uncia tres: hoc est optimum remedium, nam inde fixa hærentia & impedita partim ejiciuntur, partim Volatilia redduntur, & ejicit, quæ fuerunt reconditissima, hinc in Scorbuto maxime laudaverunt Medici, sed hic loci tantum, sic in Gallis propter calidiorem indolem gentis lethale evasit, quia ibi non regnat talis Scorbutus, voluerunt etiam Galli in omnibus Febris adhibere eandem Calcem Vivam, sed ægri loco curationis incidebant in Febres Ardentes, hinc quibus sanguis non lento sale obsidetur, contrarium fit, nam Calx Viva omnia facit Volatilia. Sal Marinus pinguedini arctissime cohæret, patet in Halecibus, Strutionibus & aliis piscibus, sic ferre semper tenacissime adhæret, ubi sal est incorporatus oleoso pingui, si sal cum lardo edatur, homo triplo magis sitiet, quam si salem solum ederit, hinc pinguedo non ita facile secedit.

8. *A cibis.* Vidi homines pridie optime valentes sequenti die Febris Ardentibus laborasse à solis tantummodo condimentis acris aromaticis, ut Pipere, Zingibere, Alliis, Cæpis, præsertim si corpora sint, quæ ipsa ferre non possunt, sitiunt, calent, & inde Febris nascitur, nemo est tam robustus, quia assumpta dosi majori olei Cinnamoni febricitat, hoc fit præsertim à spiritibus stillatitiis inter spiritus fermentatos maxime noxiis & ab aromaticis oleosis inter aromatica, quæ aromatica maxime inflammant interiora; quando hi stimuli in sanguine

guine nimium motum faciunt, tum hæc Febris per diætam cognoscitur, & hinc oriuntur Febres Scorbuticæ Muriaticæ cum summis doloribus ad artus, his Febribus spiritus Salis Marini optimè conveniunt, uti & juscula carniū, in quibus Endivia, Lactuca & Antacida sunt cocta, hinc si sciatur à tali similive causa Febris esse orta, curatur dilutione per similia dicta.

*Aquosa.* Hos morbos abstinencia & potus aquosus solvunt, aqua enim est omnium inertissima, diluit omnia salina, acria, saponacea & aromatica, & deducit ad tam inertem vim, ut amplius non noceant, & per uriniferas vias eliminat, sed quædam sunt, quæ non faciliè per aquam diluuntur, & tamen reddi debent non acria, per acida mollissima, illud optimè fieri solet, quæ sunt Vegetantia ut succus Citri, Aurantiorum, Cydoneorum, Limonum, Pomorum Chinæ, quibus illud malum optimè corrigitur vel si fortiora requirantur, ad ipsa vina & acetata recurrimus, si fortissima, sumitur spiritus Salis Marini vel tandem omnium fortissimum acidum, ut est oleum Vitrioli, sed quæ his superari non possunt, quia oleosa tenacitate sua in aqua dilui non possunt, tum

*Saponacea* sunt porrigenda, ut si acre hæreat in pingui oleoso putrefactæ, hoc per priora corrigi non poterit, huc nimirum conducunt omnes succi Horæi maturi, blandi, subaciduli, si cum saccharo & melle coquantur, vel syrupo quocunque constituunt saponem, qui æquè abstergit, quam reliqui, hinc hæc promptissimè juvant, quando homines ex usu aromatum solent laborare, si bibant Oxymel dilutum magna copia aquæ vel Vinum Rhenanum dilutum magna copia aquæ cum succo Limonum addito

saccharo, Rob Ribesiorum, Sambuci, inde fit egregium saponaceum, hæc medicamenta extinguunt calorem ortum ex aromatibus, sic omnia olea ut Amygdalarum Dulcium, Caryophyllorum, Cinnamomi, ubi acrimoniam suam impresserunt partibus mucilaginosi, saponacea requiruntur, quod artificiosum corpus ita subigit oleum, ut possit aquæ misceri & cum ea dilui, hæc vobis satis commendare non possum, si succus maturus ex uvis Vindemiarum tempore pressus hauriatur ad plures uncias, tantum efficit Diarrhæam, ut nullum officinale medicamentum ei par sit, si de ferventi adhuc musto uvis maturis post calidam tempestatem iterum bibat, labitur in Dysenteriam aquosam totum corpus exinanientem, & sic sanguis non quasi sanguis, sed sub specie aquæ cineritiæ dissolutus erit, neque ob tantam partium tenuitatem vasis Meseraicis contineri potest, hinc patet vis succorum fructuum Horæorum maturorum, qui quam maxime abstergunt, pingue solvunt ut facile exeat, ergo si moderate assumantur, patet quantum abstergeant vi sua saponacea, sic Oxymel sumitur ab Hippocrate, quod est optimum, nil magis Causticum esse scimus, quam oleum Cinnamomi Zeylanensis, si hoc oleum attingat labia, ea tumefacit & inflammat, idem facit oleum Caryophilli vel Nucis Myristici vel Piperis, quia sunt acria & aromatica, hæc ergo per saponacea sunt corrigenda, sic bilis est optimus sapo, Sal Volatile Oleosum bene præparatum, Saccharum, Oleosacchara, mellita vel ipsum mel, succi Horæi maturi, hæc sunt lixivía saponacea, sed debent simul esse acida saponacea, si acetum saccharo permixtum est optimum.

℞. Aquæ Hordei ℥ iv.

Oxymel simpl. ℥ iv.

Rob Sambuci ℥ iv.

M.

Bibatur quavis hora ad uncias duas calide, & superatur malum, in hoc casu ægri sanguis est diluendus maxima copia aquæ, ita ut in urina non amplius sit oleum rubrum, quod ipsi urinæ conciliat ruborem, hinc aquosa magna copia pota hæc olea ex sanguine educere debent.

*Demulcendo.* Nam oleum omne aroma mitificat; hæc tamen sit certa regula in Praxi, homines febricitantes si macri sint, optime curantur per Emulsiones ex oleosis, si autem ægri sint obesi, optime sanantur per blanda gelatinosa ex Horæis.

*Blanda gelatinosa* fiunt ex Vegetabilibus & animalibus, ut seminibus Pomorum Cydoniorum cum aqua temperatis & decoctis, ita etiam offibus, ungulis, membranis &c. decoctis, si itaque videamus alcalescentia nimis assumpta, ut notum illud est vulgare peccatum per totam Europam assumendi Sal Volatile Oleosum aut Sal Volatile Oleosum Cornu Cervi, nam memini me vidisse inter Magnates multos, qui inter prandia his semper utebantur, his factæ sunt semper magnæ Hæmorrhagiæ & inflammationes, ibi enim aqua juvat, cui addatur leve acidum.

*Alcalescentia.* Nam ut aromata agunt, hinc conducunt hæc quando per aquosa diluentia, & demulcentia non possunt obtundi & per salina acida transmutari.

9. Quomodo ab his curentur ægri, dictum est

ante

ante peculiari capite, ibi observatum est, quod homo non sæpius continuo posset edere aviculas vescentes aliis insectis, ut Perdices, Aquaticas aviculas Mergos, Anates aquarum, id verum est helluones has non diu edere potuisse, quin oriretur ingens nausea, & sæpe Febres Ardentès, si nil nisi talia sine acido accipiant, tum abhorrent à cibis & eorum humores fiunt putridi. Animalia habent partes, quæ faciliè putrescunt, inter omnes vix videtur ulla pars hoc magis habere quam hepar, hinc jecinora animalium ut sapidissima corpus calefaciunt, sitim & Febrim creant, vix de hepate piscium aliquid comedetis, quin Febre Ephemera laboraturi sitis, hoc maxime verum est de illis piscibus, qui pinguedine abundant, ut Anguillæ Decumanæ & Salmones, si quis nimium de his comederit, accipiet putredinem rancidam, quæ ferri non potest, in his casibus conveniunt diluentia, quæ corrigunt, acida quæ emendant, oleosa, quæ quoque emendant, sed omnium maxime saponacea mellita subacida juvant, hinc conducit aqua cum vino Rhenano, spiritus Salis, Nitri, Cremor Tartari, hæc cura priori 6. 7. contraria est.

10. In Institutionibus videmus, quod, quo stomachus plus repleatur, eo plus contrahatur, & plus claudantur officia, hinc retinetur cibus, & toto stomacho tumente, per arterias Gastricas lien & hepar non est libera circulatio, pondus quasi sentitur, & circulatio sistitur; si hoc producat Febrim, stomachus statim est diluendus aqua tepida cum melle vel parum sacchari, postquam cibus sic dilutus transit, sentimus sæpe dolorem Intestinatorum. tunc morbus est solutus, & materia statim deturbatur per

alvum. Lardum blandum per sex horas in stomacho retentum regurgitabit æger specie urentissimi Caustici. Hæc est Febris Ephemera, quali pueri laborant, cum convivati semper sequenti die laborent Febri, quando putrida fames ventriculum constrinxit, hinc putrescens chylus vasa Lactea ingreditur, curantur tales Febres maxime dilutione aquæ tepidæ, postquam dilutio facta est, inedia fiat, tum ventriculus vomitu solvatur, ut & alvus clysmatibus, vel sale Polychresto ad dragmam unam, si priora non juvent, tum danda sunt Vomitoria, quæ post sesqui horam vel bihorium agunt cum violentia, quæ ex Cupro optime fiunt v. g. sumatur Vitrioli ad albedinem Calcinati dragma una, diluatur in syrupo quodam, & citissime bibatur, vomitum ciet, aut si hoc non satis cito operetur, sumatur viridis aëris granum unum vel duo in syrupo Violaceo, inde statim vomitus excitabitur, at in hoc est illud incommodum, quod sapor horridus diu maneat in ore, in *Materia Medica* descripsi ea, quæ hic conducunt, & quæ sunt optima scilicet lenissima vomitoria, quæ diluendo & nauseam faciendo agunt. Hic observandum est, quod in his casibus homo vomitui se assuefacere non debet, nam inde pessima mala oriri possunt, vide Tractatum meum de *Domino de Wassenaar*.

*Solutione alvi.* Accidit sæpe, quod per magnam copiam ciborum ventriculus dein evacuatus nulla arte restitui possit, & sæpe maneat Paralytica distentis nimium ejus fibris; unde si videmus homines queri de incommodis hoc subsequenter, ut Lienteria &c. semper cogitandum est, an hoc inde ortum sit, hinc tum

opus est inedia & solutione alvi ut fibræ ventriculi tempus se restituendi habeant.

**II. *Apotu.*** Hæc Febris vocatur Crapularis, Febris Ephemera, Synochus facta, quæ toties in Synochum putridum abit, uti patet in hominibus laute viventibus.

*Fermentato*, id est, omni genere liquoris vegetabilis, qui per fermentationem sic mutatur, ut det liquorem oleosum aquæ miscibilem & in igne flammam concipientem, hinc hic solum putamus fermentata ex succis uvarum, non enim differt, ipse præparavi vinum ex duodecim diversis generibus, unde Alcohol eduxi, ut ipse distinguere non potuerim, sic ex Fabis, Pis, fructibus Horæis, vino, melle &c. semper idem est, qualiscunque sit, semper est acris, nullus enim tam blandus quantumvis sit levissimus, quin oculo infusus dolorem faciat, sed majorem vel minorem prout magis illius mordentis vel comburentis Alcoholis adfuerit vel minus.

*Fermentante.* Hæc Febris est peior, si multum recens magna copia ingeratur, inducit Febrim, quæ diu durat, qui est fermentans quod emittit tunc temporis aliquod venenum, & si hoc cerebrum afficiat, tum in pauca copia hominem ebrium facit, ac si magna vini copia fecisset, sic si quis bibat cerevisiam dictam salientem (Belgice *Bottelbier*) paulo post gula eructat vaporem, qui ad nares veniens facit speciem temulentiae, quam ferre non possumus, si vapor exhalantis cerevisiæ fermentationi positæ excipiatur, aliquando homo moritur, vel fit Apoplecticus. Sic sunt exempla, quod quidam vir introiens cavum, ubi vinum reclusum erat fermentans, ilico Apoplecticus

ceciderit, postea memoria ei labefactata omnes sensus amiserit, ita vaporem per nares usque ad cerebrum attraxerat, alii uno momento necati sunt, si dolium fuerit amplum & spiraculum exiguum & mustum vel vinum maxime fermentans tum occiditur; cum tamen hi spiritus si adhibeantur, moderate languentes vires refocillent, & vitam jam jam defecturam excitant, at si his abutantur, Febres indomabiles producant; *Cornaro* scribit in suo *tractatu de sanitate* se fuisse ætatis centum annorum, sed cum defecerint ei vires se nullo remedio labescentes vires restaurare potuisse, quia vinum suum annosum evadebat, quod tum potabat, sed si Autumno novum vinum accederet, quod erat defæcatum, tum vires restaurarentur & accedente Vere rursus labefactarentur, sed Autumno rursus restaurarentur, hinc videmus differentiam fermentantis potus.

*Acido.* Ut vina Mosellana, Rhenana sunt acidula postquam efferbuerint, mustum quidem est æque dulce ac est vinum Gallicum vel Hispanicum, sed post fermentationis actum accedunt. Si ægrum debes curare, qui valde deditus est ad spiritum vini & alia spirituosæ, non debes te festinare, ut statim omnem potum suum adimas, sed sensim corpus assuecere debes ut hoc carere possit, nam si des aquosa, oritur Hydrops, hinc nil melius est quam sensim illum subducere, & tandem penitus tollere, hæc Febres curantur abstinentiâ, potu aquæ, lenissimis acidis, nitrosis, salibus, maxime illis mellitis & saponaceis, ut conserva Cydoniorum, Rosarum Rubrarum, Rob de Ribesiis, de Sambuco, de Passulis, Rob, quod fit ex succo.



succo Uvarum, hæc cum Sapa, Musto, Syrupo, Saccharo vel Melle mista optima detersiva evadunt, quoniam Magnates his Febris à lautissimis epulis contractis decumbunt, sic curamus has Febres, si modo attendamus, an materia sit in intestinis nec ne, si hæreat, do diluentia aquosa, addo simul, quæ gratissima sunt v. g.

℞. Aquæ puræ ℥iv.

Succi Limonum ℥iij.

Syrup. Violar. ℥iv.

—— Rosacei ℥j.

M.

Si bibat de hoc potu unciam unam vel duas omni bihorio solvitur ventriculus, diluitur quod hæret & acrimonia ibi mitificatur per opposita, si vero tum anxietas maneat, vomitus excitandus est, incipiat Medicus cum Oxymelle Scillitico, si hoc non juvet, detur Vitriolum album, vel Gilla Theophrasti, si tum Febris maneat, est signum, quod chylus acer & putrefaciens non modo ventriculum obsederit, sed sanguini se commiscuerit, instituenda tum est Venæ Sectio, danda Purgatio mollis, clysmata lenia & sic curantur, tales Febres sic Apoplexiam inducunt (à Febris Crapulari Apoplexia oritur) quando nimirum cibi ventriculum summo opere extendunt, Pylorum constringunt, Aortam comprimunt, sanguinem ad caput pellunt, orietur levis Febris, sit Apoplexia, legite, quæso, *Clarissimum Wepferum* de Apoplexia, quando nunc à crapula omnis circulatio quasi definit, & perpetuo somno quasi sepulti sunt ægri, cogitate, quod a ventriculo nimis reple-

to nimia pressio fiat ad cerebrum, hinc sanguis est subducendus, non in primo initio vomitorium est dandum ob vasorum ruptionis metum, sed tantum post Missionem Sanguinis, tum clysmata injicienda sunt acria, bis, ter vel quater de die, quando tunc manet absterfio purgantia dantur nondum vomitoria ob causam dictam, nam si in hoc casu vasa in cerebro rumpantur, omnes ægri periculo laborant, sæpe enim sequenti die post crapulam sanguis naribus eluitur, si hoc intra Cranium contingat, Apoplexia vero sequetur.

Ægri, qui à spiritu Vini Febrem acceperunt, felicius curantur, quam qui à spiritu Juniperi, & hi facilius, quam qui a spiritu Anisi, quo enim spirituosum oleosum & magis aromaticum, eo difficilius eluitur ex sanguine.

*Oleoso.* Sic spiritus adeo familiaris, qui destillatur ex baccis Juniperinis (Belgice *Genever*) vel spiritus destillati ex semine Anisi, Carui &c. sunt omnes pessimi, non solum fermentationem inducentes, sed tenacitate oleosa, & calida Inflammatione inextricabiles producant Febres, sic, si quis spiritum Anisi biberit quadam majori dosi, ad minimum per tres dies febricitabit cum summo capitis dolore, & hac ratione oriuntur Febres cum Delirio & calore indomabili.

*Aromatico.* Ut Aqua Vitæ Matthioli, Spiritu Carminativi Sylvii, Aqua Magnanimitatis dicta &c. vulgo Cordialibus, quæ habent pro basi aromata maxime calefacientia, Orientalia & Occidentalia, pro condimentis spiritus vini, qui primo nocent suo oleo, secundo, spiritu, tertio, illo Caustico, quod minima copia adest  
aro-

aromaticum dictum, hæc omnia sunt pessima si nimia assumantur copia.

*Acrimonia.* Febris inde orta vocatur Crapularis, hæc maxime sunt vitanda in ætate juvenili & virili, vidi enim nobilem juvenem hisce adeo inclinatum, ut totus tremulus capite ad genua spasmodice contracto ab hoc spirituosorum usu in flore ætatis extinctus sit.

12, Hic maxime est invigilandum Medico, metus enim est futuræ insanix, raro enim oritur Febris à vigiliis ultra modum protractis, quin subsequatur Mania, præsertim Æstate, sic vidi nobilem juvenem Studiosum; qui cum Æstate vigilasset aliquamdiu studiorum suorum culturæ & casu amici ægroti, paulo post furiosus evadit, non nisi longo tempore difficillima arte curatus fuit, simulac hæc cognoscuntur, Medicus debet hunc ægrum tractare ac si nimio motu facto Febrim accepisset, unde liquidissimum dissipatum & crassissimum fixatum fuit, hinc ille morbus est tractandus per Emollientia, Diluentia, Laxantia & corpus replendum tali materia molli facile digerenda, balnea sunt adhibenda, fots instituendi, subaquosa, acidula & subpinguia danda sunt, tum quies imperanda, si vero natura sua non ducatur in somnum, tum decocto Hyoscyamo corpus prius bene est humectandum, postea Opiata in vino soluta sunt porrigenda; aer sit satis frigidus, dentur Emulsionες v. g.

℞. Aq. Hordei ℥iij.

Spirit. Salis Marini 3ij.

Rob. Ribesior. ʒiij.

M.

fi de hoc medicamento æger bibat viginti quatuor horas, curabitur.

13. *Excrementis*. Hic debemus omne præjudicium deponere & solidum retinere; si multi hodierni Medici Practici visitantes ægrum audiunt; quod intra duos vel tres dies non satisfecerit naturæ, ergo dicunt, necessario debet sequi Febris, sed falsa est hypothesis; vidi sæpe in morbis tractandis Medicos, quibuscum confulebam, urgere illud, non deposuit alvum, ergo necessario inde febricitat, sed similia nunquam curo, nisi quatenus emollire debeam locum nimis constrictum, non autem fæces; hic omnia irritamenta nil boni faciunt, observavi enim sæpius quod illa materies, quæ deposita est ad intestinum Rectum non eat ad sanguinem, sed flatibus excernitur & manet integra, si fæx sit iners. Omnes fere Britanni & Batavi, si Italiam petant & per loca illa montana peregrinentur, ubi sit maxima perspiratio, intra octo dies alvum non semel deponunt, interim sunt tunc temporis sanissimi maxime voraces & nil mali sentiunt, ventres non tumescunt. Febris nulla est præsens sed si naturæ satisfaciunt, deponunt fæces crassissimas, sanissimas, sonoras, si in quoddam pavementum dilabantur; hinc si corpus consuetum est sæpe alvum deponere tum consuetudini est succurrendum tali modo

℞. Aquæ puræ calidæ ℥vj.

Mellis Albi ℥ij.

Nitri Puri ℥j.

M. F. Clysma.

quod maxime solvit: omne quod solebat à  
cor-

corpore evacuari si intra corpus retinetur, retentum fit acre, acre factum excitat Febres, cum nunc illa fomes intra sanguinem non tam facile eradicatur quam si à causa externa sit, advertendum est qualis materia sit; verum inter omnia retenta nil perniciosius est quam urina, quæ stagnans putrescit, sanguini noxam infert, pessimaque mala producit, sic quoque ex Lochiis Puerperarum retentis oritur pessima Febris vel ab Hæmorrhoidibus retentis.

*Alcalina.* Etenim fæces raro acescunt, sed putrescendo alcalescunt, de salivosis sanguineis purulentis, spirituosis, urinosi, sudoriferis nemo dubitabit, quin alcalescant.

*Acida.* Ut in debilissimis hominibus & in infantibus, quorum fæces excretæ acidum spirant, cum omnia, quæ assumunt ex sua natura in acorem vergunt & nutrimentum illud ultra tempus in ventriculo retentum potest eo usque acescere, ut post summas Convulsiones infantem occidat, si lac nimis diu retineatur in mulierum uberibus, acescet, & tum oritur morbus quasi ab acido.

*Oleosa.* Oleum nostri corporis fit acerrimum, ubi degenerat, certo sales nostri quando summe acres sunt facti, tamen tales acrimoniam habent, quæ à puncto calefaciente statim excutitur, adde quod per aquam dilui possint, hinc non tam nocere possunt ac olea rancida, nam omne oleum hebet acrimoniam fixissimam, quæ nec aqua eluitur nec calore excutitur, hinc corpora, monente *Hippocrate*, quæ habent multam olei vim, emergunt ex Febris Ardentibus, tum enim fit in nostro corpore pessimus stimulus vix tollendus, nunquam sal putrescit sine oleo, nec oleum, quin sal etiam putrescat,

cat, hinc humores nostri degenerantes in alcali plerumque degenerant in salem oleosum saponaceum. Si soleretur excerni pingue in nobis, ut pinguis bilis, pinguis scæx alvi, pinguis urina si retineantur, fit Febris; hæc Febres Sapone Veneto optime curantur.

*Saponacea.* Non potui hæcenus ex animalium humoribus producere purum salem, sed semper oleo mistum, cui alcalescens adhæresceret, quod est verus sapo. Si oleosa sint sola, tunc difficillima est curatio, sed tunc ut fluxilia reddantur, necessario saponacea sunt adhibenda; hæc Febres sunt valde periculosæ, *Hippocrates*, dum in his occupabatur, spectare solebat Menstruum, Sanguinem Hæmorrhoidalem, aut qui in ulceribus reddi solebat; si in morbo acuto hoc oleum rancidum & acre redditum faciat Febris causam, tunc nulla aquæ copia hoc solvere poterit, nisi sapo cum aqua sit mistus, tunc materia, exibat per urinas.

*Hæc reddenda fluxilia.* Si tenacitatem nimiam habeant, nocebunt loco, hinc prius debent esse cocta, id est, mutata ut libere per nostrum corpus fluere possint, hoc non facit aqua, quia humores lentescunt sub specie olei, sed oportet sales saponaceos adhibere, qui diluti in copia aquæ, hinc Mel, Cassia, Manna, Oxy-mel, syrupi, omnes succi expressi baccarum cum syrupo corticum Citri & Sacchari tantum boni faciunt.

*Lubricandæ.* *Hippocrates* dicit, si materiam oleosam velis educere, debes vias lubricare, quod fit per clystima, potus farinosos & nitrosos, quibus omnibus totum, quod impediabat, laxari, vel auferri solet.

*Emissaria.* Si per alvum velis subducere, da clysinata, si per Vomitum, adhibe potus lubricantes, si per vesicam, adhibe semi-cupium, si per balneum, vasa laxa, si per Hæmorrhoides, debent foveri donec sponte fluant, vel pessulis ex Aloë & Melle cum super assumpto levissimo purgante, his nihil juvantibus hirudines applicandæ sunt, & tum quando fluunt Hæmorrhoides, ægro supponatur vas aqua tepida repletum.

*Vires.* Ut dicit *Hippocrates* cocta si subducere debeas, debes prius illa fluxilia reddere, cocta quæ ducere debes, debes ducere per vias convenientes, has reddere lubricas, & si tale quid movendum sit move, id est, stimula vires, r. Attendendum est Medico, an materia sit potens fluere, hoc te docet urina, si in ea apparent discedentia, & postea quæ parum quieverint subsidentia deorsum, jam tempus est requisitum, quæ materies moveri potest, tunc enim est mobilis, ergo viæ erunt aperiendæ, si natura jam languescat, quamvis materia sit præparata, & viæ apertæ sint, materies tamen sponte non excernetur, proin fibræ motrices stimulantæ sunt, sic, si quis ardore febrili laboret v. g. vel alio morbo, in quo quid est movendum & prima die apparet urina flammea, non subsidens, secundo die eodem modo se habet, tertio die obscuri quid in eo apparet, tertius dies est index quinti, ergo quinto die urina subsidebit, & hypostasis quinto die redditur, urina crassas separatas fæces ad fundum deponit, tum parata erit materies, leniter fricetur æger, ducatur in balneum vaporis, componat se ad lectum, sumat haustum vini & sudet, tunc liber erit, si materies vergat ad vias Uriniferas, hoc

cognoscitur, si dolor circa lumbos fuerit, & Stranguria in mingendo, tum ilico dabo Radices Graminis, Petroselini, Foeniculi, fomenta applicabo ad pectinem, perinæum, lumbos, clystima lene injiciam fovens has partes, ut materia ducatur huc versus, & æger liber erit à suo morbo; sic si materia concreta fuerit ut in Hypochondriis virorum, ventriculis infantum in caseosam materiam, aquæ saponaceæ & sales iidem hunc morbum optime resolvunt, sic v. g. sumi potest Sapo Venetus cum vitello ovi in jure carniū pro acidis, in lacte pro alcalicis; hæc est cura generalis Februm aliter quam vulgo in scholis traditur, si sit ab acri ingesto stimulus tollendus est. Hic tamen cum summa prudentia excitanda est paulo major circulatio vel sudor, nam si tunc cutis non sit laxata, regurgitat materies in vasa interiora.

§. 606. Si hæc omnia simul fiant, tum liquida ad partes per meatus adducta facile exeunt; si homini, qui assuetus est omni mense per Hæmorrhoides sanguinem evacuare, hoc subito retineatur, tum sanguis retentus iens versus cor inducit Cacochymiam & producit Febres Cachecticas, quæ tendunt in mortem, licet Medicus omnia agat, si hanc viam non instituat, nil efficiet, hinc Medici est officium, ut inquirat id, quod retentum est, ut illud solvat & aperiat.

*Impactum*, vide caput de Obstructione.

*Obstructum* si quid in organis Sudoriferis retineatur, tum hoc compresso Febris manet, cutis squallet, totum corpus æstuat præ igne & ardore, & quo plura tunc dantur Diaphoretica, eo minus proficitur, sed repleatur corpus aquosis subacidulis, nitrosis, sic diluetur materies,



vasa laxabuntur, quo facto, vide an Plethora peccet, & si vasa quædam comprimantur, Venam seca, si non proficit, deduce in balneum vaporis, tum componat corpus ad lectum modicis stragulis tectum, ut sudet. Vide *caput de Rigiditate Fibre*.

*Balneo.* Hoc patet præsertim in calcinatione Spagyrica Cornu Cervi, quod optime solvitur per aquæ vaporem & melius quam si coqueretur in aqua.

*Fotu.* Dum balnea petimus, vaporem aquosum pulmone haurimus.

*Frictu.* Postquam fotæ & emollitæ sunt partes, tum frictiones multum juvant. Balneum immersivum non tantum prodest quam vapor aquæ tepidæ, adde quod pars immersa aquæ comprimatur multo plus quam cæteræ partes in aëre positæ, cum aqua sit ad minimum octogesies & quinquies ponderosior aëre.

*Abrasiōe pilorum.* Quia eorum vaginulæ tunc abrasæ ad sua extrema facilius perspirant, & tum oritur manifesta syntaxis nervorum. Nulla est pars corporis magis unctuosæ quam facies & caput, quia verum oleum, ut oleum transfudant, ne capilli in capite crispentur, & ne desquammetur Epidermis in facie, si homini jam pili in capite abradantur & caput tunc lixivio fricetur, ut sic expediantur pori, mirabilis contingit mutatio, ut *Sydenhamus* observat, qui dicit, se nunquam audere dimittere hominem, cui initium Phrenitidis aderat vel futurum prævidebat, nisi abrafo capillitio, & sic mutatio facta fuit, quam nullis potuit impetrare medicamentis.

§. 607. Sæpe accidit, ut hominibus qui minus sani sunt (ut *Hippocrates* dixit, quos homines

mines luctatores vocavit) accidat causa, quæ sanguinem rarefacit, tum vasa extenduntur ita, ut vita labefactetur, quod ex signis Plethoræ cognoscitur, inter causas sanguinem rarefacientes nil est magis, quam calor, & post calorem spiritus vel Alcohol vini, tum Venæ Sectio est instituenda, ut superfluens copia sanguinis dimittatur, tum vasorum pressio minuitur, *Hellmontii* objectio non meretur adduci, qui dicit bonum virum nunquam Sanguinem mittere, sed laniones; non autem considerasse videtur id, quod res non habet, arte nostra possunt oppleri, ut urgens liquidum proximi generis comprimat intercepta tam arteriosa quam venosa, si hoc factum sit, quæ methodus est, ut ille morbus tollatur, nisi ut minuaturs sanguis, qui simulac bene diminutus est, facit, ut detumescencia vasa liberum fluxum habeant, & non scio ullum remedium esse præter hoc in hoc casu. Videmus quomodo Febris tolli possit per causam, quæ per stimulum faciebat Febrim, & consideravimus, quod hæc causa inveniri possit, exceptis paucis casibus, ubi scilicet Divinum *Hippocratis* seu Sacrum Sideratum Pestilentiale hæret, jam videbimus quam ratione Febris sit curanda, quatenus habet obstaculum, nam in omni Febre est causa Physica, quæ cor celerius facit contrahi, in omnibus fere oritur causa resistens, ne humores ex frequenti contractione expulsi æqualiter distribuantur, hoc est, sine resistantia; hinc impossibile est curare Febrim per solius stimuli ablationem, sed sæpe debemus Febrim curare per ablationem impacti; hinc omnes Medici putant, quod Februm curatio consistat saltem in ablatione stimuli, ergo tantum quærent medicamenta, quæ stimulum

tollunt; hi tamen non sunt tam prudentes ac Hippocrates, nam si Febris à solo stimulo, tum optime faciunt, sed si Febris ab alia causa excitetur cum molestia, ut oriatur major contractio, tum hoc sedari non potest, nisi causa auferatur, hinc bene spectare debemus; quomodo nunc Febris ex copia stagnantium orta tolli debeat, heri vidimus; corpus enim potest esse perfecte sanum, sed corpus quod in perfecta *ἀσθενεία* est, est in periculo, nam natura vel sanitas non fert, ut in meliorem statum eat, sed it in peiorem, hinc sæpe ex bona Plethora Febris oritur, si hæc adsit, ut ex signis cognoscitur, sola Missione Sanguinis tolli debet. Signa Plethoræ cognoscimus, si homo vixerit in summo otio, vita beata, victu opiparo; si habeat humores blandos &c. tunc etiam si videamus magnum calorem externum, qui tamen sæpe non apparet, quia suffocatio vasorum ad cutim sæpe hunc calorem tollit, vide *caput de Plethora*.

*Comprimuntur.* Quando arteria major est duplo latius dilatata vasa minima accumbentia, vel ejus tunicas constituentia comprimuntur, ita ut nil transmittere possit, nam vasorum majorum dilatio est minimorum suffocatio.

*Fluorem.* Plethorica corpora incipientia habere Febrim statim calidiorem habent sanguinem ergo rariorem, proin Plethora augetur, si jam illa adeo distendat vasa majora, ut per vasa minima impediatur transitus, videtur ipsi deesse nihil, verum Medicus hoc advertens debet Venam secare, licet postea æger febricitare incipiat, tunc vulgus imperitus dicit quam male ipsi cessit hæc Venæ Sectio, Febrim enim induxit, quæ antea non aderat, sed hæc Febris suffocata

focata produxisset Apoplexiam, ut elegantur observavit *Sydenham*; dein *Hippocrates* in 1. Aphorismo Sectionis 3. sed prudentes Medici debent amicos monere, vel optima sua arte redduntur sæpe infames, & dicere, quod metus sit, ne suffocetur æger, sed quod certum sit, Febrim post Venæ Sectionem superfuturam, quæ antea suppressa fuit, jam sanguis libertatem fluendi nactus velocius ducetur, sic habui Plethoricum, qui vinum usque ad temulentiam biberit, ipse domum redire nescius pedibus non satis firmis debuit domum reduci, ego cito advocatus exploravi pulsus hominis (quem sæpius admonueram sibi cavendum esse præsertim *Ætate*) adfuerat Chirurgus, qui ipsi ultra decem uncias sanguinis detraxerat, præsc. ibebam tunc diluentia clysmata & laxantia, & paulo post iterum Vena Secta fuerat, vocabar ilico, nam res erat, ut inquebant summi momenti, tunc vidi sanguinem usque in subligacula fluxisse, ut totus quasi nataret in suo sanguine, natura affectante hanc viam, & morbus fuit solutus, alter talis post Venæ Sectionem passam accepit Hæmorrhagiam narium, & hac ratione fuit sanatus; hinc pessime faciunt Medici, qui meticulosi differunt curam, nam tum arteriæ in cerebro rumpuntur, & sanguis effusus ventriculos opplens Apoplexiam inducit, ut eleganter *Wepferus* observavit.

§. 608. Secundo hæret aliquando causa Febris non in materia sed in vasorum contractione, & hoc Febrim facere potest, si homo nunquam assuetus frigori, sed tepidus ex suo Musæo, fornace & igne instructo subito frigori vel aquæ frigidæ exponatur, ibi nil fit, nisi quod frigus se applicans faciat corpus solidius, contractius.

quam ante, hinc in hoc homine frigus externum, pulmones & cutim externam contrahet, hoc est, sanguis pellitur ab exterioribus in vasa interiora, ergo hoc erit obstaculum sequenti contractione, & illud erit Febricula, uti hoc in Rheumaticis Febris verum est, nam fibræ nostri corporis plus possunt contrahi, ut oriatur obstaculum, hinc attritus, ergo excitabitur calor, sic ut nunc hoc à frigore ita per Spasum quoque fieri potest, nam omnes fibræ sunt muscoli, hinc minima fibra circumducta est æque musculus ac musculus alii parti circumductus vel ori vel palpebris vel vesicæ, nam omnes sunt muscoli, omnes folliculi glandulosi Sphinctere arctantur, sic omnes corporis partes, si nunc obstaculum hæreat in quadam parte, vel in contractione ventriculorum &c. tum licet humores sint sanissimi, potest oriri Febris, vide *Caput de nimia rigiditate vasorum & viscerum*; si aliquis Aulicus à Principe repulsam patitur, anhelabit, pallefcet, & paulo post incidet in Febrim violentam, hoc fit ab animi pathematibus, bibat talis potus Coffe affatim, decoctum Hordei cum magna copia sacchari aut mellis ad pocula quadraginta seu quinquaginta, potus Thee adstringit, hinc hic non prodest. Rogabis quomodo ero certus, quod in febricitanti à tali Spasmo & contractione oriatur malum? videtur cognosci, quando corporis extrema calent, siccissima sunt arida & dura, tangite corpus rustici febricitantis, videbitis manus scabras & asperas præ siccitate, hic sanguis non est crassus, sed fibræ sunt contractæ, uti in omnibus hominibus, qui valde laborant, in his morbi sunt pessimi, uti etiam Hippocrates dixit.

*Arctatas.* Si homo valde æstuans exponit nudum corpus aëri frigidiori, vasa ejus ultima contrahuntur & fiunt tubercula cutis Anserinæ instar, id est, instar Gallinæ deplumatæ, quod materia in ultimis orificiis stagnet, docet cutis Anserina, vasa contracta nil transmittunt, omne commercium inter aërem & corpus intercipitur, & omnia vasorum orificia spasmodice contrahuntur, augetur obstaculum & Febris suffocata est, quæ ex urina pauca flammea totoque sanguine sicco scitur.

*Laxatis.* Nullum remedium pulchrius est in Febris ex ariditate cutis ortis, in quibus has contractiones maxime metuo, quam exponere nudum corpus tepido vaporì aquæ calentis, ut illa Atmosphæra tantummodo corpus alluat, nullum, inquam, tam præsto unquam novi in hoc casu remedium, pedes vero suos imponat æger aquæ calidæ, & corpus externe levibus linteis tegatur, ut ab externo frigore liberetur, sic optime laxantur vasa, viscera liberantur, diluitur, miscetur & solvitur materies, & illud simplex medicamentum est tanti momenti; ut si negligatur, ante tempus æger moriatur; hoc etiam ipsa natura facit, nam an natura non solvit morbum per sudores, quando homo in animi Deliquium cadens ad se redit, tum intensissime sudat quasi ab humore advecto, sed in eo errant Medici, qui externe volunt madescere per sola ingesta, quod fieri non potest, non enim datur exitus, & motus est adeo violentus, ut Gangrænam producere possit, deinde mane & vespere clysmata aquosa injiciantur, & potus aquosos laxantes hauriat æger, ut farinam Avenæ in aqua coctam, tandem in pelves aqua tepida plenas manus dimittat, spongiæ

aqua tepida madidæ ponantur ad Poplites, ad Inguina, ad Tempora, ut sint in perpetuo bāneo.

*Acrid.* Ad venena quod attinet, observavit *Wepferus* in tractatu de *Cicuta Aquatica*, quod ubi animal frustum radicis *Cicutæ Aquaticæ* deglutit omnem sensum amittat, simulac vero illud frustum evomit, cerebrum iterum liberum accipit, in his & similibus casibus infundatur aqua tepida, cum multo melle per infundibulum ex corio confectum, quod uno extremo ad ventriculum hominis aut animalis pertingat. Qui unum granum *Arsenici* assumpsit, in ventriculo stimulum accipit, qui rodit & spasmodicas edit contractiones, quibus natura *Arsenicum* expellere tentat & per humores, qui per violentum Spasmodum copiosius affluunt ad ventriculum abluere, hæc actio ab *Arsenico* orta est naturæ conamen, ut compefceret *Arsenicum* in corpore latens, idem verum est in Febris de stimulo supra dicto, si autem *Arsenicum* præterlapserit, & in intestinis hæreat, tum hæc contrahuntur & ita inflammantur, ut fere crepent, neque ullus dimitti potest status, ob viscera Spasmo affecta, conducunt autem in similibus casibus oleosa recens pressa, blandissima aquosa, sic hominibus, qui venena intra assumpserant, Febri laborabant, data fuit ilico olei *Amygdalarum Dulcium* libra una, & sanabantur Vomitu vel Diarrhæa, sic homini qui assumpserat *Mercurium Sublimatum*, dabatur magna copia aquæ tepidæ, ut ad vomitum eiceretur, & hoc reiterabatur sæpius, hac ratione æger, qui alioquin certo mori debuisset, sanatus fuit. Aliqui Chemici jactitant se habere universalia remedia Febrim compescencia, ve-

rum quid inde est? Sane compescendo nil agunt, si spina alicubi impacta hæreat, nil Febris continetur, & exulcerationem circa spinam faciat, nunquam excutitur. Hæc contractio fit ab acri pungente, nam v. g. statim atque frigus superveniat, quisque sentit corpus contrahi, & tum omnes suas vestes magis constringunt, ut sibi calorem concilient; unde videmus, quod similis contractio, quæ in ventriculo contingit, in vasculis exhalantibus fieri debeat, quando à materia acri obstruuntur & punguntur.

§. 609. Sequitur ultimum punctum Febris, ubi viscidum est, nam ubi vobis (forsan adhuc erit in memoria) explicui omnes stimulos, & docui, quomodo Febres per ablationem stimuli curentur. 2. Docui obstacula tollere, inter obstacula vero 1. Est Plethora, 2. Spasmus seu Contractio, 3. Cacochymia liquorum nimis inspissatorum.

*Visciditas vel lentor in hominibus vocatur illa conditio Physica, per quam partes & elementa, quæ constituunt horum humores nimis valde se trahunt, unde concretio partis ad partem vel nimis impedita resolutio partis à parte. Duplex spissum est, quorum unum est inflammatorium, alterum frigidum, & Febre Quartana est summum spissum, ut tempore frigoris apparet, sed non inflammatorium, sed ibi est viscidum, in Febre Tertiana boni humores, est eadem ratio visceri, sed facile solvitur sine Inflammatione, in Pleuritide est viscidum, sed ubi semel invaluit, difficillime solvitur, hoc est bene dignoscendum, nam in corpore nostro sunt viscida, quæ Inflammationi resistunt, & faciunt eisdem effectus, homo, qui Quartana Frigida corripitur,*



tur, habet magnam anxietatem & ingentem calorem, sed an inde unquam vidistis Inflammationem? Certe non memini me unquam legisse, quanti dolores capitis, quanti dolores pectoris adsint, sed tamen non sequitur Inflammatio, ergo hæc duo spissa differunt scilicet inflammatorium & frigidum.

*Vis Febris.* Forte dici licet hoc unicum esse remedium, nam tota ratio resolvendi materiem impactam est vis vitæ superstes suscitans majorem motum ad resolvendum obstaculum, si natura sit adjuta remediis, quæ sunt sales, saponnes & aqua calida. Febris ita est excitanda 1. Ut sit tanta, ut resolvere possit, 2. Ut sit tam parva, ut illa non plus corpus lædat, quam nunc est læsum, ergo vis Febris tanta est facienda, quanta requiritur ad causam coagulantem vel lentam dissolvendam, & quod hoc facit, vel sola Febris. Hæc res plane se habet, ut quod ante monui in despumatione carniū, si enim ebullitio sit segnior, non satis ejicitur spuma, & nimia ebullitio consumit humidum; sic etiam hic, si materia obstruens non resolvatur sponte putrescit, ergo hæc est mobilis facienda. Et optimus est Medicus, qui hoc digerere novit, hinc si impetus sit nimius primo est temperandus, nec ulla est contradictio. Vellem, ut ullus Medicus utcunque peritus mihi diceret, an curare posset viscidum Febrim faciens sine Febre, per Absynthium, radicem Gentianæ, flores Centaurii minoris, sales fixos absorbentes & volatiles, quomodo curant, dant eo tempore, quo æger non habet Febrim, hæc faciunt calorem naturalem, sed tunc est frigus; hæc verò remedia data faciunt, ut caleant, hinc videtis, quod Medicus per artem faciat Febrim

ma-

manifestam, ergo primum instrumentum earundarum Februm, quo Febres à causa viscida curantur, est ipsa Febris, non quatenus est à stimulo, sed quatenus Febris debet curari visciditatem solvendo. Nonnulli Medici credunt, quod per maximos motus fiat maxima divisio, sed longe aliter se res habet, nam liquidiora à nimio motu expelluntur, dissipantur, globuli vero crassiores compinguntur, si autem temperetur Febris, tum omnia liquida in suis figuris manent, ergo nimius impetus est temperandus.

*Coagulum.* Si omnis Febris absit, coagulum non dissolvitur, uti in mortuis patet, secundo requiritur, ut Febris non sit tam violenta, ut corpus destruat, Medicus æque peccet, qui facit, ut Febris non solvat coagulum, quam qui nimiam Febrim facit, *Hippocrates* Febrim consideravit ut naturæ instrumentum, quæ sibi soli sufficiebatur, in omnibus ad omnia, quando vero natura erat impar, augebat Febrim, quando vero natura destruebatur, imminuebat.

«. Hæc omnia à nimio impetu fieri possunt, tum coagulum non solvetur, sed condensabitur, & mucosum iners exsiccabitur & inspissabitur in tophosam materiam, ergo nimius calor nocet, audite *Galenum* bonum Præticum dicentem omnes Medici curantes Quartanam, si velint festinare curam, adhibent nimis calida, & faciunt Febres Continuas, & convertunt mucosum facile sanandum in Inflammatorium, unde subito moriuntur ægri.

*Vehementia symptomatum.* Puto esse verissimum, quod nullum symptoma Medicum tam certo doceat de ingenti vi, quam fluida in vasa exercent, quam calor, si sit calor longe major quam

quam hominis sani, tum fit Febris, albumen ovi & serum sanguinis in calore nostrum non superante solvuntur in ichorem, si vero calor fit major, concrefcit in materiem sciffilem, si ergo calor infurget vel in parte, ubi Febris, vel in toto corpore tum Febris est nimia.

*Caloris.* Aquæ ebullientis calor omnem vivam partem nostri corporis impositam Gangræna afficit, idem patet fieri in interioribus, sic puer quidam Rapam ex ebulliente aqua captam volebat assumere, verum illico parente adveniente deglutiit, & miser infans paulo post cecidit, & corpusculum post mortem apertum exhibuit ventriculum gangranosum factum. Quisnam gradus caloris est hominis sani? Decent hæc ex æte Thermoscopia, inter gradum frigoris glacialis & aquæ ebullientis sunt quædam in dia, si jam calor incipiat recedere à statu sani corporis & vergere ad calorem ebullientem, jam plus metuendum est de Inflammatione, Gangræna, Sphacelo, & inde semper sciri potest, quantum de frigore & quantum de calore est demendum.

*Vasculorum.* Si tantus fit calor & tanta ténitudo vasculorum in pulmone & cerebro, per quæ liquida ferri debent, tum Febris est nimis magna, quam ex ingenti capitis dolore & Dyspnæa cognosco, tum est nimius impetus à violentia Febris.

β, *Nimio motu.* Nam ab hoc semper liquidissima dissipantur.

*Siccitas narium.* In naribus vasa sunt nuda, effumantia quasi sua liquida de arterioso sanguine, cutis enim ibi non est, & quidquid in naribus vides, hoc quoque adest in Œsophago, Ventriculo, Intestinis tenuibus.

*Oculorum.* Si oculorum Canthi imo ipsi oculi pelliculis arescentibus sordescant, vel in lemas abeant valde siccas. Oculi pulverulenti ut loquitur *Hippocrates*, hoc enim designat per vasa minima non fluere Sanguinem in Febre Calida, hinc inde concluditur, hanc Febrim Acutam sanguinem sic orbare liquidissima parte, ut disponatur ad immeabilitatem; id est, mortem.

*Gutturis.* Hæc omnia sunt signa, quod massa sanguinea fiat massa combustilis, hoc est, quod totum fluidum immeabile & minus fluidum sit.

*Raucedo.* Si membrana Laryngis exsiccata sit, rauci reddimur, quæ iterum curatur, si huic defectui supplemus obliniendo & inungendo has partes.

*Pulsus parvus.* Si alia signa te doceant talem siccitatem & talis quoque pulsus adsit, notat terribilem siccitatem pulmonum & eorum angustiae, ut ad sinistrum cordis thalamum sanguis libere derivari non possit. Omnia hæc simul concurrentia docent sanguinem nimis inspissatum decusso liquidiori; humores amplius non ita sunt diluti, ut ad illas partes venire possint, si vero hæc accedere nequeant quomodo venirent ad cerebellum ergo mors instat, nisi præveniatur liquidiora reddendo.

2. In hoc puncto maxime peccatur, nam Medici diu in Praxi versati incidunt in illud præjudicium, quod semper ægros ab impetu Febris liberare debeant, hinc putant esse eligendum id, quod nimis urget, ob quam causam inclinant in debilia medicamenta nempe Clysmata, Sanguinis Missionem, diutam tenuem, diluentia aquosa, & in omnium refrigerantium usum.

usum, hæc sunt optima, si Febris sit nimis magna, uti in duobus casibus præcedentibus dixi, sed mala, ubi Febris torpet, credo, auditores, quod utcumque vobis rem inculcem, tamen vos visuri estis deceptos. In summa Plethora possunt esse summæ vires, & maxime languores, fieri tamen potest, ut ægri sint valde debiles, quia nimias vires habent, hoc in Plethoricis patet, si nimis spirituosæ biberint, cadunt attoniti, sed si Venæ Sectio instituatur, statim vires iterum restituuntur, si corpus nimis incalcescat à Febre tendit vasa, qui tum non bene instructi putant nimis parvam esse Febrim, tum dant Cardiaca, sed pessime, ergo videndum, an languor revera adsit, nam non vidi in morbis acutis, ubi Febres violentissimæ sunt, nunquam Febrim deesse, homo sævissima Pleuritide laborans accipit pulsum durum, calet, æstuat per totum corpus, circa Intercoastalia loca oriuntur Obstructiones, dein ibi materia se colligit; unde dolor comprimit omnes venas; Medicus advocatus vidit pulsum durum, nullum sudorem viscidum, hæc sunt signa languentis, si his datur incitamentum, moriuntur, si Venæ Sectio instituatur, adscendunt vires, hoc apud solum *Sydenhamum* videmus graphice descriptum ac depictum, hoc cognoscitur, si malum nec à Plethora nec à suffocatione oriatur, & omnes actiones langueant, quid vero significat? Si nullum signum Plethoræ nec suffocationis, omnia libera, pulsus liber & lentus, calor non magnus, color pallidus, subalbus, ex hisce omnibus noscitur torpor naturæ, si tamen febrilis materia & Pepasmus non adsit, ergo requirit motum, legi heteroclitica scripta *Botalli*, qui dicit in *Hydrope Quar-*  
tana.

tana Febri laborantibus conducere Missionem Sanguinis, vidi, quid Venæ Sectio faciat in Quartanis, ubi ægri ad duos menses debilitatem vix superare valebant, sed manebant ita debiles, ut vix ad se redirent; egregius *Sydenhamus*, qui tam celebre nomen in curandis Febribus obtinuit, ut Doctor Februm nominatus fuerit, dicit nisi impetus præternaturalis sit in Febre, tam Missio Sanguinis semper reddit Febrim incurabilem vel lethalem, vel longo decursu vix superabilem, nam facile fit nimius humorum circulus, & hunc debemus ducere ad modum. Veteres Medici semper dixerunt duplicem coctionem, unam rei non naturalis cibi, potus &c. in naturalem quam vocabant *πέψιν*, alteram morbosam vocabant *πέπασμον* coctionem crudi morbifici in naturale coctum; signa languoris sunt, color urinæ aquosus, non ultra modum naturalem ruber (si rubicundior foret, esset bonum signum) pulsus languidus, debilis, calor nec circa vitalia, nec alia loca, sed ut in temperie frigida; hæc signa denotant malum non levatum iri, sed abiturum in morbum Chronicum priori pejorem. Chemicici hic multum peccarunt in Febribus Acutis, suis principiis sulti adhibuerunt calida stimulantia, ut sunt Salia Volatilia Oleosa, &c. Galenici vero peccarunt in contrariam partem, nam Venæ Sectionem, Clysmata, Purgantia quotidie repetunt, adeo debilitant corpus ut sit in Galliis, ita ut corpus fiat tandem Hydropicum, hinc talis cura debet esse, ut nunquam deprimatur Febris usque ad sanitatem, neque permittatur, ut nimia sit & nocere possit, hæc est methodus *Hippocratis* & *Sydenhami*; hinc Febris eo est deducenda,

ut

ut coagulum dissolvere & inde non destruere liquida possit.

§. 610. *Exorbitare deprehenditur.* Ut sciamus, an sint minuendæ vires ægri nec ne, tunc videndum est, an sit Febris à stimulo, an vero à materia cum solo stimulo fiat Febris, si contagium sit, ut in Variolis, sed in aliis morbis invenimus sæpe cruditates prægressas, & hæc est Febris cum materia, si Febris sit tantum à stimulo, tunc statim est tollenda sola Venæ Sectione, si autem sit cum materia v. g. si Inflammatio sit prægressa, tunc nunquam ita minuendæ sunt vires, ut minor calor fiat, quam est in sanitate. Gradus caloris potest hic optime nosci ope Thermoscopii, quæ fabricantur ab artifice *Fabrenheitio* dicto, qui nunc est in Angliis; immixtis autem his Thermoscopiis in ore ægri tum videndum est, an ille gradus caloris sit sufficiens ad domandam illam materiem obstruentem comparando hunc gradum caloris cum alio gradu in ægris similibus observato, & in sanitate illius ægri, si fieri forte poterit deprehenso.

*Abstinencia.* ab omni, quod crassitiem, acrimoniam & putredinem facit.

*Victu tenui*, scilicet per solum decoctum Hordei & nil præterea, nam quod *Hippocrati* sufficit, id nobis etiam sufficit, de nutrimento hic non dico.

*Potus aquæ.* Aqua tepida maxime debilitat, ergo ad extinguendum sanguinis ardorem desomni hora unciam semis aquæ, cui incoctum frustulum panis, & optime convenit ad demulcendam sanguinis acrimoniam à salibus nimis exaltatis ortam.

*Aëre frigidiusculo.* Aër reducatur ad calorem.

Ver-

Vernum. Aqua sumitur Æstivo tempore vel de puteis vel de fontibus, dispergatur per conclave ope fonticulorum, si requiratur majus frigus, solvetur in aqua Sal Ammoniacus, quod redigere potest aquam ad trigesimum tertium gradum frigoris, ita ut ab his salibus gradum primum congelationis obtinere possimus.

*Animi affectu leni.* Abstinendum est ob omni animi affectu, qui circulationem auget, adstantes famulantes foccis laneis incedant, nullus omnino fiat strepitus, sed sint omnia in silentio, locus sit tenebricosus.

*Venæ Sectio* est optimum debilitans & summum refrigerium, quidquid *Helmontius* & *Chemici* contra clamitent, detrahendus est sanguis, ut vasis laxitas reddatur, id omni tempore confirmavit experientia, videte *Moreum* in libello rarissimo de *Venæ Sectione in Pleuritide omni tempore admissa*, ubi quidem id solum promittit titulus, sed simul per totam Medicinam in Venæ Sectionis usum percurrit; *Helmontius* vero non fuit Practicus, sed Chemicus, Mathematicus, Philosophicus & speculator nobilis, qui sua perpetua speculatione quidem hoc illudve medicamentum adinvenit, sed non adibat ægros.

*Clyisma* cum aqua, aceto & nitro, sed hoc tantum, quando nimius motus est compescendus, ut vult *vander Heyden* in libro *Wallonico*. Clyisma optimum est aqua pura, quæ si injiciatur omni bihorio ad uncias octo vel omni hora ad viginti quatuor horas sic debilitat corpus, ut non credatis, si addatur Nitrum, Saccharum, mel, Syrupus Althææ, Mel Mercurialis, Emollientia plus debilitant, hæc toties sunt danda, ut intestina fiant laxissima, Clysmata ex fero la-

Etis



&is & aqua acidula &c. etiam bona sunt. Medicamentum refrigerans est illud, 1. Quidquid densitatem demit sanguini, 2. Quidquid elasticitatem demit vasculis, 3. Quidquid stimulum tollit, vide lectiones de *Viribus Medicamentorum*, hæc Medicamenta sæpe evadunt frigida, quando dantur cum multa copia aquæ.

*Medicamentis.* Si homo robustissimus tribus diebus & noctibus perpetuo bibat aquam, erit adeo debilis, ut non sentiat vires, sic in his morbis potus aquæ est summum medicamentum. Hæc remedia sunt methodo *Hippocratica* sumenda, nempe sola aqua Hordei, si addatur Nitrum tanto melius, optimus est, si succus Horæus ei jungatur ut. v. g,

℞. Aq. Hordei	℔iij.
Nitri Puri	3j.
Rob Ribesior.	ʒiij.
M.	

Cui adde spiritus Salis vel Nitri Dulcis, quantum sufficit ad gratam aciditatem; in hoc medicamento sunt fere omnia, quæ requiruntur.

*Anodyna.* Sunt 1. omnia, quæ nervos ita laxant, ut partes non amplius maneant tensæ, 2. quæ diluant acre irritans nervos, 3. quæ laxant vasa, ut materies irritans & obstruens exeat. Ista Anodyna sunt Divina medicamenta ex emulsionibus Farinaceis, semine Papaveris, feminibus quatuor frigidorum majorum & minorum, syrupo Violarum, Dithææ Fernelii, si hæc non juvant, fortiora sunt adhibenda, ut syrupus Papaveris Rhæados, si fortiora requirantur, syrupus Papaveris Albi.

*Opiatis.* Illi morbi, qui oriuntur à magno impetu

petū spirituum raro obediunt nisi Opiatis, sed attendendum, quod Opium tres semper producat effectus, 1. Quod calefacit, 2. Quod hoc calore nimio nato plus rarefaciat & plus moveat humida, 3. Quod obtundat & hebetet illud, quod dolorem facit; hinc nunquam dandum est Opium, nisi quando scimus nos dedisse remedia, quibus sublatus fuit nimius impetus morbi, aliter Opium nos semper fallit, ut accidit multis Medicis in cura Pleuritidis. Omnis æger habens materiam, quæ coctione indiget, habere debet paulo maiorem coctionem ac in sanitate, ergo nunquam æger est debilitandus in sanitatem usque; habui disputationem aliquando cum Medicis, quando sanguis erat missus, æger calebat, urina erat rubra, Medici volebant iterum mittere Sanguinem, sed dicebam, expecta coctionem, sanitas superari non potest, metuebant calorem, quem vellent extinguere, & putabant non desistendum fore, donec refrigeraverint, videtis in Gallia & Britannia idem obtinere, ergo quando Febris Acmaistica non Paramaistica cum materia non debemus extinguere, sed subsistendum, quando fere ad temperiem sanitatis perventum fuerit.

§. 612. Si minor sit impetus, danda sunt Cordialia, didici ex *Syaenhamo* quod hæc in nimio impetu sint damnosa, sed bona ubi minor est circulatio. Si deficiat, do semper Cardiaca ex. gr. jus carniū, & in eo dissolvantur tenacissima aromatica, ut macerentur, ut Croci grana quatuor vel quinque pro uno haustu, aut grana viginti vel viginti quinque Macis aut parum Nucis Myristicæ, vel jus carniū & vinum cum aqua dilutum, tum fit major motus, quia hæc

hæc per suas alcalescentes partes stimulum inducunt. Potus meracior est ille, in quo spiritus fermentati plus abundant, ut in cerevisia & vino. Aër sit calidior, ira moderata sæpius excitanda, si quid jubent obloquendo &c. hoc pacto maxime promovetur circulatio.

*Acrioribus.* Omnia Cardiaca sunt acria; Cinnamonum est summe inflammans, uti ipsi vidistis, succus Citri est gratissimum Cardiacum, sed si sumatur nimia copia est corrosivus, ergo omnia Cardiaca sunt acria, si tamen sunt adhibenda, tum conveniunt Volatilia Acria, ut omnia Elixiria, omnes Sales Volatiles Oleosi, omnes aromaticæ, compositiones Theriacales five Opiatæ, omnes spiritus Cardiaci sunt nil nisi aromatici sales & spiritus destillati, reliqua composita, ut Theriaca, Orvietanum, Diascordium sunt aggregatum acerrimorum aromatum, hinc nil habent plus quam vim excitandi, augent ideoque contractionem cordis & arteriarum & respirationem. Conducunt etiam volatilia, quæ sunt sapida & odorata ut salinæ v. g. Sales Volatiles Cornu Cervi, vel fetidæ ut spiritus Urinæ vel spiritus Cornu Cervi, vel omnia oleosa ut spiritus vini, vina fragrantia &c. quæ sanguini mista, calefacta, mota propulsa, sese expedire conantur, sicque impingunt in fibrillas motrices, talia sunt omnia aromaticorum genera, ut Carduus Benedictus, Gentiana, Centaurium, Absynthium, quæ Antifebrilia dicuntur & non evadunt febrifuga nisi facta Febri, omnis Medicus debet habere remedia, quibus fiducia apud vulgum habetur, ut ægro suo pro re nata prudenter præbere possit, sic ipsæ Perle, Lapis Bezoard Orientalis & Occidentalis, quæ medicamenta (si pruden-

ter adhibeantur) non nocent, sic stimulantia grata ut succus Citri cum proprio oleo Hyacinthi, confectio Alkermes, quæ tanquam sacræ commendantur anchoræ, ut & oleum Cinnamomi, quæ omnia Febrim faciunt, hinc debemus temperata adhibere, & parvis dosibus præscribere, & experiri an doses præcedentes nocuerint ægro nec ne. Ruta in aqua cum paucis aceto infusa vel cum paucis vino Rhenano est optimum medicamentum in hoc casu, quia Ruta non habet partes hærentes oleositate acri, ut habet Absynthium, hinc Ruta est præferenda huic & similibus.

*Fermentata* ut acida, vina, spiritus vini, calor sit paulo major quam mense Majo vel Junio.

*Frictione.* Per hanc possumus Febrim excitare & sustinere quo usque volumus & omne frigus arcere. Materies oberrans in sanguine abit fere semper in acutis versus Hypochondria & ad hepar, hinc post morbos acutos male curatos, id est, materia non cocta tunc fit Icterus, hinc optime hic præscribit *Celsus*, ut fiant frictiones ad Hypochondria, sed optime illæ frictiones adhibentur post superiora præmissa.

*Calore.* Duæ hic sunt regulæ, prima, ut calor reducatur eo tantum ut sit major quam naturalis, altera regula, ut mensura illius calor non debeat mensurari ex præsentis sed ex futuro, nam v. g. si homo nunc sumat vinum cum Pipere, tunc equidem statim postea non sentiet calorem, sed tantum tribus quatuorve post horis.

*Motu musculari,* id est, ut æger paululum ambulet; motus muscularis est inter summa remedia, quibus motus augetur & inter summa

remedia quibus augentur spiritus, & qui torporem abigunt, multi putant motum debilitare, sed moderatus motus potius auget robur, quam debilitat.

*Balneis.* Sed dicetis hæc debilitant, sed movent pro eo tempore, postea vero debilitant, hinc frictiones succedere debent, sic eleganter canit Poëta :

*Debilitant vires balnea, Bacchus, amor, ☆  
Restituunt easdem balnea, Bacchus, amor.*

Sed hæc balnea fieri possunt stimulantia, ut ex Absynthio, Junipero, Ruta, Roremarino, Chamæmelo, Sabina, salibus, ut Sale Ammoniaco, Sale Gemmæ, Borace, Marino &c. vel ex Muriâ cum tribus partibus aqua hæc non debilitant, sed potius excitant Febrim insinuando se acrimonia.

*Fomentis.* Cum pane tosto, Vino Rhenano & aliquot aromatibus applicetur hæc mistura umbilico. Hæc petenda sunt ex aromatibus spirituosius Balsamicis, ut curetur Febris, requiritur  
1. Ut vita sustentetur per victum & regimen sex rerum non naturalium, 2. Stimulus nimius debet tolli vel reddi iners, 3. Obstaculum, quod æquabilitatem circulationis liberam impedit, removeri debet, 4. Symptomata mitigari. Conabor sensum *Hippocratis* explicare qua sibi natura sufficebat ad omnia, & quomodo Medicus debeat facere ne insurgat vel nimis torpeat. Medici non credunt, quod ars tam simplex sit, putant se aliquid agere debere, vel aliquid destruere, sed hoc *Hippocrates* non fecit, explicui effectus, seu & quænam viæ sint, per quas natura in mortem it, & quænam viæ sint,  
per

per quas it in alios morbos, ex his patet, quod Medicus 1. pati non debeat, ut Febris tam magna fiat ut producat Phænomena Physica, per quam mors fit, 2. Medicus debet cavere, ne opprimatur materia; de Febribus excitantibus dixi: præmissi, quod omne remedium, quod dicitur vitam excitans, quatenus languet, sit Febrim augens: adhibui experimenta, quibus Medicus mira efficiet; Cardiaca quoque explicui, omnes fere Medici peritissimi in ea sunt opinione, quod Cardiaca facerent substantiam nostram & quasi spiritus infunderent, sed non novi hoc fieri nisi in cibo & potu; omnia Cardiaca sunt oleosa stillatitia aromatum & omnia olea destillata cujuscunque aromatis si cuti imponantur, eam inflammant, & in pus convertunt iustar ignis actuosi, hinc in corpore validum stimulum producant, ergo omnia Cardiaca faciunt Febrim.

§. 612. *Quo.* Quodnam secundum sit remedium, quo vita excitatur, ut visciditas tollatur? Primum instrumentum, quo solvebatur visciditas febrilis, erat moderamen vitæ consistens in regimine impetus febrilis; secundum consistit in elasticitate restituta vel in elatere restituto, quænam est actio vasorum in corpore? unica, scilicet per quam in unam lineam rectam seu brevissimam se contrahunt; vis à vasis pendens est, dum cor pellit sanguinem, omnes illas partes varie movet seu resolvit.

*Elatervis.* Ex Mechanicis & Physicis scimus quod omne corpus elasticum sit, quod in lineam longam se ita extendi patitur, ut se contrahat in lineas breviores, & maneat in longa linea, quamdiu causa distendens major est, sed simulac causa distendens minuitur, causa,

quæ in lineam brevissimam it, redit, ergo in corpore robustissimo potest Elater abesse, nam simulac sanguis fertur in arterias ex venis, tum arteriæ manent distentæ, id est, non habent vim, qua se contrahant, hoc fit in illa causa, ubi Febris ingens, tum viscidum non tolli potest, & illæ partes concresecunt inter se & non dissolvuntur. Hinc causa, cur nostri humores dissoluti teneantur, pendet à Dyastole & Systole arteriarum. In Plethoricis corporibus derivatur sanguis ex venis in arterias per morbos acutos & in corporibus, ubi non est multum sanguinis rubri, sanguis hæret tunc in venis, non in arteriis, ut deprehensum est in cadaveribus, vide *Boneti Sepulchretum Anatomicum* sed si visciditas adsit, tunc per Venæ Sectionem conciliatur oscillatio vasis corporis.

*Minuto.* Hæc est ratio, quam puto valere in Medicina ad solvendam visciditatem, nam quando vas elasticum à causa distendente liberatur, tum minuuntur contactus, minuuntur quoque motus, solvitur viscidum. In morbis acutis curandis totum pendet ab elasticitate vasorum; dixi, quod omnes arteriæ fiant venæ ipso momento, quo cor non amplius agit, seu quod idem est, simulac cor non premit, tum etiam nil premit in angustias, si hoc fiat, alterne fit resolutio; cogitate alicubi dolorem oriri circa Præcordia nempe dolorem Pleuriticum, cogitate simul sanguinem demi, ut sanguis vix cum impetu fluat, vas distendens manet ut ante, causa impellens minuitur, quod idem est ac si vas majores vires acciperet, ergo inde liquet fieri resolutionem. Hæc nesciveram nisi excitatus exemplo *Leewenhoekii*, si particula una crassior & viscidior in minima adacta mea-

meabilis fieri possit, ut teratur & atteratur, vel sic pellatur, ut veniat ad canales majores, ut transeat, si cauda piscis fortiter prematur, erit contusio, si microscopio conspiciatur, videbis lentum & crassum ibi hærere semper minus & minus fieri, donec tandem plane evanescat, vel vasa sese dilatare & recipere. Si vasa ita distenta sint, ut in se non recurrant, pulsus quidem plenus est, sed deficiens & debilis, suffocans pulmones, & arteriæ tunc impletæ constant immobiles ad fines obstructæ, hinc humores non mutantur in commune bonum.

*Stimulantia.* Si Elater pereat, & causa distendens minuta sit, tum vasa sunt Paralytica, hinc quo plus distrahuntur, eo plus renituntur; qui in Tribunali torquentur, his ita extenduntur ligamenta, ut illæ partes per menses ita maneant, antequam restituantur, ergo Medicus debet considerare, quod omnes partes à materia viscida infarctæ & distenta liberata perdant tonum, tum oportet leviter stimulantia adhibere, hinc Elater restituitur 1. per innationem humoris urgentis & 2. per robur, detur Rob Sambuci vel alii saponēs diluentes, sal Cardui Benedicti ad dragmam semis aut Sal Volatile Cornu Cervi ad scrupulum unum, ut infusum Radicis Imperatoris, Angelicæ, Rutæ, Thymī, Serpili &c.

§. 613. *Diluendo*, id est, aquoso tepido, de hoc in præcedenti egi.

*Balneo.* Per balneum immersionis vel vaporis vel per balneum fovens.

*Fotu*, id est, balneo tepido, huc etiam referuntur omnia cataplasmata.

*Clysmate.* Clysmā est balneum internum, Me-



dicus debet Clysterem considerare pro effectu balnei intra positi.

*Fricando.* Post dilutionem frictio solvit, veteres hæc duo scilicet frictiones & dilutiones pro summo remedio adhibebant, apud *Celsum* videbitis curatas Febres Tertianas & Quartanas abstinencia per biduum, vel calida aqua affatim hausta, fotu balneorum & frictionum: omnia hæc medicamenta majora ac hodie medicamenta dantur resolventia, bibendo hinc *Swalve* in *Tractatu de Querelis Ventriculi* introducit ventriculum loquentem, cur ego debeo ferre insaniam Medicorum, si in corpore sit conusio, ego debeo Purgantia vel Vomitoria vel Diluentia sumere, quid hæc ad me? quando hæc fere universalia adhiberemus, plus proficeremus; in Gallia, Britannia, Germania omnes fere ægros, postquam à Medicis derelicti fuerunt, ablegant ab balnea: adjunxi experientiam scilicet hominis violentissima viscosa Inflammatione laborantis, postquam arescebant, ut manus arescerent, præmissa Venæ Sectione datis Diluentibus potulentis, si tum in balneo vaporis tepidi & humidi ponantur, curantur, & qui magna anxietate laborant, cum balneo sanantur, præprimis si frictio accedat, inde videmus confirmationem in tota rerum natura, nam quando sordidum corpus depurare volumus, ponimus in aqua tepida cum sapone, & deinde quasi opere fricamus.

§. 614. *Calida.* Hoc est, paulo calidiora quam est calor hominis sani, frigida enim adstringunt & roborant, & calidissima inspissant, coeuntque in materiem irresolubilem. Si unquam aqua calida proficit certe prodest in Febris Acutis, in Asia, China & maxima Europæ parte

parte liquores calidi bibuntur, & longe felicius curantur quam frigidis.

*Salita.* Uti Nitrum & omnia ex Nitro, sal Prunellæ, sal Polychrestus, Nitrum Stibiatum, Sal Ammoniacum, nam hæc sunt levissima, non etiam spiritus Salis Ammoniaci, qui esset Causticus.

*Aromata amara.* De his credo, quod vix salubriores herbæ sint, omnes herbæ sunt optimæ, quæ à Botanicis vocantur herbæ flore composito lactescentes, amarescentes excepta forte Lactuca Silvestri, in omnibus est vis saponacea, per quam imprimis lentor inflammatorius dissolvitur, Veteres Medici videbant nervum rei, dicebant in morbo acuto, ubi bilis in sanguinem intravit, nil plus resolvit quam Cichoreum, Taraxacum, & Lactuca, at nolo aquam vel syrupum Lactucæ, nam nullius est momenti, sed ex libris quinque vel sex Lactucarum leniter coctarum succus expressus detur ad uncias, idem de Endiviis, non vero de die tantum unciam unam ut de aqua vel syrupo vulgo datur sed ad libram, huc sumuntur præterea Chondrillæ Dioscordio laudatæ, Sonchi, Hieracia, Taraxacum, Scorzonera, Tragopogon, Scordium, Cichoreum & omnes plantæ Botanicis dictæ lactescentes & pappescentes, in quo lacte scatet vis Opii, tum herbæ decoquantur in pauca aqua & succus fortissime exprimatur. Quid hoc est, quando bilis in sanguine? tum bilis est viscosa & omnia recrementa in se habet, ibi nulla fortia, nulla urgentia dederunt veteres, sed saltem hæc, nil plus laudatur quam decoctum Taraxaci cum toto, decoctum Bardanæ cum toto, Cichoreum seu syrupus de Cichoreo compositus, de Fumaria compositus, syrupus de Cichoreo cum Rheo

compositus, si diluantur magna aquæ copia sunt lixivía saponacea & diluentia, & dolendum, quod inde recederimus, nam si lentor in sanguine, quid pulvis Diaphoreticus, quid pulvis Comitissæ de Kent, quid Bezoar, quid Lapis Cancrorum, Margaritæ &c. pulveres efficient, hæc agunt quatenus stimulum inducunt, ad visciditatem nil faciunt, uam pulveri Comitissæ Kent inest stimulus, sed hic requiritur vis saponacea, ut solvat instar Menstrui, cerebrum & pulmo nimis patiuntur; fateor tamen, quod aliquando locum habeant, ubi est imbibendum & stimulus acer absorbendus, sed viscidum febrile non inde solvitur. Hæ plantæ recensitæ refrigerant, quia omnes sunt saponés vegetabiles, quæ dissolvunt lentorem.

§. 615. Quando materies in Febris ita vascula obstruit, ut remedia huc pervenire nequeant ad dissolvendum, tum extrahendus est sanguis crassior ad liberanda hæc vascula; nam Plethora impedit Elaterem vasorum hinc fluxionem horum remediorum ad loca, ubi est materies resolvenda, videmus magnas resolutiones & excretionés oriri post Venæ Sectionem nempe Sudores, Vomitus, Diarrhæum, Profluvium Urinæ. Multi Chémici dicunt, quod antiqui Medici scribant multa de efficacia Cichorei &c. sed hæc non agunt, nisi quatenus saponés sunt, tum vero debent intrare, permisceri & per vim circulationis adferri, si nunc vasa per Plethoram distenta sint tum oportet mittere Sanguinem & liberare vasa, & effectus erit optimus, inde patet, hoc viscidum resolvere non posse, nisi laxatis vasis.

§. 616. *Pellitur.* Nam tum sponte vadit per vasa, Medici putant mansisse in corpore, sed

si ex ultimis arteriis in venas ire potest sequenti circulatione medicamentis attenuantibus solventibus vi pulmonum materia assimulata expellitur; an nunc Chemici habuerint aliam methodum, de hac re dubito, omnes dicunt se habere *Correctivum* aliquod universale, aliquod sapiens *Archæum*, extinguens omne stimulum, quod habent medicamentum sine sapore, sed ex Analogia universali assui non possum, quomodo hoc verum esset, nam Chemici non fuerunt Medici, excipio *Paracelsum*, qui *Basilie* fuit *Medicinæ Professor*, & *Helmontium*, qui tamen parum in *Praxi* versatus fuit, reliqui non fuerunt Medici. *Emunctoria* vocantur in corpore illa vasa, per quæ repurgatur corpus suiscrementis ex renibus ad urinam; videmus enim sudores unctuosos oriri ad certa quædam loca peculiariora ut pone aures, sub axillis, ad interstitia pedum singularis fætoris.

§. 617. Tria propria curæ capita pertractata sunt, jam ad *Febris Symptomata* devenimus, *Symptoma Febris* vocatur effectus post *Febrim* veniens ut effectus *Febris*, proprie vox Græca significat *coincidens* vel *simul accidens* ex σύν cum & πρὸς cado; *Symptoma* distinxerunt veteres in duplicia, in primum *Symptoma naturale*, id est *Pathognomicum*, secundum *Symptoma non ortum à Febre*, quod dicitur *Epigenomenon*, id est, *adventitium Febri*, v. g. si febricitans habeat violentum motum sanguinis, unde rumpetur vas in pulmone, statim Sanguinem spuēt, hoc erit *Symptoma superaccidens* ex *Febris natura* ortum; alius satis robustum habens pulmonem etiam nimio violento sanguinis motu laborat, si assumat multum *Salis Volatilis*

latilis oleosi, inde rumpuntur pulmonum vascula & fit Hæmoptoë, hoc symptoma ab externo accedente Epigenomenon est, varia etiam in Febre sunt symptomata, unde Febres etiam vocantur Vomitoriæ, Frigidæ, Anxiæ, Siticulosæ, Nauseosæ, sunt autem effectus, qui Febre ablata cessabunt. Homo Quartana laborans conciliaret sibi frigus tempore Apurexias ex gelida aqua multa copia pota, effectus Febris possunt esse sine Febri, postquam illa abiit, nam v. g. desinente Febri cum tamen interea eliminata sit liquidissima sanguinis pars, tum restat in corpore Cacochymia humorum, quo corpus varie afficitur, & tunc mutata manent etiam utcunque solida per ipsam vim Febris. Symptoma hoc est quartum indicans, & omnia symptomata ex Febri oriuntur, ut ex causa, ergo Febri ablata, cessabunt quatenus symptomata sunt, si ergo ferri possint, donec morbus princeps Febris ablati sit, cessabunt quoque, sed hæc adhuc semel inculco, quod non debeamus putare, Medicos unquam omnem Febrim tollere, & proinde symptomata ut heri dixi, si enim omnis calor in Febri tollatur, morbus sit peior nec coëctio fieri potest.

§. 618. Si symptoma non sit periculosum, sed possit ferri, donec sedata sit, tum Medicus non debet agere ad illud removendum, nam, sublata Febri, tollitur ejus effectus.

§. 619. Hoc monitum maxime ab omnibus negligitur, solus *Hippocrates* & *Sydenham* inculcarunt & monuerunt, si ipsa vita incipiat naturalem causam morbi dividere, mobilem reddere & movere, illa statim non apta est ad fluendum, sed reddita vasis incipiet majora symptomata creare, quam antea erant v. g. si  
talis

talís pars peregrína reddatur venís, facile ibi transmeat, & transit, ut si per mínima pulmónum vascula non ita bene transit, fit Tussis, Dyspnæa, anxietas; prudens Medicus scit esse à materia morbosa, circulo recepta, quæ subigitur, hinc novit symptomata illa non esse timenda, ubi ignarus putaret novum in pulmone exoriri malum; Crísis est ille morbi status, in qua vis vitæ vim morbi incipiet superare, non est excretio, ut explicant, qui *Hippocratem* non rite intelligunt, est uti Crísis in iudicio, sive pronuntiatio sententiæ iudicis, audita utraque parte, Crísis iudicat, quæ pars sit prævalitura, adeoque Crísis adest æque ad mortem ac ad vitam. Febris facit in corpore alium motum, quam huc usque erat, causa corporea, quæ Febrim fecerat, mutatur semper plus minusve in sua actuositate primo per Febrim, sed hac materia subacta, tum Febris cessat, sed tamen illa materia, etsi apta sit ad circulandum, attamen est corpori peregrina, hinc orietur tum nova Febris, quæ est conamen naturæ ad illam materiam penitus subigendam, vel si non possit assimilari, ad Emunctoria depellet, verum si illa sistatur, nec excerni possit, plerumque pessumdabitur æger, & hæc Febris vocatur Crítica, vide *Hippocratem*, quare tunc non debemus talem Febrim solvere, *Hippocrates* dicit in pessima Febrí Ardente die impari melius se habet æger, tunc quando illa materies effunditur in venas, oritur frigus, quod nullo modo est tollendum, postea illa materies ad cor per venas deveniens & ulterius subacta facit calorem, qui calor quoque est criticus & bonus. Symptomata illa, quæ oriuntur post coctam materiem, sunt bona, quia sunt esse-

Quæ vincentis naturæ, sed illa, quæ oriuntur ex materia non cocta sunt mala. Sudor Criticus est excretio Critica, & paulo ante excretionem sunt symptomata gravissima, quæ bona sunt, nec debent turbari, ut si spina digito infixa extrahatur cum dolore maximo, sit doloris symptoma gravius, quod si ob dolores novum symptoma relinqueretur, pejus dein foret, ergo non turbandæ sunt Febres; videmus homines Febre violenta vexatos esse robustissimos, tum debilitantur, sudor superveniens symptomatum violentiam tollit, hoc est frequentissimum in Acutis, itaque illa debilitas non credenda est mala, sed optima, notat enim subigi morbosum & redire sanitatem, quando illa materia irruit in venas, minora vasa comprimit, unde fiunt talia debilitatis symptomata. Omnia symptomata Febrim concomitantia sunt Nausea, Salivatio, labiorum Tremor, Titillatio ad nares, labiorum Sudor, Anxietas, Oppressio, Vomitus, Diarrhæa, Stranguria &c. omnia hæc mala concomitantur Febrim, adeoque videndum, an hæc mala non inde, quia vis Febris superavit vim vitæ, sed nondum ita movit, ut sine ullo malo fieri possit, & quod hoc tollit, turbat plerumque, quomodo sciamus, an hoc à vi succumbente vel attollente veniat? si nunc illa symptomata sunt intempestiva vel nimis sæva, uti fieri potest v. g. in inflammato Hepate, materia potest tanta copia determinari, ut sequatur Fluxus Hepaticus, licet hoc sit Crisis, attamen hoc symptoma est tollendum, aliter æger moritur.

§. 620. *Intempestiva.* Quæ diu ante coctionem perfectam contingunt, scilicet si, adscendente morbo, in initio æger maxime sit debilis, quam-

quamvis hæc debilitas sensim adscendat, melius est, v. g. si æger in initio valde sudet, pessimum est, quod si Medicus curare nequeat, moritur æger, at vero post quatuordecim dies, idem sudor est optimus, hinc intempestivus est, dum causa morbi adscendit, & naturæ vis descendit.

*Sæva* v. g. quando Venenum Variolosum inductum est corpori, oritur tantus motus in corpore, ut ille impetus noceat, vel ad aliud exemplum, quando Sublimatum Hydragyrium est susceptum ventriculo, tum oritur tantum conamen Vomitus ad expellendum hoc peregrinum, ut quandoque homo moriatur convulsus, hinc tunc temporis oportet lenire symptomata. Si symptoma accedens sit violentius ipso morbo, tum si illud impingat in cerebrum, facit Phrenitidem, quæ pejor est Febri ipsa, & hoc symptoma est nimis sævum & periculosum ad negligendum.

*Patientia ægri.* Sæpe ægri adeo impatientes sunt, ut nullo consilio possimus prodesse, tum non debemus esse crudeles & ægrum relinquere, sed vitam servare & curare, ne ille majus malum faciat per impatientiam v. g. dicit æger, habeo calorem, quem ferre non possum, hunc calorem tu debes tollere, Medice, si dicas, iste non est tollendus, tibi est salutaris, hoc non credunt adeoque tum mittimus Sanguinem, damus refrigerantia, licet hoc non fecissemus, si à nobis stetisset, hinc tum conamur quædam facere contra legem artis, nam si hoc non concederetur ægro, ille forte aliquid pejus faceret v. g. si æger Ardente Febre laborans petat cerevisiam, & tu, Medice, repugnas, ergo si æger sit pertinax, tum forte nil bibet, hinc



ob inopiam potus morietur, vel aliud accidit aliquando in Febre Ardente, ut oriatur Hæmorrhagia, quæ etsi sit semper signum optimum solvens morbum, attamen si Hæmorrhagia oriatur ex pulmonibus tum hæc est sistenda, ne inde moriatur æger, sed tunc si hic, id est, in pulmonibus sistamus Hæmorrhagiam, debemus efficere, ut aliunde oriatur altera Hæmorrhagia, ut ex naribus; hæc Hæmorrhagia pulmonum non est sistenda adstringentibus, sed tantum Venæ Sectione, vel Arteriotome potius in Arteria Temporalij, quæ tunc est secanda fere ad animi Deliquium usque, & sic sistetur Hæmorrhagia ex pulmonibus per hanc revulsionem. *Hippocrates* dicit, ille cibus, qui ægro gravior, potus, qui placidior est, licet obset arti, tamen ægro est dandus, si æger tantum habeat unum stragulum, & nos plura conducere putemus, tamen concedendum est ægro, nam si plura dentur, abjiciet sæpe omnia, unde tum hoc est concedendum, ut evitentur pejora.

*Morbi ipsius.* Unus ex *Clarissimi Sylvii Deleboe* discipulis cum rogavit, quidnam posset consilii dare in morborum curationibus, dicebat in omni morbo non spectā nomen morbi, sed saltem symptomata leni, tum eris felicissimus Practicus, sed hæc est via ad infinitos errores, si symptomata tollam; turbo Crises & omnia bona, sed ille Medicus, qui symptomata cum prudentia lenire potest, erit gratissimus. Novi Medicum sapientissimum, pariter ac doctissimum, sed simul pertinacissimum, qui quando ægros immorigeros habebat, dicebat, si non velis juxta meum consilium agere, nolo vobis amplius prodesse; alter ne quidem

dem centesimam partem sapientiæ possidebat, quam prior, ægris suis indulgebat & multum venerabatur, ergo cum prudentia symptomata lenire possumus.



## Frigus Febrile.

§. 621. Hæ sunt veræ causæ, unde oritur frigus in Febris Acutis; in Acutis raro alio tempore est bonum vel Decretorium vel Criticum, docente *Hippocrate*, docet enim in Acutis, quod sit minor attritus fluidorum ad vasa & vasorum ad fluida, unde fit frigus, nam impossibile est ut motus circulationis sit auctus & adsit frigus.

*Imminutum.* Semper ubi magnum est frigus, circulatio est minor quam ubi major calor; & quidem verum quo violentius in initio frigus, eo major ultimo calor, cujus causa explicabitur in Capit. de Calore.

*Stagnans.* Frigus non potest adesse, nisi circulatio sit imminuta, quæ non potest esse imminuta, nisi desinet ad extrema, quæ frigent, pallent & insensibilia sunt, hinc noscitur illa stagnatio, quæ ponit cor semper esse contractum, non adeo se evacuans, sæpius se quidem contrahens & non habens vim magis se contrahendi, spiritus in cor non ita influunt ob sanguinis minorem motum, inde sum certus, licet cum ante sexdecim annos hos Aphorismos conscriberem, adhuc dubitarem, sed in Praxi eo respexi & vidi nil melius. Maximi viri im-

primis *Boyleus* voluerunt indagare causam huius frigoris. Omnes fere ab admittione alicuius liquidi deducunt, ut in duobus liquidis commistis, hinc advocarunt fermenta & affusiones, ut si Sal Ammoniacum aut Nitrum aquæ frigidæ injiciatur, illa longe magis inde frigescit, at ego de Heterogenea tali materia admista hic non loquor, quia in corpore talem demonstratam non vidi.

§. 622. *Polyposas*. Si frigus febrile diu in corpore hæreat, facit Polypos, frigus enim est quies sanguinis, sed sanguis stagnare non potest, quin concreascit in Polypos, nam ob contractionem vasorum sanguis pellitur ex vasis minimis in vasa maxima in Sinum Venosum majorem, id est, dextrum, sinum venæ Portæ, in dextram auriculam, dextrum cavum cordis in primum truncum magnum arteriosum. Si frigus illud maneat, id est, si sanguis stagnet nimis diu ad cor, homo morietur, tum enim impletur cor dextrum, Vena Cava & Auricula Dextra, & tum Arteria Pulmonalis exprimit in pulmones liquidissimam sanguinis partem, & reliquum totum immeabile factum increassabitur, hinc ibi fiunt Polypi, ut in cadaveribus Anatome hoc docuit: tempore enim frigoris Arteria Pulmonalis non potest pellere suum sanguinem in pulmones, hinc stagnabit prior sanguis, qui erat in corpore dextro & in pulmone, & fere nullus veniet ad cor sinistrum, & tunc est frigus, cum autem liberatus est pulmo, tum infundit suum sanguinem magna vi in cor sinistrum, unde tanto major calor, quanto major fuit frigus, in quo omnes, qui moriuntur febricitantes, vitam finiunt; hæc ergo est idea frigoris febrilis nempe sanguis venosus in corde dextro

dextro recipitur magis quam ante, qui ob frigus venas comprimit & constringit, frigus enim roborat vasa & præsertim venas, quæ sunt debiliores quam arteriæ, hinc tanto magis accumulari debet in corde dextro, & etiam affervari & adigi in Arteriam Pulmonalem, sed cum Arteriæ Pulmonales tunc temporis frigore sint contractæ, hinc sanguis per venas ire facile non potest, ergo accumulatur in corde dextro & in Pulmonali Arteria.

*Evacuationes.* Nam omne frigus auget elasticitatem vasorum, hic facit arterias contractissimas, quia hæ sunt magis elasticæ, sed frigus agit pro ratione molis, hinc arteriæ magis contrahuntur, hinc ex arteriis premitur in venas, unde multa oriuntur mala. Cadaver recens mortuum emittit adhuc sanguinem per vulnus in extremitate quadam inflictum, hoc vero frigefacto, ne gutta quidem effluit, & è contrario vulnus contrahitur, si vulnus sit levissimum, propria enim vulneris indoles est, quod corpora breviora reddat. Qui Peste corripiuntur, primo invasionis momento sentiunt se quasi unda gelidissima per totum corpus perfundi; hunc rigorem excipit calor, Anxietas, Anhelatio, & circa cor Compressio; homo Quartana laborans hoc momento optime valet, paulo post sentit fridorem quendam utcumque gratum per totum corporis ambitum, hæc multo post ungues fiunt lividi, pinnae narium pallescunt, totus contremiscet, anhelat, hic omnia agit, ut promoveat sanguinis circulum, tentatque variis musculorum actionibus sanguinem promoveri, in hoc Paroxysmo omnes ægri moriuntur, qui Quartanæ succumbunt, nunquam in calore moriuntur, in frigore enim est summa

exsiccatio in extremis vasis minimis & maxime accumulatio in vasis maximis, ergo in frigore adest conditio morti proxima & gradus ad mortem, cessante vero frigore, oriuntur symptomata, quæ ab ipso majori vel minori Febre prægressa pendent.

§. 623. *Designat.* Si videas ægrum in initio Febris frigidissimum esse, cogita eum esse in statu proximo morti, designat enim esse 1. coagulum in maximis, 2. extrema esse collapsa, quæ spatium sanguini affluenti non concedunt.

*Præfagiat.* Accumulatur sanguis, at ubi insecutus est calor, maximum erit obstaculum circulationi, hinc erit maxima anxietas & palpitatio cordis, tum fient aliquando Crises, Bubbles & Anthraces &c.

*Majus.* Simulac cor vires accipiens incipit superare frigoris causam, calor nascitur, qui tantus erit, quanto magis cor vires habebit ad superandum frigus. Si Variolæ, Morbilli &c. incipiant cum magno frigore, indicant morbum pessimum fore in sua specie, at si dein incaluerit æger, scitis quomodo illa membra se habitura sint, uti novimus manum maxime frigefactam, si subito cale scat, maxime dolere, idem hic fit. In Peste hæc omnia maxime videmus, quo majus frigus in initio, eo plus æstuabunt, idque ubique est verum. Calor fit à denso sanguine & cordis contractione, quando Frigus dissolutum erit, calor erit tanto fortior, & quidem decuplo validior, nam ubi frigus adest, ibi vasa arctissima sunt, quando manus vestræ fuerunt frigidissimæ & incalescunt, fiunt decuplo calidiores ac ante.

§. 624. Omnes Medici sunt in ea opinione  
(ut

(ut verissimum est) quod frigus ponat quietem in parte, hinc putant maxime moventia, calefacientia hic mederi, at id falsissimum est, nam idem hic obtinet quam in congelatis; hinc damnabilis est *Sylvii* aliorumque opinio, danda esse calidissima, ut olea stillatitia, Caryophyllorum, aromata, nam quando frigus adest, tum vasa nec penetrabilia sunt, nec humores meabiles, si tum dentur urgentia, hæc in ventriculum dextrum agunt, sanguinem nimis fluidum propellunt in pulmones, in quas hic adductus multa mala producit, ut Peripneumoniam &c.

*Stimulantia* non possunt reddere sanguinem huc stagnantem liberum sed idem producant ac ante fiebat per frigus, constringunt nempe venas & sanguinem ad cor accelerant, at vero patet, tum non oportere adhuc magis urgere à tergo.

§. 625. Do autem his ægris, antequam frigus accedat, cerevisiam tenuem cum paucis Zingibere, quod dilutiorē reddit sanguinem & efficit, ut frigus subsequēntis Paroxysmi sit minus, quod semper annitendum. Aqua optime conducit in frigore febrili, nam aqua sine stimulo assumitur, manet in ventriculo iners, hinc stimulus addendus est, ut non modo diluat, sed etiam incidat, hinc recipitur aliquid Vini, Mellis vel Nitri v. g.

℞. Aq. Hordei. ℥ iij.

Oxymel. Vulgar. ℥ iij.

Sal Polychrest. ℥ iij.

Vini Rhenani. ℥ iv.

M.

Omni quadrante horæ dabitur uncia una vel duæ, ut corpus semper sit apertum, sic incipientibus quatuor horis ante Paroxysmum sit tectus æger, bene vestitus, nec nimium sedeat ad focum, post Febrim duplo plus bibat, pergat hoc per bihorium post tempus Febris, postquam primo hoc instituitur, liber erit æger, hoc semper successit, hoc medicamentum optimum est ad debellandum frigus, diluit, humectat, & ad calorem inducit, hic undequaque conducit.

*Balneo.* Hæc triplicia sunt 1. calefacti aëris, 2. vaporis, 3. immersionis. Inter optima remedia tempore frigoris est ponere ante os ægri aquam calidam in magnis spongiis contentam, cujus vaporem pulmonibus haurire debet æger; hinc veteres ducebant ægros in balneum vaporis, ubi omnia calida & humida erant cum blanda frictione, & sic revera causa & effectus tollitur, hinc post balneum sit æger in loco sicco, utetur frictionibus lenibus, tunc potest prædictum potum, dein se componat in lecto & parum admodum habebit frigoris, sed quando frigus adest, tum non oportet hæc omnia adhibere; hic maxime attendendum est, quod in hac occasione non sit obruendus æger remediis, aliter brevi exstingueretur, ut visum est aliquoties; erat Matrona jam vetula, quæ ultima Febre frigus summum jam sustinuerat, ut subsequenti Paroxysmo, si iterum tale accidisset, morituram omnes crediderunt, dixi me eam curaturam si vellet obedire & perfecte hac methodo curavi.

§. 626. Multi summi viri, quorum auctoritas multum ponderatur ad externos, putant, quod causæ frigoris sint particulæ salinæ frigus

excitantes, unde vidimus *Boyleum* operam navasse, ut inveniret causas salinas in corpore, quæ sanguini affusæ faciunt frigus, sed omnia corpora quiescentia sunt æque frigida permixta faciunt frigus majus, exinde putant frigus oriri in Febris, sed nunquam frigus febrile tam magnum est ac frigus in cadavere, & hoc frigus oritur à quiete humorum & partium solidarum, sed frigus febrile nunquam ex causa priori oritur, si unquam frigus in Quartana esset tale ac in cadavere, tum æger mortuus esset; si hominis corpus in aqua ponatur per viginti quatuor horas, tum aqua cum corpore erit æque frigida, sed frigus Quartanæ non est tale, ac illiusmodi cadaveris, si vero injiciatur in aquam Sal Ammoniacum, facit frigus ad gelu accedens, ergo tota causa frigoris est accessus ad quietem, hoc est imminutio circulationis seu gradus ad mortem, hinc puto ea, quæ *Boyleus* dicit, quod frigus oriri possit à salibus est tantum assumptio, tales sales enim hæere, effundi, & hinc totum corpus frigesce, sola assumpta sunt, nam à sola quiete frigus oriri potest.

---

*Tremor Febrilis.*

§. 627. Tremor est tensio alicujus musculi mox subsequente ejus laxitate iterumque tensione, ut si quis linguam diu extendat non potest retrahi extensione perfecta; hinc signum est tremoris humores quidem accedere, sed non tanta vi vel copia, ut sufficienter extendant; hinc ambigunt  
mu-



musculi, inter Spasmodum & Paralyfin, sanguis arteriosus minus movetur, ergo etiam sequitur spirituum diminutio, qui spiritus adeo stagnant, ut ad musculorum vasa fluere non possint; ut satis inflentur, sed statim concidunt, hoc fit in initio, at in fine maxime tremunt, hinc tremor & frigus fiunt quando scilicet incipit deficere liquidum arteriosum & nervosum, in vasis sed est tantum incipiens non absolute cessans, alioquin esset mors. Initium tremoris est stagnatio humorum, finis vero inedia spirituum.

*Quietem utriusque.* Nam omnes, qui cum Febre tremunt, habent tam parvam circulationem, ut neque arteriosus neque nervosus succus ad musculum proveniat, quando videmus homines longe post sanationem Februm tremere, tum semper hoc ab inanitione oritur.

§. 628. Si enim tremor diu duret, tota circulatio invertitur, hoc est libera circulatio spirituum & humorum.

§. 629. *Diagnosis.* Quando in initio Febris vidimus hominem valde tremere maxime circa labia, palpebras & manus, scio in arterioso liquore & nervoso spiritu tam parvum impetum, ut musculus per duo momenta moveri nequeat, ergo oritur semi-extensio, hoc est, tremor. Si fibulus in aure ortus laxata & tensa alternatim membrana Tympani & Ovalis diu duret, notat futuram Apoplexiam.

*Prognosis.* Vitium plerumque est in nervis, & quidem semper, si fuerit tremor universalis, de quo hic agitur, hæret ergo causa in origine nervorum, non est satis idonea spirituum secretio, multum vacillabit morbus & plurimum metuendus, nam Apoplexiâ, Paraplegia & Paralysis fieri possunt, verum si ejus causa fuerit defectus

festus humorum vel Plethora facile curari potest.

*Malus.* Quia hoc tunc supponit defectum utriusque liquidi, quo nullum signum pejus est.

*In animi affectibus* magni tremores oriuntur, quia tum Spiritus Animales inæquabilissime distribuuntur ad musculos, & ad Sensorium Commune retinentur, idem fere accidit circa mortem, nam tum deficit liquor motum æquabilem faciens nempe nervosus, unde propter huius inopiam tremunt moribundi & propter etiam huius tunc superstitis inæquabilem motum, unde variis Convulsionibus afficiuntur præsertim muscoli Temporale & Massetere, quoniam hi liquido nervoso influente privati validissime trahuntur ab eorum Antagonistis, qui aliquos spiritus adhuc habent.

*Magna* Semper tremunt circa finem, quia humores nimis subducuntur.

*Potui.* Thee, Vini, Spiritus vini, cerevisiæ; tremor in his casibus fit, quanda vasa sunt vacua, sed quando semel repleta sunt, tum ille tremor cessat ob novum influxum liquidi in venas, & hoc videmus contingere potatoribus, quando mane surgunt post crapulam ordinariam, tunc enim ita tremunt ut rebus suis vacare vix valeant, sed cum dein per diem promore solito epulati sunt, tunc redit bonus motus muscularis, nimirum quando venas iterum inflant, ut canit *Virgilius* de *Sileno*, id est, patre *Bacchi*:

*Inflatum hesterno venas ut semper Jaccho.*

§. 630. Felix fui in curando hoc malo. Curan-

randam habebam Matronam in hac urbe, quæ videbatur moritura, si adhuc semel Paroxysmum febrilem haberet, laborabat enim Febris Hæmitritæa, quæ erat tanta, ut genua ab ista concussione valde tumerent, dedi aliquot horis ante Paroxysmum decoctum blandum ex Santalo & Sassafras paratum cum melle &c. & calide potandum jubebam, frictiones institui, ut totum corpus calefceret & prima vice sustuli, idem in multis aliis contigit, si humores circa præcordia stagnent, spiritus non influunt in cor, si hoc tollatur, tolluntur tremores. Si materia tenax febrilis fluere nequeat per vasa; ergo i. viscidum & lentum est auferendum & motus restituendus; hinc æger ante Febrim multum bibat de potu præscripto in frigore febrili sæpe parum simul, utatur iisdem fotu & balneo, pro potu v. g.

℞. Aquæ Hordei	℔ iij.
Sal Polychrest.	ʒiij.
Mellis.	ʒiv.
M.	

Sumatur uncia semis quavis quadrante horæ per bihorium vel trihorium ante Paroxysmum, sic tremor in initio prævenitur.

*In fine.* Tum requiruntur talia, quæ fibras laxas roborare queant, nam quando Febris in vigore omnia vasa distenta & rarefacti liquores distendunt vasa, si nunc postea vis subsideat, vasa se contrahunt & in mole fiunt pauciora, sed tum omnes fibræ distentæ fiunt Paralyticæ, quod non curatur nisi repletionem & roborationem vasorum, hinc sæpe, qui à Febre resurgunt, tremunt, repletur quidem corpus sed vasa sunt

Pa-

Paralytica, unde fit tremor, si enim arteriæ vim amiserint, cor pellit, arteriæ se non contrahunt, hinc successio in ordinata, sed quando arteriæ vim habent, ut dissentæ se contrahant, tum fit æquabilis circulatio, inde patet, quod vasorum depletio & humorum defectus faciant tremorem, in ultimo casu danda sunt talia, quæ non nimis obruunt, nec Hydropem faciunt, ut jus carniū non nimis viscidum cum Roremario aut Thymo ad unciam dimidiam quavis hora, hinc ille tremor à tali causa ortus, id est, ab inanitione perperam tractatur ab aliis medicamentis.

*Anxietas Febrilis.*

§. 631. Mirum est sane, quod si nostri corporis pulmo, arteriæ & venæ ad crepaturam vel suffocationem usque distendantur, non sentiamus dolores sed anxietates, sed quando partes vitales ponuntur in tali conditione, ut distrahendæ sint brevi, non oritur anxietas sed semper dolor, si nostrum cor sentiri ut digitus posset, semper defatigatissimum appareret, sed simulac cor in palpitationem adigitur, oritur anxietas & angustia, hinc non quæritur, quid angustia in mente & perturbatio animi sit, qui sensus etiam vocatur anxietas, Græci dixerunt *ἀγανίς* vel *ἀγανισμός*, quasi certamen cum morte, sed quæritur à nobis, quid Physice sit anxietas, quod symptoma rarissime explicatur à Medicis, & in genere longe intolerabilius est quam dolor. In prima mea Praxi nil fere ex his mihi suc-

successit, quia Medici ponentes semper flatus circa cor commendarunt *Discutientia*, *Carminantia* spiritus Volatiles, spiritus Nitri Dulcis; solum hac in re fidum inveni *Duretum* in *Commentariis ad Hippocratem*, licet totum non explicet. *Anxietas* est sensus, quidam inexpicibilis destruens quasi totam cogitationem mentis humanæ, in anxietate sentitur magnum pondus circa præcordia, quasi ingenti sarcina premeretur cor.

*Egressum.* Nam simulac sanguis ex corde egredi non potest, oritur anxietas, quia tunc ille sanguis retroagitur in cor dextrum, nam tunc temporis tres valvulæ Semi-facculares aut Tricuspidales manent apertæ, hinc æger accipit anxietatem intolerabilem, inspirat, anhelat, cadit in animi Deliquium; fuit hic quidam Vir in vicinia captus ab hostibus & laqueo suspensus, qui ab aliquo eum adhuc vivere vidente solutus est, postea locutus sum ipsi, rogans quid tunc accideret illi, fassus est, quod ipso momento, quo caderet, mox fulmina, tenebras & summam anxietatem sentiret, præterea nihil. Sic putem anxietatem febrilem revera nil aliud esse, quam ille sensus, quo putamus vitam desitutam esse, sic in Convulsionibus, Asthmaticis, Hypochondriacis, Hystericis affectibus non prius habent anxietates, quia partes convulsæ obstiterint pulmmoni, ut liquidum libere transmittere non potuerit; si hæc anxietas plusquam pauca momenta duraret, oriretur mors.

*Aorte.* Hinc illi, qui habent Polypos cordis, in arteria Aorta tantas patiuntur in vita anxietates, ergo quamdiu cor unistrum se evacuare non potest, ut oportet, tum est anxietas.

*Transitum.* Si oriatur quæcunque conditio

Physica, quæ pulmonis extrema vasa constringit, non dicit æger se dolere, sed sentire anxietatis oppressionem in pectore, fit v. g. homini sanissimo quædam injuria vel infortunium, i. pallet, paulo post tremit, concutitur, haud ita diu cor palpitat, non differt diu, quin suspiria gravia & profunda ex imo quasi pectore edat, tunc inexplicabiles oriuntur anxietates, & explicant se, quasi omnia angusta forent, quia sanguis subsistit in pulmonibus, accumulatur prope cor, tunc fit palpitatio, quæ pendet à vi, quia cor sese constringit, & ab immeabilitate sanguinis, ille tunc fluere impeditur, & æger versatur in proximo mortis periculo.

*Spasium.* Licet in corpore nil mutetur, & tantum fines Asperæ vel Pulmonalis arteriæ duplo fortiores contrahantur, & cor non majorem vim expellendi habeat, tum fit anxietas, quæ semper oritur, quando sanguis celerrime movetur, si enim duplo plus moveatur, duplo majorem habet resistantiam, hinc mens sentit anxietates, omnes qui calorem in Febribus Ardentibus sentiunt, simul de summis anxietatibus conqueruntur. Robustissimus homo, ubi turbatur à re inopinante v. g. si ex gratia Principis se excidisse audiat, cordis palpitationem sentit, fit anxius, quia influxus liquidi nervosi in vasorum fines non fit, ergo oritur in hoc casu celerior cordis contractio, & sanguis retroagitur in cor dextrum, hinc fit anxietas.

*Ineptam.* v. g. æger Ictero laborans summam anxietatem in principio habebit, & postea vomet, & ex vomitu tum fit Icterus Flavus; ratio est, quia vasa impleta se excernere non possunt.

sunt, sed Spasmodica contractione ita contrahuntur, ut per vomitum oriatur retrograda circulatio, quia hepar per Scirrhum est obstructum; si Medici ad hæc attendissent, vidissent inde oriri, quod ab acri acido Sulphuris afflato constringatur pulmo, inde fit anxietas, tum sanguis venæ Portæ debet reddi Cavæ, si ibi oriatur obstaculum, sanguis vi respirationis & visceris premitur eo, sed non transmeat ob obstaculum, post venena assumpta hoc semper omnibus ægris accidit, & iis oritur circa præcordia maxima anxietas, quia sanguis ibi transire non potest.

*Ex iisdem causis.* Habui dominam in cura, quæ ob hepar obstructum habebat maximas anxietates, nam quando sanguis per Portam & ejus fines non transmitti potest, tum accumulatur, & facit sensum anxietatis, hinc patet, quare Ictericæ summæ anxietates habeant. Est etiam anxietas in reliquis vasis, quando causa contractilis Spasmodica Hypochondriacorum & Hystericorum augetur circa vasa Hypochondriaci & Cæliaci, tum sanguis transire non potest, hinc videtis, cur, repleto ventriculo, tanta anxietas, quia ærea ingellis rarefit, distenditur ergo Ventriculus, tum sanguis Cæliacus per ventriculum transire non potens comprimit vicinas arterias & venas; oritur quoque à flatibus, si enim ventriculus spasmodice comprimatur ad superius orificium, tum aer, non exire potens se expandit, rarefit, & fit anxietas, hinc ille morbus oritur à tali conditione, quæ facit, ut liber influxus impedjatur. Anxietas à flatibus oritur a materia elastica vel ærea vel generata ex cibis flatulentis, vide *Boyleum*, illæ anxietates præsertim oriuntur fæminis Hystericis & viris Hypochon-

chondriacis, hæ sunt tantum anxietates mihi notæ; nullas enim credo esse anxietates spirituosas, ut volunt quidam auctores proprie sic dicendas, nam illa anxietas, quæ à cogitatione oriri potest, primo fit per stagnationem liquidi &c. nam ille homo incipiet pallere. &c. quia influxus nervosi hic aliter circulatur.

*Severissime.* Nil magis metuo quam quærelas de anxietate, nam novi ægros tum semper in periculo vitæ versare, hinc non discedere soleo nisi anxietati ab Inflammatione vel Obstructione ortæ consulerim, omnis homo moriturus habet anxietates; hinc in initio Februm nullum Symptoma terribilius quam anxietas. Anxietas in Pulmonibus facile cognoscitur, si pulsus sit mitis, respiratio debilissima & frigus, sed si anxietas ingens & pulsus bonus, tum anxietas non est circa Præcordia, sed malum sub Diaphragmate hæret & in systemate Cæliaco vel Mesenterico vel ad ventriculum nimis repletum vel ad intestina causa quærenda. Inter hæc anxietates est una, quæ fit in intestino Colo. Saccus intestini Coli, quæ cavo ossi Ileo inhæret, vergit sursum, deinde mole ducta deorsum, illud intestinum Colon adeo dissolvi potest, ut omnes fibræ in cellulas distendantur, tum oritur summa anxietas ab inflato sic intestino, ita ut comprimat omnia vasa Abdominalia, hic morbus sæpe pro Hysterica & Hypochondriaca Passione habetur, est egregia circa hanc rem observatio in *Journal des Scavans* in ultimis tomis; quidam nobilis, qui magnam copiam cerevisiæ fortis Anglicanæ biberat sanus, nocturno tempore incidit in Colicum Dolorem, Medicus advocatus misit Sanguinem, dedit Purgantia, Clysmata, Vomitoria, nil juvat; æger anxietatibus



& doloribus brevi extinguitur; invenitur Colon & Cæcum duplo majus & eo extensum; ut omnes fibræ annulosæ solutæ sint, ita ut nulla cellula esset.

§. 632. *Vitalia* nempe circa Cor, Pericardium, & octo magna vasa, quæ sunt duo magni sinus venosi, duæ auriculæ, duæ magnæ arteriæ, & magnæ venæ, ibi est sanguinis maxima copia, si ibi quiescat, in loca heterogenea secedit.

*Concretiones.* Sanguis ex corde exprimi non potens ob obstructas vasorum extremitates ibi hærebit, hærens statim concrescit, ut in Bove recens occiso, corde extracto statim polyposa sunt omnia adeo brevi tempore, hinc in cadaveribus apertis à morbis acutis occisis *Bonetus* semper invenit polyposas concretiones; hi polypi quo propiores sunt cordi, eo peiores.

*Inflammationes.* Nam quando sanguis per hæc vasa non potest transire, augebit tunc partem crassiorem nimis accumulata, & Inflammatio evadet ad minima vascula, & totus pulmo quasi erit inflammatus, hinc pectus gangrænescit ob causam pulmonem prementem, & sanguinis copiam maximam fluere non potentem, tum sanguis retrocedit & fiunt errores loci.

*Subitaneas.* De his dictum est, at notetur, quod subsequenti patebit in Peripneumoniacis suffocatur pulmo, quæ post mortem apparet, massa ponderosa, ingens, nigra, sanguine polyposo oppleta.

*Angustia.* Hoc explicari non potest, nisi cui expertum fuit, non est dolor, nam mallent potius gravissimos dolores pati, quam tales angustias, hoc credo, quod satis futurum sit effi-

cax ad probandum sequens scilicet observatum, non memini ullis in relictis nobis hactenus monumentis constituisse hominem se ipsum præ doloribus interemisse, verum plura exstant exempla, quod se præ anxietate & angustia jugula-verint, utpote has sustinere impotentes.

*Morte.* Ægri jam jam à Febris morituri corpore adhuc satis forti sese jactant undeque, si quidquid roges, detestantur molestiam, quod respondere debeant, hoc notat mortem vel animi Deliquium instare periculosum.

*Hypochondriis,* quia illa vasa tendunt ad hepar, hepar & lien non dolet, sed anxietas oritur à stagnatione humorum circa hæc loca.

*Circa stomachum.* Κοιλία seu στομάχος vocatur veteribus superius ventriculi orificium, seu finis Æsophagi, illum stomachum vocabant Sedem Miram, quoniam ibi sunt plexus nervosi intricatissimi omnium, qui inveniuntur, si circa hunc locum magna extensio fiat, oriri debet impedimentum influxus spirituum; hinc anxietas omnium maxima, ubi sunt plurimi nervi.

*Sentientibus.* In Hepate vix non sentimus nisi in Membrana externa vasculosa *Ruysschii*, ubi si inflammetur totum hepar, non sentimus nisi in illa membrana, hinc quando materies stagnat, non sentitur, sed quando ventriculi vasa transiens accumulatur, & vas distendit ad crepaturam quasi usque, & oritur putrefactio summa, scimus, quod in cadavere cutis diu perstat, sed vasa ibi statim putrescunt, rete Malpighianum non putrescit sed quidem ejus vasa, hepar vero intra paucum tempus ob vasorum plenitudinem; quibus adest difficultas circulationis in hepate, id est, semper sentiunt dolorem in stomacho seu scrobiculo cordis.

*Putrefactiones.* Videtis cum intento animo quale sit systema Cæliacum & Mesentericum, videtis ibi arteriarum & venarum angustias, nam à primo initio arteriarum Cæliacarum ad ultimum finem venæ Portæ est unum vas continuum, sed in illo extra vasa vix motus, si ergo in vasis Mesentericis vix oriatur anxietas, quid magis secuturum quam putrefactio, videtis nullum cadaver aperiri, quin fætor adsit circa Duodenum omnia inficiens, ergo si vita super sit, hæc solvuntur in putrilaginem, & in his amplis vasis fiet putrefactio, inde Gangræna vel hepatis putredo sequitur, si vero hepar sit putrefactum, tum Ichor ruit per ductum Cholidochum in Duodenum, inde in intestina, & sequitur Dysenteria Hepatica, quæ habet semper materiæ fætidissimæ & loturæ carnis similis effluxum comitem.

○ *Præfagiendum.* Repræsentate vobis ægrum acutissimo morbo laborantem cum anhelitu, debilique pulsu, quid præfagiet illa intolerabilis anxietas, nisi quod sanguis ex corde dextro per pulmones fluere non possit, hinc facile videbitis sanguinem hic aggerendum esse, Gangrænam pulmones occupaturam, vasa arteriosa esse distendenda & obstruenda, & æger ille servari non poterit, nisi ille sanguis egredia tur, hinc malum tantum non est negligendum, antequam evadat tam ferox, æger se in lecto jactabit, subsistere uno momento nequiens, stragula objiciet, pectus deteget, fenestras aperiri jubebit, ut aërem liberius hauriat; si videam talem anxietatem per signa data circa pulmones, mors brevi instat, vel si evitem mortem, palpitantes cordis sequuntur, si vero sub Diaphragmate, tum putredo hepatis & Dysenteria inde ori-

oritura est. In his casibus semper attendendum est ad pulsum & respirationem; si sc̃mina Hyſterica ſentiet ſe valde anxiam, ſed tamen pulſus bonus, reſpiratio bona & calēt extrema, tūc hoc oritur à flatibus & nil eſt periculi.

*Acuta.* Si hæc præceſſit, eſt ab Inflammatione, ad hanc diſtinctionem quæſo bene attendite, ſi Inflammatio faciat anxietatem, tūc Emollientia & Diluentia ſola profunt, ſi vero à Spasmo, tūc Antispasmodica ſunt optima, ex neglectu hujus diſtinctionis ingentes nati ſunt errores in anxietate curanda, ſtatim enim præſto ſolent eſſe ſtimulantia, Spiritus Carminativi &c. hæc profunt Hyſtericis & Hypochondriacis & in anxietate à Spasmo orta, ſed ſi cauſa ſit Inflammatio, tūc nocent; hinc ſi homo conqueratur de anxietate, videndum eſt, an ſit Inflammatoria in Pulmone vel Hypochondriaca; ſi ſit Hypochondriaca, tūc Febris nunquam præceſſit, ſed ſemper à minimo animi affectu anxietas nata eſt; ſi ſit Inflammatoria, tūc prægreſſa eſt Febris cum calore, reſpiratio difficilis, Phlogosis in facie, Sanguis miſſus eſt Pleuriticus, pulſus debilis.

*Se prodidit.* Res eſt veriſſima, exemplum dedi in Noſocomio; mulier Hyſterica optime valens ſubodoratur paululum Ambraë, ſuffocatur, anhelat, & cadit in animi Deliquium, ſi ſubodoretur Caſtoreum; curata eſt. Vir Melancholicus & Hypochondriacus ſi irascitur anhelat, & ejus reſpiratio eſt quaſi anhelatura & moritura, ſi dent illi Salia Volatilia &c. demittit flatuſ & ructuſ, & malum tranſit; omniſ homo, qui habet genus nervoſum facile mobile, anxietatibuſ ſpaſmodicis obnoxioſuſ eſt, ſi vero hæc anxietateſ fuerint ſummæ, tūc ali-

quando moritur. Vir satis bene se habens Hypochondriacus à famulo indignatus summas habet anxietates, licet illi omnia dentur medicamenta, nulla illi proderunt, nisi Volatilia, unde nervi quasi solvuntur, vidi in his & in faminis Hystericis circa collum talem adstrictionem, ut musculus Sphincter solutus aëre rarefacto occuparet totum Œsophagum, mulieres tunc dicunt Matricem adscendere, omnes hæ anxietates à flatibus nascuntur, si nulla Febris præcessit. Optima medicamenta in hisce casibus sunt Sal Cornu Cervi, spiritus Salis Ammoniaci, tincturæ Castorei, Succini, Rutæ & Matricariæ.

*Poterit.* Si sciamus, quod causa sit inflammatoria, tum videndum, an in pulmone vel in hepatis arteriis adsit, si in pulmone tum pulsus est mollis, respiratio difficilissima, anxietas cum Febre, si in hepate omnia signa adsunt præter respirationem difficilem, quæ libera est, si ab Inflammatione tum signa hepatis postea dictura adsunt.

*Cur in omni &c.* In Febre Acuta violenta inevitabilis ultimo semper est anxietas, quæ si tres quatuorve horas duret, moritur æger, hoc fit, quia omnis mors consistit in impedito sanguine è corde dextro, simulac sanguis per Pulmonalem arteriam ire non potest, tum cor dextrum sanguine obruitur, tum ægri caput iactantes moriuntur, hinc veteres omnes anxietates nominarunt luctationes cum morte.

*Cur spasmodica &c.* Quia, Spasmo sublato, omnia sunt resoluta, fit tandem remora partium, ut in Hypochondriacis, nec diu durat, nervi enim Spasmodium faciunt per breve tempus, & brevi remittunt; Spasmus fit i. quando musculi

sculi bini, qui vasa coërcent & constringunt, angustant vias vasorum, & retundunt impetum spirituum influentium, unde dein circa cor oritur anxietas, 2. Spasmodica contractio oritur in Œsophago, Ventriculo & Intestinis, ubi vasa sanguinea membranarum harum partium (quæ vasa ibi sunt numerosissima & nudissima) propter flatus distendentes tunc comprimuntur, unde secundo anxietas Spasmodica circa cor, sed quando hæc utraque anxietas eo usque devenit, ut homo debilitetur & cadere incipiat in animi Deliquium, tum exeunt ructus & flatus, inde hæc anxietas non est periculosa, quoniam hic Spasmus facile mutatur ab omni, quod agit in spiritus ut spiritibus Volatibus Castorei, fæore papyri, Assa-Fætida, vellicatione, tum hic Spasmus abit, quia spiritus eunt in partem. Spasmus est influxio inæqualis spirituum in musculos, ideo viri Hypochondriaci & Hystericæ mulieres putant se strangulari, quia influxus in hos musculos est inæqualis vel omnino nullus.

*Inflammatoria.* Quia tunc hæc anxietas per longum tempus durat, & Obstructio hæret in inferioribus, unde non tam facile solvitur; hinc in pulmonibus est valde periculosa.

*Cur inquires &c.* Inquietudo vocatur, si æger per duo momenta subsistere non possit in uno loco vel lecto, si velint efferri, variari, lectos & cubilia, tunc omnes custodes ægrorum dicunt ægrum proximum esse morti; siue sit anxietas in Præcordiis, siue in Hypochondriis, semper est periculum vitæ, quia materia inflammatoria non facile transmittitur, sed humores esse debent resoluti & vasa aperta ut maneat vita, jactatio in lecto est valde periculosum

signum, uti & suspiria, quia denotant impeditam esse respirationem; anhelationes, quia designant, quod sanguis per pulmones libere fluat, omnia hæc signa sunt valde periculosa, quia denotant sanguinem arteriosum in suis vasis minimis stagnare, ut transire non possit; si illa stagnatio diu duret, statim subsequitur mors.

§. 633. *Medela.* Dolendum est artem nostram generale nomen dedisse morbo, hinc generale remedium volunt adhiberi contra anxietates, ut Salia Volatilia, tincturas Castorei, Succini, Rutæ & Juniperi, in Spasmodicis anxietatibus hæc conveniunt, si vero dentur in Inflammatoria anxietate venena sunt, si in Hystericis mittas Sanguinem, morbum pejorem facis.

*Leniendam.* Aliquando contigit, ut frigida aqua in hominis anxii faciem projecta ut in Hypochondriacis anxietatem tollat, unde mutetur aliquid in corpore, id est, facit, ut spiritus æquabiliter fluant, tunc obsidentur, datur transitus, in alio casu non potes nisi Venæ Sectione curare, quæ methodus maxime noceret Hypochondriacis vel Hystericis, imo & anxietati Febrili Quartanæ. Universale contra anxietatem *Paracelsus*, *Helmontius* alique Chemicæ jactant sopire Archæum furentem, at morbi causam tollere debuissent, quod non sciverunt, hinc

*Non est in Medico semper relevetur ut eger.*

*Symptomatis.* Id est, inquietudinis & suspirationis, ægri dicunt se nil mali sentire, interim mox caput huc, mox illuc vertunt, sanguis tum stagnat ante minima vasa, hinc sensus in cerebro deficient, lenta fit respiratio; respiratio vero

vero est Pulmonis explicatio, si in ægroto videtis contingere; certum iudicium ferre potestis ægrum non evasurum, qui in tristitiam inicitur, spiritus perturbantur, gravitatem sentit in pulmonibus, sanguis ibidem colligitur, ad hunc mox promovendum profunda expiratione pulmones explicantur, inde oriuntur suspiria.

*Affectio Spasmodica.* Si Spasmus adsit, acre leniendo tolli potest, nam Spasmus ab acri nascitur; aqua calida est summum leniens & maximum remedium Spasmodicis, hinc potus Théë, Coffe, Ptisanæ, Hordeatæ, si fiat ab acri irritante, optimæ sunt. Si hæreat aliqua causa irritans in Ventriculo, quæ sua acrimonia Spasmos producit, illico auferendum est per remedia illa ante dicta, v. g. infantibus aliquando oritur intolerabilis anxietas, ut subito tollantur è medio, aperiuntur eorum cadavercula, invenitur caseus condensatus liquido omni expresso, tam arcte Pylorum claudens, æque ut suber impositus esset, hinc quidquid deglutiant, impossibile est posse transire, sed oritur Convulsio, si enim Medicus statim accessisset in statu anxietatis & dedisset Mel, Saccharum & Saponem Venetum larga copia, sustulisset morbum, & fecisset, ut coagulum per intestina secede et, præscribere etiam debet Medicus parum Rhei Electi, si hæc non cum bono successu agunt, incassum est plus remedii exhibere; nam tum moriuntur ex insultibus Epilepticis, licitum est quidem tandem exhibere illis infantibus Vomitorium ex radice Ipécacuanhæ ad scrupulum semis, quod medicamentum multoties infantibus annuis vel bienniis exhibui, non vero Antimoniata sed tantummodo lenia. Homo moliter educatus



accipit carnem putridam, ob famem deglutit illam, & non sentit, nisi cum sit in gutture, oritur Nausea & incredibilis anxietas, donec hoc præternaturale vomitu ejectum fuerit, sic Arsenicum haustum sua vi anxietatem producendi habet, tum ægro aliquid est dandum, quod ipso momento agit, at Vitriolum, id est, *Githa Paracelsi* dicta, & solutio Cupri in acido facta, ad guttam i vel ij vel dragmam unam hausta, in plerisque Febribus, in quibus futura est anxietas, si in principio detur Vomitorium, plurimæ anxietates præcaventur, & cognoscuntur illæ Febres, nam incipiunt cum Nausea, si in initio morbi jam datum fuisset Vomitorium, ejecta fuisset parva copia materiæ acris, unde miramur, quod hoc parum inducat tantas anxietates, non est hæc Inflammatoria sed Spasmodica ab acri irritanti in primis viis hærente, nam hoc addiderim, raro tale acre hære in systemate interno, id est, vasorum arteriosorum, sed in visceribus vel extra vasa, ut ita loquor in Sphincterulis nervorum, de quibus actum est; in omnibus morbis Acutis, ubi bilis movetur, ex Antimonio Nitrato petenda sunt medicamenta, ubi Pituita peccat ex Mercurialibus, verum tamen cum Antimoniata sint fortissima potius sunt eligenda in primo casu illa, quæ proposui.

*Purgantia.* Æger assumat Cremor Tartari cum fero lactis tamdiu, donec in levem Diarrhæam incidat, hoc non nimis solvit, sitim non excitat, non intrat in massam sanguineam, sed purgat primas vias; hæc purgantia in Materia Medica descripta non nimis stimulant nec corpus turbant.

*Sudorifera.* Si in Febribus dentur, quæ majori

fori sanguinis motu aucto liquidissima expri-  
munt, execrabilia sunt, ut Theriacalia, salina  
&c sed si vasa constricta sint, & sanguis den-  
sus, tum Sudorifera, Diluentia & Aperientia  
exhiberi possunt, acetum & aqua est summum  
Sudoriferum, & sic hæc bona sunt pro causa  
sua & pro effectu; si loco tot radicum præscri-  
ptarum sumatur una Chinæ radix in tanta co-  
pia, quanta est omnium radicum simul, idem  
efficiet v. g.

℞. Rad. Chinæ ℥ij.  
— Graminis ℥ij.  
— Salsaparil. ℥j.  
Fol. Taraxaci M. iv.  
Flor. Sambuci ℥ij.  
Sem. contusi Petroselin ℥ij.  
Cum. Aq. decoct. pint. ij, exhibe.

Hauriat æger uncias tres calidas omni qua-  
drante horæ, donec leviter sudet. Vel sumitur  
decoctum radice Graminis, quod enim sum-  
mopere hic commendatur, si tanta copia biba-  
tur, donec sudor effluat in morbis acutis, &  
*Hippocrates* dicit ægros hoc sudore sanari.  
*Diuretica*. non differunt à Sudoriferis, nisi  
determinatione, hinc idem ferendum est judi-  
cium de his ac de Sudoriferis.

*Diluendum* est acre irritans per aquosa calida  
ut potus Théæ cum melle largiter haustus,  
Pisana affatim sumpta, vidi tales anxietates ut  
ægrî morituri viderentur, qui Phthisi Pulmo-  
nali affecti erant, hi enim semper tres vel qua-  
tuor horas post pastum anxietate pessima corri-  
piuntur, vidi hisce Medicum dedisse Cardiaca  
optima pro roborando, nil proficiebant, simul-

ac lac cum aqua haussissent, omnis anxietas evanuit, hoc est optimum contra has anxietates remedium. Vapor aquæ tepidæ potus ejusdem, clysmata aquosa, fomenta ex pannis laneis aqua tepida imbutis & loco affecto impositis, omnia hæc sunt optima; si dicam aquam tepidam puto enim lac, serum lactis & plura talia, quæ eatenus bene agunt, quæ tenuis aquosa sunt. Si anxietates oriantur non ab humorum malitia sed à Plethora, tum detur victus lenis, aquosus, diluens, calidi potus, balnea, fomenta, Venæ Sectione præmissa; si ab acrimonia certe etiam hic tolletur, vidi anxietatem à nimia Venere ortam, cui ægro dabatur aqua calida cum melle, nitro, saccharo cum farinosis ad multas libras potanda, & pannis laneis madefactis corpus fovebatur, hisce enim medicamentis curatus fuit æger, si in ventriculo instar Caustici hæreat, tum Vitriolum Album, quod est arcanum *Paracelsi*, ad scrupulum unum est optimum remedium, si detur in scrupulis sex aquæ tepidæ, quod subito vomitum ciet, aut tinctura Cupri in aceto soluti ad dragmam unam, hac ratione superatur horum venenorum acrimonia.

*Sedando.* Illa sedatio consistit in perpetua variorum objectorum ablatione, si hoc non succedat, tum adhibenda sunt Narcotica ut sunt Opiata.

*Laxando fibras.* Hinc potus emollientes, clysmata emollientia, epithemata emollientia Hypochondriis applica, balneum vaporis aquæ, hæc omnia sunt optima, ut causa quæ latet semper in cerebro depellatur, vel avertatur.

*Compeſcendo per anodyna.* Hæ sunt summa remedia, quibus omnes anxietates à genere nervoso

voso ortas eiffime fanabo, etfi homo fit fanifimus, fi nervofus fpiritus, qui æquabili motu in fanitate feruntur, vel per moleftam mentis cogitationem inæqualiter ferri incipiant, tum creantur maximæ anxietates, idem fit in Melancholicis & Hyftericis, quæ per cogitationes fuas fibi creant anxietates Spafmodicas, his vero fi adhibeantur; Anthyfterica cum Opiatis optime profunt, curantur enim hæ mulieres per determinationem aliam fpirituum nervoforum v. g. fi Medicus objiciat naribus Hyftericæ fpiritum Salis Ammoniacy cum Calce Viva, ftatim fpiritus animales alio determinantur, & avertuntur à loco, in quem inæqualiter antea ferebantur, hinc fi mulieri Hyftericæ collum maxime intumeat, & fe fuffocari fentiat, tum Opiata cum Anthyftericis conveniunt; optimæ in hifce cafibus funt, fpiritus Ammoniacy, tincturæ Caftorei, tincturæ & oleum Succini præfertim fi his addatur Opium v. g.

℞. Aquæ Rutæ

℥v.

Salis Ammoniacy

℥j.

Opii puri

gr. j.

Syr. ʒ.

Rad. aperient. ʒj.

M.

Vis liquidi nervofi pacatur per fomnum, per hanc rerum oblivionem, per Nepenthe & Lethe illud Poëtarum amabile; benigniffimum illud fpirituum animalium exorbitantium demulcens, quorum fummus domitor eft Opium, & tuto in anxieratibus adhiberi poteft, ubi illæ non funt inflammatoriæ, nam in illis peffundatur æger, fed fummuu remedium eft, ubi anxietas oritur ab animi affectibus vel à fpiribus erranti-

rantibus, tumque semper tuto & cum successu dari potest.

*Solvendo.* Omnia, quæ assumimus ex cibo & potu sunt minus ponderosa quam noster sanguis, omnis noster chylus est longe rarior & minus ponderosior ac noster sanguis, omne nostrum lac est minus ponderosum, quam noster sanguis, omnis sanguis bonus est minus ponderosus quam inflammatorius compressus; & densus; si ergo sanguis nimis densus in morbis acutis pariat anxietates, tum summum remedium est minuere vires vitæ, ne sanguis densari pergat, & tum id secedit, quod erat densatum in resolutas partes. Quænam ergo sunt solventia, quæ ipsum sanguinem solvunt? Hæc sunt Sales vel Saponēs, solum Nitrum cum suis productionibus, sal Prunellæ, sal Polychrestus, Nitrum Stibiātum ferè solum, omnes succi Horæi solventes, vel succi herbarum amarescentium saponēs referentium, non tamen exsiccantium, Absynthium est amarum & convenit, ubi est attenuandam, non illi, quod per inertiam vasorum coaluit, sed succus Cichorei, licet attenuet, agit tamen forma saponacea non stimulante; omnes saponēs hic convenientes sunt ex herbis Planipetalis Lactescentibus & Pappescentibus, ut sunt succi Horæi recentissimi maturi, baccæ maturæ, succus Pomorum, Uvarum, Mororum, Ceraforum, Ribesiorum, Ebuli, Sambuci &c. ille succus est serpo mollissimus, non refrigerat, multis hæc res paradoxa videtur, qui jactant, quod a fructibus Horæis sanguis condensetur, hi maxime errant; nam homo, qui obstinatissima alvi siccitate laborat, si bibat libras tres vel quatuor succi recentis ex pomo acido maturo, ex pomo

mo dulci & similibus incidit in Diarrhæam; & si ulterius pergat, ejus sanguis ita dissolvetur, ut totus in aquam per Dysenteriam abeat, ergo hic error est expurgandus, inter hos saponem eminet mel, saccharum, mel enim est sapo, qui omne oleum reddit aquæ miscibile, saccharum attenuat mirifice humores, non tamen motum violenter auget, mel simile quid habet.

*Refranando:* Hæ à flatibus oriri dicuntur, hinc Practici ejus sententiæ dant Carminantia, at optimis Practicis mihiq; sæpius observatum est fieri constrictionem in Intestinis, Stomacho & Æsophago. In Hystericis diu non potui invenire causam, dicunt mulieres globus quasi ex Abdomine ad gulam tollitur, ac indicantibus ille ad collum satis manifeste sentitur; hæc est sententia illorum, qui Carminantia dant, nempe quod Sphincter Æsophagi esset convulsus, proinde Æsophagus clausus; hinc aer conclusus simul rarefactus, quidquid ægro datur non transit, vel remittetur, sed regurgitat, post ructum sublatum erit malum, in his Hystericis si fiat constructio in orificio stomachi anxietas sunt ad crepaturam fere usque in his locis; sic intestina aliquando inflantur ad pugni crassitiem & aer intermedius rarefascens distendit & parit maxima damna, quando vero tunc utuntur carminantibus eadem ope expelluntur flatibus, restituitur etiam motus spirituum æqualis; in his morbis optima sunt illa dicta scilicet fætidissima medicamenta pauxillo aquæ superaddito ut v. g.

℞. Aquæ Rosæmarini ʒij.

Tincturæ Succini ʒj.

*Syrup.* quinque Radic. *Aperienti* vel *Diathr.* *Fernelii* *M.*

*Aut* leve decoctum ex *Anodynis Emollientibus*, & detur, ubi adscendit malum, ad unciam unam, & curatur æger; cura generalis dabitur in capite de *Morbo Hypochondriaco*.

*Mulsa.* Aqua cum melle vocatur mulsa, nullum Balsamum magis liquefacit, & minorem facit impetum, nec quidquam est magis penetrabile per minima vasa, quam hoc.

*Farinosa.* Incoquantur in aqua calida semina quatuor frigida vel semina *Papaveris* vel parum *Farinæ*, quod decoctum maxime prodest ad sicca madefacienda, spissa meabilia reddenda, motum nimium cohibendum, multum quoque juvat infusum *Ligni Colubrinæ*; hac enim ratione tales anxietates sæpe tolluntur, quidam commendant *Lapidis Bezoardicos*, sed hæc medicamenta, nisi anxietas parva facileque dissolubilis fuerit, vix proderunt, hinc his confidere tuto non licet.

*Nitrosa.* Quia metuo putrefactionem, & est sal omnium maxime penetrabile per minima vascula, interim impetum auget, tum à corpore secernitur, sed mirabimini me adjungi subacida, *Hippocrates* in morbis à tali causa productis nil aliud commendat.

*Subacida.* Quæ sunt penetrantissimæ & putredini adversæ, & credo me jam olim sustulisse scrupulum de vobis, quod acidula coagulent sanguinem, contrarium enim est, nam nulla sanguinem magis attenuant & dissolvunt, quam hæc, patuit enim in exemplo allato fr-

tuum maturorum Horæorum, qui sanguinem ita solvunt, si nimia copia assumantur, ut Diarrhæa aquosa lethalis brevi subsequatur, hinc illa in hoc casu non metuo, sed debent esse subacescentia, ut proposui.

*Aromaticæ.* Ut separatio inertiae fiat.

*Fotus.* Hodie oblita est cura *Hippocratis*, qui in morbis nullam majorem curam adhibuit, quam ut certus esset, quomodo Hypochondria se habuerint, nam vix de pulsu aliquid dicit, sed de respiratione, lingua urente &c. semper dicit, omnium maxime est tensio circa Hypochondria duritie, renitentia, tensione; sursum introrsumque abductione & vera dicit, quoniam anxietatis officina hic hæret, & quando malum sit ab infarcta materia, quid plus juvat, quam partes laxatas tenere; objicitur ad interiora non penetrare? Sed penetrant in venas & vasa laxant, & quo plus laxantur vasa, eo minus ad interiora vergit, 2. ipse sanguis diluitur; hinc in morbis Acutis semper fomenta sunt adhibenda, & nostri Batavi sumunt pannos laneos e tela crassiori confectos, hos immerfos balneis humectantibus exprimunt, & ad totam regionem Præcordiorum uti & ad Hypogastria & Hypochondria applicant, tum superimponunt ex materia fictili instrumenta, quæ partium structuram referunt, nostrates etiam laminam ferream, quæ calefacta, diu calorem nempe ad duas vel tres horas retinet, adhibent, quam laminam frigefactam iterum de novo calefaciunt, hanc laminam vulgo vocant *Colyksteen*, id est, lapides ad Colicam.

*Glysmatibus* ad emolliendum & laxandum, non vero ad evacuandum; nunquam inflammatoriam anxietatem videbitis, quin visuri estis bal-



balneum laxans requiri interne per intestinum Colon, sed non magna copia simul injicienda, ut diu retineri queat, ex solo lacte Hydrogala, fero lactis recenti & decocto Malvæ &c. hæc si injiciantur & diu retineantur, faciunt anxietates plus recedere quam creditur.

*Vapore aquæ.* Qui summa anxietate laborant ex eo, quod arteriæ Pulmonariæ sint immeabiles, habent in parte aërea pulmonum exsiccationem, simulac enim sanguis sistitur in pulmonibus, comprimuntur omnia vasa Bronchialia, & non fiet humectatio, vasa se contrahunt, sanguis transire non potest, maxima oritur anxietas, si talis æger ex pelvi aqua calida plena vel ex lacte recenter mulso &c. vaporem inhalet, mirifice reficitur, hinc hoc remedium esset commendandum in omnibus Pleuriticis, Peripneumonicis & Anginosis morbis; scio objicere hoc remedium pulmones suffocare, sed videtur hic vapor primo momento suffocare, sed ubi pulmo hæc paululum passus est tum laxat; hujus neglectus est valde damnosus, regula enim hæc est tanti momenti, ut incredibile sit, nam hac ratione pulmones exsiccati constituuntur in perpetuo vaporis balneo, & eo est efficacius hoc remedium, quia illo propior tutiorque datur accessus. Hoc decoctum fit ex Malva & feminibus Lini. Olim hic fuit Romanæ Religionis sacerdos, qui omnes fere Anginas suffocantes & Peripneumonicos opprimentes arcano quodam edocto curabat, & ut colligere potui, non erat nisi vapor aquæ calidæ cum paucis aceto & herbis quibusdam aromaticis mistis, qui vapor erat hauriendus ore ex infundibulo inverso, & hocce remedio ad miraculi stuporem usque plurimos sanaverat. Hæc sunt

sunt omnia, quæ novi à Medicis cognita ad tollendum anxietatis symptoma, vos ubi distinxeritis in anxietatem Spasmodicam & ab infarcta materia, vel viscida, vel inflammatoria, habebitis omnia, quæ prudenti Medico requiruntur.

§. 634. *Citam.* Anxietas enim est obsessio cordis, nisi cito expeditas, æger moritur, præsertim in Febris Continuis, nam sæpe post quadrantem reversus defunctos ægros invenies, ergo nunquam ab ægro anxio secedas, nisi prius scias non posse curari, nisi applicetis illam methodum & remedia, quæ omnium optima sunt contra hunc morbum.



*Sitis Febrilis.*

§. 635. *Sitis* hic est tantum aquosi frigidi subaciduli potus desiderium.

*Siccitatem.* Nemo habet os, fauces, laryngem, vasa Pulmonalia, Æsophagum exsiccatum, quin sitiat, nisi mens laboreat; *Hippocrates* dicit, qui causam sitis habet, & non habet sitim, ei mens laborat, id est, cerebrum est obsessum; quod juxta illum est mortis signum. Semper adest humorum siccitas, ubi humores impotes sunt ad fluendum per vasa, si multum salem assumpseris, sities, ne sanguis nimis spissus evadat.

*Liquerum imbecillitatem.* Deus nos tam mirifice condidit, ut sitis nos doceat, quid subsit, quæ semper fertur in acidula, ut in aquam cum Limonum, Cydoniorum, Citriorum &  
Au-

rantiorum succo ; licet homo abundet liquido, ut in Febre Tertianâ & Quartana tunc tamen fit sitis ; quia stagnant liquida in pulmonibus, hinc creatur sitis ob immeabilitatem, ut accidit Quartanariis in ipso summo frigore, unde patet sitim tantum non consistere in humorum siccitate, ut multi voluerunt. In Pleuritica Æstiva diathesi dispositione sanguis ad coagulationem disponitur, hinc dilutione eget.

*Acrimoniam falsam.* Sal Marinus, Gemma vel Ammoniacus cum aqua assumptus creabit sitim ; si quis aquam marinam assatim bibat, non tamen minus sitit quam ante. Simulac natum est in corpore vitium, quod tolli potest quodam diluente, Deus dedit homini desiderium liquidi cujusdam tollentis hoc vitium, itaque tunc expetit potum subacidulum, quo omnis falsedo avertitur. Æger acrimoniam habebit, donec sal dilutus ejectus sit ex corpore.

*Alcalina.* sitim promovent, si enim sumatur sal Tartari aut spiritus Salis Ammoniaci, spiritus Cornu Cervi aut urinæ ad unciam unam, immaniter sitiunt ægri, quæ sitis non nisi acidis cedit.

*A bilioso oleoso.* Ut carnibus assatis in crustas Escharoticas ambustis & salitis, sic ab Halece pingui maxime salito, sic si lardum salitum sumat homo, quam à solo tantum sale ; Hydropici, licet aqua sint pleni, siticulotissimi sunt, quia habent aquam acrem salinam, oleosam, rancidam ; à bile sitis est maxima, ergo non omnis sitis est ab alcali, ut putabat Sylvius id arcanum roganti discipulo dan ; id enim falsum esse diuturna ægrorum observatione didici ; hinc est observandum, an sitis oriatur à  
sic

siccitate, an à coagulatione, an ab acredine alcalina, aliove putrescente.

§. 636. *Præsentiam*. Forte cogitatis non esse exemplum, ubi sola immeabilitas sitim producat, sed qui Quartana, Tertianæ laborant, habent in frigore sitim, tum vel nil humoris perdiderunt, novi sœminam, quæ in frigore febrili quadranti horæ decem libras liquidi assumpsit, vidi in Febre Epidemica hoc ubique verum fuisse. inquirendum igitur est, an calida spirituosa, salina, aromatica sitim faciant, si non sit calor ante Febrim, non est à siccitate sed à sola immeabilitate, si tum v. g. discam per signa præsentia sitim non esse à defectu, non ab acri, sed ex eo, quod humores per pulmones ire non possint, nec per vasa minima; nunc natura instituit, ut æger adigeretur ad bibendum, ut sanguis fiat meabilis, si nunc æger non bibat, & causa maneat, tum sit oppressio, hoc observatio docet, simulac enim homini sitis sublata sit, non erit necessitas bibendi, hinc semper occurrendum est siti, in qua abigenda sæpe sælix fui, quod tamen sine jactantia dico. Si alicui sit magna siccitas in humoribus, in vasis minimis fiet stagnatio in cerebro, unde Delirium; hoc confirmatur ex *Hippocrate*, qui dicit, si os, nares & fances siccantur. sequitur Delirium, hinc oritur à pulmonis siccitate Peripneumonia, idem si ab immeabilitate oriuntur diversis in locis Inflammationes variez, si Sal Maris abundet & æger non bibat, tum docemur sales acres se sensim insinuaturos ad nervorum initia, unde maximos dolores futuros in acri Scorbuto; in alcalino & oleoso oriuntur putredines, ergo sedanda est sitis, & idamandus *Helmontius* uti *Chemici* & *Sylvius* plures

plures, sitim non esse sedandam putantes; *Helmontius* dicit se habere aliquod remedium, quo pacat Archæum in ventriculo, sed bibere non licitum erat, quam methodum multi clari viri secuti sunt, qui non volebant præscribere potum sed sua Alexipharmaca, à quibus plurimi perierunt, contigit aliquando ut aliquis æger à summa siti tortus in piscinam ex loco altiori se dejecerit & ibi affatim bibens corpus à sudoribus plane defluerit, unde morbus fuit solutus, & sublatus. In morbis acutis sitis siccitatem, acrimoniam & immeabilitatem conjunctam habet, hinc fluida maxima in copia sunt assumenda. Si Hydrops à sola aqua; ægri sitiunt, & curandi sunt summa abstinencia à potu, at, inquit, *Hippocrates* Hydropicus summe sitiens morietur, quia humor acris factus excipitur in loca aperta; simul putrefactus stagnat, si bibat, accelerat mortem, si non bibat, putrescit, appetit semper acida, quæ putredini resistunt.

§. 637. *Aquosa*. Addatur his pauxillum Nitri, bibat æger demulcentia in pauca copia, nam aliter ventriculus se constringere non potest, hinc anxietates oriuntur, ideoque æger nunquam ultra duas uncias hauriat, & nunquam frigida, nam etiamsi aqua frigida statim refrigerat, attamen paulo post constringit vasa, & facit frigus febrile diuturnum, quod paulo post creat æstus tanto majorem, quo plus aqua refrigeravit; ita ægri non debuerunt uti frigidis potibus, ut voluerunt Itali, aqua humectat, & abstergit, hinc fere optima est, at meliora sunt subacida, quæ plurima sunt, sed quæ hic conducunt sunt levia, tenuia, ut Aurantiorum, Limoniorum, Citriorum succi, si bene maturi  
aqua

aqua misceantur, huc pertinet Nitrum, nostra methodo paratum, quod est sal mirifice sitim extinguens, solum inter omnes sales, tum demulcentia multa profunt, v. g. potus ex Amygdalis contusis, in multa aqua coctis, decocta Avenæ, Hordei, panis Tritici, Oryzæ, potus Thée, Caffè.

2. Hæc est tanti momenti in morbis Acutis, ut illud vobis satis memorare non possim. Exsiccatio & acrimonia &c. non sunt nisi in cerebro & pulmone &c. si jam liberam fecisti circulationem in externa Carotide, eo magis liberabis ab impetu internam Carotidem & proin totum Encephalon, verum versus hæc partes sese distribuit illa; hinc membrana narium, oris sicca notat vasa quoque externæ Carotidis sicca esse, illam tum laxare debes & humidam efficere, verum hoc non fieri potest potando, sed topice applicando, præsertim ad glandulas Parotides & Submaxillares; si in siti aliquando non conducere nimium potare, tum nil plus juvat, quam in volis manum aceti sumere, haurire naribus, & colluere os internum, sumatur etiam in panno calido Oxycratum ex aqua Rosacea cum pauco aceto Rosaceo, ut inhalent, vel eo colluant os vel gargarizent, incredibile est quantum boni hoc faciat ad sitis causam levandam, si æger perpetuo colluat has partes, & iterum exspuit, optime laxat, & fovet has partes, ubi vasa quam plurima sunt nudissima.

3. Ut in perfecta Febri Ardente v. g. Pestilentiali v. g. pannis laneis aqua tepida madidis involvantur loca affecta, & hæreant sic ægri in perpetuo balneo, ut aqua se insinuet, loca illa laxet, & sese sanguini misceat; inveni for-

semper sitientes habuisse obstructions in Hypochondriis, hinc hæc loca sunt fovenda sequenti vel simili fotu.

℞. Aquæ

℥b iij

Aceti

℥iij

Nitri

3℥

M. F. inde Fotus.

Omnes anxietates hac ratione dissolvuntur, nam est epithema penetrans per Epidermidem.

4. Si Bronchia sint obstructa, ut etiam stomachus & intestina exsiccata, tum sæpe non juvat bibere, hinc adhibeantur clysmata ex similibus, quæ sæpe resorbentur ad uncias decem, nam sæpe observavi ea optima cum successu per salivam & sudorem esse reddita; legite Opusculum Posthumum Sylvii de Boe de Febris Lugduni Batavorum grassantibus, ibi videbitis eum commendare Diascordium Sylvii & Bezoar minerale, sed ille ipse ægrotus his non adjutus sumpsit aquas Spadanas acidulas, ut diserte dicit & sanatus fuit. ex Clysmatibus supra dictis non purgatur æger, sed sunt balnea interna, quæ vasa Meseraica refrigerant uti & hepar; &c.

§. 638. In hoc casu sæpe fui dubius, vidi ab una parte ægros debilissimos ab altera parte siticulossimos, à potu debiliore major debilitas, ab altera mors metuebatur; tum reperi vina & spirituosa aquosis addita optima esse, non vidi sæpe ægros siticulosos adeo prostratos esse, ut *Lucanus* à dipsace morbos describit; hinc sitis aliquando non adeo est ab inflammatione, quam ex aliqua causa singularis acrimoniæ, ut v. g.

Hy-

Hydropicus quadraginta vel quinquaginta libras aquæ intra cavum Abdominis habens licet aquosa bibat, non à siti levatur, quia ejus sitis oritur, quoniam vasa superiora tanto sicciora sunt, quanto plus aquæ in cavo Abdominis hæret; in tali casu uncia una vini vel dragmæ duæ spiritus vini cum unciis viginti aquæ mixtis addito parum succi Citri conveniunt, ut æger sorbillando capiat, inde plus reficitur, quam si aquam hauriat, an ergo sitis nunquam fallit & an semper est bibendum, ubi sitis; ita, sed non semper requiritur liquidum in toto corpore; Hydropicus non prius sitiet, nisi quando aqua stagnando putredinem concepit, dein Hydropicus non sitiet, quando arteriæ & venæ aqua plenæ sunt, sed quando aqua ex arteriis & venis exivit, ergo sitis non fallit, sed his in casibus non conveniunt aquosa, nam malum producant effectum. Hæc sunt ea, quæ de siti dicenda sunt.



### Nausea Febrilis.

§. 639. Omnis conatus in Vomitum non est Nausea, sed tantum quando est cum idea horro-  
ris rei, quæ Nauseam facit.

*Horroris.* Si cum summa fame accedatis ad mensam, & primus, quem accipitis, bolus est frustulum putridi vel rancidi hepatis, appetitus, quantum fuerit, delutus est; neque cessat illa Nausea, nisi causa per Vomitum fuerit ejecta vel per acida vel salina correctæ, vel potu di-



luente Coffè vel Thèe amandata, tunc redit appetitus & Nausea desinit.

*Faucium.* Si homo sit perfecte sanus, & lingua attingit Pharyngem, mox nauseabit, & notum est, quod Nausea oriri possit ex qualibet faucium irritatione.

*Æsophagi.* Ut si quis trahit sibi Lumbricum ex Æsophago, mox nauseabit.

*Ventriculi &c.* Lumbrici moti per intestinum vacuum repentes & adscendentes versus ventriculum (ut accidit plerumque pueris) creant magnas deinde Nauseas.

*Leviorem Convulsionem.* Si digitus intrudatur ad initium Æsophagi, Nausea statim oritur, quæ vera est ejus irritatio, nempe stomachi & intestinorum, ut in diuturna Nausea videmus, bilem & succum Pancreaticum imo ipsas fæces ex ore redire, si volvulus adsit, tum decem musculi Abdominales simul convelluntur.

1. *Ab acri &c.* Bilis nostra discedens à naturali saponacea natura oleosa facta rancescit, adscendit in stomachum, ubi irritationem facit, quæ producit motum vomiturientis; hoc patet, si esurienti primus bolus sapiat putridum, fætidum, abhorret statim omnem cibum, aut etiam si ovum putridum gustaverit, si hi nervi irritentur, oritur Nausea, tum ægri fere nullum appetitum habent; Medici hujus seculi fermentum suum ventriculi restituere volentes dant acida, quæ quidem tum optime juvant, & dicunt se fermentum ventriculi hoc pacto restituisse, sed ego semper tunc observavi bilem putridam alcalinam fuisse, quæ in ventriculum adscendit per diuturnam inedia; in omnibus igitur morbis Acutis vel Chronicis, in quibus bilis flava putrescit, tunc cum ventriculus diu

manferit vacuus propter appetitum prostratum & inedia, relaxatus inde est Pylorus, quia non potest se constringere (vide *Caput de Actione Ventriculi*) hinc bilis putris sursum retroibit in Ventriculum, & huc potius tendet quam versus Jejunum, quod tunc se contraxit, ergo hæc bilis veniens in Ventriculum generabit maximam Nauseam; vide *Bellinum de Ovo Putrido Inaurato*, quod deglutitum maximam creavit Nauseam in *Tractatu de Ovo*. Bilis regurgitans in stomachum putrescit, & halitum fætidum dimittit, unde os & fauces sordida fiunt & fauces apparent crusta sordida iucruiata, tunc cognoscimus ægrum habere aliquid putridi, quod ex intestinis venit.

2. Sæpe hoc vidi, quod tum essent lumbrici aut visceri humores, qui fluctuabant in stomacho quasi ad Æsophagum appellerent, idem fit ac si esset filamentum omni momento ascensum hac via tentans, unde appetitus tollitur; si homo diu fuerit omni appetitu destitutus, & hæc Anorexia lente admodum venerit, si pallidus sit, viribus destitutus, pulsum vix habens &c. tum illud oritur à glutinoso spontaneo, vide *Caput de hac re*; si æger sit frigidus in toto corpore, pulsum vix habens, tum adest vel talis materia vel lumbrici adsunt.

3. Si hæ partes inflammatae attingantur, tum hæ fibræ retrotractæ & irritatæ faciunt, ut ingesta regurgitent; hinc in Acutis si fiat Inflammatio in his locis, tum minima res attingens creabit Convulsionem & Contractionem, quæ pertinet ad Nauseam, eamque tum ideo excitabit summam.

*Signis.* Tunc aderunt Febris & dolor &c. quæ sunt signa Inflammationis, si vero hæc magis

magisque augeantur, tum erit in his locis pessima Inflammatio; in cadaveribus Pestiferorum Medici detexerunt Anthracem in ipso ore ventriculi, quæ perpetuo per decursum morbi creaverat Nauseam & Vomitum horrendum.

4. Vidi fortissimos homines imperium bene habentes in suam voluntatem gloriantes se assumere remedia, sed si sæpius cogerentur, tandem nauseabant ad eorum memoriam, ad aspectum magis, ad gustum maxime, hinc si æger videat haustum, è quo potavit vomitorium, aliquoties abhorrebit & nauseabit.

5. Si corpus valde concutitur, ut patebit in Apoplecticis aut in navi jactatis fit Nausea, multi tenelli, si sedem moveas iis, nauseabundi fiunt; quidam summopere irati, ut in Hystericis patet, sæpe quidem si inversi sedeant in rheda, hujus generis causæ sunt plurimæ, si Delirium incipiat, notat cerebrum leniter Inflammatione affici, si homo insultibus Spasmodicis sit obnoxius &c. ei fiet Nausea, quia Spasmus natus est in iis partibus; Vertiginosi facile vomunt, tum tremunt, hinc *Hippocrates* dicit, tremor labii inferioris denotat vomitum, quando cerebrum est læsum tum æger nauseat, & est signum Apoplexiæ lethalis, teste *Hippocrate*. Si in Febre Ardente æruginosus sit vomitus, certissimi sumus, dicit *Hippocrates*, totum cerebrum esse perversum, hinc propter motum spiritum inordinatum fit ingens vomitus biliosus, quod denotat ægrum Phreniticum moriturum.

6. 640. *Inedia*. Nauseabundo impossibile est edere, simulac appropinquatur cibus, viæ clauduntur, & muscoli constringuntur, ut nihil transire possit; hinc facit; ne sanguis diluatur.

mitificetur, sordibus purgetur ob defectum novi chyli.

*Acrimonia alcalina.* Nam omnis homo, qui diu abstinet à cibo, interius putrescit, ob defectum novi chyli, nam vires nostri corporis vertunt omne acescens vegetabile ingestum in alcalinum, si vero illæ vires diu maneant sine refectiōe, tum semper sales exasperantur, & olea rancescunt; hinc halitus fætebit, urina erit rubra & exurens, sudor fætorem similem referens, fæces erunt sordidæ, bilis acrior, uti & Succus Pancreaticus, nam est de natura corporis, ut nisi humores reficiantur, putrescant, inde fit siccitas, quæ ad mortem pergere potest, hæc sunt omnia prima signa, quæ ex Nausea fiunt, observatum est in omnibus Monasteriis, ubi diu sæpe jejunt, quod omnibus his tertio fere die saliva esset fætida, putrida, halitus fætens, fordes in faucibus, lingua scabra, dein debilitas & siccitas.

§. 641. Si febricitans laboret Nausea, mihi est inquirendum, à qua causa, si inveniam ex signis datis esse humorem biliosum, incipit putrescere bilis, quæ perpetuo irritat, curatur acidis, ut Vino Rhenano acido, spiritu Nitri Dulcis, spiritu Vitrioli, succo recenti Horæorum, Citri & hinc apud veteres haustus aceti cum aqua laudatur, vel potius cum succo Citri ut hodie fit, omnia hæc grata Nauseam tollunt, ubi aliter vix aliquid efficitur.

*Salsæ.* Salsæ putredini resistunt, ut Nitrum, Sal Marinum, & Ammoniacum, hinc factum est, ut veteres in diuturna Nausea unciam unam vel duas Salis Marini vel Aquæ Marinæ commendarent scilicet ut putredinem abluerent; nil pulchrius est ad hoc malum superandum, quam

cremor Tartari permixtus Mivæ vel Pulpæ Cydoniorum, remedium sequens est *Riverii*; sumatur sal Absynthii cum succo Limoniorum recentè expresso bibatur hoc in actu effervescentiæ, pro potu adhibeatur sequens remedium.

℞. Hordei non excorticati ʒj

Decoquatur in tribus pintis

aquæ ad residuum ij pinter.

addatur Succus Citri ʒij

Sacchari. Q. S.

Ne nimia acrimonia noceat, si hoc satis diu assumpserit aliud medicamentum dari potest, v. g. Vinum Rhenanum cum duodecuplo aquæ, & pauxillo sacchari, cibi in hoc casu semper ingerendi sunt, ut, si tempus sit Æstivum,umat succi Ribesiorum, Mororum uncias decem, decoquatur parum ad ignem, edulcoretur pauxillo sacchari cum aliquantulo Vini Rhenani, quo irroretur & imprægnetur panis tostus, ægro in cibo dandus. Ante viginti annos hic in Hollandia mos obtinebat, ut Medici in omnibus morbis Acutis commendarent vel spiritum Theriacalem vel tincturas cum spiritu vini factas, vel sales compositos, scilicet sal Alkali Oleosum *Sylvii*, vel sales Alkalinos ut sal Cornu Cervi, si nunc causa sit à tali malo, hæc debent talem materiem suppeditare; qualem putredo facit, sed ab acidis omnia mala symptomata tolluntur; hinc *Hippocrates* Oxymel seu acetum cum melle temperatum præscripsit. Cibi debent esse salsi & subaquosi, v. g. Acetosa cocta cum jure carniæ & pauxillo Butyri, hoc morbum quoque sustulit, pro medicamentis omnia conducunt, quæ

quæ maxime placent v. g.

℞. Aq. Hordei ℥ ij  
 Fl. Rosar. Rubrar. ʒij  
 F. Tinctura per  
 Semi-horam affundatur  
 Spir. Sal. Marin. q. s.  
 ad gratam aciditatem  
 vel Rob Ribesior. ʒj vel  
 — Sambuci ʒj vel β  
 admisceatur.

bibat æger omni hora ʒj vel ij, si morbus ex hac causa oriatur, tollitur morbus, si sit sanabilis.

*Leni purgante.* Pulpa Tamarind. ʒij Rhabbarum ʒvj optima sunt, qui enim laborant Nausea à putrida materia optime se habent ab acidis, nimirum succo Pomorum Cydoniorum Fernelii cum Mespilis, Miva Cydoniorum Mespilat. Cornville vel Saccharo conditis Berberibus & sic porro; vel Cassia cum Tamarindis, Cremor Tartari, Sal Prunellæ, Polychrestus; acida austera, quæ juvant, sunt imprimis Omphacium cum pauxillo panis tostii assumptus, aut succus Citri à *Riverio* commendatus, aut succus Granatorum vel ex Mespilis non penitus maturis.

*Vomitorio.* Si, hisce datis, non cesset Nausea, datur Vomitorium, sed si sit Nausea perpetua à putri fomite, considerate bene, nam viscera jam putrefacta non possunt ferre concussiones, hoc vero cognoscitur ex viribus, pulsu, duratione mali, symptomatibus, & tunc possumus uno Vomitorio plus facere, quam multis aliis

medicamentis, ergo morbum perfecte curare possumus, modo sciamus quid locus possit vim Vomitorij ferre, primo dentur acida cum succis adde Rob Ribesiorum, Cerasorum, Sambuci &c. hoc facto Vomitorium detur, postea Miva Cydoniorum, bene condita aut vinum subausterum Gallicum, &c. vomitoria non debent esse Antimoniata, ut nimis fortia, sed sumatur radix Ipecacuanhæ ad dragmam unam in substantia vel ad uncias duas in infuso, vide *Materiam Medicam*, vel adhibeatur *Gilla Paracelsi*, id est, Vitriolum Album. Si his prædictis acidis non cedat morbus, tunc plurimum in Hepate est ulcus ichorosum, unde ichor cum bile regurgitat ad Stomachum, quo fomite præsentē Nausea non tollitur, id nuper adverti in *Mercatore*, cui erat Febricula, & Nausea accessit, dedimus levissima Vomitoria, unde per inferiora & superiora deiecit æger materiam flavam ichorosam, sed tamen sine levamine, & postea in ægri cadavere aperto apparuit Hepar tali ichore flavo fere esse consumptum. Aliter sæpe Vomitorio opus est, quia aliquando viæ ita glutine sunt obductæ, aut putredo mucosa hæret, aut ibi sæpe sinus vel fistula ulcerosa est, quæ aliquando Vomitorio expurgatur, quod pro re nata eligendum est vel leve vel fortius, unde hujus causæ Nausea tollitur. Acidum se jungens salibus alcalinis in nostro corpore eos corrigit & convertit in Tartarum Vitriolatum &c. Vide *Chemiā nostram*.

2. Si lenta pituita fluctuans faciat Nauseam & vellicationem, quasi filum sursum tractum hæreret, tum instituat fere sequens curatio, præparetur materies per diluentia, attenuantia, & aromatica, per duos, tresve dies, tum detur

Oxy-

Oxymel Scilliticum, quod est sapo putredini resistens, optime detergens, *Hippocrati* adeo laudatus, fit sequenti modo ꝛ. Aceti stillatij Mellis & Scillæ herbæ q. f. in phiala subere clauso methodo nostra decoquatur, ne exhalet vis, ut faciunt Pharmacopæi usurpantes ad hoc phialam apertam, vis enim Scillæ in Sale Volatili hæret; tum diluatur in aqua q. f. ad unciam unam duasve, per duos tresve dies inde potandum detur, die quarto detur aliquid maxime innocuum, Tartarum Emeticum ad grana quinque, quo assumpto bibatur aqua tepida cum salis & mellis pauxillo, & hoc toties reiteretur, donec assumptum maneat, hæc est vetus methodus *Hippocratis* Oxymellis præparandi, tunc Vomitorio expellere; lenta materia non est putrida, ergo ab his nullum est periculum, si non sit lenta, calor adest cum siti & acrimonia, Mercurius Dulcis ad scrupulum unum vel radix Jalappæ hic convenit, si occurrat tibi æger, cui sine Febre appetitus est prostratus, facies pallida, urina tenuis, porrigere huic ægro infusum Absynthii, Centaurii Minoris, Cardui Benedicti &c. tincturæ Myrrhæ, Helenii, Elixir Proprietatis Paracelsi, quod si non juverit, superbibatur Oxymel Scilliticum ad uncias tres cum uncis quinque aquæ dilutum, tunc iterum assumat vinum cum Absynthio vel Helenio infusum.

3. Hæc est levis Inflammatio, & hic est locus, ubi patet sapientia Medici, tum ibi est cogitandum, quod malum non cedit, nisi cesset Inflammatio; homo, qui habet oculos sanos sine incommodo, potest respicere in lucem, sed qui habet oculum inflammatum, si velit inspicere in lucem, ejus musculus Constrictor



palpebrarum convellitur & non aperiri potest, sic manus leviter inflammata ad motum retro-greditur, si Æsophagus, Intestina, Diaphragma, Pancreas inflammata, tum illæ partes ab Inflammatione se contrahunt & oritur Nausea & Vomitus, hoc bene est animadvertendum, nam quando oritur in Peste Anthrax, tum quidquid agitur, nil efficitur, nisi tolletur Inflammatio, quæ non curatur nisi Venæ Sectione, vide Caput de *Inflammatione*, tunc danda est magna copia potuum Antiphlogisticorum, ut aquæ cum Nitro, syrupi acidi ex Horæis, & acetum, postea fomenta ex Antiphlogisticis, ut Vinum Rhenanum, acetum cum multa aqua externe impositum, dein Clysmata, quæ cum aceto tuto dentur, uti videre est in *Hermanno vander Heyden* in Libro commendatissimo idiomate Wal-lonico conscripto de *Morbis inflammatoriis per Aquea Diluentia curandis*: Clysteres ex aceto cum aqua in pessimis morbis inflammatoriis optima præstitisse testatur, aut injiciatur serum lactis & lac acescens vel ebutyratum; hinc videtis phænomena, quæ in morbis Acutis sunt scilicet Nausea & Vomitus non nisi Missione Sanguinis curari, quæ symptomata semper oriuntur ab omni levi harum partium Inflammatione, ut in omnibus Variolis, Morbillis, Peste, Febri Ardente, Febri Continua, Synocho, Paraphrenitide, Stomachitide, ipsa Iliaca, in omnibus his morbis causa Nauseæ est diathesis inflammatoria, hic Vomitoria sunt damnosa venena, nam destruunt partes, nam in Inflammatione partes sic tensæ sunt, ut jam jam rumpendæ sunt, hinc natura fecit tantum dolorum, ut homo subterfugiat omnem attactum rei, si nunc concutiat corpus per Vomitoria, Necrosis inducitur,

tur, *Sydenhamus* notavit, quod felix fuerit in curandis Febris Intermittentibus, omnes has Febres, quæ de natura Inflammationis non erant, curavit Miffione Sanguinis & Vomitorio levi diluente, sed cum vocabatur ad dominum quendam, cum Pestis Angliam infestabat, præscripsit Venæ Sectionem & Vomitorium, tum dato Vomitorio longe periculosior evasit morbus, hinc associabat alium Medicum, qui cum illo morbo mederetur, sed æger mortuus est in ista Peste, & Medici in ejus cadavere aperto invenerunt Anthraces ventriculi os obsidentes, hinc si in hoc casu detur Vomitorium, facile videbis, quid subsecuturum sit.

4. Nil aliud hic opus est consilii, si quis unicum semis foliorum Senuæ assumpserit, altero die ingrati saporis recordatur, ubi de Senna plus loquitur, non cessabit Nausea, verum pro cura oblivioni trademus, nec dabimus amplius.

6. Sunt homines, qui in fella sedentes vel curru vecti, vel à primo in navem ingressu nauseam accipiunt, his malum oritur à genere nervoso facile mobili & oberrante spirituum Ataxia, in his optima sunt austera, quies, narcotica, aqua frigida, hoc consilio multis profui, qui mare ferre non poterant; serum lactis, poma Citria cruda, aqua frigida similiaque sunt optima, v. g. granum unum Opii dissolvatur in pauxillo succi Citri, superbibatur frigida aqua, hoc figet quodammodo nervos spiritus os ne indeterminate vagentur, hinc primo homo tenet se in aëre aperto sub navi, non in aëre clauso, secundo potet meram aquam frigidam, si hoc non satis juvet,umat ingrediendo in navim unam vel alteram pilulam Opii, & dein cum

aqua frigida sorbeat Mivam seu Pulpam Cydoniorum vel syrupum Granatorum, sic postquam his æquilibrium est restitutum, non periclitantur; poma Cydoniorum, spiritus Sulphuris Camphorata & similia austeram maxime conveniunt, quia fibras optime roborant, ne ventriculus subvertatur, si Nausea oriatur à vermibus seu lumbricis, tunc matutino tempore aqua frigida cum pauxillo Nitri & ferri in ea soluti optimum est remedium, si homines, qui à minimo concussu vomituriæ aliquid de radicibus Tormentillæ Lapathi Acuti vino infusis & assumptis capiant, ventriculum roboratum accipiant, idem per Chalybeata tempestive propinata obtinetur.

§. 642. *Profit.* In omnibus morbis acutis, ubi Inflammatio adest, & ubi materia putrida vel mucosa in primis viis, in omnibus Vomitorium primo initio datum curatur, sed si diutius protractum sit, tum magis magisque agitata acrior redditur, hinc ægri toto morbi decursu Nausea laborant, unde *Sydenham* miratur materiam rejectam esse tam paucam, ut non videretur talia efficere posse, si tum non daretur Vomitorium, laborant ut toto vitæ tempore, cogitate dragma una bi is puridæ in ventriculo hæreret, prima die non multum mali, sed semper magis magisque putrescit, unde malum augetur. *Hippocrates* dicit, quo vergit materia, eo ducenda est, & quidem in initio, & *Sydenhamus* fatetur, se Vomitorio neglecto in Febris Intermittentibus à Nausea incipientibus, pugnare dein semper debuiss. cum diris symptomatibus, quæ dato Vomitorio aliter non fuissent subsequutura, quales Nauseæ plerumque accidunt in initio Februm Autumnalium, quoniam Æstas tunc excussit humores.

*Cur frigida.* Hoc verum est in omnibus Acutis & Putridis Febribus, calida aromatica & pinguis horrent, hæret enim iis putridus & oleosus fomes, qui his augetur, nam hæc putrescunt in eorum Ventriculo, & omnes putrefactæ carnes & pisces faciunt Nauseam deterrimam, hinc natura hæc abhorret, hi ægti appetunt aquam, quæ diluit, acida & frigida, quæ ranciditati, putredini & calori resistunt, clamant sæpe, utinam haberem haustum aquæ frigidæ, quoniam calor à putrido rodente perpetuo adest, si offeratur ægro Nausea cum Febre laboranti pisciculum assatum conditum, vel calefacientia cum aromatibus, horret, sed si offeratur potus acidulus cum aqua frigida pura, certe redimit, ut Rex Thraciæ & Darius.

*Nil profunt.* Quoniam non admittuntur, mirum est, ut *Helmontius* consideravit, ventriculus est animal proprio sensu constans, nos summa fame laborantes non advertimus, quod simulac ovum putridum sit deglutitum, ventriculus repudiat, ergo si non superetur causa, quæ facit Nauseam, id est, quæ facit, ut ventriculus se evacuet non admittitur reliquum medicamentum. Habui hic sub mea cura nobilem dominam, quæ Dysenterico Fluxu & Vomitibus laborabat, advocabat autem septima morbi die, inveniebam eam penitus viribus fractam, nam intra viginti quatuor horas quidem quinquagesies alvum deposuerat maxime simul nauseabunda erat, dedi Acidula Austerâ, Opîata, Clysmata similia, nil proderat, revertens sequenti die vidi me nil profecisse & hanc viribus jam pene somnibus destitutam, iciebam non adesse Inflammationem, dedi ergo Vomitorium, ubi hoc ageret suum opus, tum Nar-

coti-

coticum compescens nocte exhibui, & mane multo fortior & integre restituta fuit, aliter continuasset Fluxus Dysentericus usque ad finem vitæ; *Bellinus* narrat, quod si putrefactissimi ovi granum semis micæ panis involvatur, & hæc pilula aureo folio obducta assumatur, tum ciēt enormem alvi purgationem, nam si tale quid hæreat in plicis ventriculi & intestinorum, perpetuo irritabit, & omnia incassum dantur, si non poterit illud excutere, sed si excussum sit, tum dentur acida austera, & erit tutissima methodus.

*Cur incurabile.* Si fiat pessima Nausea ab Ictero diuturno, quia substantia hepatis putrefacta fuit in intestinum, tum hoc est insuperabile, nam etiamsi acidis corrigi utcunque possit materia putrida, attamen non tolletur fomes, si vero demus Vomitorium, multo pejus cedit & orietur Hypercatarsis veterum, id est, superpurgatio, quæ fit quando fomes putridus ad finem usque se exonerat, idem fieri potest in splene.

*Appetitu.* Historiæ sunt plenæ testimoniis hujus rei, summopere tunc appetunt Haleces v. *Tulpius*, *Salmones* &c. pro cibo, pro potu acida, acetum, muriam salis &c. & natura eo vergit, nam ibi hæret humor putrefactus, oleosus, horrendus, hinc natura sæpe plus valet quam ars, ergo cum Medici vident peiores fieri ægros, jubent domesticos, ut reponant appetita ab ægris, ut illi quasi in opinati & aliis nescientibus in illa incidant. Sic vidi imprimis juvenem decumbentem in *Pharmacopolio* Febre maxima Inflammatoria laborantem & summopere appetentem acetum, quod illi negabatur, at illa caute de lecto in *Pharmacopolium* irrepens, tota lagena aceto plena

plena epota in lectum se recepit, eique morbus brevi post maximo cum sudore solvebatur; inde videmus, quantum peccant Medici, qui dant Vomitoria in Acutis, non observando unde procedat Nausea, nam si fomes non hæreat in materia libera nec adhærente partibus inflammationis pessime cedit, & Inflammatione adhuc acuta morietur æger, vide *Sydenhamum*, qui fatetur se occidisse matronam dando Vomitorio, cum esset Inflammatio in ventriculo.



*Ructus & Flatus.*

§. 643. Ructus est explosio violenta aëris sursum facta; qui ructus sunt flatus aperti, adsunt clausi, qui extendunt corpus, vel vagi dicti Borborygmi; flatus est materia elastica erumpens cum impetu; ergo naturalis causa flatus est elastica, causa elasticitatis multiplex esse potest, omne recludens plurimum aëris est elasticum, & quod remittitur pressioni, locumque priorem occupare studet, est elasticum aut Chalybs &c. quæ maxime resistunt.

*Elasticitatem.* Nam aqua non abit in ructus, nisi quatenus aërem habet, ergo causa semper est aer rarefactus se expedire conans.

*Fermentatione.* Fructus Horei assumpti hærentes, in corpore, primum veram fermentationem subeunt, quando nec diluti nec expulsi sunt, *Boyleus* docet, quod postquam omnem aërem ex vasa eduxerit, quod tum à fermentatione tantus aer generaretur, ut depresserit *Argentum Vivum*, ergo habemus triplicem causam,

fam, quæ facit ructus, 1. calorem, 2. effervescentiam, 3. fermentationem incipientem, hinc puto has tres causas esse in quolibet ructu, 1. aër præsens seu elementaris ab effervescentia, 2. aër calefactus & coercitus, ut exire non possit, sed sese extendens, 3. relaxatio claustrorum, quæ aëris exitus impedit, homo, qui Mustum recens magna copia bibit, ejus ventriculus distenditur, clauditur Pylorus, adscendit, tum resolutio Sphinctere fit impetus effervescentiæ, vel halitus, vel ructus.

*Dilatabilem.* Sic videmus, quod si modo scrupulum semis Olei Vitrioli immittatur scrupulo uni Salis Tartari in vacuo *Boyleano*, unde omnis aër eductus, ut Argentum Vivum per unam lineam descenderit, quando in hoc vasetum generatur tanta aëris copia, ut deprimat Argentum Vivum infra locum Horizontalem, tum per effervescentias oritur incredibilis aër, si acetum cum Lapide Cancrorum misceatur, oritur magna effervescentia. Flatus est explosio materiæ elasticæ fluidæ rarefactæ compressæ hunc iterum relaxatæ, aër ille in ructu & flatu est duplex; 1. aër externus Atmosphæræ elasticus, 2. aër, qui continetur in ingestis flatulentis, & qui inde educitur fermentatione vel putrefactione, ut accidit Rapis, & illa materies flatulenta, si subducatur, demonstrat *Boyleus*, quod generet multo majorem copiam & expansionem aëris, quod fecit *Boyleus* cum Rapis rasis in sua machina, ita ut inde Argentum Vivum deprimeretur, hinc corpora aërem generantia sunt 1. aër externus &c. 2. ex salibus inter se oppositis, verum quamdiu ventriculus & intestina non constringuntur, nec exitum impediunt huic materiæ flatulentæ, tum non generantur flatus

flatus, nam aer, qui ibi educitur, ex cibis tunc libere exhalare potest, verum si è contra intestina constringantur & intercludatur exitus aëri, tunc calor adhuc accedens facit majorem rarefcentiam & distensionem, ut accidit ventriculo, & quando clauduntur ejus ambo orificia, unde tum fit quasi angor mortis propter compressionem omnium viscerum vicinorum, si autem illi homini solvantur orificium superius ventriculi & Sphincter Œsophagi, statim fit ructus, & liberatur prorsus æger.

§. 644. Inter liquida solus aer maxime elasticus est, omnes reliqua fere solida elastica sunt fructus Horæi multum continent aëris, docente Boyleo in machina Pneumatica; capiebat plantas flatulentas, quas in quoddam vas immisit, quod obfignaverat & posuerat in illo loco parvum tubum aëre plenum, tum incipiebat generari materia flatulenta, ut vas comprimeret & extenderet contra superius vas, qui Atmosphæra extensus fuerat in illo tubo, & tandem vas creparet, ita ut vis materiæ flatulentæ non coërceri possit, nam sexties intumuerat supra vim Atmosphære. Hinc hæc proprie flatulenta sunt dicenda, Cerasa matura, magna copia ingesta, alii fructus Horæi, qui simulac calefcere & fermentare incipiunt, ventriculus intumescit, hinc fibræ ventriculi distenduntur, orificia clauduntur, quod parit anxietatem. A Boyleo demonstratum est putrescentia de novo generare aërem, vel præbere materiam ructui, non ergo putandum flatum semper esse à frigore aut in maximis Inflammationibus & calidis morbis, ubi morti jam proximi sunt ægri, ructus adfunt, aliquando tamen sunt à frigore, ergo hæc vel simi.



similia hærent in *Æsophago*, *Stomacho* vel *Intestinis* procreabunt ructus & flatus; flatus aliquando tolerabilis est, aliquando est lethalis, ut vidi in mortuis sphacelata inde intestina à violentia materiæ elasticæ & fætor est varius; distinguuntur flatus secundum violentiam & qualitatem, de violentia dixi. Qualitas, id est, quidam sunt acidi in frigidis, acidoque laborantibus & docent in fermentationem tendere vegetabilia, 2. quidam sunt nidorosi instar piscium cum oleo frixorum in sartagine, & demonstrant hæere putrescens in stomacho, hinc in initiis & finibus Acutorum adest, 3. quidam sunt in ultimo gradu putridi, sic fætor cadaverosus est pessimus, indicans corruptionem humorum & solidorum prænuncius Gangrænæ & futuræ mortis.

§. 645. *Libere*. Si homo perfecte sanus hæc assumat, tamen flatus non dimittit; sed si unum frustum *Pomi* in intestinis comprimatur & intercludatur, tum potest ibi fieri tanta distensio & Inflammatio, ut pessimum creent Colicum Dolorem, Volvulum, Miserere mei & postea mortem, vidit *Ruyfchius* disseccans cadaver, cor triplo vel quadruplo distensus solitio, & puncta tunc *Aortâ* exiit flatus cum sibilo, & subsidit cor; notum est, quod corpora fermententia si coërceantur, maxime evadant tam fortia, ut omnia disrumpant, quod patet præsertim in musto fermentato in dolio arcte clauso.

*Laxati*. Ergo flatus proprie est materia elastica, quæ calore corporis assiduo motu respirationis deducitur in maiorem rareficientiam, si simul accedat Spasmus in fibris *Æsophagi*, *Stomachi*, *Intestinatorum* contractione clauditur elastica materia rarefacta calore & motu, si  
fibræ

fibræ maneanť contractæ, flatus fixus manet Belgice (*besloote winden*) extendens ad rupturam usque, si aperiantur, abeunt in alium locum reclusum, & faciunt mobiles ructos dictos Borborygmō Belgice (*Rommelingb*) qui sunt flatus vagi, si in utroque orificio ventriculi constrictione fiat oritur Colica Stomachica dicta, qua maxime tenditur Stomachus, unde sæpe ægri enecantur; ingesta conclusa calescunt, rarescunt, extenduntur, ut mustum in dolio clauso, stomachus quasi rumpendus extenditur, & simul magis clauditur à tensione; facitque terribilem morbum Colicam tectam ventriculi Belgice (*verboolen maag-colijk*) qui teterrimus est morbus, maxime post venena assumpta, comprimit venas Jugulares, hinc rubor faciei & Hysterica Passio oriuntur; totus morbus tollitur, si ructus erumpat; hæc causa ventorum conclusorum est materia, 1. elastica, 2. calefacta; hinc in mortuis desinunt, 3. mota, 4. conclusa Spasmo contractili, si reciproce laxentur, ructus exeunt per Æsophagum, si Sphincter ani agat crepitus fiunt, si in intestinis vagus sit dolor, fiunt Borborygmi, si fixus sit in illis, est Ileus, si in Stomacho Colica Stomachica, si in Æsophago, Hysterica Passio; ructus in Hystericis sæmīnis contrahit musculos Æsophagi, vidi sæminam obnoxiam huic malo habere tumorem in Collo, quod manu mea admodum sentire poteram.

*Ructus* &c. Quando una parte intestinorum contracta aëre interceptus turgēt, & cum salutatione abit.

*Borborygmi* fiunt, quando oberrant flatus in intestinis nunc in hanc, nunc in illam partem, quia utrumque clausa est illa pars intestinorum,  
in

in quam, aberrant; quod videmus præsertim in virginibus Hysteriis & Melancholicis viris oriri. Flatus oriri possunt in corpore sine materia flatulenta, nam v. g. simulac affectu quodam movetur genus nervosum, ut his ægris, id est, vaporibus obnoxiiis, accidit, fit flatus. Forte circa materiam flatuum observandum est, quod omnia venena atrocia, Antimonium, Arsenicum, Mercurius Præcipitatus &c. perpetuo flatus faciunt, imo ab Arsenico totum Abdomen turgēt, intestina corrugat in statu sanitatis, jam summopere turgent, ab aëre distendente, nam per Œsophagum perpetuo aërem dimittimus, sed quando hæ partes Spasmo contractæ sunt, tum aër sursum vel deorsum pellitur, si applicetur venenum ventriculo, clauditur os ventriculi, ut ne guttam transmittat, hoc accurate observavit *Wepferus*, sumebat in animali vivo aperto penicillum oleo Vitrioli intinctum, tum attigit medium ventriculi, unde fiebat tanta contractio, ut in oculo, tum statim oriebatur Inflammatio, quoniam aër non æquabilior pervagabatur, sed rarefcebat, intercepta fistula, ac si vi inflata esset, non ergo putemus, quod ructus & flatus à materia flatulenta semper oriantur, sed etiam sæpe à Spasmo, si hic adsit, tum materia intercepta omni-momento dilatatur ad crepaturam usque. In actis Britannicis est sequens historia, juvenis qui biberat multum vini & deinde cerevisiam suppressam in actu fermentationis (*Belgice bottel el*) it postea cubitum, & maximo dein per noctem affectus fuit Dolore Colico, qui nec Venæ Sectione nec Vomitoriis nec ullis medicamentis tolli potuit, sed brevi mortuus est; in aperto cadavere inventa sunt intestina maxime inflata

& spasmodice affecta, pluribusque in locis admodum incrassata, & Colon inflatum ad capitis magnitudinem.

§. 646. *Simul.* Si quis succum Uvarum recentem pressum seu mistum biberit, vel qui Uvas ad libras quatuor vel quinque, ut belluones faciunt, devorant, ventriculi orificiis constrictis nondum modo aget ut in dolio, quod in millena fragmenta vi sua diffringitur, nisi feramentis undique fuerit oblitum.

*Perstant*, id est, si elastica materies rarefascens pressa sit, & constrictio duret, tum tristissima fiet morborum caterva.

*Tum calore.* Id movebitur per respirationem, & propria vi fermentante dilatabitur.

*Dilatationem.* Tunc fit summus dolor, ac si intestinum dilaceraretur, quia ita tenditur, hinc non ultra duas vel tres horas malum durat; sic à cerevisia recenti lagenis inclusa (*bot-tel bier*) sæpe Spasmi & dolores intolerabiles fiunt, imo hi Spasmi post mortem sæpe perdurant.

*Membranas claudentes.* Ponite partem intestini ita interceptam, tum tunicae comprimuntur uti & vasa, ut Inflammationem faciant. Cum autem membranarum extensio sit etiam nervorum, hinc videmus quare summus oriatur Dolor in Colica Flatulenta.

*Comprimis.* Facit talis flatus primo ut membranae dilatentur, ut vesica inflata, conclusa, aëre ad ignem rarefcente rumpatur, simul tensa expanditur ad crepaturam usque, quasi fibræ singulae violento torculari extenderentur, irruit per Paroxysmos. In membranis hærent vasa intermedia, quæ tractione comprimuntur, evacuantur, nutritio tollitur, & oritur illa anxietas

xietas intolerabilis, in qua ægri clamant se morituros.

*Cessante*, putantes mox se morituros emissis flatibus sani sunt, hinc patet causæ citæ mortis à cibis & Horæis nimis assumptis. Est genus pessimæ Colicæ, in qua multi flatus dimittuntur Belgicæ (*Gesloote Colyk*) ejus causa est acredo occupans partes, hinc pars intercepta tumet, ergo Arsenicum facit, ut intestina non erosa, ab illo sed adeo distenta sint, ut ultimo tunicæ discedentis rupturam producant. Membranae totæ quantæ scatent arteriis, hæ igitur à flatibus comprimuntur, & fiunt quasi mortuæ, unde ab illis compressionibus tum sæpe oriuntur Gangrænæ lethales, & hæc est ratio, cur post magnum usum fructuum Horæorum & præsertim si vinum tum superbibatur, unde fient teterrimæ Cholerae lethales, ita non debemus addere vinum supra fructus Horæos, tum enim fit magnus motus & expansio ingens, non autem correctio, ut vulgo creditur, ideoque uti fit in regionibus calidis & in illis præsertim ubi vini usus non est, debemus aquam calidam superbibere.

*Flatus* nunquam fit sine Spasmo, haurimus enim semper eandem aëris copiam per deglutionem, sed in uno corpore non in alio apparet, quando per vices compingitur; ergo causa materialis est aër, sed efficiens est Spasmus, ille aër tum ita distentus, calefactus, se sic manifestat, hæc phænomena resolvit, videmus v. g. hominem Hypochondriacum affici contumelia, angetur, dimittet ructus & flatus, donec subsiderit animi affectus, sed hic angitur, quod non dimittit spiritum in musculum Strictorem ventriculi, verum momento post in pristinum

vigorem restitutus, tum iterum haurit aërem in Æsophagum, quem antea dimisit, nunc posito solo aëre in corpore, & Spasmo in intestinis vel Æsophago, tum ab aëre se sic expandente morbus tam ingens & periculosus fieri potest, ut intestinorum vasa non modo compressa sed etiam Gangræna afficiantur, ut explicui; ergo videtis quanti momenti hæc consideratio sit? Spasmus est vel à systemate facile mobili, uti in Hypochondriis & Hystericis patet, nonnulli ita moventur, ut ileo laborent, lacrymentur, rideant, urinam dimittant, alvum solvant, &c. à causa levissima; hi viri sunt semper Hypochondriaci, & hæc sæminæ sunt semper Hystericæ, vel quorum genus nervosum est semper mobile, tum à causa maligna ortum habent, vidit *Wepferus* ventriculum & intestina sese contrahentia ab acri quodammodo applicato, uti oculus sese contrahit, ex his multum lucis habemus; hoc *Hippocrates* tanti fecit, ut integrum tractatum de Flatibus scripserit, ut demonstraret, quod Flatus in omni corporis parte inveniri possint, ad quam rem probandam sufficit unum exemplum, quod in observationibus *Ruyseii* invenitur, cum cadaver aperiret & inveniret cor distentissimum, incisa parte elastica erupit Flatus cum sibilo, nunc omnis Flatus pro materia habet aërem, sed ille aër est vel naturalis vel factitius; aër factitius vocatur ille, qui ex parvo corpore magna copia se dimittit, demonstravi vobis, quod ex una gutta olei incredibilis aëris copia erumperet; ille aër factitius fit vel quatenus solvitur ex corporibus, quibus adhærescebat ita, ut copia ingenti in spatio minimo nunc constet, quod aër ad 2500. spatium minus

quam ante occupavit, comprimi possit, intelligitis ergo quantum ejus pondus, si ergo talis particula ex loco minimo solvi possit, tum habet maximum spatium, hoc *Hippocrates* per observationes descripsit, hinc ex Pomo tantum aëris provenit, quoniam aer ibi tam est compactus, si illa solvatur, fit millecuplo extensior, cum nunc non sit demonstratum, quo usque hæc extensio fiet, etsi aër millecuplo compressus incredibiliter se expandat, ergo patet, quod materia flatulenta est aër, ille aër factitius se restituens in pristinum statum reducitur, vel fermentando vel putrefaciendo vel per quædam corpora opposita sese extricando, ergo intelleximus causam naturalem Flatuum. Est morbus, qui vocatur *Inversio Intestinorum*, ubi intestina transeunt per angustum & assidue pressilem tubum, dein interceptus aër inter duas stricturas erit latior, & intra stricturam inferiorem, si strictura inferior tollatur, & cum ruat flatus, qui, novo accedente liquido, magis constringit intestina, hinc fit morbus *Volvulus* dictus aut vera convolutio.

§. 647. *Auferendo materiam.* Illa materies est vel aër, vel materia fermentans, vel ructus vel materia effervescens à salibus oppositis. Quæ cura hic requiritur? Medici generaliter respondent dandos esse potus carminantes. Quid est carminare? Vox est à Poëtis desumpta, quibus carminare est Belgice (*streeken*) adeoque vox incognita obtruditur, intelligunt vero Medici medicamenta facientia, ut Flatus clausi erumpere possint, quæ sunt sequentia.

*Diluentia.* Si æger aquam ferre possit, potus Thee vel Coffe vel infusum Sassafras est primum remedium, addantur calida aromatica  
levi-

leviter dissipantia, ut sunt semina Carminativa vulgo dicta, semina Bardanæ, Coriandri, Dauci Cardamomi, Anisi, Fæniculi, Petroselini, Carui, Celeri, Apii, quatuor semina calida majora & minora, radices Angelicæ, Galangæ, Calami Aromatici infusa cum aqua fervente; pulveres Diagalangæ, & Diacalaminthi parva copia adhibeantur, ne irritent nimium, sed larga aquæ copia misceantur, & hoc est summum remedium Anticolicum vel Antipneumaticum, id est, pro Flatibus: hoc modo ratione aquæ ferventis ipsum corpus aëreum profligamus & ratione Balsami alium motum inducimus, videtis mulieres Hystericas constricto collo vix animam ducere posse, nam sic Æsophagus expandi potest, ut asperam arteriam comprimat, applicetur spiritus salis Ammoniaci, qui movet spiritus, tum statim alius fiet motus, ergo calida aquosa diluentia habentia stimulum aromaticum sunt optima, nempe si quis pintam unam aut duas potet Thee vel Coffe cum Mentha & similibus: clysmata ex floribus Chamemeli &c. & similibus.

*Salium præpondium* est sæpe salium oppositorum magna dosis data, ut infantibus sæpe hæret in ventriculo caseus grumofus, ubi si detur sal Tartari aggrediens caseum acidum oritur violenta ebullitio, unde infans sæpe moritur, quia ventriculus flatibus distenditur & Convulsiones oriuntur, si ergo à salibus fiat origo; statim faciendum est, ut alteruter sal dominetur, ex gr. infanti tali dabo acerum, quo exstinguatur, dein acidum aceti superabo alio leni non fermentante. Si quis sumpserit in prandio sales oppositos in actu effervescentiæ, ut in hac urbe aliquando mos erat in prandii



sumere sales Cornu Cervi cum Acetariis, tunc illis sunt porrigendi sales acidi, ut superare possint alcalinum, v. g. tum prodest succus Citri, hinc hoc symptoma est tollendum multo acido vel multo alcali, ut per salem Absynthii, dummodo alteruter sal prædominetur, aut etiam utrumque corpus fermentans subverti potest per oleosa; hinc si æger haberet alcalinum & acidum fomentum in ventriculo, est perpétuo flatulentus, sed simulac alcali vel acidum prædominet, omnis fermentatio est sublata. Putrescentia fermentant & valde se expandunt, hinc si inde oriatur morbus, acida semper conveniunt, quia putredini sunt contraria & putredine sublata flatulentia tollitur. *Sylvius de le Boe* dicit nullum medicamentum in hisce casibus sibi melius observatum esse quam spiritum Nitri Dulcis; spiritum Sulphuris per Campanam. Lapidem Cancrorum vel copiam Creatæ satis magnam, quod verum est; hoc didicit in morbo Pestilente putrido *Lugduni-Batavorum* grassante, ubi spiritus Nitri Dulcis datus compescuit putredinem & anxietates inde ortas sustulit.

*Fermentationem.* Vocatus fui, elapso aliquo temporis spatio, ad ægrum, qui fructibus Horæis repleverat ventriculum, unde stomachus ita expansus erat, ut fere creparet, unde Cholera & multa mala oriebantur; in eo casu oportet educere materiam, hoc optime fit per Vitriolum, quia statim agit, cum cætera vomitoria ad aliquot horas in ventriculo remaneant, hinc *Gilla Theophrasti* exhiberi potest ad scrupulos duos, tres vel quatuor, & tum flatulentia desinit.

*Sedantia*, qualia maxime sunt spiritus Nitri Dulcis vel spiritus Sulphuris per Campanam, hinc

hinc in Autumnalibus ob nimios fructus Horæos comestos sæpe incidunt homines in Cholera quæ optime curatur per oleum Sulphuris per Campanam vel Sulphuris fumos; sed horum compendium est in oleo Sulphuris per Campanam, quod etiam purius est oleo Vitrioli; sic Vomitorio prius dato talem Cholera & flatus curat Sydenham. Riverius dat Citri succum valde acidum, qui subtilissime dissipat.

2. *Sedantia.* Materia nil mali facit, si non fuerit caustica, nam si Mustum hæreat in ventriculo, inde constringatur stomachus, & Convulsiones oriuntur, quæ, laxatis fibris, tantummodo sedantur.

*Lenientia acrium.* Si morbus sit ab acido, alcali fixum vel pulvis absorbens exhibetur; si vero ab acri putrido proveniant flatus non ita, si homo hausit Mercurium Sublimatum, huic alcalia optima sunt, quoniam hæc acidorum antidota sunt, si vero sumpserit Arsenicum, tum cremorem lactis assumere debet ad integras libras, ut venenosa spicula involvantur, nam Arsenicum non habet antidotum, quantum novimus, si vero Arsenicum hauserit, ut se jam fixerit in vivas partes, æger peribit; hinc ab acribus fit constrictio, acetum oculum adstringit, spiritus Nitri pulmonem, ut in cane aperto ab Aqua Forti intestina valde contracta inventa sunt, in hoc casu conducit clyisma ex oleo vel decocto Lini, quia impactum acre mitificat, ut, sublata causa, effectus cesset.

*Compescencia spirituum.* A tumultuario spirituum influxu fit Spasmus, quo sublato, fit flacciditas, laxatio, & species Paralyseos. Opiū cum sit princeps agens in spiritum, tunc facit corpus quasi Paralyticum, & sopitur motus.

tus inordinatus, abeuntque Flatus, hinc Opium est domitor Herculeus spirituum, qui peierant fere luctibus, sumpto pauco Opio restituti sunt, si nunc ex hisce componatis medicamenta, facile fiet cura; hinc Opiata hic summa sunt remedia, nec immerito summus est eorum laudator *Sylvius*, nam Spasmos & eorum effectus coërcent; *Diascordium*, *Laudanum Opiatum* huc faciunt, *Diascordium Sylvii* ad scrupulum unum vel *Fracaistorii* ad dragmam unam.

*Antihysterica* sunt omnia illa, quibus natura abhorret, hinc tum fit alius animalium motus, quæ remedia conveniunt *Hypochondriacis* & *Melancholicis*; hæc medicamenta sunt salia acris ut *Ruta*, *Sabina*, *Mentha*, *Myrrhus*, *Crocus* &c. hæc irritant nervos & spiritus impetuosos colligunt in unum locum & coërcent, ne dissipentur, hæc ita agunt, dum in hoc casu nervi afficiuntur, aliter spiritus determinant v. g. *Castoreum* & cæterea ad nares adhibita plus propellunt spiritus ad intestina, quo facto ructus, Flatus, crepitus, qua data via, erumpunt; optima sunt gummi *Sagapenum*, *Ammoniacum*, *Opopanax*, *Affa Fætida*, *Castoreum*, *Succinum*, *Myrrha*, *Spiritus salis Ammoniaci*, *Volatilis Cornu Cervi*, *Tincturæ* & *Oleum Succini*, quæ profunt, quia æquabilem spirituum influxum promovent, v. g.

℞. Affæ Fætidæ

Castorei optim.

Borrac.

Myrrh. el. ana ʒij

Olei Succini gut. x.

M. F. Pilulæ sing. gr. iv.

℞. Aq.

℞. Aq. Rutæ ℥viij  
 Elix. ppt. cum sale  
 Tartari præparat. ℥iv  
 Spiritus salis Ammoniaci ℥j  
 Syrup. Artemisiæ. ℥ss.  
 M.

3. *Clysmatibus*. De hisce ante dixi, hoc tantum addo, si æger flatibus distentus laxari possit, flatus amplius non habet; hinc tale clyσμα optimum erit.

℞. Fol. Bardanæ  
 — Rorismarin. ana M. ss  
 Sem. Cardamomi ℥ss  
 Conscissa & confracta coquantur  
 in f. q. Aquæ puræ colaturæ ℥iv  
 addatur Sal gemmæ ℥j  
 Mel. Rosat. ℥j  
 M. F. Clyster.

*Epithematibus* ex Malva, Althæa, Melilot &c. optime etiam tum conducit spiritus vini tegulis calidis applicatus vel solus vel cum Theriaca Diascordii Philonis Romani &c. huc facit spiritus Carminativus Sylvii vel Aqua Vitæ Matthioli; hæc sunt bibenda, per Clysteres injicienda, per fomenta & epithemata applicanda.

*Cucurbitis*. Hæc mirabilia faciunt, & in omni morborum genere, ubi est nimia tensio fibrarum convenit, inde vidi summos effectus ita ut morbus quasi incantatione tolli videretur, hinc sumantur Cucurbitæ & applicentur, vix fugunt & frigescent, quin dolor & flatus abierint,

rint, ergo faciunt aliam determinationem spirituum, hinc in magnis casibus, ubi magnus intestinorum Spasmus adest, Cucurbitæ sunt adhibendæ, memini me vocatum ad ægrotum agonizantem, & suasi, ut calefactas Cucurbitas adhiberent, & citissime, quando Cucurbitæ trahebant, aqua frigida applicabatur, tunc illico dolor abiit, sed non oportet ut scarificatio adsit, ratio esse videtur, quoniam laxando musculos Abdominales aër per intestina libera transire potest, tamen necesse est, ut Cucurbitæ sint amplæ, si videamus sæminam Hystericam non posse ulla ope liberari à flatibus, tum oportet imponere umbilico magnam Cucurbitam (omnium tales optimæ sunt, quæ fiunt in machina *Boyleana*) & fortiter attrahere, tunc enim magnus motus vel tonus inducitur generi nervoso, unde mirifice sanantur mulieres Hystericæ & viri Melancholici; hæ Cucurbitæ scrobiculo cordis impositæ, ubi omnia incassa fuerunt, maxime juvant.

§. 648. Qui cibi sunt flatulenti? 1. qui plurimum habent visceri, 2. multum aëris inclusi, omnes qui generant in calore aërem factitium, id est, omnes fermentabiles & facile putrescentes, & maxime quibus conjuncta est acrimonia, unde viscera contrahuntur, ut sunt omnia aromatica, quæ solent Flatus producere, sic Nasturtium, Cochlearium, Rapa, Raphanus non solum ventositate, sed etiam acrimonia sua flatulenta sunt, & hæc sunt ex quibus Chemia sal volatile acerrimum elicit, si illud acre & fermentabile simul occurrat, pessimi generis sunt, omnes Fabæ, Glandes, & fructus Horæi eundem effectum producant.

*Potus* flatulenti, qui in fermentatione po-

tantur, ut cerevisia faliens Belgice (*bottel bier*) vel qui in actu fermentationis incipiunt esse, ut incipiens cerevisia Belgice (*geyl bier*) maxime flatum excitant, tum multum purgant, idque maxime ex Pomis vel ex Pyris.

*Venena flatulenta*, Mercurius Sublimatus, Arsenicum & omnia, quæ tantam habent acrimoniam, ut Æsophagi, Stomachi & Intestinarum fibris applicata Spasmodum inducere possint, hæc effecta ut & signa sunt assumpti veneni, nempe tumor Abdominis Belgice (*de buyk swelt als of hy vergeeven was*) Spasmo contrahuntur, omnia tument, ut æger per medium crepare possit, qui Spasmus perpetuo durat, donec adveniat aqua illud venenum diluens, quod idem accidit oculo, si acri quodam attingatur.

*Medicamenta flatulenta*. Ut Esula Campana, Euphorbium, semina Carui, Anethi, Bardanæ, Angelicæ, Dauci, Petroselini, Fæniculi, omnia acida acria, purgantia acria, tormina excitantia, Pulvis Vomitivus & non dando materiam sed excitando causam spasmodicam, hæc faciunt hanc venenorum actionem, quod optime demonstrarunt *Peyerus* & *Wepferus*, dum canibus Abdomen aperuerunt & applicarunt intestinis venena, statim hic illi fuerunt constricta intestina, quia aer rarefscens interceptus facit tumida loca constricta.

*Cur vacuis?* Quoniam intestina vix contracta aëre plena ad motum Diaphragmatis aërem huc illuc moveri faciunt, nam qui diu jejunant, flatibus distenduntur, murmurant intestina, nam flatus motu respirationis nunc in hunc, nunc in illum locum pelluntur ab acredine constricti, hinc lepidus servus apud *Plantum*

dicat in Theatro intestina famem annunciare & de vacuitate murmurare.

*Cur vulneratis?* Ob nervorum puncturam & Spasmodum musculorum.

*Cur Abdomine?* Nil notius est quam quod fœminæ delicatæ, quæ junceum student reddere corpus, ut fiant Belgice (*fyn van midael*) Abdomen, simul intestina, & præsertim intestinum Colon fursum comprimant, vnde flatus clausi descendere non possunt, iisque sint in Abdomine murmura instar coaxantium Ranarum, si hæc vincula solvantur, redit statim libertas. Domicellæ Passioni Hystericæ sunt magis obnoxie, quia habent genus nervosum maxime flexile, spiritusque admodum mobiles, non vero rusticæ virgines.

*Hypochondriacis.* Hi habent spiritus maxime mobiles, & eorum Sensorium Commune facile invertitur, si viscera non fuerint læsa, totus ille morbus tantum consistit in facili illa spirituum volubilitate, ut cecinit *Horatius*:

*Irasci facilis tamen, ut placabilis esset.*

Sic etiam Hystericæ, vide *Sydenham* in Tractatu de *Affectu Hyterico*, hæc perpetuo Flatus eructant, Epileptici fiunt ob nervorum effectus, uti & Colici ob adstringentium acredinem.

*Convulsis.* His autem Convulsio fit præsertim in ventriculo & intestinis, quæ partes sunt maxime nervosæ, hoc observamus in Epilepticis &c. qui in Paroxysmo emittunt urinam, fæces, semen, flatus, ructus, nam spiritus animales, præsertim agunt tunc temporis in visceribus Abdominalibus, quæ omnium maxime abundant nervis.

*Colicis.* Hi habent dolorem summum in intestino

fino Colo, nunc omnis dolor, qui ibi oritur, non est ab acrimonia, sed plerumque est à tensione, si nunc Spasmi in intestino Colo contrahentes illud sic distendunt. Colicus Dolor vocatur omnis dolor intestini, siue sit ab acri siue à flatibus, si dolor hæreat circa Umbilicum, nec Flatus transire possint, tum est Dolor Colicus in intestinis tenuibus, si cum Tenefmo egerendi alvum, tum est in Recto, si modo ad unum latus, modo ad alterum vadat, tum erit in Colo, ostendit *Wepferus* experimento, quod nunquam intestina ab aliqua re acri attingi possint, quin statim spasmodice se constringant, si vero ille Dolor Colicus nimis diu duret, tum orietur susceptio intestini, *miserere mei*, id est, Ileus verus.



## Vomitus Febrilis.

§. 649. Est symptoma febricitanti accidens molestissimum, minime satisfaciens inquirenti. Primo est expulsio ex ventriculo, si enim tantum sit in Æsophago vocatur simplex regurgitatio materiæ, quæ vomitu redditur, hinc tantum illa, quæ est in stomacho, adeoque prima materia erat hærens in stomacho, sed à secundo per vomitum evacuantur intestina, ergo & simul omne, quod in intestinis hæret, nempe Succus Pancreaticus, Lympha, Chylus, imo fæx alvina, ultimo egreditur, non in Ileo, ubi est susceptio intestinorum, sed in *miserere mei*, ubi scilicet est egressus à podice ad gulam, hinc materia vomitus modo est 1. ventriculi,



2. intestinorum, sed & 3., quæ ex visceribus se in intestina evacuantes deponitur, ergo quidquid ex Hepate, Liene, Pancreate, arteriis Mesentericis in cava intestinorum fluit; hæc tertia materia est, sub qua continetur bilis, ex vesicula deprompta, unde vomitus est biliosus & alter fluidorum succus Hepatis, lymphaticus magis, unde est Cholera vomitusque serofus & lien se evacuat in hepar, materia hujus atrabiliaria per portam dilatatam perque hepar, materia est, sub qua continetur bilis ex vesicula deprompta, arteriæ Gastricæ, Epiploicæ &c. evacuant se in hepar, adeoque hæc omnia possunt expurgari, hinc intelligitur, unde sæpe tanta saburra vomitu ejiciatur, ut primo navigantibus post anxietates fit Nausea, plurimum vomunt, & mirantur se paulo ante sanos tantum pituitæ rejicere posse, altero die iterum vomendo rejiciunt bilem flavam & magis anguntur, bilis tunc ex vesicula fellea simul expurgatur & simul maxime anguntur. Ultimo vomunt Lympham Salsam, tunc omnia viscera summopere evacuantur, hinc triplex materies per vomitum rejici potest, vel 1. quod per Œsophagum intrusum fuit, 2. vel quod per ventriculi tunicas transfudavit, 3. vel quod ex intestinis per pylorum ascendit in ventriculum. Sæpe etiam puris vel sanguinis in visceribus hærentium ejectio fit v. g. dato Antimonio, primo ventriculi contenta ejiciantur, ubi dein aqua, tum bilis ultimo materia atra salsa cum summis anxietatibus, causa proxima non est violenta ventriculi contractio, nam omnis ventriculi contractio est potius clausio, quam ejus evacuatio, hinc aliter se res habet observantibus *Wepfero*. & *Peyero* post data vomitoria;

hi viderunt, quod ibi inceperunt vomitus ex suffocato ventriculo & omnibus intestinis mensæ statim impositis, tunicæ exenterati ventriculi sed adhuc aliquo modo contraherent; notarunt, quod sæpe magna vi oriretur talis contractio, quæ pellebat etiam in exenteratis contenta in Æsophagum, non adeo per fibras transversas, sed per parallelas. In Academia Monspeliaca Collegium Medicum dedit animalibus vomitoria, tum incipiente vomitu subito aperto Abdomine visum est, quod tres actiones faceret vomitus nempe contrahi Diaphragma & musculos Abdominales, simul quidem ventriculum sed parum; ergo duplex contractio una ventriculi sola non sufficiens, altera pressione Diaphragmatis simul actionem musculorum Abdominalium facta; necessario ventriculi contenta sursum pellunt, hinc vomentes sentiunt quasi attolli & sequi Abdomen, & patet in cane vomituri, quod ventrem introtrahat, hæc est causa proxima, Convulsio fieri debet, si plumula oleo illita per fauces hinc inde trahatur à Convulsione, hinc fit vomitus, & si Æsophagus digito irritetur, quasi sursum trahitur & convellitur, tum Convulsio musculorum, intestinorum, Diaphragmatis, musculorum Abdominalium juxta observata *Peyeriana* & *Monspeliaca* fieri debet; ergo in vomitu semper duo adsunt, unum inversus fibrarum ventriculi motus, quo contenta à Pyloro ad Æsophagum determinantur, & simul fiunt contractio & convulsio in dictis musculis, hæc est causa proxima; causa remota est omnes nervi harum partium, qui ab eadem radice pari vago & intercostalibus inter se communicant, docentibus *Lowero* & *Willisio*; hac ratione omnes

irritantur, hinc causa remota vomitus est irritans quodcumque nervos ibi dispersos. Veterum opinio fuit, nempe vomitum fieri, tantum per hæc tria, sed *Wepferus*, *Pejerus* & *Chirac* Medicus olim Monspeliensis & nunc Parisinus ostenderunt impossibile esse, ut ventriculus per suas proprias fibras solas vomitum faceret, de hac disputatione vide, quæ dixerint in *Actis Parisinis*. Quando ventriculus est plenus & cogitur vomere, tum retrovertitur ventriculus à Diaphragmate & valide tunc trahitur *Æsophagus*, unde summopere in vomitu dolemus, præsertim ibi loci, ubi *Æsophagus* Diaphragma ingreditur, quia ibi est nervosissimus.

§. 650. *Stomachus* vocatur *Convulsus*, si motus fibrarum parallelarum à *Pyloro* incipiens ad *Æsophagum* determinatur, hinc fit vomitus, quod patet in *Cicuta Aquatica Wepferi*, qua cani data is vomebat ad mortem usque, aperto Abdomine visus est ventriculus sic contrahi à *Pyloro* ad superius ventriculi os, at in chylicatione fiebat motus ab *Æsophago* ad *Pylorum*; ergo hic motus est inversus.

*Inflammatus*. Ex Inflammatione oritur vomitus, in *Pelle* enim ventriculi sæpe Inflammationes & Anthraces (unde ventriculus à quacunque re attingente) constringitur) inventi sunt.

*Suppurantis*. Simulac quidquam incurrit in suppurantis ventriculi parietes, enormis vomitus oritur, sæpe enim ibi hæret alius unde vomitus purulentus; exempla prostant in *Pleuritide* à tantillo *Cardialgico* multos plurimum paries ejecisse & sanatos fuisse.

*Scirrhus*. Post Inflammationes male curatos agri

ægri accipiunt Scirrhus in ventriculo, qui Scirrhi, si nimis calidis tractentur, cancreſcunt, unde tot mala & quærelæ ægrotantium ſunt, quod nihil ventriculo retineri poſſint, quod Lugduni Batavorum in cadaveribus apertis & apud Bonetum in Sepulchreto Anatomico fuit obſervatum.

*Cartilaginofa* In hac urbe tractabatur à *Clariffimo Nuckio* mulier, quæ ſimulac quidquam deglutiverat & deglutitum in ventriculum pervenerat, ſtatim vomitu illud reddere coge-batur, donec tandem blanda mors ipſi pro medicina fuit, poſtea aperti cadaveris ventriculi os ſuperius inventum eſt cartilagineum; unde talis irritatio fiebat, ut vomitus ſubſequeretur, quia licet ventriculus eſſet immobilis, tamen fibræ adhuc bonæ contra cartilagineum corpus con-vellebantur.

*Febre Acuta.* Si cauſa remota ſit in ventriculo & ſanguis valde moveatur, facile vomitus ſuccedit.

*Pertinax.* Quia nulla medicamenta ventriculus retinere poteſt; ſæpe oritur à Cancro dolor maximus circa ventriculum, tum vomitus ſuccedit materiæ atrabillariæ & purulentæ; hæretque in hoc caſu ſpecies veri Canceri in ſtomacho, quo manente non curatur vomitus, hinc vomitus ad mortem uſque durat, cognoscitur an homo vomat ab inflammato ventriculo, ex dolore ardente, pungente in ventriculi regione aucto ad inspirationem, tuſſim oſcitantem validam, ſuſpiria ad minimam ingeſtionem ciborum, potuum & medicamenti cum Febre Continua Acuta, ſi hæc mala adſint tum vomitus eſt ab Inflammatione. Qui laborant Variolis (quia egrediens ſaliva eſt permixta cum ære

re ex corpore affecti) primo habent dolorem circa ventriculi os, & quidquid in hoc casu datur sive vomitorium sive aliud, nihil juvat, hic enim est diathesis inflammatoria circa superius os ventriculi, simile quod in omnibus morbis contagiosis observatur, certus sum, quod Inflammationis curatio sit etiam hujus vomitus sanatio.

§. 651. *Vitio viscerum.* Si aliquid viscus, quod ventriculo proximum est, sit inflammatum, tum tumente ventriculo tenditur, irritatur, & facit Convulsionem ab irritatione ortam, nulla pars est in corpore, quæ si attingatur, quin se convellat, ponite aliquam partem alicujus visceris stomacho adurentis inflammatum, simulac nunc homo tantum comedit, ut ventriculus distendatur, statim adest vomitus, hæc est ratio, cur etiam in Inflammatione Lienis, Hepatis in Nephritide, dolore Iliaco, Mesenterico, vomitus adfit, Deus fecit nostrum corpus, ut expellere possit, quæ hausit, si venenum sit haustum, si Diaphragma pertusum, vomitus accedit, sic sæpe incognita causa pertinacissimum fecit vomitum, si accedat Febris, has partes magis magisque distendit, tum pluri Medici cogitant de ventriculo, sed an non certi sumus per experientiam *Hippocraticam*, quod si modo calculus inflammatorium punctum tetigerit, statim vomitus sequatur, ergo vomitus fieri potest, ubi ventriculus nil omnino in culpa est. Si quis Scirrhus Hepate; Liene; Pancreate; Mesenterio, Intestino, sive inflammatis suppuratis, laboret, perpetuo vomet, ventriculus ab assumptis distenditur, viscera comprimuntur, hæc convelluntur, omnia regurgitant & excutuntur. Vomitus oritur ab

Inflammatione viscerum, quia ventriculus dum est aliquantulum distentus, tunc per illam distensionem urget illas partes inflammatas, ut Hepar, Lien, Diaphragma, Renes & Intestina perdunt tonum suum, tunc oritur vomitus Symptomaticus dictus. Si autem fiat vomitus ex eo, quod in pelvi renum hæreat Calculus, tunc Medicus dare non debet, quæ sistunt hunc vomitum, si aliunde sciat hunc ægrum esse Nephriticum, nam hac ope utitur natura, ut per talem compressionem excutiat Calculus per Ureteres ad vesicam; sed debet Missionem Sanguinis instituere, laxare vasa, aperire vias, præscribere Balsamica, Oleosa, & Demulcentia; hinc causa est multiplex, unde patet plurimos hic morbos comprehendere sub vomitu, si Febris accesserit, est pessimum symptoma & res fere desperata, quia omnia magis irritat.

§. 652. Fortia purgantia, repletio nimia ciborum, & omnia vomitoria producant vomitus.

§. 653. Vomitus si diu maneat producit Atrophiam seu nutritionis defectum, qui est exsiccatio vel collapsus habitus totius corporis defectu nutrimenti, hinc Hippocrates dicit, *qui multum purgant & vomunt, his desuescit corpus nutrir*, aut nutrita expelluntur, fit Ileus seu Volvulus, quæ est regurgitatio materiæ intestinalis per vomitum ab obstructo intestino. Si tubus intestinalis sit in aliqua parte contractus, in altera parte quoque constringitur, tum pars superior maxime inflatur, dum inferior est tenuissima uti vidi in pueri cadavere ex Ileo mortui; cum vero homo vivat per motum respirationis, pars inferior intestini, quæ non est inflata intrat in alteram expansam, & ideo Paralyticam  
red-

reddit, quæ igitur post vomitum restituere non potest, hinc susceptio intestini, quæ plerumque usque ad mortem durat, ergo in vomitu ventriculus facile pelli potest in unam partem intestinorum, unde fit susceptio expansio & Ileus, legite *Sydenhamum*, sæpe fit inversio intestini, quia ab ano ad gulam est motus inversus Peristalticus, hoc scitur, si per inferiora recedit clyisma; nam signum est Obstructionis in parte intestini, si per vomitum paulo post redditur ore clyisma, est inversus motus Peristalticus, quæ si diu duret, omnia superius feruntur & fit *miserere mei* seu *Volvulus*, qui est species Ilei ab intestino Ileo intra suscepto. *Ruy-schius* demonstravit, si in Febre Acuta æger perpetuo vomat, ut nec à Venæ Sectione, nec à Clysmate, nec Opio cedat, semper causam esse intorsionem intestini.

*Effecta.* *Hippocrates* dicit ab Elatere, ab Hypercatharsi, ab irritatione generis nervoli, partim ab evacuatione.

§. 654. Eadem hic timenda, quæ à majori Nausea dicta sunt, si v. g. vomitus ab inflammato ventriculo, optimum remedium est Venæ Sectio larga, ut vidimus, præterea sumenda sunt decocta Antiphlogistica parum simul, dein similia clysmata & epithemata, inter quæ maxime laudantur omnia subnitrosa, hinc fomenta animalium solo gramine pastorum calide toti Abdomini applicata commendantur à nonnullis auctoribus. Si Cancrofa sint viscera, nempe si frigus, dolor diuturnus & summus sint in aliqua parte, ibi est Convulsio & insequens vomitus, tum sunt effectus harum, quæ non curantur nisi illis sublatis, hi sunt vomitus lethales, ubi optimi Medici frustra sæpe agunt.

§. 655. Si à Nausea oriatur, revocanda maxime sunt ad ea, quæ ante dicta sunt; si Scirrhus occupet ventriculum, & inde vomitus oriatur, nunquam sanatur, nisi Scirrhus dissolvatur, idem in Inflammatione & reliquis morbis verum est. *Egregii Lazari Riverii* experimentum hodie à multis Medicis per Europam usurpatur, si æger habeat vomitum perpetuum, qui nullo modo sisti potest, suos sales oppositos uno momento intra corpus ingerat, v. g.

℞. Salis Absynthii.

Succi Limonum recens

pressi ana ʒij

M.

His duobus assumptis in ventriculum, ut effervescant, tum oritur incredibilis motus in ventriculo sursum deorsumque tendens, unde vomitus tollitur, sed hoc experimentum non semper succedit, nam Inflammatio sæpe in causa est sed ubi per concussum tolli potest, facile sic profligatur.

*Opiata.* Si vomitus sit assiduus & violentus ob causas §. 642. dictas in eo casu Opium est princeps remedium, quod licet non tollat causam, tamen pro tempore impedit, ne fiat Ileus vel Convulsio, & sopit fluxum spirituum, aliud nil agit, hinc optima remedia sunt sequentia, *Diascordium Sylvii* ad dragmam dimidiam vel *Diascordium Fracastorii* ad eandem quantitatem vel *Theriacle Mithridatii* ad scrupulum unum vel ipsum Opium ad granum unum, vel unum & semis, hæc optime vomitum sistunt, qui à perverso spirituum motu originem ducit, qualem accepit, qui in rheda dorso averso vel per mare vehitur.



*Epithemata.* Si à fluctuante materia vomitus oriatur, tum Emplastrum Theriacale cum Mastiche extendatur supra Alutam & imponatur regioni Epigastricæ vel sumatur emplastrum Ceratum Splenicum dictum vel spiritus vini aromaticus, ut Aqua Vitæ Matthioli cum pane tostato & superimponatur vesica suilla, vel vinum rubrum calidum paxillo panis tostati exceptum Abdomini non umbilico applicatum; in summa inopia & omnium exasperatione Cucurbitæ sine scarificatione Epigastrio applicata juvant, pomum Citreum subito comestum etiam sæpe tollit vomitum, si his non tolletur, vix est curabilis.

§. 656. *Hinc in Acutis.* Ubi in Acutis vomitus est perpetuus, tunc vel materia putrida oleosa hærebit in ventriculo, ergo in tali casu vomitorio curatur & excernitur hæc materies, vel 2. vomitus fiet à malo hærente Phlogistico in cerebro & Phrenitide, unde Sympateticus erit vomitus, tum autem lethiferum erit vomitorium, vel aliquando vomitus oritur à Convulsione, vel 3. hærebit malum inflammatorium vel in ventriculo aut in intestinis, tum etiam cave dare Vomitorium, in morbis Chronicis itidem, si judicandum sit Cancrofi quid hære in ventriculo, tunc quoque cavendum à vomitorio, si autem in Chronicis judices materiam putridam oleosam & biliosam hære in ventriculo, videndum est, an illa sit ex hepate intus consumpto per Dysenteriam aut Icterus, & tum non est dandum Vomitorium, aliter oritur Hypercatharsis, materiesque tabefacta ad mortem usque evacuetur, ergo tum tantum oportet præbere lenia Emollentia Diluentia, non vero Purgantia & multum moventia, uti hoc

hoc mihi experimentis constitit & præsertim in nobili quodam Geldro, qui à radice Ipecacuanæ ad mortem usque vomuit consilio Medici Galli, licet huic contradicerem, quia hepar ei erat putrefactum.

*Tum curatur.* Regula hæc inter Practicos est admissa, at nunquam tam proterve, prius videte an causa admittat, si enim causa sit acris, pessimum est, si à pituita aut putrida bile in primis viis, tum prodest, hinc quod vomitus curatur vomitu, universaliter non est verum, ergo ubi vomitus à materia fluctuante oritur, conducit, ubi vero à causa Cancrosa, Inflammatoria & Scirrhusa vomitorium est pessimum, testante Sydenhmo.

*Cur in Peste?* Hoc valde mirum est, vomitus est acerrimus, qui à somno excitato sudore cessat, si jam frigescant ægri iterum vomunt, hoc in casu Venenum admodum Volatile & Causticum intus hæret, quod si cutis pateat, & ad exteriora feratur, tum vomitus cessat, si intro coercetur, fit vomitus perpétuus.

*Cur Variolis?* Hoc mirum est in Variolis, simulac erumpunt Variolæ, tollitur vomitus, hoc fit, quoniam venenum, quod cum acri primo permistum erat primo cum saliva biliove humore ingestum in ventriculo creat Inflammationem, nunc dissipatur per massam sanguineam & cutim, nam tamdiu vomituriunt, quamdiu maculæ non apparent, sed simulac materia ad exteriora determinatur, vomitus tollitur.

*Cur inflammatoriis?* Vidi sæpe in morbis inflammatoriis per Venæ Sectionem sublatum esse vomitum, quia Inflammatio, id est, vomitus causa tollitur per revulsiónis speciem.

*Cur Emetico?* Si oriatur Febris Acuta à saburra gravante ventriculum, ut imprimis in Autumnalibus Febris præ æstu exustis humoribus, hi permisti sanguini faciunt Febrim, ita hæc saburra evacuanda est in initio per vomitorium, ne postea in fine morbi superveniat Diarrhæa lethalis, sæpe Aphthæ & Tenesmus, si in initio morbi detur vomitorium, ejecta saburra hæc omnia præveniuntur: hæc est observatio Sydenhami, quam cum ratione & veteribus convenire comperi, nam in Hepate, Intestinis, Pancreate & Ventriculo hæret materia mucosa, crusta non repurgata, quæ si vomitu ejiciatur, bonum est in initio morbi, sed si materies per durationem morbi & coctionem putrida evadens adeo tenuis fiat, ut eat in sanguinem, tum ad finem morbi se evacuabit per Diarrhæam lethalem.

*Bestimus sit?* In Acutis non est pejus signum, quam si æger omni momento, quo aliquid hausit, ilico vomat, hoc est signum inflammationi vel Hepatis vel Ventriculi vel Mesenterii vel Pancreatis vel Lienis, aliter non tam cito fit vomitus, si stomachus sit inflammatus, & æger omnia rejiciat, quibus morbus superari possit, certo moritur.

*Cur potest?* Singultus videtur esse subitus Spasmus in Æsophago factus, quo ejus longitudinales fibræ contrahuntur & convellantur & simul trahunt tunicam internam ventriculi, & orificium ejus ab irritatione tunicæ inferioris nervæ ventriculi & ejus orificio; ægri vomunt ab irritatione ventriculi, sæpe observavi illud symptoma sublatum levi vomitorio, tunc plerumque est materia acris picca ex specie atrabiliaria tenaci, qua excussa per vomitorium tollitur singultus. Multi dixerunt, quod omnis Singul-

tus sit Convulsio Diaphragmatis deorsum tracti, sed contrarium patet, nam si homo laboret Singultu, tum Diaphragma sursum concutitur, & Abdomen non tumet, hinc vera est hæc idea data, qui Singultus oritur à subitanea deglutatione panis, ab acri irritante & vomitu diuturno, vel ut pueri dicunt Belgice (*by heeft een koekje gestoolen*) à subito deglutiente furtivum bolum; post diuturnum usum Hellebori Albilethalis est Singultus, si evomatur sanguis arteriosus subsequente animi Deliquio Singultus est lethalis; si oriatur à depletione, requiritur cibi repletio & vice versa, si ab acri emolliente epoto curatur, si à crustis Aphthosis suppurantibus in ventriculo oriatur, dandum est interne oleum Amygdalarum Dulcium, vel Emulsiones emollientes, Diascordium *Sylvi* vel similia, & perfecta habebitur hujus Singultus curatio; si ab alia causa, convenit Venæ Sectio & fomenta, *Sydenham* dicit, quod magis fertur ex natura, nullum præstantius est remedium quam Opium prudenter datum. Omnis Singultus (ut credo) habet sedem in illa parte Œsophagi, ubi ingreditur Diaphragma, nam in Singultu diuturno dolorem ibi sentimus, in omni Singultu est integra Œsophagi contractio, nam in singultu non tumet Abdomen, sed introvertitur, ut facile advertere possumus, & tunc subsidente & tracto antrosum Abdomine sursum fertur ventriculus, hinc quidquid Convulsionem facit, quidquid acre est, Singultum facere potest, unde Singultus ab Inflammatione, Excoriatione, Evacuatione, Convulsione &c. fieri potest & curari per eadem ac Vomitus, Nausea, Ructus & Flatus; si Singultus fiat à nimia evacuatione, siue illa evacuatio oriatur à nimia Venæ

Sectio.

Sectione, sive à nimia Purgatione pronunciat hunc Singultum lethalem esse.



*Debilitas Febrilis.*

§. 657. Debilitas proprie est impotentia exercendarum functionum imprimis animalium sine dolore, si enim dolor adsit, hic non spectatur, sed concipitur impotentia seu impedita facilis exercitatio musculorum, qui voluntati subjacent; ergo ponit impeditum influxum liquidi arteriosi & nervosi in musculos; hoc posito causæ debilitatis proximæ hæ sunt, impedita admissio fluxus arteriosi & nervosi ad musculos voluntarios; causa remota est, quæ influxum & pressionem utriusque humoris ad musculos impedire potest, distinguo debilitatem ab itineribus, laboribus, quæ potius est aliqua rigiditas.

§. 658. Causa remota esse potest 1. ab inanitate vasorum exhausto liquido, ita animal fortissimum fit debilissimum exhausto liquido, ut si in Febribus solvatur Pulmonalis arteria, aut similis quædam in ipsis visceribus interioribus, tum tanta potest sequi evacuatio, ut inde oriatur; debilitas est in Febre, hoc est Febris in vasa agens dilacerando rumpit, inde debilitas & dilaceratio vasorum; hinc causa est sanguis nimis magna copiaeductus, uti & lac, & ingens urinæ profluvium. Nunquam moriuntur animalia, quia sanguis totus est exhaustus, sed tantummodo, quia sanguis non est ea copia in vasis, ut pressionis continuitate cerebro &

cere-

cerebello applicari possit ad spiritus faciendos.

*Immeabilitate.* Nam si sanguis sit tam spissus, ut per suos ultimos fines vasorum apte transfluere non possit, tum licet sit in magna copia, pariet tamen maximam debilitatem, nam tum liquidum nervosum fieri non poterit; maxima debilitas oritur sæpe à Plethora, ubi sanguis est bonus, sed tantum nimia copia peccat hinc tum nimis premet corticem, & hinc cognoscitur Medici prudentia in sanguine opportune mittendo, nam si Venæ Sectio instituitur, & liquida diluentia assumantur, æger curatur, quia immeabilitas restituitur; hinc debilitas fit, quia canalis ita est obstructus, ut sanguinis serum, quod videtur solum transire per cerebri corticem non fluere possit, nunquam vidi rubere corticem cerebri, nisi in suspensis, sed in Pia Matre vasa sanguinea distenta sunt, hinc per corticem naturaliter non it sanguis ruber, sed serum, cogitate nunc hæc vasa repleti, tenacior liquido canalis obstruitur, & sic bonus sanguis, bonus liquor, bonus spiritus, eritque tamen debilitas, quia sanguis obstruens emissaria ultima reliqua vasa claudit; hinc pars erit debilis, ad quam non possunt fluere humores ob Obstructionem vel compressionem, hinc maxima debilitas, si tale quid ad nervorum vel arteriarum origines oriatur v. g. si Polypus adfit in arteria Pulmonali, debilissimi fiunt ægri, si fiat cordis nervorum compressio, maxima erit debilitas, quia motorum princeps agere desinit.

*Compressione.* Hoc ex OEconomia corporis patet, quod cerebrum & cerebellum accipiant primarium impetum sanguinis in vasa sua arte-

riosa, hæc distribuuntur per corticem ad cerebellum, si nunc impetus hujus sanguinis in vasa augeatur supra modum, tum vasa arteriosa majora fieri & plus distendi debent, si nunc hæc plus turgeant, pressio tam magna fieri potest in Pia Meninge, ut illa turgens comprimat supposita, habetur ergo debilitas summa, & hæc est Debilitas Febrilis, quæ sic oritur, v. g. homo sanus, Athletice valens Febri Ardente laborare incipit, habet calorem, impetum summum & Delirium, tamen est robustissimus longe fortior ac sanus, ut coerceri non possit, sed ille æger impetu aucto debilitatur, ut cadat in Lethargum & sic moritur, hinc evidentissime videtis, quod magnus motus rarefaciat humores, vasa que ita distendat, ut interiora comprimantur, ita ut nihil dimittant; bos qui violentum ictum à latione accipit, simulac tantum sanguinis ad cerebrum colligitur, ut illud comprimere valeat, humi prolapsus viribus destituitur.

*Debilitate cordis.* Hic est debilitas musculosa, quæ vero semper dependet à spiritibus per nervos cerebelli minus fortiter actis in villos musculosos cordis, & quando hoc contingit, cor est minus debile vel vergit in Paralyfin, ab exhaustis viribus etiam provenire potest, sed hic ago de Debilitate Febrili.

§. 659. Illæ debilitates, quæ oriuntur, postquam Febres cessarunt, ferè semper inde accidunt, quia corpus nimis exhaustum est suis liquidis, quæ debilitates plus minusve durant pro morbi ratione & gravitate, donec corpus humoribus sanis repletum sit.

*Hæmorrhagiæ Morbosæ.* Hæ à Febre fieri possunt; robustissimus juvenis Febre Acutissima laboravit, & postea sanguine de pulmone effuso

effuso valde debilem inveni, sic vidi, quod subitanea & magna Hæmorrhagia per nares eundem effectum præstiterit, huc pertinent in Hæmoptoë sanguis nimia copia excretus, Menstrua nimia, Lochia immodica, Hæmorrhoidalis sanguis ut & in vulnus sanguis nimis ejectus.

*Artificiales.* Quando maxima & violenta Febris est in corpore, tum motus vel calor rarefacit sanguinem, qui non tam copia quam raritate peccat, atque raritas facit idem ac copia, si nunc Medici inveniant homines leviter calentes & delirantes, mittunt iterum Sanguinem, & deducunt ad temperiem frigidam ut in sanitate, si sanguine misso impetretur, ut sanguis vasa adeo turgere non faciat, tum calor definit, inde major debilitas, hinc Medicus nunquam debet suppressere sanguinis motum ad statum naturalem, sed in gradu majori sistendum, si homo sit Pleuriticus, nascitur Febris, quæ sanguinem rarefacit, si Medicus Venæ Sectionem instituat, fit major raritas, quæ iterum facit Plethoram, si Medicus iterum mittat Sanguinem, ultimo sanguinis partes se invicem pellere non possunt, calor definit, tum æger tam paucum sanguinem habet, ut vel in Animi Deliquium incidat vel moriatur.

*Sudor.* Nulla enim excretio plus debilitat, hinc in Sudore Anglico & in pluribus aliis morbis omnis vis vitalis perit, & sudore defluunt ægri, idem fit per artificiales sudores ut per motum & medicamenta Sudorifera.

*Diabetes* est urinæ fere insipidæ, albæ, inodoræ ingens excretio adeo ut ægri brevi collapsi fiant præ debilitate, nam omne tenuissimum nervosum & lymphaticum brevi educitur.



*Salivatio* artificialis vel spontanea nunquam fit, nisi excitetur Febris; si quis omnem salivam exspuat, brevi debilitatur, itidemque maxime à Mercurio assumpto, sponte frequens est salivatio in Hypochondriacis, unde maxime debilitantur.

*Diarrhæa* maxime debilitat, scilicet omni pressione facta versus has partes & à cerebello averfa; ut *Bellinus* optime observavit; hinc in Cæliaca passione, Lienteria intestinorum vel ventriculi lævitatibus fit debilitas, quia chylus non intrat in vasa, aut ab Obstructione vel Paralyfi intestinorum, unde clauduntur vasa Lactea, nec chylus in eo adigitur, ergo oritur summa debilitas, licet omnia reliqua sana & bona sint.

*Defectus cibi.* Nam in Febribus, dum victus nimis exquisitus præscribitur, multum peccatur, & plusquam si mediocriter indulserit, hinc strictissima Diæta in curandis Febribus non sequenda, sed victus est præscribendus, ut morbi longitudinem æger sustinere possit, hinc cibi defectus prohibitus assumi facit debilitatem, dum Medici adeo meticulosi sunt, ut ne micam panis concedere audeant, *Hippocrates*, dicit, *æque peccatur plus subducendo, quam plus addendo.*

*Digesti.* Si crassa ingesta per imprudentiam putrescant in ventriculo, non digeruntur sed rejiciuntur.

*Intropulsi.* Crustæ Aphthosæ interceptiunt, ne chylus in vasa Lactea transire possit, adeo cibi exeunt per alvum non mutati vel revomentur. Sæpe Tunica Villosa Inflammationis dispositionem habet, tum nullus chylus versus Lactea intrare potest & licet Emulsiones Avenaceæ &c. assumantur, nil juvant, hinc ex cibi defectu sæpe est debilitas in Febribus, videtis sæpe homines

mines Febribus laborare, ut os, fauces, lingua, Aphthis obfessa sint, sed qualem crustam Aphthæ faciunt, talem Æsophagus & intestina tenent, tum debilitas summa, licet æger comedat, ab inanitione venit, hinc debilitas in Febribus à solo liquidi defectu provenire noscitur ex signis hic expositis.

§. 660. Liquida nostra immeabilia fiunt, vel quia 1. crassiores partes sanguinis iverunt in vasa subtiliora, vel 2. quia liquida sunt mucilaginosæ glutinosæ & pituitosæ frigida, vel 3. quia sunt inspissata per Phlegmonem, id est, per nimiam agitationem Inflammationis compacta; hinc immeabilitas in Febribus est semper inflammatoria; dixi in sanis aliquando ab oleo crasso aliquando à mucoso, aliquando ab atrabillario crasso, plerumque in Febribus à glutinoso denso inflammatorio & forte ex decem, novem sunt, qui agnoscunt hanc causam, tum sequentia signa Inflammationis adsunt, nempe calor intolerabilis, in toto corpore rubedo, sanguis concrevens in formam corii concreti, si ergo videatis ægrum valde debilem, cogitate, an non causæ sufficientes Phlegmones, Diathesis sanguinis, vel forte in hoc ægro minus boni spiritus adsint.

§. 661. *Canalis.* Tum debent esse signa, de quibus jam ante actum est §. 107.

§. 662. Si videantur subtilissime delabi vires, tum cogitate vel nimiam esse inanitionem, quæ si non erit, patebit forte causa in crassitie nimia liquidorum aut compressis canalibus in cerebro & cerebello, omnes sensus interni & externi ut ratiocinium, motus animales male fiunt, hinc cerebro compressio sequi debet Vertigo Tenebricosa, quæ sunt signa comprimi vasa

ad cerebrum, ut spiritus Visorii non transeant, tunc fit caligo, vel in animi Deliquium cadunt, olfactus perit, stupor ad tactum, oblivio & leve Delirium, sopor & tinnitus aurium sequuntur, unde cognoscitur vasa in nervorum origine obstrui. Credo, quod plerique ægri, qui ab Acuta Febri moriuntur, quantum potui in scriptis *Hippocratis*, ex inspectione cadaveris & ex consideratione symptomatum videre, quod plerumque ex his causis moriantur, tum Medicus ut tollat debilitatem, cerebri & cerebelli compressionem tollere debet, sed certo illi est cognoscendum, an cerebrum & cerebellum nunc comprimantur, reliqua signa sunt clarissima, si aliquis nimium febricitet, tum functiones, quæ à Febre exercentur debilitantur, motus voluntarius, sensus externus & internus, motus vitales, actio respirationis, pulsus celer & æquabilis; ex his non apparent functiones, quæ à cerebro vel cerebello dependent, destructæ, ergo causa denotans cerebrum esse affectum est 1. si æger deliret, 2. si Vertigine laboret, ut volebat *Hippocrates*, ut omnia fieri nigra in plena Meridie, & omnia rotari, & tinnitus aurium videantur, in qua Febre hæc adsunt, cogitate cerebrum & cerebellum esse obstructum; fuit hic Studiosus, qui morbo affectus maxime debilis esse videbatur, sed post Venæ Sectionem institutam paulo fortior evasit, delirabat enim maxime & curatus est per sæpius iteratam Venæ Sectionem.

§. 663. Si à cordis debilitate debeat causa hære in tota sanguinis massa, quod apparet ex inanitione, crassitie, vel nervis cordis, quod cognoscere est difficilius; quando homines cadunt mortui primo bene valentes subito in col-

loquiis amicorum, tum apertis nil apparet mali; credibile est tum oriri in cerebello compressionem eorum nervorum, qui cor movent, quo desinente omnes pereunt actiones; hoc accidit in matrona mihi affine colloquente cum sua filia. Si homo Febri laborans sit sine calore desinente frigore, cum pulsu debilissimo respiratione lentissima, frigore circa extrema, nullo motu violento, & tamen sit Febris, tum Medicus etiam cogitare debet, quod causa sit in nervis, qui ad cor pertingunt, tum expressione cerebelli oritur Paralysis cordis, & tandem mors.

§ 664. *Cibi* vocantur omnia corpora, quæ in corpus humanum ingesta per vires naturales ita mutari possunt, ut evadant nova elementa solidarum & fluidarum partium, dividuntur in liquida & dura.

*Sanguini similes.* Ut serum lactis, ipsum lac recens, jus carniū.

*Gelatinosi.* Sic enim chylus semper fit.

*Vinosi.* Leviter vinosa & leviter aromatica, si etiam mista sint, optima erunt, videtis, quod in febrili debilitate vinum commendem & hoc facio non inexpertus, nam certus sum, quod in multis Febris, si Medici vinum aqua dilutum dedissent, quod plures refrigerassent, quam si solam aquam dedissent, sed si debilitas à magna evacuatione, tum hi cibi præsent, lenis externorum frictio est adhibenda, hinc Hippocrates dicit, si hominem nutrire vis, frica, hac enim ratione per venas defers & toto corpori applicas. Hæc omnia sunt Cardiaca primi ordinis, hæc repletio semper per venas fieri debet, hinc per vasa Lactea & Meseraica, Lowenrus recitat casus hominis, qui ex maxima Hæ-

morrhagia relictus quasi mortuus revixit assumpto jure carniū, ita ut jusculum purum redierit per arterias nasi; cum vero æger suas vires utcunque recuperaverit, tum addenda sunt aromatica & ad putrefactionem arandum addenda acida, potius quam salina, quæ repudienda sunt in vulneratis præsertim; quia sanguinem dissolvunt; homini Plethorico debilitato, si detur spiritus vini Hispanici, enecatur, si è contra ei Venæ Sectio instituat, curatur, si à nimia Hæmorrhagia, juvant priora, & Venæ Sectio nocet, ergo si sit à nimia inanitione *Hippocrati Kεναργυσία* implebo vasa, substituendo liquidum deficiens, si v. g. vocet ad hominem, cui omnis fere sanguis missus, non dabo salia, quæ parum quidem sustentent, sed dabo talem humorem, qualis fere hic deficit, & hunc movebo per corpus, dabo liquida, quia ex regula *Hippocratis* citius replent liquida, hinc talia, quæ sanguini similia sunt, quæ, dum ei accedunt, quasi à corpore digesta sunt, nam nostrum corpus debile tunc temporis suo mechanismo hoc perficere non potest, gelatinosa sunt optima, ne sanguis pauca copia restans non nimis debilitetur, hinc juscula carniū non erunt nimis diluta, aliter enim collabuntur vasa, pauxillum salis est addendum & aliquid oleosi lenis reficientis acidi, ut est succus Pomorum Aurantiorum, Limoniorum, Citriorum, juvant Hordeata, Avenacea, quæ sustinent crassiuscula, nec nimis crassa, blanda, non vinum nisi cum aqua dilutum, non Elixiria, non Ambra, non Volatilia, plus enim impellunt ad vasa excretoria id, quod superest, suntque ut ignis momentaneus Belgice (*een stree vuur*) subito ingentem flammam excitans

mox collabescens; si corpus sit pingue, tum nil pingue est dandum, si acidum prædominetur, nullum acidum, sed jus carniū, ova, si salinum nil salis, si corpus ex aliis humoribus putridis plenum, nil ex piscibus, carnibus, ovis addendum, sed leviter acidula ex Vegetabilibus Acetosis; puls Hordeata, Avenacea, succus Limonum, Ceraforum, Pyrorum. Tractavi nobilem fæminam, cui fere omnis sanguis per Abortum perierat, pulsus vix aderat, sanguis ex utero effluxerat, datis multis Cardiacis parum sanguinis restitans iterum ex utero fluebat ibi in angustia positus, dedi Panatellam Gelatinosam cum aliquo succo aromatico v. g. Aurantiorum, ovi pauillum, addidi parum Sacchari & Vini Rhenani omni quadrante hora dandum ad unciam semis vel unam, unde, Hæmorrhagia sublata, somno corripiebatur, quod est sanationis signum. Si quis dicat talem curam per liquida producturam Hydropem, quia à paucis residuo sanguine non subigi nequeant ingesta, tum respondebo, me hoc facile præventurum, nam tum videns istud futurum vitabo liquida, dando Limaturam Chalybis paululum vini, panem biscoctum, sæpe & parva dosi simul, dein frictiones adhibebo ad vasa roboranda, quæ juxta monitum Hippocratis omnia vasa determinant.

§. 665. Si Febris oriatur, quoniam pingua soluta sunt vel quoniam massa sanguinea reddita magis concreta, tum hoc contigit à pinguedine non ab obesitate pingui & non à magno calore febrili; nunquam enim corpus obesum Febre laborat, quin oleum ex cellulis subcutaneis exprimatur & in venas abeat, hinc sanguis redditur immeabilis, quando facit

Medicinam, visuri estis, quod homines valde pingues uno vel altero excessu extinguantur, si ergo videtis in corpore pingui Febrem, cogitate à pinguedine, si in corpore senilipituitofo, tum verum glutinosum, ut meare non possit per minima vasa, sed contingit etiam, ut lenta massa à Febre solvatur & in fluida derivans humorum immeabilitatem producat. Summa Cardiacæ sunt quandoque summa debilitantia in hac occasione, tum enim si non tollatur Obstructio, impingetur materies in loca, unde non exiit, & ægri moriuntur Phrenitici, si ergo vasa nimis fortia sint & vasa nimis crassa, tum liquidior pars se ex sanguine expedire non potest, nisi diluatur; hinc ad illud expediendum, Venæ Sectio, aqua tepida, clysmata, fomenta, hic sunt exquisita remedia.

§. 666. Vide paragraphum citatum in capite de Obstructione ab Inflammatione Glutinosa vel in Inflammatorio Glutine de Obstructione ab Oleosa Glutine, ibi habetis signa manifestissima, indicationes claras & remedia opposita, quando oleum peccat, nil juvat ad debilitatem superandam, nisi ejus evacuatio fiat, Missione Sanguinis, clysmatibus duodecies de die repetitis ex leni decocto Farinæ, datur aliquid saponaceum ut mel ad unciam unam, acetum ad unciam semis. Nitrum ad dragmam unam, hæc in aquæ uncis decem diluta ingenti copia injiciantur, donec pinguedo meabilis sit facta.

§. 667. Illi loco. Sum certus, quod ex centum hominibus, qui pereunt Febri cum debilitate à Febri orta sine evacuatione, quod nonaginta novem pereunt, quia nimium sit propulsus humorum per corticem cerebri & cerebelli, si

attendamus ad Autopsiam, ad Symptomata, ad morbi historiam, nam omnes homines sunt debiles, postquam cerebrum in functione deficit, tum Carus, Tetanus, Apoplexia & tandem mors insequuntur.

*Deobstruere.* De diluentibus Nitrosis, saponaceis, mellitis, & fructibus Horæis antea dixi.

*Avertere.* Sanguis noster est ut rivus aquæ, ex cujus alveo, quo plus subduxeris, eo plus minues, possum enim per venam pedis poplitis educere sanguinem ad mortem usque, ergo eo usque ut non urgeat in cerebrum; non autem dico tantum diutius debere, si homo hodie suum cerebrum compresserit, post horam tantum sanguinis appellere ad cerebrum potest, ut moriatur ab Obstructione, non enim est argumentandum in alium oriri ab extensione, quia sublata extensione non fit, tum est attendendum ad pulsus, ut exploremus, an vis idonea supersit; Sydenhamus observavit, quod in summa Plethora ægri sæpe debiles ita videantur, ut membra movere non possint, attamen uncia una sanguiniseducta, iterum omnes functiones restituantur, hanc instituatur Venæ Sectio, tum ilico redit cerebri functio, si vero statim ac sanguis mittatur, vires abeunt, deli te.

*Humectando.* Hæc optima sunt, nam non scio, quæ medicamenta capiti laboranti præstantiora sint, quam humectantia externa, tum enim est efficiendum, ut minor sanguinis copia eat in Carotides externas, minorque in has fiat impetus, quod fit laxando ramos Carotidum externarum per fomenta &c. si vero velinus avertere, tum hoc fit clysinatibus & epispasticis,



nam si in partibus inferioribus laxentur fibræ, tum minor fiet ad caput impetus, acetum Rosaceum potest hic pro Epispastico inservire; Cucurbitæ ad pedes applicatæ etiam conducunt, erat hic *Lugduni-Batavorum* morbus Epidemicus, in quo ægri somnolenti omnia data sine conscientia assumebant, tum similia capiti & pedibus applicata profuerunt.

§. 668. Contra cordis Paralyfin profecto nullum remedium scio, nam non possumus curare nisi per remedia universalia, cum enim nervi Cardiaci sint intimi, illis non possumus proficere per Topica, sed si sit à causa, cerebellum comprimente, tum cura in præcedentibus est tradita.

§. 669. Vexabimini à nulla re plus quam custodibus infantum & à nobilibus fæminis, quæ semper clamant de Cordiali potu, Medicus optime facit, si nihil obloquatur, sed interim sub specie malignitatis curandæ vel respirationis juvandæ sua ordinet, interim iis indulgens, detur Rosacea cum paucâ aquæ copia Cinnamomi, & addentur quæ potius refrigerant, ut Vinum Rhenanum dilutum cum aqua Rosarum, aliter omnia Cardiacæ sunt acria vel salina vel spirituosæ, vide *Institutiones Medicas*. Optimi Medici sunt in ea opinione, corroborandam esse vitæ vim, hinc danda sunt Cardiacæ, quia ægri sunt debiles, vidi nuper in pago *Zoeterwoude* Rusticum longe omnium robustissimum, qui in violentissimam Pleuritidem & Peripneumoniâ incidemat, quo morbo ejus bini fratres itidem robustissimi paulo ante extincti erant; conspexi corpus quale Herculis vel Laocöntis in statua, sed erat factus debilissimus, brevi tempore multum animo, quæ causa esset, agi-

tavi.

tavi, & credidi congelationem esse sanguinis, perpendens paulo ante fratres esse mortuos concludi Venæ Sectionem esse instituendam, licet ipse Chirurgus metueret, at postquam circiter uncia quindecim sanguinis exierant; jam resurgebat Rusticus; hinc in Acutis Cardiaca ea non adeo tuta sunt, si dedissem spirituosam vinosa & calefacientia, suffocatus fuisset, tertio die iterum misso sanguine reconvaleuit Rusticus, hinc non tollenda est debilitas, nisi simul tollendo ejus causam, si enim à compressione vasorum & Inflammatione oriatur, Cardiaca sunt pessima, & magnus committitur error.

*Insuperabile.* Medici in Acutis sæpe debilitatem non tollunt, ut in Peripneumonicis, ubi sæpe aggeritur sanguis in pulmonibus, tum ægri sunt debilissimi, idque per nimiam cordis prementis vim, quia sanguis in pulmone aggesto, aer illum extendere non potest, si dantur Cardiaca, tum peior fit morbus, si instituitur Venæ sectio, tum sanguis inter cordis thalamos hærens non tollitur, resolventia in pulmone nil faciunt, hinc non danda sunt Cardiaca vel moventia, sed ut Medicus satisfacit adstantibus, innocua danda sunt v. g. saccharum Diamororum; de Kermes Monspeliac. & similia in pulvere, vel aqua Buglossi, Violarum & similes aquæ vappidæ, non vero dandi sunt trochisci de Viperis, de Hyacintho & similia fortiora. Lapidēs pretiosi plus sunt nocui quam proficui fragrantissimi autem halitus, qui stimulant spiritus, attamen hic profunt succi Aurantiorum, Citreorum &c. Cardiacum est, quod vires cordis augeat, cordis vires augentur vel quatenus bene nutritur corpus, vel quatenus augetur motus sanguinis venosi in cordis dextrum,

trum vel quatenus augetur motus sanguinis arteriosi, vel motus liquidi nervi in ipsum cor, vel utrumque simul, vel tria simul.



### *Calor Febrilis.*

§. 670. Symptoma caloris est adeo frequens in Febris, ut principes Medicorum dixerint, calorem naturam Febris absolvere; quid calor sit, id ignotum est nisi, quod in Thermoscopiis aërem rarefacit, calor febrilis si in externis partibus à Medico contingendis hæreat, facile patet.

*Thermoscopio.* Nam hoc quantum scio nullo modo fallere potest, si ergo homo ambigatur, an adsit major calor hominis sani, tum Thermoscopium teneatur manu compressum, si hoc non sufficiat, Thermoscopium ori immissum aliquamdiu teneatur non inflando aërem, nec affundendo per os, tum calor perfecte nota i potest, si ergo Medicus tali instrumento in Febris Quartanæ initio calorem mensurare velit, tum debet adhibere tempore, quo æger magis ferveat, & habebit tempore, quo si calor sit intimus, tum ex ægri sensu hoc est cognoscendum, nam quo major æstus est interne, eo majus frigus externa occupat.

*Rubore urinae.* Quamdiu est rubra sine causa in cibo, potu, vel motu hærente vel in medicamentis assumptis, ut Croco, Curcuma &c. tamdiu in illo morbo est major motus naturalis, nisi hoc sit à retenta urina, tunc non est Febris, de læro non loquor, ergo extrema frigent, sed potestis objicere, si calor sit internus,

ternus, cur non in extremis, at cognoscitur, si locus in corpore sit inflammatus tum ibi longe major calor, hoc quoque esse potest circa viscera tum urina semper est rubra; ergo hæc signa sunt caloris, nempe Thermoscopium, sensus ægri, & intensivus urinæ color.

§ 671. Causa proxima est major ignis copia in illo loco, qui calefacit, nullus est calor sine igne; ante quadriennium tam clare demonstravi, ut dubitari vix queat, quod illa qualitas, quæ calor vocatur, nil sit nisi ignis elementalis. *Ignis est congeries mobilissimarum, tenuissimarum & solidissimarum partium totius universi*, ergo major calor notat hanc materiam ibi esse auctam. Ille calor omnem effectum veri ignis edit, hinc calefacit.

§ 672. Non scio, quod sit exemplum, ubi magnus calor in corpore, quin demonstratum sit in illo corpore non esse magnum attritum, & magnus partium attritus, quin magnus sit calor, si sciam in hoc ægro esse majorem calorem, tum etiam scio in toto ejus corpore vel etiam illa parte esse plurem ignem quam solebat, sed omne corpus edit inæquabilem calorem, si ignis non retineatur in illo corpore plusquam in aliis, ergo in hujus ægri corpore est major calor, ergo major ignis; ergo major partium attritus, quam alibi, & si in toto corpore major calor, concludo, quod sit major tritus, hic tritus triplici modo propagari potest, vel per solida vel per fluida, inter se omnia fluida sunt elastica, sanguis est expansibilis & contractibilis, hinc vasa exercent potentiam & vim extendendi canalem, nunc omnes partes (dum iis resistitur) considerandæ sunt, quasi essent inter duo prælia, ubi fricarentur, quod

quod nunc de vasis dixi, id de qualibet particula fluidi verum est, ergo triplex tritus, 1. ab impetu, quo projectum liquidum affricatur contra latera vasorum 2. est ab elastica vi omnium vasorum premente in angustia liquidum, 3. est quoniam omnes fluidæ partes irruunt in aliorum contactus inter se, & ad vasorum membranas; hinc omnes inter se superficiem nectunt, pro ut nunc hic triplex tritus est major vel minor, quando nullus est attritus, tum corpus non plus calet quam aër externus, ergo omnis calor à circulatione superstitie oritur, & corpus, quod per centum annos caluit, frigebit simulac definit circulatio. Ignis qui in homine calorem facit, colligitur ex aëre ambiente, hinc simulac homo est mortuus, ejus corpus non plus calet, quam externus aër.

§. 673. Nullus fit attritus, nisi ubi unum corpus contra alterum prematur, si enim moveatur corpus contra superficiem alterius, tum fit calor, & si corpus durissimum alteri incumbat, non calescit, sed si durum corpus mox huc, mox illuc prematur, tum adest calor, sic enim in nobis res sese habet, sunt quoque duæ causæ, quæ calorem faciunt, attritus & velocitas, aucta experimentis liquidum cordis, seu major resistantia liquidi projecti, quod idem est, si enim duplicem motum augeam vel duplo majorem resistantiam faciam, est idem, hinc unicus modus generandi calorem est attritus corporum inter se, & quo illa corpora erunt duriora, eo, cæteris paribus, fiet major motus, calor major, ignisque copiosior, 2. quo violentior est ille attritus, eo idem calor fiet magis ac magis, 3. quo illa frictio erit celerior, eo idem adhuc magis accedit, si hæc tria

tria simul uniantur, tanta major erit calor; inde patet vana nonnullorum imprimis Chemicorum objectio contra causam caloris à me datam scilicet attritum, dicunt, si aër per siphonem propellatur, perpetuo non calebit siphonem, nulla hic est convenientia, nam aër perpetuo hic accedit, & præterea est longe alia machina, quam nostrum cor; ergo si liquor assidue atteratur ad eadem vasa, fiet calor.

§. 674. Nil clarius est in Mechanicis: Ut corpus in Mechanicis moveatur, requirit vim moventem; ut corpus duplo celerius moveatur, requirit duplicem vim, ut duo corpora æquabili velocitate moveantur, ergo duplex causa movens esse debet, nunc omne corpus constat duabus partibus in unam massam admixtis, hinc motus totius & motus omnium partium, quo nunc corpus est densius eo plus corporeitatis habebit, si nunc corpora æqualis magnitudinis & unum duplo densius quam alterum æqualem motum accipiant, tum illud corpus, quod duplo densius est, duplo majorem motum habebit, si velocitas adsit, tum eadem ut prius, sed si densitas augeatur, tum magnitudo motus augetur, sed hoc facit attritum seu calorem; quo plus deplentur vasa vel implentur, inde novi celeritatem, si nunc inveniam in ægrotantis corpore majorem calorem, quomodo scio, quod calor oriatur, ex eo quod densitas in liquidis fit major. Caloris augmentum cognoscitur ab impetu à corde, i. si densior ex corde propellatur liquor, secundo si velocior, quod docent Mechanici, in hoc solo audiendi, aut sola velocitas non absolvit, an vis duorum globulorum ejusdem magnitudinis, unius aqua alterius Mercurio pleni impetus

petus & effectus erunt iidem. Ictus prioris erit vigesior minor, quam posterioris, hinc aer levis vento, ergo quo sanguis densior, eo calor erit major, & nil in nostro corpore est levius aqua, quo sublata, reliquus sanguis fit ponderosior, hinc homo statim fit calidior, ergo calidi bibant multum aquæ, ut calor minuatur; altera est velocitas per vasa, si eadem velocitate corpora moveantur, tum attritus fit valde major, & tanto calor erit proportionate major ab utraque, hinc in morbis violentissimis adeo calor augetur; ut liquidissima dissipentur; ergo sunt tres causæ augentes calorem in corpore, nempe 1. augmentum soliditatis & compactionis humorum, 2. augmentum constrictionis & roboris vasorum, 3. augmentum propulsione humorum.

§. 675. *Extravasati.* Nam omnis sanguis extravasatus est in pondere major, quam alius sanguis, secundo omnis sanguis à corpore missus ilico concrevit in glebas scissiles, & ille est densissimus, si hæc videam, tum certus sum, quod sanguis densior calorem faciat; sanguis in morbis inflammatoriis extravasatus mutatur in cotiaceam materiam, hinc eget majori dilutione, secundo ponderosior sanguis ab urina exeunte aquosa à sudore nimio, hinc sudantes nisi statim amissa aqua recuperetur, incidunt in Febriculam, sic humido diffuso sanguis densior cognoscitur.

*Dissipatione.* Sanguis est longe ponderosior, quam spiritus vini, quam oleum tenue, in nostro sanguine oleum est subtile & aqua est levissima, ergo sanguis non potest fieri tam tenuis quin moriamur, hinc in omni morbo, in quo certus sum aquam de sanguine ivisse &

calorem esse, ibi sanguis est densior, ergo post largam Diabeten ac largum sudorem calore remanente sanguis est densior.

*Duritie pulsus.* Quando Medicus arteriam sentiens perfecte sentit, quod arteria intropremi non possit, sed quod digitus quasi à baculo repellatur; si habeamus vesicam suillam aqua plenam, vocamus vesicam mollem, sed si fortissime constringatur (licet non sit aer in vesica) tum vesica erit æque dura ac lapis, & hac vesica æque hominem occidere possum, quam alio instrumento, sic arteriæ quando habent sanguinem, quæ facile redit, notant, quod ibi non est densus, non compressus, sed quando pulsus cum duritie, certus sum, quod in ægro sanguis compressus sit; hæc est res summi momenti in Praxi, & attentionem meretur, antequam ægro medicinam facio, debeo scire, an calor adsit à densitate, dedi tria signa, primo vel ab extravasato pondere, secundo vel à forma concreta, vel ab historia docente liquidissimum esse dissipatum, vel ab habitu vasorum imprimis, si turgeant & cum duritie resistent; scio à velocitate oriri, si reliqua sint eadem, pulsusque tantum duplo velocius, unde fit major calor.

§. 676. *Ictuum cordis.* Pulsus magnitudo facile invenitur, quæ vocatur distensio Diametri inter arteriam distractam & dilatatam, Systole & Diastole arteriarum, hæc ab impactione digiti mensurantur, si nunc arteriæ sic valde propellant & sæpius dilabantur, tum major copia liquidi transjicitur, sed non ex numero ictuum supputatur magnitudo sanguinis trajecti, nec ex plenitudine arteriarum, quæ in hominibus magna animi Deliquia passuris observatur, quod



quoties crebrior in ictu & expansior in dilata-  
tione majori moveatur, nunquam plus augetur  
velocitas, quin densitas augeatur, si idem san-  
guis moveatur duplo celerius per canalem;  
tum duplicem habet resistantiam, quam ante,  
quando pressio erat minor. Si pulsus sit celer  
micans & explicatus, tunc erit frigus prope  
cor, id est, cor tunc temporis tantum palpitabit,  
nec sanguinem expellet utpote statim inter cor  
Dextrum & Pulmonem.

§. 677. Omnis calor oritur à magna pul-  
sum velocitate & resistantia: priora explicata  
sunt, major resistantia cognoscitur, si magna  
sit moles movendorum, & canales simul arcti,  
hinc si Plethoricorum vasa sint constricta, ori-  
tur celerior motus, & major resistantia; nam  
quo major sit impulsus, eo major erit resisten-  
tia, idque proportionaliter, hinc fit, quod si  
quiescenti sit calor moderatus, currenti sit ca-  
lor maximus & vasorum tumor, quia resisten-  
tia est major.

§. 678. Nimia moles cognoscitur, primo ex  
Plethora, secundo ex Cacochymia, quæ notat hu-  
morum non sanorum abundantiam, humores ve-  
ro non sani maxime stagnatione colliguntur, in  
Plethora vero si duplum accedat velocitatis,  
vasa rampuntur, quia omnia sunt plena, hinc  
Plethorici currentes aut maxime moti ob hanc  
causam sæpissime moriuntur, in obesibus succi  
pleni sunt suo oleo pinguescente, si huic ac-  
cedat violentus motus, pinguedo liquefacta redit  
in circulum, & moles movendorum augetur.

*Cacochymie* v. g. in corpore Hydropico illa  
materies, quæ est extra vasa sanguinea in dila-  
tatis liquidis duplo plus moveatur, quia duplo  
majorem densitatem habet.

*Obesitas.*

*Obesitas.* Multi humores in humano corpore perfecte stagnant & non moventur; hoc certe verum est de maxima nostrorum humorum parte, pone hominem adultum centum libras ponderare, & post annum ducentas libras, quid est, quod dat suprapondium? Sola pinguedo, nam in omni homine minus pingue est in cellulis, pone nunc signa docere, hanc materiam esse solutam & moveri, morbus augebitur, simulac ergo Febris cum magno calore hominem occupat, ut calor sit tam ingens, ut urina rubra fluere incipiat, & moveat mollem movendorum, tum videbis hanc ingentem differentiam.

*Inflatus.* Nullum signum est clarius molis nimiae movendae, quam pulsus magnus violentus & creber, simul venae inflatae signum sanguinis violenter ex corde moti, ob pulsum & magnam resistantiam, venae turgent & arteriae pulsant, quia major ibi adest sanguinis copia; in cadavere omnis liquor fluidus est in venis, sed arteriae nil habent, in morbis omnis sanguis fluidus transit arterias, sed venae nil habent, ergo debent esse distentae arteriae & pulsare.

§. 679. Hoc clarum est, si pulsus sit magnus & violentus simul adest Obstructio, calor est major, hinc inflammatis simul Febricitantibus maxime promovetur calor, ubi liquidorum motus non augetur, sed vasa minuuntur, inde clare sequitur calorem incrementum debere; hinc vasorum paucitas resistantiam augere potest, haec cognoscitur, quando vasa vel obstructa vel vulnerata sunt, de his egi in loco citato; homo amisit femur, arteria consolidatur, actio vasorum Chylopoeticorum & Haimatopoe-

poeticorum est eadem, hæc conficiunt sanguinem, sed non pro toto corpore, hinc quod superest de trunco plus accipit, adeoque moles augetur; unde calor.

§. 680. *Conspectu.* Si videamus corpus, quod prius lautius, torosius magis expansum subito contractius fiat.

*Temperie sicca.* Hoc cognoscitur, quando vasa ratione Fluidorum sunt minus arcta, & proinde humores densissimi & ponderosissimi, & in omni homine intelligitur, quod minima motus incrementa valde incalescant, qui habet minima vasa, ille semper magnum motum sine magno calore, ferre non potest; si Phthistici paululum moveant corpus, ilico calent, illa vasorum angustia non potest satis commendari, scitis ex doctrina caloris, quod omne, quod magis calet in omni dimensione sit magis expansum, omne quod frigus magis contractum; pone corpus penitus calere, sed sine manum in aëre frigido, contrahitur, fiet minor, si sanguis per has partes libere movere incipiat, hæc pars duplo calidior erit, & hoc fit, quoniam sanguis nactus libertatem, ut æquabiliter fluat, invenit vasa minora magis angustata, hinc cum majori attritu transfluit, sed unde Phthistici semper calent, donec moriantur, habent enim nil humoris, pulsum debilem, & tamen calent, ex his apparet, quid vasorum angustia facere possit, totus musculus Temporalis est contractus, totum corpus illi sic est contractum ut sit quasi nullum, nam est tantum Sceleton, & tamen æque multa habent vasa, hinc licet videantur nullos habere humores, tamen adhuc habent, hoc ita videtur, quia eorum vasa sunt angustissima; quo vasa sunt con-

contractiora, eo magis agunt; hinc cognoscitur maxima vasorum angustia, si ad leve incrementum motus maxime calet homo, talis enim plerumque habet vasa angustissima, uti videmus in omnibus atrabiliaris & siccis, qui non tantum laborare vel movere se possunt, sic etiam Hispani & Itali habent vasa strictiora, plus quam Septentrionales, qui lentiores & laxiores sunt.

§. 681. Vide paragraphum citatum, si canales essent perfecte rigidi, in infinitum resisterent, & plane tum essent immeabiles, hinc cor se evacuare non posset.

§. 682. *Proximis.* Combinando duos vel tres effectus semper erit vehementior reliquis omnibus in statu sano remanentibus, sed inde sanguis fit magis rarefactus, vel stimulus solida ad contractionem sollicitet, & calor erit præsens, hæc veteres vocarunt potentiam calidam; hinc Febricitans calefcit, primo quia plus colligitur ignis in eo, quod fit, quia major est attritus, & major attritus, quia cordis contractio major & resistentia vasorum potentior; major velocitas oritur 1. à sanguinis velocitate 2. à liquidi densitate; major resistentia ex sanguinis inopia vel Obstructione vel angustia vel immobilitate vasorum, sic tota res facillime intelligitur, ex his patet esse infinitas causas remotas caloris in Febris, quæ non opus est ut sciantur omnes, si modo proxima causa bene intelligatur v. g. si quis in juventute vasa rigidiora laborando acceperit, & ego videam rigiditatem, non curabo illam causam remotam, sed tantum corpus laxando aqua tepida fovebo, ut satisfaciam intentioni. Plerique Medici valde errant putantes, quod calor sit à specie putrefactionis vel effe-

effervescentiæ vel caloris in corpore, sed dabo tantum illud exemplum, æger moriatur à quocunque morbo, moritur vacuo ventriculo & vacuis intestinis, & erit æque frigidus quam si alio morbo mortuus esset, homo sub aquis suffocatus exponatur aëri, erit æque frigidus quam alius mortuus, nam nec Oleum Vitrioli nec oleum Cinnamomi &c. majorem calorem habent, quam aqua, ergo calor non à materia, sed à solo motu, an ergo Aromata & Alcalia non augent motum vasorum? hoc patet, si aromata in corpus ingeruntur, non calor oritur, sed statim ac motus augetur, calor incrementum.

§. 683. Duæ caloris causæ generaliter fuerunt, si violentia expulsionis ex corde crescat, tanto major fiet attritus, eritque calor ut incrementum causa, si cor duplo velocius & fortius contrahatur, tanto major erit proportionata causa caloris & calor ipse, si simul sanguis sit duplo densior, tanto major erit calor, vis contractilis violentior & soliditas proportionaliter multo major, sicque incrementum facile supputari potest; hinc solus motus, sola Diathesis, sola vasorum strictura, & si solus vasorum numerus minuat, calor augebitur. Si densitas & velocitas simul augeantur, habetur caloris multiplicatio, sed si augeatur velocitas & contractio nempe velocitas & vasorum angustatio tum densitas in liquidis augebitur; hinc si duplo major sit velocitas, quadruplo major erit calor, si triplo major erit velocitas novemcuplo major calor erit; & hoc se habet pro ratione quadratorum, ut loquuntur Arithmetici.

§. 684. Si densitates, velocitates & resistentiæ bene cognosci possent, tum calor Mathematico calculo posset determinari.

§. 685. Physica dispositio, causæ remotæ & proximæ explicatæ sunt, nunc hoc paragrapho inquiritur, quæ effecta à calore nimium aucto producantur. Quod calor fit excitatus à Febre per causas Physicas heri demonstratum est, & quidem sic ut dicere auderem hanc rem constare, cui explicandæ tam mira & dubia advocata sunt principia: cogitate, quod in febricitante, ubi est calor auctus ultra mensuram sani, quod ibi sit motus humorum inter se motorum vel ad vasa, vel vasorum ad humores auctus, sed si nil esset considerandum nisi hoc, tum medicamenta semper præsto haberemus, quæ hunc calorem tollunt, sed nunc videamus, quid calor faciat, si diu duret.

*Dissipat.* Hæc est natura caloris, leviora, tenuissima & mobilissima expellere, hinc si corpus diu perpeßum violentos calores aqua privatur, nam in sanguine sunt liquidissima, quæ vix maiorem calorem patiuntur, quin exhalent; *Bernierus* Indiam delatus scripsit se adscendisse montes, cujus una parte tantus fuit calor, ut potus assumptus per corpus quasi per cribrum setaceum filtraretur, hic effectus in febricitante contingit à solo calore, qui dissipat liquidissima, id est, aquam spiritus & olea tam subtilia reddit, ut forma spirituum exire possint, unde homines fiunt debiles. Leones, Tigrides aliæque animalia nimio æstuante Sole in speluncis manent, noctu vero ubi vires optimæ vigent, prodeunt. Spiritus sanguinis est illud tenue volatile suboleosum, quod hæret in nostro sanguine.

*Sales.* Sudor noster est falsus, hinc sales transudant per nostrum corpus.

*Olea.* Sunt, quæ maculant aliquando ipsa

lintea, corpori iadita colore croceo, ut mihi quoque accidit post magnum iter pedibus factum, notavit *Hippocrates*, quod per maximum calorem liquidissimum dissipatur. Sales Adia-phori redduntur per motum tendentes ad alcalinam naturam, hinc veteres vocarunt hunc sanguinem exassatum vel ustulatum.

*Materiam*. plane ut albumen ovorum, quod in aucto calore concrevit in materiam scissilem, quæ vix ulla arte resolvitur, hinc dico materiem immeabilem & irresolubilem, uti vidimus in Chemicis serum coagulatum ad ignem, quod nec aqua tepida, nec sale, nec ullo remedio redditur in fluorem; hinc si modo paululum liquidi dissipetur de sanguine extravasato, tum fit in sanguine densitas & siccitas, nam sanguis non expectat omnem humidi ablationem, sed pauca copia liquidi ablata, reliquum ficcum fit, hinc noster sanguis solidescit, simulac liquidum modo ex sanguine expulsum est, manifestum est indicium, quod plus de natura Solidi, quam Fluidi participet. Laxitas nostrorum vasorum non modo pendet à calore, sed ab humiditate & humectatione simul junctis, cum autem nostra vasa per motum liquidiori parte orbentur, tum evadunt rigidiora, & fiunt aptiora ad motum præsentem adhuc augendum.

*Densat*. Pars levissima in nostro sanguine est aqua & spiritus, si nunc per calorem aqua transit, ergo id, quod remanet, debet esse ponderosius quam ante, ergo calor condensat seu ponderosum reddit missum sanguinem, novi quod calor rarefaciat sanguinem, sed calor, qui à sanguinis compressione generatur, supponit pressionem tanto majorem, quo plus calefcit.

*Immeabilem.* Simulac sanguis humanus semet inspissatus esse incipit, postea resolvi non potest, verum talis manebit, licet in aqua, oleo, vel salino liquido ponatur.

*Movet.* Nam in experimentis Chemicis vidistis, evidentes gradus caloris, calor enim per viginti quatuor horas urinæ vel sanguini communicatus facit, ut sales evadant acres, volatiles alcalini, vidistis quoque, quid ingens calor, quid calor moderatus efficere possit, hinc quoties augetur salina materia ex semi-fixa volatilis, ex blanda acris, ex muriatica alcalina; necessario ergo omnia stimulare, omnia movere debet, nam nil plus stimulat, ut illa volatilia, sal nunc eo usque non pervenit, ut penitus alcalinus fiat, nam prius morimur, sed dum tendit in illam naturam, hoc facit.

*Rumpit,* tam per majorem calorem, quam per acrimoniam, vasa nostra minima sunt longe tenuissima, per quæ hæc acria & subtilia liquida transeunt, hinc destruuntur. Si æger valde caleat circa caput, & longe plus quam circa cor, tum ille moritur destructo cerebro & cerebello, vel Phrenitide, Caro & morbo Soporoso exstinguitur, si nunc ille calor sit versus loca, ubi vasa sunt tenuissima, ut in pulmonibus & cerebro, tanto plus periclitatur, hinc in omnibus Febribus Ardentibus, Pleuritide, Peripneumonia, Rheumatismo inflammatorio &c. æger fere semper moritur Phreniticus, quia liquidior sanguinis pars dissipata non amplius pervenire potest ad cerebrum, hinc tum sunt Obstructiones, disrumpuntur tenerrima vascula, oriuntur Furor, Phrenitis & mors.

*Siccit.* Hinc Hippocrates dicit corpus exuri & squallescere præ fœcitate, qui magnum



calorem habent, his cutis est tam arida & calida quasi igne consumpta.

*Reddit.* Fibræ fiunt rigidæ & contractæ, ut patet in Acutis per hanc istam causam.

*Producit.* Si cerebellum afficiatur, fit uno momento mors; si cerebrum, Delirium, Phrenitis, Lethargus, Apoplexia; si vero pulmones Peripneumonia, si arteriæ Intercoastales Pleuritis, & hæc sequentur ut plurimum ob nimium æstum diutius toleratum; hæc est ratio, cur Pestis & morbi adeo lethales subito oriuntur, cogitate cerebrum constare vasis adeo minimis, cogitate hæc pati primum impetum caloris, unde destruitur, & nunc perveniat ad illum gradum, per quem penitus destrueretur, sunt gradus infiniti intermedii, hinc nulli morbi Acuti sunt, quin à fluiditate, densitate & acrimonia sint, unde vasa atteruntur, donec sint destructa, unde oriuntur infinitæ morborum species; puto hanc rem esse fundamentum, quod nos doceat, quid in Febris agere debeamus; Medici mirantur in Febris Ardentibus per calorem inveniri duo Phænomena, quæ omnia sunt naturalia, nempe quod sanguis hæreat in arteriis, & quod Polypus concretus sit circa cor & pulmones (vide de hac re *Bonetum in Sepulchreto Anatomico* vel aliis in locis) vel aliis in visceribus, sed vasa crassa minime per calorem patiuntur, verum vasa minima plurimum, hæc non apparent; nam finis corticis cerebri non apparet, hinc illorum morborum calidorum ratio Physica non patefit, nisi sanguis sit exsiccatus, & in arteriis hæreat & circa cor & pulmones sanguis sit concretus.

§. 686. Hinc in calore plurima fiunt effecta, & remedia maxime variant pro causa & varietate,

rate, hinc doctrina calorem curandi à Practicis adeo confusa est data, at in Acutis maxime est studendum, ut tollatur calor, quod fit inducendo in corpus aliam causam Physicam, si homo Ardentissima Febre laborans extinguatur intra octo horas, erit æque frigidus ac alius, qui alio morbo fuerit mortuus, in hoc casu Sanguis erit mittendus; in Phthisi hora quinta post prandium semper erit calor, si in tali ægro Venæ Sectionem instituere vellet Medicus, omne liquidum subduceret, hinc Medico attendendum, an adsint contraindiantia.

§. 687. Inquiro juxta meam methodum ingesta, retenta, excreta, & applicata, sæpe enim è minimo motu oritur, ergo si à sola velocitate hæc indicatur curatio, nisi sit quoddam Miasma in sanguine, sed si sit Febris violenta tantum à solo calore; & Medicus in tempore adsit, ut impediatur destructio vasculorum, tunc semper curare potest ægrum methodo Antiphlogistica.

*Quidquid eam minuit.* Pone hominem sanum cucurrisse per prurupta spatia, & esse tam calidum, ut homo à Febre Ardente, hinc calor oritur à solo cursu, in hoc casu non requiritur Missio Sanguinis, sed talis homo ponatur in aquam tepidam, ut venæ reddantur laxæ, ergo quando sola velocitas facit calorem, illa est imminuenda, si mittatur Sanguis, sanguis reducit ad calidam temperiem, sed si detur aqua tepida reducit ad laxationem & frigus, si in balneum immittatur, venæ laxantur & calor aufertur, inde videtis quam diversa hic requirantur remedia. Imperetur maxime quies musculorum, uti & animi, nam iracundi & furentes æri non curabuntur; hoc facto optima est Missio San-

guinis, quæ nimis protracta summam quietem & mortem producere potest; hinc medium tenendo emissæ sanguinis parte motus inhiberi potest. Ligatura, optima sunt remedia, quæ multis hominibus tollere sæpe Febrim possunt; nam propter ligaturam dein necessario habebit majus frigus, in venis enim vinculis facile compressis & occlusis aggregatur sanguis, & sanguini per cor fluenti tantum demitur, hinc ligaturæ debent esse leves, ut venas tantum comprimant, & cor liberetur à sanguinis copia, arteriæ non comprimant, ut Chirurgi, quando Venam secant, faciunt, sed in Brachio sub Axillis & ad Inguina leviter ligatura circumducatur, ne arteriæ comprimantur, quod si contingeret, cor non liberaretur, hinc leves sint ligaturæ, ne sanguis grumescat; ligatura ablata, sanguis refluit sed lentior, hinc post ligaturam unius femoris resolutam illud vinculum alteri femori injiciatur, quo satis diu compresso resoluta vincula circumducuntur brachio. Hoc est egregium remedium jam ante circulationem notum, inde ejus ratio intelligitur.

*Frigidorum lenta.* In summo calore subito applicatis frigidis perit æger, hinc ratio patet, cur potus frigidissimus, qui adeo celebratur, nocet, statim enim dolet caput, quia frigore in stomacho recepto per haustum aquæ vel in pulmonem per aërem frigidum statim contrahuntur omnia vascula, sed capitis vascula contrahi non possunt, hinc ibi extensa sæpe rumpuntur, & oritur Apoplexia, hinc jubeo usque ad genua tantum intrare in aquam tepidam, quæ sponte frigescit, hinc assumantur, quæ laxant & potentia sunt frigida, actu vero calida, hac ratione morbus lethalis fit curabilis.

In castris sæpe milleni sunt ægri, quando enim Dux vult castra movere, per diem totum ita defatigati sunt milites, ut omnes homines & equi habeant sanguinem inflammatorium, si nunc Medicus hoc norit, hos morbos sanabit, si prohibeat frigida, det sola tepida aquosa, si necesse sit, mitratur Sanguis, balnea pedum instituantur, & detur uncia semis Papaveris Albi vel Diacodii, ut quiescant post largum potum aquæ calidæ, & sequenti die optimi erunt.

*Diacodiata.* Hic optima sunt, quæ si tollerentur, curare nescirem, videatur de hac re *Egregius Daniel Ludovicus in Pharmacopœa moderno seculo applicanda*, qui sincere fassus est solam esse rationem, quod adeo felix in Praxi fuerit, quod primo ejus tempore inciderit in libellum *Sylvii de Opiatis & Diacodiatis*; fateor sæpe damna hic fiunt, at plerumque ab imprudentioribus, sed plurima bona sæpe experta sunt, v. g.

℞. Vini Rhenani	℥j
Succi Citri	℥ss
Aquæ coctæ	℔bj
Opii gr.	ss
Salis Prunellæ	℥jss
Syrup. Diacordii	℥jss
M. F. Potus.	

De hoc potu bibat æger, unde æstus tollitur, calor citissime est tollendus, quia maxime est periculosus, & tali cura præscripta est curandus, nam si sanguis nimis fiat compactus, tumoretur Pleuritis, Febris Ardentissima & mors; equis enim certatoribus post cursum talis methodus adhibetur, aliter moriuntur & concidunt.

cum refrigeratione, quod vocatur Belgice *be-  
vangen*.

§. 688. Hic casus à modernis Medicis est neglectus, licet frequentissime oriatur, si sanguis sit nimis compactus, vide signa antea data, tum aqua diluens maxima parte est exhausta & sanguis est ponderosior quam naturaliter, si hoc cognitum sit Medico & ille sanguinem non faciat leviolem, calorem non tollet, hinc Pleuritici ad ultimum usque calent, quia licet vasa sint dilatata, minima portio impacta & remanens vasa adhuc atterit, ut nil relinquat, hinc sanguis reddendus est levior, hoc fit i. si velocitas minuatur, aut vis cordis magis impellat unam partem ad alteram, sed hæc pressio tollitur & dissipabitur hac methodo, unde postea partes non compingentur, sed laxæ cohærebunt (non enim hic de glutinoso loquor) ergo i. instituatur cura juxta §. 691. si sanguis eo usque fiat compactus, ut flocculentus evadat, tunc per Venæ Sectionem non curari potest; *velocitatem minuere* hoc fit per Venæ Sectionem, si sanguis noster fieret tenuitatis aquæ, tum deduceretur per circulationem ad venas reduces, sed iret per omnia vasa lateralia, & nil rediret in cor, certissimum est, quod ubi velocitas minuatur, causa sit densitas, sed forte non resolvetur, nisi resolvatur extra corpus sed sperandum est intra corpus resolutum iri, ad quod arteriarum actio juvat, hinc adhibeantur, Mel, Saponēs Diluentia, & novi nil melius esse quam aquam, nam ab aqua & oleo Terebinthinæ augebitur calor, ergo aqua danda, sed calida, addatur mel cum aceto, qui est optimus Sapo liquefaciens densum sanguinem, si aqua tepida diluatur, & per circulationis

tionis vim sanguinem resolvit; non novi liquidum sanguinem tuto leviores reddens quam aquam, Alcohol quidem levior est aqua, sed sanguinem coagulat, acetum est aqua ponderosius, oleum adhuc ponderosius, ergo si aqua sanguini misceri posset, omnes morbos Acutos superaret; pauci Practici observarunt, quomodo aqua sanguini misceri posset, ne sub specie urinæ exeat, quod fit, si cum solo Oxymelle diluatur; Mel enim est sapo vegetabilis natus, resolvens, & oleum aquæ miscibile reddens, additur huic acetum, quod saponem determinat in naturam acidam, sumitur simplex Oxymel ex his binis solis compositus, non Scilliticum, ne sanguis nimis agitetur; nam tunc temporis partes sunt compactæ & coherentes, quæ sola aqua non dissolvuntur, & à se mutuo separantur, nam sanguis missus in mediis aquis concrevit, sed si in illa aqua Nitrum & Oxymel diluatur, non concrevit, ergo in hoc casu additur Mel, Acetum & Nitrum, quibus sanguis coalescens, si possibile sit, resolvitur. Tum quæ laxant, addenda sunt, nempe potus emollientes, clysmata emollientia, balnea, epithemata, embammata ex iisdem: hæc vero remedia sunt pulveres Diaphoretici, Bezoardici, Mineralia præparata, Sulphurata, Sales Cornu Cervi, & quæ ad sanguinem densatum resolvendum commendant Chemici, quæ nemini conveniunt; Chemici veteribus illudentes jactant suas pulveris vires v. g. *Helmontius* sanguinem Hirci contritum, alii Corallia Rubra, alii rasuram dentis Apri, Eboris, Cornu Cervi, spiritum Theriacalem laudant, hinc plurimi hac methodo mortui sunt; at hæc vera est methodus veterum rationi & experientiæ

consentanea; vidi plurimos perisse à datis pulveribus Comitissæ Kent, Lapide Bezoardico, oculis Cancrorum, Bezoardico Minerali &c. hi non pereunt, quia hi pulveres mali sunt, sed quia nil faciebant ad morbum, hinc recurrimus ad Medicinam *Hippocraticam* curando per aquam; adhibenda sunt fomenta ad Axillas, ad plantas pedum, ad inguina &c. corpus est involvendum fasciis, similibus imbutis, ut spongiis ex his madidis, & clysmata similia sunt injicienda.

§. 689. *Superatur.* Si sola Plethora ut Plethora peccat, curatur Venæ Sectione, tempestate calida, homines Plethorici maxime affluant, si Febris Ardens adsit, Venæ Sectione curatur, & hac ratione est facillima, nisi negligetur, aut plerumque post triduum nimis fera est Venæ Sectio.

*Evacuando.* id est, Missione Sanguinis, quæ pro viribus in Cachexia est instituenda; in Plethora vero subita & magna prodest.

*Pinguibus.* Nam si hic mittatur Sanguis, non educetur oleum; si oleum à Febre sit solutum, tum bilis in sanguine derivata corpus flavescere facit, si Cacochymia sit pinguis à subito excussa & resoluta pinguedine, quæ diu stagnavit, summopere æstuabunt, ut in Melancholia, quoniam pinguedo per motum fit 1. rancida, 2. si motus augeatur, evadat amara & flava, unde tunc habetur pro bile in sanguine, hinc Biliosæ Febres sunt adeo timendæ & hoc idem accidit in corpore, ac butyrum in sartagine, hinc taliam hominum urina est flava, fætida, amarissima.

*Aquosa.* Totum arcanum in eo consistit, quod tantum aqua sanguini restituatur, quantum

tum calore dissipatum est, qui solam aquam sanguini admiscet, nil agit, hæc enim cito ac ingesta est, per urinam excernitur, hinc convenit addere mel, & ea, quæ sunt vera instrumenta aquam oleo miscibilem reddentia & pinguedinem in nostro corpore perspirabilem facientia, quæ pinguedo soluta aliter sic cum sanguine ingenti copia ad cerebrum deferetur, ut æger Apoplecticus moreretur; hinc si Medicus advocetur ad ægrum Febre Ardentissima laborantem, & ad aliquem, cui pinguedo sanguini est mista, prævideat ad minima vasa futuras inflammationes similes ac ab oleosis Chirurgorum emplastris cuti applicatis; ergo Venæ Sectio est instituenda ad ingentem sitis copiam, cui sanguini sæpe innatat pinguedo, tum adhibenda sunt purgantia macilentia dicta, ut CrySTALLI Tartari cum potu acido, sic purganda & potum acido saponaceo corrigendo est pergendum, ut externe Chirurgus emplastra gummosa aceto dissolvunt, sic hic Oxymelle aut saccharis, syrupo Violarum ad uncias tres intra viginti quatuor horas addito succo Limoniorum, Citri recenter expresso, aut addantur succi Horæi aut vitelli ovorum maxime commodi ad pinguedinem aquæ miscibilem reddendam, si illis ægris detur movens statim moriuntur, vel plerumque utcumque Plethorici fiunt.

*Saccharina.* Multi celebres Medici, ut *Duretus*, *Ballonius*, *Hollerius* & *Forestus* hos ægros curarunt per syropos Violarum, Cichorei, Rhei, novi *Drelincurtium* ex instituto *Riverii* & *Ballonii* dedisse libram semis syrupi Violarum una die, hinc nil est, quod pinguedinem magis miscibilem reddit quam Saccharum, si nunc Saccharum non sit calidum & dissolvat & oleum



aquæ miscibile reddat, cur non admiscebo ex syrupo de acidis Citri, de Ribesiis, de Baccis Sambuci, de Violis, de Cichoreo cum Rheo, de Cichoreo Simplici, de Fumaria, de Rubo Idæo, de Corallis, de Jujubis, hæc magna copia ingesta incredibiliter solvunt, novi Medicos dicere dulcia in bilem converti, sed nescio, quo experimento hoc probant, non enim admitto virtutes haud cognitæ, sed omne oleum lenum & resinosum dissolvit & attenuat Saccharum, ubi vero humores nostri vel nimis soluti vel vasa nimis debilia, ibi Saccharum minus convenit, hinc in Scorbuto & Rachitide nocet, aliter enim semper optimum est, si vero aliquis de Saccharo abhorreat, ei syrupum de Acetositate Citri, syrupum de Violis propinare potest Medicus, nam hos utpote acidos non abhorrent. Evacuantia sunt adhibenda, quæ oleositatem tollunt, ut crystalli Tartari, cremor Tartari, Tartarus ipse, Nitrum purum, Nitrum fusione depuratum, Sal Prunellæ, Sal Stibiatum, Tamarindi cum magna aquæ copia cocti & epoti, donec ter, quatuor vel quinque nuchthemera spatio alvum solvat, hæc sunt medicamenta, quorum usu morbis calidis in obestis curari possunt.

*Mellita.* Hæc se in bilem non vertunt, ut vulgus credit, quia sunt dulcia, sed è contra sanguinem solvunt, hinc Oxymel *Hippocratis* seu Oxycraton *μετάμελιτος* optime convenit.

*Vitelli.* Nam vitellus reddit oleum aquæ miscibile hinc vitelli ovorum conquassati cum optimo melle profunt ad detergendum, si illud oleum Amygdalarum Dulcium misceri velimus aquæ, tum cum ovorum vitellis illud est concutiendum.

§. 690. Cura ex paragrapho 125. est petenda.

§. 691. Si vasa tantum sint nimis stricta, ut Hispanis, Italis aliisque sub æstuante cælo viventibus, Venæ Sectio est mala, sed vasa sunt amplianda, hinc profunt potius laxantes, clysmata laxantia, & balnea perpetua, iisque cum fiant debiles, tuncque frigidi fiunt; hæc fuit causa, quare *Helmontius* contra Humoristas scripserit, quia Bruxellis *Fonseca* Medicus Archiducis ipsi in Febre Ardente tot Venæ Sectiones præscripsit, unde mortuus est æger, quia sanguinis impetus inde non diminuebatur, sed si dicta methodo laxasset corpus procul dubio æger fuisset curatus, vide caput de *Stricta* §. citato.

§. 692. Vide curam in §. 54.

§. 693. Est unum axioma, quomodo calor curari possit, pone corpus habere alcalinam acrimoniam stimulantem cum sanguine denso, vasa contracta & massæ velocitatem, hæc mala quomodo per signa apparent, dictum est, sed pone combinari, quid faciendum sit ratione densi & quæ sint adhibenda dixi; quatenus vasa sunt laxanda, 1. mittendus est Sanguis, acre demulcendum compositis demulcentibus & corpus laxantibus, adhibenda sunt quatuor remedia contra quatuor causas ad effectum ex quatuor causis natum, tunc simul utraque cura est adhibenda, si tres simul sint, tum etiam 1. danda sunt remedia contra velocitatem, 2. contra sanguinis soliditatem, 3. contra vasorum constrictionem.

§. 694. Sequentia resolvuntur ex hac doctrina.

*Cur Febris calidissima sit Acuta? Si æger sit val-*

de calens, & ille calor aliquamdiu perseverat; tum certi sumus illum calorem non pendere à Febre Intermittente, sed à Febre Acuta, scilicet tali, quæ cum periculo & subito decurrit, calidissima Febris designat attritum validissimum ad vascula, qualem cerebri, cerebelli vascula diu sustinere nequeunt, hinc portenditur acuties vel celeritas.

*Celeris?* Nil clarius quam si partes violentissime inter se atterantur, & nil clarius docet partes atteri, quam si maximæ caleant.

*Putrida?* Putredo Febris ita vocatur, in qua humores vi Febris incipiunt degenerare à salubri constitutione, non enim illa Febris tantum dicitur Putrida, quæ plane putredinem infert: magnus æstus facit magnum attritum, hic attritus magnus maximam mutationem, exhalationem saliam, subtilisationem oleosorum & aquosi discussionem; omnis Febris, quo est calidior, eo est putridior, id est, eo facilius efficit sales volatiles fieri, quod est putredinem creare.

*Pestifera?* Si calor sit maximus, æque noxius est ac Febris, ac Pestis, in Peste talis est corruptio humorum vitalium, ut vita subsistere nequeat, si calor sit maximus, tenuissimæ pulmonis fibrillæ ut & cerebri & cerebelli destruantur, hæc est natura Pestis; hinc raro ibi causa est manifesta ob teneritudinem vasorum cerebri, quæ tunc destruantur; calor internus æque facit ac externus; hinc in summo calore Febris vocatur Pestilentialis.

*Cur noceant?* Hæc sunt, quæ Sydenham maxime inculcavit; multi enim non nocere putant, sed hi contra omnem rationem & experientiam agunt.

*Cur Lectis?* Si lectus caleat, illo calore sanguis plus movetur quam aëre frigidiusculo, & calor situ, quem corpus habet in lecto, ad caput facile dirigitur, hinc citissime delirant, qui jacent in lecto calido, nisi jaceant in corio Turcico vel Russico, quod corpus non calefacit sed refrigerat, at sedentibus & lecto surgentibus, sistitur aliquatenus Delirium. Amstelodami ubi depuratur Saccharum, camera habet calorem similem calori sanguinis humani, unde homines aliquamdiu persistere nequeunt, quin cadant in animi Deliquium, nam pulmo aërem æque calidum ac est noster sanguis pati non potest.

*Cur aëris clausi?* Pessimum est ægrum includere lecto cortinis obturato, ut æger in eadem Atmosphæra semper hæreat, nam tum cogitur aërem rarefactum semper haurire, & propria effluvia & contagia resorbere, quæ tam mala, ut sanus vix feret, multo minus æger.

*Cur victus?* Si quis maxime caleseat, non dandus est cibus, vel potus calorem augens, ut sunt omnia calida Aromatica, Spirituosa, & Oleosa, sed danda sunt refrigerantia, nitrosa, aquosa, farinosa, subacida; omnia calefacientia quæ corpori ingesta abeunt in oleosum alcalinum, hinc carnes piscesque maxime sunt vitandi.

*Medicamentorum?* Inde puto plus mori in Febris a Sudoriferis quam servari.

*Cur æstus malus?* Multi sunt ægri, qui si manu attingantur, vix calorem habent, nisi calor maximus circa Cor & Hypochondria, hinc Hippocrates non adeo notat vibrationes arteriarum, sed semper observat æstum in Hypochondria.

chondriis & Præcordiis, nam si ægri dicant se in his locis comburi, tunc plerumque hoc morbo moriuntur, quia tunc ille calor in pulmones & cerebrum se diffundit, & tenerrima vascula Pulmonis, Lienis, Hepatis & Pancreatis destruuntur; hinc calentibus in his locis bona non sunt prædicenda, si autem aliis in locis, & hic loci sit libertas, non tantum adest periculum.

§. 695. *Quin siccitatis.* Quæritur, quid in ægro calente sit siccitas? nempe illis, quibus sunt oculi pulverulenti, ut dixit *Hippocrates*, id est, quibus non lachrymæ, sed arenosi quasi pulvisculi; talis plerumque moritur, si nares, os, lingua, palatum, fauces siccissimæ sunt, si vox sit clangosa cum respiratione difficili, indicatur pulmonem esse arefactum, si per sedes nil exeat liquidi, indicat totam viam ventriculi & intestinorum esse arefactam, pauca urina docet siccitatem in sanguine, siccitas semper comitatur calorem; si siccitas sit maxima, designat ex Lymphaticis nil emitti, & nil ab iis accipi, hinc sanguis parte liquidiori oritur, quid hoc efficiet? hinc scitur cerebrum deficere à repletionem, vel obstructione hic requisita, hinc cito tales ægri moriuntur, bene memento *Baglivio*.

*Potus.* Simulac recens assumpta est aqua, transit in cor dextrum, tunc statim vadit ad renes & transpirat extra cutim, verum si in vaporis balneo teneatur æger, tunc omnes venæ humectantur, cum prius aqua epota iverit in venas, quæ sunt circa cor; paucis hic describuntur, quæ in *Materia Medica* & alibi latius data sunt; Aqua est basis, sed sola non ita diluit, hinc additur mel, & quia fibræ sunt strictæ

strictæ, laxantia adhibenda sunt, sales fiunt in hoc casu volatiles & alcalæscientes, hinc addantur subacida. Hæc est methodus *Hippocratica*. Non assumantur violenta Chemicorum medicamenta, ut Diascordium, Alexipharmaca, Theriacalia Philonis, quod elegans observatio confirmat, quod à viginti abhinc annis, postquam reducta sit à pluribus Medicis methodus *Hippocratica* in nostra Batavia, non tam frequentes fuerunt Febres Ardentæ. Medici utebantur ante viginti annos & ultra Lapidibus Bezoardicis, Lapide Pedro del Porco, pulveribus Diaphoreticis, Bezoardico Minerali, & similibus, spernebant aquea, omnia clysmata, fomenta, balnea, & omnia *Galenica*, Julapia rejecta erant à Medicis, ut videre est ex *Helmontii*, *Bontekoe* & *Craanen* scriptis, qui omnes auctores sic procedebant, verum jam à plurimis annis meliore methodo ponuntur post Aures Axillas, Poplites, Inguina; talia laxantia, ex aqua Hordei cum pauxillo Aceti Rosacei, quibus madefactæ linteolæ illis locis imponuntur, quæ aquosa maxime resorbentur, tum mane & vespere balneum est adhibendum ex decoctis feminibus Lini, foliis Malvæ, Althææ, cui admisceatur parum Nitri, vel Aceti Sambucini, Calendulæ; hæreat æger pedibus unam horam & demidiam in hoc balneo, tum fomenta sunt continuanda, ut aqua calida, cui etiam fere eadem medicamenta admista sunt, totum enim corpus juxta *Hippocratem* est penetrabile, & aqua per Lymphatica se sanguini insinuat, unde fistulæ & sinus laxantur, potus optimi sunt ex Avena, quia blandissime acefcit & levissime fertur, in aqua decoquitur, ut fiat decoctum non fero spissius, additur Nitrum ad drachmam

mam unam, spiritus Vitrioli ad guttas decem, Oxymel simplex ad uncias decem, si æger respuat, quia multi mel ferre non possunt, tum substituitur aliquando Rob Sambuci aut conserva Rosarum, gelatina Cerasorum aut Morellorum, hisce maxime levatur æger, ac plerumque servatur; Hippocrates ultimo monet, in Acutis mane & vesperi injicienda esse clysmata.

2. *Mellitis.* Hac ratione ægros in Febre Epidemica curavi, deinde huc spectant fructus Horæi maturissimi, si enim homini fortissimo detur succus Mororum maturorum, sic solvetur ejus sanguis, ut in Lue Venerea à Mercurio.



### *Delirium Febrile.*

§. 696. *Sequente.* In omni Delirio sunt ideæ, quas delirans æque intelligit ac nos; sed si respondeat externis causis, non præsentibus quasi hæ causæ essent præsentibus, tum vocamus illud inordinate cogitare ideam, idem fit in nobis interna idea non præsentem externo, ut nocte, sed illud vocamus delirare ab interna dispositione, estque hic primus gradus Delirii, sed sæpe hoc superatur à mente, si se recolligant & moniti agnoscant errorem. At majorem gradum Delirii ægri non animadvertunt, quod cognoscitur, si ægri acerrime loquantur de variis rebus, carmina melius & melius facientes mirantur, hic est secundus Deliri gradus; tertio sequitur judicium, multi sæpe delirant, sed non judicant, ut vidi ægrum putantem, quod omnes, qui ad ipsum accederent, essent gigantes,

gigantes, ipse tunc aliquatenus agnosceas errorem quærebatur adstantibus nil sibi molestius, quam quod illi viderentur sibi gigantes, cum sciat eos non esse. Sed si adsint iudicium & ratiocinium, gravius est malum, & major gradus. Quartus est gradus, si affectus animi adsint, nempe si ament, aut oderint; nos à somno exporrecti, cognoscimus amasse vel odisse varia, si ægri ita delirent, ut cum alicujus persuasione rem potando & affectu magno aliquid fumant, tum major est gradus; quintus gradus est, si adsit magnus motus, ut nempe latrones adesse se imaginantes, & hosce metuentes in pedes se conjiciant; hoc est quintus gradus, qui est summus omnium.

§. 697. Omnis Medicina docet, quod homo sanguine, cerebro & nervis bene constitutis bene ratiocinari dicitur, ergo omnis diversa actio sequens habet cerebri partem perverse dispositam, v. g. si quis cantet, nil ibi mutatur, quam à sano concentus in organo auditus sui nervo Auditorio, dico me audire, jam si nervus Auditorius ad cerebrum depravatus vel abscissus sit, an audeam æque bene, quam dum bonus erat nervus, tum enim illæ fibræ & nervi Auditorii non tantum externe tremunt, sed interne audio, verum non possum mihi persuadere auditus hanc perceptionem ab externa causa esse ortam, quod si crederem, delirarem, dum referrem ad causam externam, ad quam non pertinet; ergo *Delirium est nihil aliud, quam partis medullosæ cerebri perversa dispositio*; si à causa externa non præsentem percipiatur, eodem modo delirabit, ut cæcus, qui omnia ante visa bene videt, quia nunc in se videt, sed si nunquam visa putet se videre, errat; hinc  
raro



raro nova sunt Deliria, sed rerum, quæ aliquando factæ sunt, & quarum jam habetur quædam perceptio, nunc fit recordatio. Talis perversæ medullæ dispositio oriri potest 1. ab Obstructione, tumque idem fit, uti in insomniis, si objecta, quæ visa præponuntur, & ferries cogitationum, quas ante stultas cognovimus veniunt. 2. Si affluxus per cor & cerebrum depravetur, vel tollatur, ut si cerebrum comprimatur, qua pressione fluxus impeditur, non videbit, & putabit esse noctem, causam cæcitatis ignorans, ita ut si quis ei diceret, est dies, rideret persuasum habens esse noctem 3. Est velocitas, nam si homo maxime cucurrerit, & postea in quiete dormierit, tandem evigilans omnia fere objectorum genera videbit, idem accidit, si vinum nimis magna copia assumpserit æger. 4. Est stagnatio. Hæ sunt causæ primariæ, licet sint aliæ maxime indagandæ, ut iis petatur curatio, causam proximam quidem facile attingimus, sed raro remotam, cum maxime varia sit. In Catharro homo in insomniis delirat ob impedimentum, quod externæ Carotides patiuntur in membrana Schneideriana, sæpe Delirium oriri potest ab Inflammatione vel à Miasmate, si à Miasmate accidat hoc ablato aufertur Delirium.

§. 698. Unum hoc præmittendum antequam ad curationem aggredior, nempe quod rarissime curentur Deliria in tertio gradu, id est, si cum affectibus animi excitentur, id est, si fuerit *delirium ferox*, id est, *furor*, hinc non differendum est eo usque, neque enim donec pervenerit ad secundum gradum, id est, tum adeo fortiter mutatur Sensorium Commune, ut nulla ratio ab hoc averti possit, verum si æger incipiat deli-

rare, signa adfunt futuri majoris Delirii, hinc jam curandus est æger, ut *Hippocrates* nos ubique monere conatur, cum dicit, *ab homine sedato ferox responsum*; *Delirium instare notat*. Porro, inquit *Hippocrates*, si æger petat matulam & præbes, & postea dicat, non petiveram, porrigens eum alloquitur; imo petieras, æger respondit nesciebam, jam cura, nam brevi fortissime delirabit, sic *Galenus* de se ipso scribit, cum Romæ decumberem, Medici advocati super me consulebant, inter se dicentes videtisne *Galenum* nostrum esse deliraturum floccos enim ex stramine capit, hoc ille audiens illos alloquebatur; audio vos dicere me colligere flocculos, cave, ne in Phrenitidem incidam, nam ego hoc insciens feci.

*Varietate causarum.* Sic potest fieri Delirium à defectu ut in Lethargo, quando Febris desinit, in somnolentia perpetuo delirabit æger & deficiente calore, aliquando à nimia concussione corticis cerebri concutientis ad medullam, aliquando ex nimio raptu spirituum, uti patet in hominibus, qui Spirituosa biberunt; hinc in omni Delirio causa est investiganda.

*Pediluvia.* Si æger Febre Acuta laboret, tum prævidendum est calorem præsentem fecisse vel facturam Delirium, hinc æger bis vel ter de die è lecto surgat, & in aquam calidam pedes imponat, hacque ratione centenos homines, qui delirare incipiebant, curavi, nam hoc pacto partibus inferioribus laxatis venæ redduntur patulæ & capaces minime sanguinem urgentes, ut hoc modo nimia pressio à caoite derivetur, hoc fit in ipso Lethargo, in quo tamen hoc non metuitur, sed tantum ibi crassa materies peccat, quæ impingens & vasa minime permeare  
non

non potens parit Obstructionem sæpe irresolubilem; post pediluvium applicari solent vivi pisces aperti vel columbæ, hæc pediluvia nonnulli Practici specificorum titulo extollunt, sed potius eligenda sunt *Epispastica* imo ad Inguina & Nucham, ut spiritus ex capite revocentur. Nobile & divinum certe remedium, quo tot miseros curavi ægros, & si Medici hanc methodum non negligerent, plures certe emergerent, qui jam pereunt; *Epispastica* sunt fermentum panis acidi cum pauxillo syrupi & salis; hæc applicata statim tumorem & ruborem ibi generant, hinc etiam tum versus pedes major sanguinis derivatio atque humorum erit. Sequentia conducunt in corporibus Febre correptis ætatis flore, nempe si juvenes Plethorici Variolis laborent, tum pedes, Tarsum, Metatarsum & partem inferiorem crurum obvolvo pannis in lacte dulci madefactis vel cataplasmate ex Farina, vel ex decocto emollienti, hæc eo usque applico, donec Epidermis modo desquammetur; parte jam semi gangrænosa reddita, quod nihili facio, modo huc sanguinem determinare possum, quod facio in omnibus morbis, ubi Delirium prævideo, ut in Variolis Confluentibus, & in his nunquam me fallit, aliter semper illi ægri delirabunt, hinc si juvenem viginti vel plurium annorum tractem, qui Variolas accepturus est Confluentes, ad horæ spatium pediluvia præscribo, & si egrediatur ex hoc balneo, quamvis prima dies fuerit (nam eo res melius succedit) obvolvo pedes simili *Epispastico*, quod mihi valde proderit in toto morbi decursu.

*Poplitam.* Tum vasa hic nudissime decurrentia magnum impetum sustinere & eam à superiori

rioribus avertere possunt, vel pro Epispastico sumi potest fermentum aëre acefcens cum Cæpis sub cineribus affatis vel pauxillo Raphani Rústicani rasi, imo omnes herbæ acres sale & aceto mistæ ad pedis & poplitis cava applicari possunt, ut cutis rubificatio levior fiat, & sic deducitur per derivantia ad loca minus resistentia & innoxia, hinc omnes herbæ semi-vesicatoriæ admisceri possunt.

*Frictiones.* Ut sanguis huc versus paulo plus trahatur, nam qui Febris Acutis laborant & delirare incipiunt, si minimum in pedibus accipiant dōlorem, plerumque liberantur, quia major sanguinis copia huc versus fluit.

*Clysmata.* Si vester patiens Febris Continua laboret, & calor & siccitas prædominentur cum adjuncto Delirio, credite mihi, nunquam satis corpus labefactare poteritis, hinc tum modo est in his continuandum usque ad Febris diminutionem, nam aliter his symptomatibus cessantibus, si in eadem cura pergeret Medicus, ægrum in morbum Chronicum conjiceret, hinc injiciatur omni bihorio aqua calida ad uncias octo per clyisma, si morbus urgeat, nam in hoc casu intestina nimis flaccida reddere non possunt, hinc *Hippocrates* dicit levis spontanea Diarrhæa superveniens Phrenitidi, Phrenitidem solvis, si cerebrum nondum infestaverit, aliter non juvat; attamen tuto adhibetur, vel clyisma injiciatur ex aqua melle, Nitro vel sero lactis, Nitro & sale communi vel ex emollientibus herbis, hocque modo omne periculum abigitur.

*Victus.* Diæta nimis stricta non est præscribenda nempe ad inediaam usque, sedumat æger aquam cum farinosis & subacidulis, hæcque ratione temperatur, minuatur & simul de-

mul-

mulcetur motus sanguinis; *Hippocrates* ut colligere potui, nil nisi in Acutis morbis dabat, quam Hordeum coctum vel Oryzam, vel Triticum tostum, ut hodie Coffe Asiaticorum preparatur, vide ejus Tractatum de *Pleuritide* in eo loco, ubi de Sorbilibus agit, ibi hæcce tan- infundebat in aquam ebullientem, ut cum melle potarent, vel ex Hordeo crudo cocto cum aqua usque ad ejus crepaturam vel Hordeum decorticatum coctum ad crassitiem feri vel cremoris lactis vel pulticulæ, sic horum vis minui & augeri potest.

*Potus* aquosus farinosus, decoctum v. g. foliorum vel florum vel radicum Althææ, Sambuci, Papaveris Hortensis, vel infusum florum Papaveris Rhæados, decoctum radicum Tragopogonis vel radicum Sisarum Germanorum vel Scorzonæræ & talia similia lenia insipida optima sunt. Oxymel seu acetum cum aqua coctum est optimum, hæc omnia instar Embroches seu fomenti applicata sunt summi usus

*Anodyna.* Quoniam hæc agunt in spiritus nervosos, optime adhibentur syripi Pæoniæ Maris, de Nymphæa, de Acetositate Citri, Papaveris Rhæados, de Papavere Albo Hortensi, emulsiones ex Avena, Hordeo, Amygdalis, Seminibus Papaveris Albi, Seminibus quatuor frigidis majoribus & minoribus, nunquam vero dandum est Opium in Delirio, nisi sit à violento motu, semper quidem sedat Delirium, sed stuporem ad mortem usque inducit, hinc danda sunt 1. laxantia nervorum tensionem, 2. vasorum infarctum deobstruentia, 3. diluentia concretum, omnia denique, quæ stimulum enervant, & humores cogulatos solvunt,

ut

ut sic deriventur ad loca minus noxia, nam omnes venæ in Jugulares se evacuant laxantur, Carotis igitur externa plus sanguinis capit, quia minus resistit, & idem est ac si sanguis extraheretur ex Carotidibus internis, id est, ex ipso cerebro v. g. sumatur Oxycratum ex una parte aceti & tribus partibus aquæ, huic infundantur vel incoquantur flores Papaveris Albi, hoc applicetur tepide cum pannis laneis circumquaque collum vel in mantilia vel similibus, hacque ratione laxantur & liberantur interna capitis vasa, Anodyna, quæ interne adhibentur, sint syrupi de Papaveris Erratici vel Rhaeados, qui in hisce casibus mirificum producant effectum, ita ut *Willisus* hunc habuerit pro remedio Antiphlogistico vel adhibeatur sequens.

℞. Aquæ florum Papaveris

Rhaeados ℥xij

Syr. florum Tunicæ 3j

Spiritus Sulphuris per  
campanam ad gratam  
aciditatem.

M.

Hoc medicamentum optime impetum sedat, agit vi Narcotica, & non nimis stupefacit.

*Cruoris emissio.* Juvat in pede venæ sectio, ut à cerebro pressio tollatur, & illud laxetur, hinc ut materia transmittatur Saphena vel Poplitea vena secta semper juvat, tum postea non fortiter delirant ægri, nisi sit à defectu spirituum, nam sæpe ægri ante mortem delirant, quia spiritus tendendis nervis non sufficiunt.


*Hæmorrhoidum.* Hoc est summum arcanum; qui hoc novit, est felicissimus; decursus Carotidis & Hæmorroïdalis, quamvis multum à se mutuo distent, tamen sunt fistulæ oppositissimæ ex eadem fonte, si quis deliret ex morbo Acuto, & natura faciat tumorem varicosum ad podicem, tum delirium statim cessat, si conqueratur æger de dolore ad has partes, & si sanguis exeat, incantamento quasi sanatus est æger; hinc ad Hæmorrhoidales venas ad fluxum reducendas injicienda sunt clysmata omnibus tribus vel quatuor horis ex solo melle cum Nitro & aqua; post suppositorium ex melle Aloë & paxillo Salis Gemmæ Recto intestino intrudatur, quod per tres horas ibi relictum dolorem creat, & statim impetus minuetur & sedabitur, tum supponatur æger supra aquæ calidæ in lagena contentæ vaporem, ut ille vapor tantummodo afficiat intestinum Rectum, & sic emolliat venas Hæmorrhoidales sub anisphinctere positas, post horam, ubi discesserit ab hoc vapore, cataplasma emolliens ad anum applicatur ex solis foliis Malvæ, hoc applicatum maneat mane & vespere, tunc foliis ficuum fricentur prominentes noduli, & sic pulcherrime solvuntur, nam hæc folia immatura aspera & scabra sunt, vel excitari possunt Hæmorrhoides immisso in anum globo ex Aloë &c. Si hæc methodus non profit, nunquam me sequens destituit, partes has inferiores fovendas curavi vapore aquæ tepidæ, donec venæ Hæmorroïdales protuberent, tunc Hirudines vel Sanguisugas sanctissimas posui in aqua frigida & bene exprimebam eas, ut essent siticulosæ & maxime famelicæ, partibus his, quibus applicabuntur, bene mundatis lacte dulci

ci recenti, applicentur (nam nisi partes accurate depuratæ fuerint, non mordent) tum ponantur perfecte supra nodos varicosos, si jam hæreant, ut non amplius fugant, imponatur earum corpori paululum salis, ut decidant, & sic locus relinquitur apertus, postquam Sanguisugæ delapsæ fuerunt, tunc æger ponatur supra aquæ calidæ in quadam cistella inclusæ vaporem, donec sanguis stillatim decidat, & omnis impetus à capite avertatur; quando sufficiens copia sanguinis exivit, tum pannus frigidus pauxillo salis applicari potest; si nimium sanguis efflueret, quod raro fit, imponatur tantum spiritus vini cum Mastiche vel saccharum Saturni cum aceto vel aqua Aluminosa, hac ratione stillicidium vel fluxus ille cessat, & æger à suo delirio liberatur.

*Menstruorum.* Si quædam mulier vel puella febre Continua vel delirio laboret, & præsertim tempus menstruorum præterierit, tum in pede aquæ tepidæ immerso instituatur Venæ sectio, postea sedeat supra vaporem aquæ calidæ, ut vasa inferiora & abdominalia abluantur, unde menstruis prodeuntibus sanantur. Sed mirabimini me non uti summo illo pacatore Opio, quod Medici valde adhibent, nam inde magis insaniunt ægri, quia motum auget ergo furorem, unde fit narcosis & ægri ad mortem usque insaniunt moriuntur, ut quondam vidi in carissimis mihi amicis, quorum pia memoria non succurrit nisi cum nova animi perturbatione; hinc *Sydenham* prudenter monet in declinatione febrium Continuarum cum delirio, Opium datum conducit, verum in *anxiæ* vel adfensu ante quatuordecim dies, nunquam nisi male succedit, hinc in Phreniti-



de maxime peccatur Opium dando, sed ad hoc delirium febrile curandum interdum summo cum successu adhibita fuit Musica, ut observationes testantur instituto concentu harmonico iterum in se rediisse, si malum non hæserit ad illam partem, quo aures prospiciunt suis nervis. In menstruis obstructis, si non sit mulier puerpera, tum adhibenda sunt emollientia fomenta, sed si sit puerpera & subsistant lochia, hoc est signum uterum esse inflammatum & intra tri-duum ad summum ægram morituram, teste Sydenhamo, tunc non uti debemus prædictis fomentis, quæ hic non conveniunt, sed clysmata lenia & fomenta lenissima sunt adhibenda.



### Coma Febrile.

§ 699. [Nonnulli Medici tractant majora symptomata febrium ut morbum singularem, sed quia febrim plerumque pro causa habent, eamque concomitantur, & ea sublata tollantur, specie symptomatum tractamus. Coma est vox derivata à κοιμάω facio dormire unde κοιμῶν vel κοιμῶν aut etiam alia dialectus à κοιμῶ somnus, aut Coma est assidua somnolentia in febre seu inclinatio ingens ac perpetua proclivitas in somnum. Coma Græcis est duplex, Coma Comatodes seu somnolentum, vel Coma Agrypnodes seu vigil. Coma somnolentum est perpetua ingens dormitio, unde æger vix excitari potest, vel excitatus statim iterum labitur in somnum ingentem & simul perpetuo niſtat. Coma vigil  
est

*est ingens inclinatio in somnum, ita ut non sequatur somnus, & si dormire incipiat, statim iterum evigilet, vel excitetur per terribilia phantasmata.*

*Exercitatio.* Somnus est ille cerebri status, in quo spiritus ad cerebrum per nervos non facile fluere & refluere possunt, ergo si in ægroto adveniat ingens somnolentia, causa semper erit in cerebro, qui tantum est impeditus ap- pulsus, transitus & reditus spirituum, hæ cau- sæ possunt esse infinitæ. Si enim humores non satis ad cerebrum appellantur, animal fit tor- pidum somnolentum v. g. si duæ arteriæ Caro- tides & una Cervicalis ligentur, somno corri- pitur animal, si dum Carotides tantum, primo animal vacillat & postea dormit licet per Cer- vicales ingeratur sanguis.

*Cerebrum.* Si comprimatur cerebrum, fit somnus; v. g. si Dura vel Pia Mater inflam- metur, membranæ prius satis tenues fieri pos- sunt semi digitum crassæ, hinc cortex cerebri comprimitur, cum cranium non cedat, sic ab inflammatione impeditur secretio. Si humores per corticem cerebri non libere pervadant, li- cet medullæ origo se bene habeat, dormiet æ- ger, si tota Pia Meninx est ita repleta, ut hu- mores per cerebri corticem non mittere possit, unde cortex nimis comprimatur, & fit somno- lentia, in toto cortice cerebri non est unum vas sanguiferum, sed in emissariis Piæ Matris, in medulla sanguinolenta vasa reperta, sed cortex semper erat cineritius, verum Pia Ma- ter in omnibus involucris & emissariis erit re- pletissima, si ergo vasa sanguinea ita turgeant, tum corticem premere possunt, ut humores non admittat, si ergo hæc vasa vel à repletio-

ne vel rarefactione turgida cerebrum comprimant, unde circulo impedito oritur somnolentia, ex his explicari potest, quare cito deambulantes & aquis stillatitiis utentes somnolenti fiant, scilicet à rarefactione corticis cerebri.

*In nervos.* Scilicet si nervorum origines ita sint compressæ, ut spiritus transire nequeant, nervi fere omnes ex basi cerebri emergent, & Dura Mater nullibi sanguine plenior est, quam in basi cranii, hinc si ibi oriatur inflammatio, premuntur nervi & licet omnia reliqua sint bona, fit impedimentum.

*Denegato.* Hoc non clare demonstrare possumus, sed cum omnes liquores in aliena vasa delati fiant immeabiles, patet, quod si in ultimo fine corticis humores crassi vel in initio medullæ sint, oriatur somnolentia, indepostea fit mors inevitabilis. Si spiritus per totam cerebri molem non transeant, oritur somnus, medulla oblongata (ut clare vidistis) obvolvitur membrana, quæ tota est sanguinolenta, si nunc in vasis hujus medullæ inflammatio oriatur, hæc tumens corpus contentum medullosum comprimere potest, licet cerebri corpus bonum sit, & medulla cerebri bona, tamen somnus oriri potest, quoniam pars, ubi est collectio fibrarum medullofarum, comprimitur, hinc omnis nervus ex medulla spinali & oblongata; hæc sub cerebro ambitur membrana, si hæc vasa sanguinea expandantur, tum impeditur influxus in nervos motorios & sentientes, sed omnis ille status, ubi talis conditio ad est, est somnolentia, nil magis Medico considerandum, quam ut in omni morbo se ipsum examinans respondere possit, quæ Physica sit con-

conditio, & in qua parte morbus lateat. Si nervi in intermedio ad cerebrum omnia clauderent, nullus fieret sensus, & si nulla sint objecta sensibus, necessario obrepit somnus, ergo si sensus cessent, somnolenti necesse fiunt ægri, membranæ vero seu vaginæ nervorum, quos illæ excipiunt, ubi exeunt ex suis foraminibus sunt vasculosæ, quæ si inflammantur, nervi inepti fiunt ad fluxum & refluxum spirituum. Si omnia æquabiliter obstructa sint, fit Coma Comatodes, si una pars obstructa, altera aperta sit, & sanguis per alteram partem cerebri tensam viam facere nequeat, tum æger dormire incipit, & utraque cerebri pars collabi debet, at sanguis à feбри agitur, hinc majori vi in totam obstructam partem ruit, & eam, quæ minime resistit, penetrat & operit, unde ægri evigilant cum terrore, quod est Coma Agrypnodes.

§ 700. *Evacuatione.* Quatenus tantum humorum eduxerunt, ut humores se vix premant, tum facilius transeunt per cerebellum, quam per cerebrum, vita manet, animalitas desinit, hoc est, oritur somnus, jactura facit somnum, ergo causa est eadem scilicet, quæ facit; ut non fluant spiritus, hæ vero causæ inter se oppositæ sunt ut evacuatio & repletio.

*Repletiones* producant somnolentiam, quæ omnia extenduntur vasa, quæ cranium circumambiant & nervi subjacent cerebro, hinc cibo potuque plus solito repleti statim torpescunt, ratio, quia omnia vasa se extendunt, ut non tantum vasa cerebri sed cerebrum ipsum & nervos subiectos comprimant.

Triplex potest esse sanguinis inspissatio primo glutinosa, hinc sensibus frigidis febricitantibus,

tibus, quia materia glutinosa ad cerebrum delata, & per febrem mota materiam mucosam & lentam solvit, hæc fluens vascula minima cerebri obstruit, unde Coma senile & Lethargus fit, hoc est, somnolentia aucta sensim ad mortem usque, quod corporibus effætis sæpe accidere videmus. Secundo pinguis, multis pinguibus plurima abundat pinguedo. Caro enim non augetur nec muscoli nec ossa; febre accensa oleum incipit solvi, eliquari, in vasa ingredi, ad cerebrum appellari, hinc ubi venit ad capillaria cerebri ea obilitat & somnum facit sæpe in obesis lethalem, *observante Hippocrate*, si vero etiam adsit inflammatio in cerebro, tum fit Coma Vigil, Tertio inflammatoriae, in inflammatione, cum motus sit magnus, fluidissima dissipantur, crassa ad se mutuo compinguntur, tunc vocatur diathesis inflammatoria & flocculi sanguinis compacti in sanguine Pleuriticorum visibiles sunt, unde statim oritur inflammatio cerebri, coma & tandem mors.

*Omnes causæ.* Ut si æger habuerit membranam nervi Optici inflammataam privatus erit visu; hinc produciunt sequentia, ut cranii exostoses, membranarum inflammationes, obstipationes, polyposæ concretiones, omnes extravasationes in ventriculo cerebri, hæc sunt omnes causæ, quare cerebrum comprimi possit; Physiologia cerebri explicavit, debuisse esse cavum, ut omnes nervos undique dimitteret, hinc cerebrum dupliciter comprimi potest vel à parte convexa ad interiora, vel à concava ad exteriora, utroque modo fit somnolentia.

*Nervos.* Invenitur apud *Wepferum* in libro  
de

*de Apoplexia* exemplum hominis obesi, qui ilico in Apoplexiam cecidit, vomuit, & post mortem, in aperto cranio inventum est vas sanguineum ruptum, & sanguis effusus intra cerebrum, Fornicem accumbentem corpori Calloso, unde corpus oblongatæ medullæ comprimebatur, & sic fecit Apoplexiam.

§. 701. *Unde & quomodo.* Si adsumus ægro comatoso febricitanti, ut ordine consulamus, sic cogitamus, homo febricitat, id est, violentum motum sanguinis habet, idem assidue dormiet, id est, habet fluxum humorum impeditum, idque quia non appellantur ad cerebrum, vel non transmittuntur, vel quia non emittuntur, vel non remittuntur spiritus, si non appellat, alio fluxisse debet, vel per evacuationem vel inhibitionem, quibus non apparentibus forte non transfluit, tum humor crassior esse debet, quod patebit ex glutinoso oleoso vel inflammato vel forte impedimentum est in ingressu, quia sanguis extravasatus comprimit cerebrum, si signa adsint plethoræ, facies rubicunda, oculi flammei &c. statim mittendus est sanguis, tum danda sunt diluentia ac purgantia, quæ materiam nimia copia peccantem subducunt; si pinguedo sit nimia, juvat acetum capiti impositum, sed cavendum est à specificis laudatis frictionibus cum Ruta, Centauro minori, spiritu salis Ammoniaci, sale volatili, quæ omnia valde nocent, si oleum sit in causa, statim intendo, ut hoc oleum à sanguine separetur, quod ante dixi fieri per macilentia aquosa, saponacea, nitrosa, subacida, quæ omnia sunt adhibenda.

*Exiguntur,* Nam sæpe repletio, sæpe evacuatio in materia peccat, quæ est tollenda.

*Diu pertinax.* In multis febribus sæpe Coma, in quo missio sanguinis, clysmata, fofusque nil facient, postea sponte cessat, & pepasmo soluto abit, nam multi humores certo tempore spissi per suam naturam sponte iterum evadunt tenues, exemplum dedi de contusione, homo, qui accipit in facie contusionem, habet faciem lividam, nulla suppuratio fit, intra paucos dies cærulea & flavescent. sine ulla evacuatione sensibili transit, in principio Ecchymosis aderat, sed natura hujus ægri hoc totum dissipavit, ante multos annos grassabatur febris, cui curandæ interfui, unde oriebatur somnolentia & quidquid in os infundebatur, deglutiebant ægri, cæterum nulla mala symptomata aderant, si modo fecerim, ut alutæ incumberent, aliter Gangræna subsequeretur, sed dempto symptomate omnia erant bona, inde patet, quod humores in multis febribus, præsertim in primo febris impetu vasa distendens corticem cerebri comprimat, ut licet Venæ sectio instituatur & dentur diluentia, &c. inde nulum juvamen percipiatur, si modo attendatur, ut metus non sit nimis parvus; multi quando ab istiusmodi morbo resurgant, quasi semi-stulti apparent, tum ægro est cavendum à nimis magno & nimis parvo impetu, sed illi mollis cibis est assumendus, hacque ratione brevi sanatur.

*Pepasmo.* Sydenham observavit, quod in quibusdam febribus Epidemicis homines per quatuordecim dies manserint dormientes & sensibus privati, sed tamen habentes calorem & pulsum sat bonum, tunc Sydenham illis tantum dedit juscula carniū ad illos sustinendos, quod & mihi contigit, & ita servati sunt ægri.

ægri cum è contra, si Medici hoc *Sydenhami* monitum non advertentes & aliis remediis utentes suos ægros accederint, illos pessumdabant, hinc si non adsint signa magnæ inflammationis, tum illis tantum jussula macilenta parva copia & sæpe de die dare debemus.

§. 702. Huc conducunt diluentia, leniter incidentia, prudenter adhibita, v. g. ex aqua cum pauxillo aceti, fiat epithema imponendum in capite, quod linteis calidis perpetuo sustineatur, vidi domicellam multis diebus comatosam omnibus applicatis nil juvari, hinc credebatur esse magna ad vasa inflammatio, tum lanei panni aqua, cui flores Sambuci, Tiliæ cum aceto adjecti erant, imbuti, capiti applicabantur, cum vero hoc fomentum cito frigescit, calida mantilia in promptu aderant perpetuo applicanda, ac pannis imponenda, sic capite levato, curabatur, vel capiti raro imponitur epithema (ut sæpe soleo) ex Malva, quod sufficit, ut aucta & æquabilis fiat perspiratio; si somnus adsit cum calore, sanguis est mittendus, applicanda sunt epispastica, cucurbitæ, hirudines, clysmata injicienda, balnea, fomenta & diluentia adhibenda, &c. verum si hoc contingat in morbo moderato potius naturæ permittendum, & nunquam ex illo vidi damnum.

§. 703. Id est, si ob magnam inflammationem accedat Phrenitis, ejus peculiaris est cura, proprio capitulo dein pertr. stando, hinc cavendum est à Phrenitide sine bonis signis, dum quidam putent jam optatam quietem obtineri, aucta enim inflammatio à tumore cerebrum comprimitur, fietque Coma Lethale. Hic est animadvertendum, quod tales ægri immoti sic ma-



nentes gangrænam acquirant circa partes, quibus incumbunt, hinc duæ regulæ hic sunt observandæ, 1. ut illi ægri tantum supra alutam ponantur, 2. ut omni saltem trihorio invertatur ipforum corpus in latus oppositum.



*Pervigilium Febrile.*

§. 704. Pervigilium est perpetuum dormiendi impedimentum à febre ortum; quando in initio febris cujuscunque est pervigilium summum, alacritas, promptitudo ad responsionem, & jocularis dictio &c. tunc expectanda est maxima inflammatio in cerebro, & pessima mala ad nervos præsertim Ischiaticos. Hoc pervigilium fit à levissima inflammatione cerebri, unde oritur quasi pruritus & titillatio à sanguine irritante, hinc membranæ perpetuo premuntur, & fit major agitatio per hæc loca; regula est certa, quod nimis diu vigilantes moriantur apoplectici, nam Coma semper subsequitur.

§. 705. Ægro procuratur maxima quies, quia hæc est maxima dispositio ad somnum, nam somnolenti, si ambulent, iterum fiunt alacres, ut *Cælius Aurelianus* dicit. *Aræteus Cappadox* præcepit, ne ullus sermo, ne ulla vox excitetur, ut servi foccis laneis transirent per cubiculum, ne ullus esset strepitus, nec ullus radius lucis admittatur.

*Mentis.* Non oportet ægro quidquid dicere vel narrare, omnium minima obloqui, nam si  
custos.

custos cum illo fabuletur; inde sæpe fatalia deliria oriuntur.

*Absentia sensuum.* Hoc Divinum est Hippocratis monitum, jam nimis neglectum, objecta omnia coercenda sunt, omnes fenestræ & cortinæ claudantur, nullus sit sonus vel strepitus, nullæ picturæ &c. qui plus vigiles faciunt.

*Frigore.* Magnum frigus & magnus calor impedit somnum, hinc temperatio requiritur. Aër conclusus somnum producit.

*Aëre humido.* Hinc Itali frequenter cameris inspergunt cum foliis Populorum, Sambuci, Rosarum, Tiliæ, Salicis, Acetosæ, vel rami ingentes ex his arboribus in magna vasa aqua plena ponunt, unde optima sit humectatio.

*Viētus sit blandus emolliens,* primum remedium est decoctum hordei, puls avenacea cum succo citri & aqua hordei, vel hordeum ad crepaturam coctum, vel emulsionem ex seminibus Papaveris, quatuor frigidorum majorum, Oryzæ.

Pro potu profunt maxime herbæ edules, quæ lacteum gerunt succum, attamen non tam Narcoticum ac Papaver, sed omni simillimum, succus Papaveris, lentus, candidus, amarus, succus Chondrillæ, Sonchi, Hieracii, qui sopit, licet stuporem non inducat, hinc conducit v. g. Decoctum radicis Scorzoneræ cum sero lactis, nam hæc comesta optimum præbent pabulum, ut etiam radices Tragopogonis, Sonchi, Hieracii & Cichorei, quæ omnes herbæ hic maximam habent utilitatem, nam aliquid Opio simile possident, in his casibus etiam commendatur hordeum cum sola

aqua coctum, ut & Lactuca, & omnia ex Lactuca ut syrupus Lactucæ, emulsiones ex Pistachiis vel Amygdalis Dulcibus &c.

*Susurro leni*, &c. Quod valde conducit in casibus, ubi Medicus non audet Opium præscribere, hoc remedium valde laudatur in calidis regionibus, sumatur vas magnum aqua plenum aperto inferius foramine; unde per spongiam guttatim destillans aqua ex magno vase cadit in vas Æneum suppositum, ut tineat, hinc Poëta canit:

*Levi somno suadebit inire susurro.*

Tum rogetur æger, ut istas guttas numeret, & intra quadrantem horam dormiet, idem artificium instituere possumus cum pelvi, in qua manus lavare solemus; puto enim causam esse nimiam agitationem; non vero inflammationem, nam aliter non juvaret. Instrumenta Musica hic valde profunt, vide *Academiæ Regiæ Scientiarum*, de quodam Musico ita curato, hinc illud remedium non est vilipendendum, & sæpe Medici talibus inventis & adhibitis maxime æstimati sunt, vel ponantur in conclavis vicinia arbores foliorum tremulorum, (ut fiant susurri) nempe Populorum arborum tremularum (Belgice *Katelaar*) quæ à minimo æris motu tenuissimum sonum dant.

*Demulcentibus*. Hinc optime conducunt emulsionem ex Amygdalis Dulcibus, ita ut uncia una Amygdalarum decorticatarum cum unciis duodecim aquæ contritæ sint, quæ emulsio non conservatur ultra duodecim horas, quod est optimum demulcens, anodynum, eodem modo ex omnibus cerealibus emulsionem

nes parantur, ut ex seminibus Papaveris hortensis, quatuor frigidorum minorum aut majorum & ex avena, hæc omnia conducunt, & amabilem lenitatem producant, hinc à prudentibus Medicis statim hic præscribuntur emulsiones, nil est metuendum ab emulsionibus Amygdalarum ob pinguedinem, nam Italicæ imprimis Genuenses recentissimæ observationes docuerunt ipsum oleum Amygdalarum Dulcium potum non nocuisse, & Sydenham observavit in tussi hoc oleum potum mire profuisse.

*Odore soporiferorum.* Spargantur undique decussa florentium Papaverum capita, flores Hyoscyami, Mandragoræ, flores Fabarum, Solani vulgaris officinarum, baccae vulgo dictæ Furiosæ, flores Violarum, Rosarum, Sambuci, Ebuli, Populi, Papaveris hortensis &c.

*Usu Narcoticorum.* Anodyna sunt medicamenta doloris causam tollentia, ergo diluentia acra, strictum laxantia, compescentia & obtundentia, anodyna, paregorica, id est, pacem conciliantia vel demulcentia sunt illa, quæ etiamsi somnum non faciunt, sic tamen cerebrum demulcent, ut sit somno proximum, talia sunt syrupus Violarum, de Althæa Fernellii, Glycyrrhizæ, semina Papaveris contriti in emulsione, conserva florum Papaveris Rhæados, hæc ægregia ad unciam unam vel duas usurpari possunt, aut etiam syrupus Papaveris, nam omnia hæc somnum nondum producant, huc pertinent olea recentia Amygdalarum Dulcium, Olivarum Neapolitanarum, Cremor Tartari recens, aqua Fabana equorum, syrupus florum Paralyseos, quia tenuissime de-

demulcent. Soporifera vocamus, quæ somnum blandum non violentum conciliant, talia sunt paregorica & anodyna, ut syrupus Papaveris Albi seu Europæi ad unciam unam in unciiis duodecim aquæ dilutus, lenissime somnum facit, syrupus de Nymphæa ad dragmas duas, sic etiam est soporiferus syrupus Diacodii (differt hic à Papaverino, cum plura & varia habet ingredientia) ad unciam unam sic epotus, Narcotica seu stuporem facientia sunt, quæ non modo somnum, sed etiam insensibilitatem producunt, ex his optimum in medicina est solum Opium, benignum cum aquis frigidis datum, sed pessimum cum calidis v. g. cum Philonio Romano, Theriaca, Diascordium, sed optimum est Opium ad granum unum cum uncia dimidiâ aceti, parum Nitri in aqua diluti, vel in syrupo Papaveris; maxima enim est diversitas in effectu Opii in calidis & frigidis. Opium veteres putabant frigidum, hinc addiderunt calida, ut ex omnibus Opiatis & imprimis *Nicandri Theriacalogia* patet, at tuto detur cum aquosis frigidis ad grana duo, cum appositis calidis ad granum unum vix tuto detur. Chemici addunt his soporiferis Sulphur Narcoticum Vitrioli, quod nunquam inveni, licet multum inquisiverim, *Sydenham* dicit, quod Epithemata hic sint optima. *Galenus* commendat, ut capiti Oxyrrhodum applicetur scilicet acetum & aqua in Rosis infusa, *Sydenham* dicit, se pannum in aceto rosaceo immersum applicasse ad sinciput, quod tantum levamen dederit, ut mirum esset, quod tanta somnolentia inde oriri possit, hinc applicentur ea, quæ à capite derivant, si tum non cedat, nec anodynis, nec cibo, nec potui, nec epithematibus.

bus, tum res naturæ est committenda, nec tum licet per nimia Opiata agere. Opiata custodem fallunt, dum illo sopito interim omnia depopulantur, hinc caute cum his est agendum, Opium tollit Medico occasionem cognoscendi, quomodo æger valeat, an doleat, si æger habeat in cerebro inflammatoriam diathesin, tum si detur Opium, vel nihil faciet, & æger itaque non minus morietur, vel Opium rarefaciendo & calefaciendo nocebit, & etiam quatenus sopiens ægrum sopiet etiam Medicum, efficietque, ut Medicus remedia necessaria ægro dare negligat.

*Premissis.* Hoc bene observavit Sydenham, at ego ejus monitum infecutus id sæpe notavi, omnia dicta in initio morbi non ita somnum conciliant quam in fine, attendi, quod si venam secuissem, diluissem & derivassem, tum liceat tuto Opium dare; vidi sæpe optimos viros morbo crudo Opio dato cum calefacientibus una dosi extinctos fuisse, aut post somnum maximum evigilantes nunquam resipuisse, & tota vita stolidos mansisse, sed contra, si primo die sanguinem misissem satis fortiter, pro ratione morbi, diluissem, dein duxissem ad inferiora per purgantia, non nimis valida. Vel violenta, v. g. crysalli Tartari, Tamarindi, Sal acidum, Mirabile Glauberi, sal Oxoniense, quæ omnia mitiora sunt, tum dato Opio ad granum semis feliciter restitui, quæ methodus est optima, scio interim dum illa soporifera do, & illa operantur, non nocitura morbo, nec multum periculi futurum, quia ejus vires sunt fractæ, aliter hostis in arcem recipitur, ut sæviat; hinc non præscribendum est Opium nisi præmissis remediis, quæ sangui-  
nis

nis rarefactionem impediunt, & ideo omnia, quæ inflammationi contraria sunt, prius sunt exhibenda; hinc quia Opiata & Narcotica plerumque non adeo tuta sunt, ut Medicus tum aliquid agere videatur, quo somnum concilietur, lenia innocua sunt adhibenda, qualia mihi hætenus probata & usurpata sunt, imprimis placenta ex Rosis cum oleo Rosarum vel alio leni anodyno, ut syrupo Nymphææ irrorato, unguento Populeo recenti, quæ omnia non nocent, sed semper prosunt, tum etiam aceto florum Sambuci, Rosarum, & Violarum, ex hisce tribus tepesactis permistis pannus madefactus expressus fronti apponatur, optime enim sæpe addantur aquæ Rosarum, borragines & violarum.



*Convulsio Febrilis.*

§. 706. Hic explicandum venit triste sæpe febrium symptoma scilicet convulsio, quid sub ea intelligatur dictum est §. 230. scilicet violenta contractio eorum musculorum, qui aliter tantum ad mentis imperium moveri solebant. Quo contractio major eo major convulsio, hæc semper fit in Febri à vitio cerebri, quæ semper determinat inordinatum influxum spirituum animalium vel in omnes musculos & in nervos vel in nonnullos, nam in nonnullis ægris convulsiones perpetuæ inveniuntur, in omnibus malum hærebit in initio cerebri, unde nervi originem ducunt, hinc convulsio fit 1. quando muscoli quidem moventur, ut  
in

in sanitate, sed restitui non possunt à mentis voluntate, 2. quando ille motus musculorum est violentus & dolens.

*Vellicatio per nervos* facta, ut si pungatur nervus, ita ut violenter agat, hoc videmus in omnibus venenis, quæ adhuc in ventriculo hærent, unde tum convulsiones oriuntur, in toto corpore, sic hujus in *elaboratissima Wepferi tractatu de Cicuta Aquatica* exempla sunt, quod quam primum hæret bulbus *Cicutæ Aquaticæ* in ventriculo convulsio fiat, si vero bulbus evomatur, statim convulsio cessat, hinc intelligitur, unde fieri possit convulsio v. g. à purulento hepate, materia acri facta, tantum hærente in cava membranarum.

*Cerebrosi.* Hinc in ardentissimis febribus si liquidum cerebrosum inordinate influat, transfluat & effluat, tum fit convulsio, inde intelligitur à plurimis fieri posse causis, & certe scitur violenta contractio esse causa proxima; & remotæ variæ sunt. Si una pars cerebri reddatur à morbo febrili immeabilis & altera sit aperta, certe hæ convulsiones habent causas sæpe leves, sed semper similes iis, quæ ex Comato Delirio & Pervigilio degenerantur. Convulsio Idiopathica fit, quando malum hæret in cerebro. Symptomatica fit, quando causa cerebrum afficiens in cerebro non hæret, sed v. g. si sit in ventriculo, vel si alicui incaute applicaretur subito frigida lamina in nudatum colum.

*Magna varietas.* Hæ causæ bene sunt observandæ, nam unus nervus vitiatu trahit alterum, si hoc diu duret, totum corpus trahitur, si pluma fauces irritentur, primo leviter convelluntur, postea diaphragma & ventriculus  
in



in consensum trahuntur, hinc succedit vomitus.

*Ætiologia.* Pueri enim levissime febricitant, unde statim convelluntur; hæc facilis convulsio durat usque ad annum decimum vel duodecimum; si juvenes viginti quatuor annorum febricitent, non ita facile convelluntur; si pueri assumant acria, unde ventriculus pungitur, statim fiunt convulsiones, idem accidit à lactis caseosa coagulatione.

*Curatione.* Nullibi plus erratum est in medicina, quam hic; cum Medici voluerunt inquirere quædam generalia Antiepileptica, & Antispasmodica, nam v. g. infantes convelluntur, causa est materia acefcens, lac caseosum pylorum obstitat, unde nil transire potest, si dentur huic infanti Corallia, Margarita, Mater Perlarum, Testes, Mandibulæ Lucii piscis, Oculi Cancrorum, officula cerebri Aselli minoris, omnia denique terrestria absorbentia hunc morbum tollunt.

§. 707. Si diu duret hæc convulsio, tum uno musculo contracto nervi vicini musculares ita contrahi possunt, ut brevi hæc propagatio fiat in totum genus nervosum, at etiam quo major & diuturnior fiat inordinata tractio, eo magis afficietur cerebrum.

§. 708. *Fere letalis.* Pono ægrum febricitare & incidere in Hæmorrhagiam narium, illa semper eum liberabit à febre, sed pono eam jam magnam fieri, ut convulsiones sequantur, tum tantum perdidit, ut nec ille calor nec velocitas sic vasa extendere possit, ut non collapsa maneant, tum corpore frigefacto postea, sequitur mors. Ipsum delirium notat in febre partem iri affectam, nunc convulsio non oritur

tur à male affectis nervis, nec à malo affecto cerebro, omnes Medici putant ab inflammatione Meningum, vel corticis læsione, at illi viri Clarissimi non observant convulsionem nunquam in febre ad mortem usque oriri. Homo pessimo morbo capitis laborat uti & Lue Venerea, unde multa perpeffus incidit in convulsionem, præfens Medicus & Chirurgus distinguunt & dicent, huic erit cerebrum in tabem purulentam conversum, cranio aperto malum invenitur ad finem corticis & medullæ initio, totus cortex erit resolutus in putredinem, homo capite vulneratus convellitur, si vulnus pertingat ad medullam, si nunc adsit febris & delirium & post delirium convulsio, tum 1. designat externe cerebrum affici, 2. ad medullam penetrare, unde *Hippocrates* dicit omnes ægros per deliria fortiter convulsi moriuntur. Hucusque constitit, quod quando convulsionem oriantur à quadam externa corporis parte, non adeo multum metuendum sit, quando vero habet originem ex proprio cerebri morbo, quod tum mortem designat, adduxi experimentum *Wepferi*, quod inflammationes, supurationes, erosiones &c. Duræ Meningis seu cerebri corticis raro convulsionem parant, sed quando hæc mala ad medullæ initium perveniunt, quod tum convulsionem oriantur, si hæc itaque in febribus accidant, notat malum ad medullæ initium pervenisse. Inflammationis cerebri signa traduntur in *Capite de Phrenitide*, quæ sunt dolor capitis, febris violenta, pulsus durus, calor maximus, dein delirium satis magnum, & quidem cum specie furoris, unde sequitur nasci debere convulsionem ex inflammatoria diathesi, tunc fere lethalia signa in-

intelliguntur esse, vide *Hippocratem* in *Coacis*, ex quo hæc sunt desumpta.

*Pessima.* Hic sequuntur *Hippocrates* & *Galenus*, si prius turbida & crassa urina subito fiat pellucida & tenuis, convulsio insequens est lethalis, id hujusque verum & certum est præ-sagium, vide *Prosperum Alpinum de Prasagienda vita & morte*, Urina turbida tum incipit ferri ad meninges & ibi fisci, & crassamentum non amplius fertur ad renes, unde si tum insequatur convulsio, lethalis erit.

*Fere lethalis.* Jam antiquissimus *Hippocrates* hunc morbum lethalem pronunciavit, nam dicit ab *Helleboro*, id est, vomitu convulsio lethalis post *κραιναλυσίαν* id est inanitionem, convulsio lethalis, post nimiam venæ sectionem itidem, quia humores sunt ablati. Convulsio ab evacuatione facta notat, quod sanguis non amplius cohæreat, nec à fluxionis continuitate applicari possit cerebro, hinc statim atque febris desinit, æger morietur.

*Delirio.* Quia cerebrum prius inflammatum incipit affici gangræna vel cerebellum brevi comprimetur.

§. 709. *Causa singularis.* Hoc est, quando corpus convellitur, tum est videndum, an Symptomatica, an vero Idiopatica sit causa, an post nauseam vel dolorem à materia acrioriatur, tum sanatio horum erit sanatio convulsionis; infantes convulsionibus corripuntur & quidem à solo lacte; quod perfecte ventriculū obstruit, ut nil transeat, quæcunque dentur remedia, nil juvat, at uno vomitorio omnis convulsio tollitur, & si hæreat malum in intestinis, non cedit nisi dato purgante; sic in adultis sæpe convulsionem oriuntur à malo

topico, sic in his detegendis & sanandis felices eritis, tum in sanandis convulsionibus nil vobis obstabit.

*Habet.* Toties fui in consiliis cum aliis, ubi inquirebatur, quomodo tolleretur convulsio in febre, & vidi semper confugere ad remedia dicta contra convulsionem, quæ remedia non credo esse universalia, nam qui nescit causam nec locum, tuto curare non potest; hinc sequenti methodo est agendum. Ad convulsam vocatus 1. an in vitio fixato cerebri malum hæreat, vel an oriatur mediate, id est, ab alia parte affecta, causa primo Idiopathica cognoscitur ex signis prægressis inflammationis cerebri, nempe ex calore, dolore, somniis turbulentis & fatigantibus, vomitu æruginoso, tintu ad aures, oculorum caligine, delirii specie, si esset stomachi convulsio, & quis daret illa contra convulsionem celebrata remedia, ut pulveres Succini, rasuras Cornu Cervi, Eboris, Rhinocerotis Cornu, vel Ungulæ Alcis, dentes Apri &c. Nil facit, sed si detur vomitorium, plus humores premerentur, & moveretur æger, sed si huic mitteretur sanguis in pede, applicarentur diluentia ad caput, & clysmata injicerentur, curaretur; ergo causa materialis est querenda, an acre an inflammatorium, an obstruens in causa sit, quod debellare studebo, v. g. si causa sit alcalina, dentur acida & contra, sed si acris sit & violenta maxime acida, materia alcalina & absorbentia erunt remedia, & si sit vellicatio cerebri, tum quidem juvant illa famosa Antispastica, modo non absint tantum ut nimis moretur; ergo primaria medicamenta sunt acre lenientia; convulsio sæpiissime excitatur ab acri hærente con-

vel.

vellente nervos, tunc sunt Antispasmodica illa acre lenientia v. g. infantibus convulsio est frequens a massa semi-caseosa, acri in ventriculo, tum Corallia, Oculi Cancrorum, Eboris rasuræ & Cornu Cervi sunt generalia medicamenta, sæpe in causa est causticum volatile magis alcalinum, tum acida conveniunt, hinc diversissima remedia conducunt, sic quidam docent salem volatilem alcalinum sanguinis humani esse maximum Antiepilepticum, alii laudant summopere spiritum Vitrioli, quod utrumque est falsum & verum, quod ex dictis facile intelligitur. Si oriatur ex inflammatione cerebri, quod ex signis dictis noscitur, tum adhibeo pediluvia, balnea, vesicatoria, emulsiones, hacque ratione vires viscerum diminuuntur, victus sit tenuis ex farinaceis. Si videam puerum febricitantem reddere fæces virides acidum spirantes, abdomen tumidum, si hausto liquido nauseat & illud evomere conetur, hinc si mihi dicat, hunc non nisi lacte fuisse usum, & subinde glutinosum caseosum acidum evomuisse, scio hanc solam esse causam, quæ papillas has nervosas ventriculi irritando totum systema nervosum afficit, huic dabo serum lactis cum Sapone Veneto addito syrupo Violarum magna copia vel mellis, post hæc assumpta dentur aliquot grana radicis Ipecacuanhæ infusa, unde reliquum materiæ per saccharina, mellita, & saponacea, solutum expellatur per vomitum (ætas enim illa vomitum facile fert) vel detur purgans ex Rhabbarbo, Sapone Veneto, & oleo Amygdalarum, ut interna simul demulceantur, & in hoc casu tantum remedium specificum adhibere convenit.

Impactum est vel inflammatorium vel acre,  
vel

vel vasa sic compacta sunt, ut nil transmittant, ergo omnis ratio convulsionis singularis tollendi est invenire locum affectum, sed si ab affecto cerebro, tum certa promittere non possum, *Hippocrates* dicit, ille Medicus, qui ratione demonstrat morbum esse incurabilem, est æque sapiens ac ille, qui morbum tollere potest, nam ars habet limites. Sæpe oritur convulsio, quia in basi cerebri comprimuntur vel obstruuntur nervi subjecti, ubi sanguis fortiter impellitur, fit massa dura magis impacta, à cordis pulsu, unde dira fit convulsio, in adultis raro fit convulsio, nisi acrimonia oleosa adsit in sanguine. Si nunc concepistis per febrem vasa esse adeo impacta in cerebro, ut ad cerebri medullam perveniat, quid docent symptomata febribus supervenientia, quid erit remediū? vasa sunt sine ulla elasticitate, sunt instar pultis, si ergo per nimiam vim ibi tale quid infarctum sit, nil curare potest, unde tot ægri neglectu in *παρρη* perduntur, tum enim monetur Medicus materiem impingi, sed si tum ægri assumant spiritus Theriacales, Sales Volatiles, remedia sudorifera & omnia, quæ violentius movent sanguinem, convulsionēs oriuntur inevitabiles, sed tunc per diluentia, relaxantia, sanguinis missiones maxima copia, per lenientia curatur morbus, sed sæpius convulsionēs futuræ se manifestant, quando materia circa vitalia stagnat, hinc in hoc casu sanguinem mittere est mortem accelerare, sæpe vidi in Consultatione Medicorum Medicos, dicentes, hic est convulsio ab inflammatione, ergo sanguis est mittendus, sed quando circa vasorum medulloforum fines hæret, tum illud paucum, quod fluit, nil facit, nisi quod mo-

do vitam sustentat, tum enim æger est in pro-  
cinctu mortis, sed si morbus sit in *anum* & pul-  
sus fortis, & respiratio valida & vires validæ,  
tum sanguinis missio est optimum remedium,  
nec ulla unquam Antispasmodica aliquid valent  
Multum laudantur guttulæ *Godartii* ex serico,  
quæ continent multum salis volatilis, nam  
Medici videntes hoc medicamentum curare  
convulsiones hysteriarum mulierum & infan-  
tum, tum adhibuerunt in alijs convulsionibus  
sed infortunatissimo eventu.

*Hæce.* Medicus vocatus ad ægrum decum-  
bentem violenta continua febre, cui simul ad-  
est convulsio, symptomata sunt urina tingda  
colore rubro, sicca cutis, facies calida, re-  
spiratio difficilis, pulsus durus, simulque Phre-  
nitis ob obstructionem vel inflammationem vel  
febrilem motum à nervoso systemate oriri; er-  
go impactum est resolvendum, sed id fieri non  
potest, nisi impetum in illa parte tollendo,  
quod fit diluendo & resolvendo, hinc institua-  
tur Venæ sectio in pede, eidem applicantur fo-  
menta diluentia, simpliciter ex aqua, aceto &  
Nitro, hinc dandi sunt potus diluentes & laxan-  
tes, hacque ratione tollitur convulsio. In  
Praxi Medica Medicus consideratur, ut talis,  
qui aliquid facit, quod est in arte, ut servetur  
ægrotus, vel consideratur, ut homo civilis.  
Nullus Medicus tam sapiens esse potest, ut  
plus ostentet, quam possit v. g. si videat Prin-  
cipem fore moriturum, si dicat morietur, deri-  
deretur ab omnibus Aulicis & omnem amitteret  
famam, alius vero Medicus advocatus promit-  
tit curam, adhibet pulveres Cornu Cervi, de  
Ebore & hoc nil nocebit, atamen ægri habent  
fiduciam, quod non negligentur, hinc non  
fina-

suadeo, ut hæc non adhibeantur, quæ tuto adhiberi possunt, modo non noceant, nam Medicum faciunt gratum, sed hoc tantum vobis inculcare volo, ne putetis per hæc aliquid fieri, licet Medici laudent dentes Apri Sylvestris, rasuram Eboris, ungulas Aleis, Margaritas Orientales & Occidentales, spiritus urinæ, spiritus sanguinis, tincturam Castorei, sal volatile Cornu Cervi & ex mineralibus tincturam Succini, sal volatile seu spiritus Succini, spiritus Vitrioli, sulphur narcoticum Vitrioli &c. primaria ratio, cur hæc fuerunt adeo decantata spasmus debellantia, quia Infantes plerumque laborant convulsionibus à lacte caseoso acescente, ubi defectui bilis suppleant, hinc si detur spiritus salis Ammoniaci, tinctura salis Tartari, Corallia aut simile absorbens optime juvat, hinc absorbentia Antispasmodica sunt generaliter vocata, & puto etiam quod hæc omnia in hoc casu sunt bona, sed ubi ab inflammatione vel à vulnere cerebri penetrante ad medullam oritur convulsio, nil faciunt, si alcalinum putridum sit causa convulsionis, si detur spiritus salis Ammoniaci, vel Cornu Cervi, morbus augetur; Medicamenta Antispasmodica vel Antiepileptica distinguuntur inter nocentia & non nocentia ut v. g. pulveres Perlarum, Margaritæ, Corallorum Rubrorum, Alborum, Mandibulæ Lucii piscis, Lapidis Pedro del Porco, Lapidis Bezoard, Radicum, Foliorum, & Seminum Pæoniæ, hæc si velint applicare, permittere potestis, sed interim non negligenda sunt remedia necessaria, illa v. g. quæ superius dicta sunt, parum conducunt pro his, non autem hic concedam, nam si inflammatio vel quædam causa obstruens



generet has convulsiones, miseros ægros occiderem. Quæ dicuntur de radice Contrajervæ, Serpentariæ Virginianæ, hæc majorem vim habent, sed in convulsione ab inflammatione nocent, hinc tam parva dosi adhibeantur, ut nil agere possint, ut Syrupus de Pæonia, de floribus Tiliæ, aquæ Pæoniæ, aquæ Stillatitiæ Rutæ, aquæ Liliorum Convallium, non vero spiritus, nam hæc nimis magnum impetum faciunt.

§. 710. Cura instituitur in capite de Comate & Delirio §. 706.

### *Sudor Febrilis.*

§. 711. Hodie occæcavit dogma *Paracelsi* & *Helmontii* omnes idiotas, quod in febribus sudor sit unica via, quam affectat natura, *Hippocrates* nunquam sudoriferis fuit usus, de purgantibus, vomitoriis, clysmatibus & fomentis totus plenus est, sed de sudoriferis nil loquitur, in Chronicis quidem sed in febribus Acutis nunquam. Sudor est liquidissima sanguinis pars, nec per sudores materia inflammatoria compacta expellitur, sed tenuissima sanguinis pars, in qua tanquam vehiculo hæret materia sanguinis crassior sana vel morbofa, cui postea nulla arte admisceri potest aqua, teste *Sydenhamo*, sed si morbus sit ut in peste, ut ad primum impetum sudoris volatile venenum avolari possit, tum statim morbus curatur.

*Pertinacior.* Id est ubi volatilis statim fieri non potest.

*Laxam.* Aliter non fieret sudatio sed transpiratio.

*Circulationem*, cujus ope applicatur materies vasculis sudoriferis.

*Expeditionem*. In corpore humano est miscela omnium principiorum inter se, ut non facile secedant à sanguine, & quamdiu talis perfecta est miscela, sanguis est optimus, sed quando pars aquosa facile secedit à sanguine, tum sanguis perfecte se ita habet ut lac, sed quando hoc perfecte adhuc inter se mistum est, per vasa minutissima ire potest, sed tum caseosa & serosa & bytyrosa substantia, ne quidem per vasa centuplo majora ire potest, hinc quando æger in febrium initio sudore diffuit, tum in sanguine talis est conditio, qua aqua facile secedit à sanguine, & notat ægrum in Acutissimos morbos incidere, & brevi perire debere, nam omnes hi ægri moriuntur, vel obstructiones accipiunt in visceribus, quibus ita excruciantur, ut mori quam vivere malint.

§. 712. Si sudor diu duret 1. orbat sanguinem liquido diluente; 2. hinc reliquum facit crassius & moles fit una massa compacta, 3. creat obstructiones pessimas, quia sanguis per minima vasa amplius ire nequit, 4. Sanguis diluente liquido orbatus vix dein solventibus vel diluentibus auscultat, hinc in acuta febre ubi fui in consiliis, semper jussi non orbari liquido; alii Medici dixerunt, tollatur, ut simul tollatur quid maligni, facile iterum restituere possum per diluentia, verum enimvero si reliqua terrea compacta sint, vix à se mutuo secedunt, cum sint maxime terrestria viscosa, si semper liquidum reddere possimus, uti ante fuit, essemus magni Magistri, nec ægri morerentur, sed id non possumus, quod patet in argilla, quæ prius humida transmitti

potest per spongiam, sed ad calorem solis ignis cocta dat lateres domesticos, dein nunquam in argillam resolvendos. Nonnulli Medici dicunt sudorifera sanguinem attenuare, sed certum est, quod non exprimant à sanguine crassum, sed subtile, ergo reliquum incrassabitur, hoc patet, quia omnes homines, qui se adeo exercent, ut sudent, habent sanguinem inflammatorium; si autem per sudorifera humores augeantur, versus oscula vasorum minimorum tum fient errores loci, & per obstructions homines moriuntur, vide *Sydenhamum*, qui solus hoc consideravit propriis observationibus eo tempore, quo in tota Europa nunquam adhiberentur in morbis Acutis, nisi sales, Alcalini & Theriacalia, quæ pessime cedebant ægtis.

*Obstractio.* Quia ille sanguis minima cerebri & pulmonum vasa permeare non potest.

*Non diluentibus.* Legio scripta *Bontekoeiana*, quæ dicunt, si verum esset, quod liberemus sanguinem à subtiliori parte diluentia danda essent, sed si sanguis semel aqua sua orbatus, & tum millies aquam affuderis, non solves iterum sanguinem, nam partes semel dissociatæ apprehendunt se in formam glutinosam, quæcunque agas.

*Morborum Acutorum.* Homo perfecte sanus, si per causam vel mere Mechanicam uti est motus vel à medicamentis sudet, liquidissima semper dimittit.

*Potest.* Hoc unico *Sydenhamo* debemus, omnes enim putarunt per sudores omnes febres Acutas curari debere præter solum *Hippocratem*, qui licet non ita directe dicit morbis Acutis

tis laborantes plures per sudorem prægressum perisse, at clarius in omnibus de origine morbi dicit liquido aquoso & oleoso tenui diffuso sanguinem fieri crassum & ineptum vitæ.

§. 713. Hinc in initio non excitandus, nisi materia sit subtilissima, ut in peste, ubi materia tenuissima ita est expellenda, nam concipimus venenum volatile aquæ calidæ immisum per poros exire posse, donec venenum fuerit diffusum, verum viscida & crassa materia fluida est retinenda, donec viscida coctio facta sit, hinc agimus de sudore ut symptomatice febris Acutæ, sed in Chronicis inde sæpe optimos effectus vidi. Inter omnes Auctores est unus *Sydenhamus*, cui certe multum debeo, quod hoc recte observavit, nam olim fui in illa sententia, medicamenta Chemica titulo attenuantium data succedere, sed non vidi rem successisse, si vero consistat materiam esse tam tenuem, ut sudore diffusi possit, tum sudoriferasunt danda, ut in peste, & sudore Anglicano pesti similimo, in peste & sudore Anglicano tanquam specie pestis volatile subtilissimum venenum immeat in corpus, & hac ratione in corpore hærens facit stimulum, unde febris: effectus hujus febris est totum sanguinem putrefacere, si contra hoc venenum adhibeantur omnia remediore genera, plerumque nil faciant & æger moritur, nam prima species pestis est intra tertium diem absoluta, hæret enim in vasis cerebri vel pulmonicis contractis, quando mitior est, maculæ tenuissimæ oriuntur, tertia species pestis est Carbunculoides, hæc est mitior, quia materies paulo crassior, tum inducit morbum naturæ febris acutæ, si in hoc morbo corpore perfecte integro in primo con-

tagii initio æger viginti quatuor vel quadraginta & octo horas, nunquam desinendo sudet, fervabitur æger, sed hoc à primo initio est faciendum, quo æger est affectus, vide *Diemerbroekium*; hunc enim solum morbum excipio, ubi sudoriferum requiritur, in quo tale volatile venenum intra sanguinem receptum facit febrim, aliter enim materia adigitur in minima corporis vasa.

§ 714 Illis qui sæpissime è lecto surgunt, desinit sudor, nam in morbis inflammatoriis, ubi propensio est ad sudorem, ut in Peripneumonia, Paraphrenitide, Pleuritide, Morbillis & Variolis &c. observandum est, quod homines perfundantur sudoribus, dum in lecto hærent- qui cessant, si ægri surgant & sedeant erecti in sede. Æger est liberandus à nimis stragulis, ne corpus nimis obruetur iis, nam omnibus vestibus ablatis, sub stragulis maxime sudant, sed si tunica (belgice *een borstrok*) adhuc vestiantur ægri, non tam cito sudant, unde intelligitur regimen in deponendis stragulis; deinde corpus vestibus vel stragulis non tantum est comprimendum, ut malignæ febiles exhalationes avolare non possint, id est, ut æger sepeliatur intra Atmosphæram putridam, quæ exhalans præsentem inficere potest, multo magis corpus febricitantis, non autem pondere comprimantur vasa, hac enim ratione motus & attritus augentur, omnia sic exhalare impediuntur, non autem ut testati fuerunt de me, quod velim homines nudos procumbere pavimento lapidibus Cæruleis instructo, hi enim male me interpretati sunt, vel sententiam meam non intellexerunt, pejora de his suspicere nolo. Aër non sit frigidus,

gidus, nec calidus, sed frigidiusculus, quia hic coërcet sudores, æger est abstinendus à calefacientibus, calor ab integumentorum pondere dupliciter fit 1. à percussione caloris, 2. à compressione nostrorum vasculorum.

*Potus* &c. Ut amissum damnum resarciatur, sed parum potare debent, ut non iterum sudent, si post morborum curationem sudor maneat, tum à laxitate vasorum & solutione sanguinis oritur; tum aromatica sunt optima, nempe si quavis vespera sumatur uncia dimidia spiritus vini cum Salvia, Absynthio, vel cortice Peruviano, ea nocte immunes erunt, aut loco horum Theriaca Andromachi ad dragmam unam, unde omnis sudor quasi incantamento brevi desinit, quæ remedia in initio viderentur nocere. Sudor est simplex 1. in *επαιρη* semper malus, nisi in peste; 2. est in peste; 3. à laxato vase & soluto sanguine, ille curatur spiritu vini & Salvia, quatenus hæc sanguinem & vasa roborant; hinc si video ægrum ex febre sudaturum, ut in primo periodo Variolarum Acutarum, in quibus ægri primis tribus diebus quam maxime sudant præsertim in Anglia, & quarta die sistitur sudor, tum primo momento sudoris magna potus copia est danda, ut liquidi deperditio præoccupetur, hinc ille potus est præscribendus ad primum signum sudoris futuri, hac enim ope illud, quod deinde dissipabitur per inevitabiles sudores, resarcitur, & sic sanguinis pars crassior retinetur in fluore. Quidam sudor venit in fine febrium non Criticus, & qui maxime nocet ut in febribus Tertianis & Phthici versantibus, qui tum ad minimum corporis motum nactus denotat debilitatem viscerum, qui curatur cum Salvia me-

thodo dicta preparata. Compressio pororum cutis per ligamenta multum prodest ad compescendum sudorem; ubi contra, si homo haberet vestimenta nimis laxa facile sudaret, ab hoc remedio magnum emolumentum percepi in belli Duce, qui semper sudabat omninocte, unde valde debilitabatur, & hoc remedio fuit curatus. Medici sæpe dicunt, si consulerem quidem venæ sectionem, sed æger sudat, metu, ne materia introvertatur, hæc una sed vana est objectio, & sic optimum medicamentum aspernatur, ut non tollatur sudor, quasi esset bonus ut in peste, ubi venæ sectio est mala, quia ibi materia, cum volatilis sit, per sudores diffilari potest.

*Diarrhoea Febrilis.*

§. 715. Hic omnes Species Diarrhoearum excepta Hepatica trado. Diarrhoea derivatur à græco verbo *ῥέω* fluo & *ῥέμα* fluxus; hinc vocatur profluxus; Diarrhoea vi vocis est profluxus frequens liquidorum, vel per illam intelligo, quando omnes humores corporis quasi per intestina exeunt vel cum dolore vel sine eo, cum dolore est Dysenteria, sed Diarrhoea proprie posterior est; diversam habet materiam excernendam, unde pro variis excretis sunt diversæ denominationes Diarrhoearum, quas recensebimus. Si *mucus* intestinorum exeat, tum est *Diarrhoea Mucosa*, ut in Tenesmo fit à convulsione, quæ perpetuo illum mucum detergit ab intestino

R. & o,

Recto, illa Diarrhoea potest etiam esse catarrhosa, nam quemadmodum per Coryzam fit Catarrhus in membrana Schneideriana, eadem ope fieri potest Diarrhoea in intestinis, cum eadem membrana, quæ involvit interiora narium se ad anum usque extendat, per medicamenta purgantia exit & eroditur quoque mucus, & inde quoque fit Diarrhoea Mucosa ab illo moco, quem Medici falso credunt esse eliminandum, cum potius sit servandus. Si *lymphæ* exeat, tum vocatur *Serosa*, *Lymphatica*, *Aquosa* & pro vario lymphæ colore dicitur Diarrhoea vel *serosa flava* vel *serosa cinerea*, quæ pro pessimo signo habetur, tum saliva oris, ventriculi, intestinorum, pancreatis, imo & liquor hepaticus vadunt in intestina & foras exeunt, unde penitus exsiccat corpus, & æger moritur intra quinque vel sex dies ad summum, hoc vocat *Celsus sinceræ alvi dejectiones*, ex quibus oriuntur animi deliquia vix superanda, has etiam Diarrhoeas vocaverat *Hippocrates* *ὑποχολήναια ἀκρίτα*. Quando ægri merum mucum dimittunt, tum pancreas salivationem patitur. Si *pituita* vel *gluten* exeat vocatur proprie *Diarrhoea serosa vitrea*, quia illud, quod exit, est instar vitri, tenens & durum, sed hoc est rarissimum, quamvis illud notet *Galenus*; & est signum lethale, nec ego in tota Praxi nisi semel vidi. Si *pus* exeat, est *Diarrhoea purulenta saniosa* seu *ichorosa*, nam sanies est ichor ex ulcere tenuis exsudans acer non crassus, ut est pus, si .i. prodeat ex hepate & vasis hepaticis, *biliosa*, si verò cum bile aliquid tenuius, tum vocatur *Dysenteria Hepatica*, *Biliosa* vel Fluxus Hepaticus, si *pus* ex hepate vel aliunde dicitur *Diarrhoea purulenta*, pus enim oberrans cum



sanguine ex hepate vel ex arteriis Mesentericis per intestina se evacuare potest, non hoc semper denotat fomitem esse in intestinis; quando est canerosus tumor in intestinis, ventriculo vel pancreate, tum humor saniosus exibat per intestina: sanguinis Diarrhoea est triplex 1. ab hepate per dilatata vasa hiantia in abdomine quæcunque illa sint, modo materies devenire possit ad intestina, tum vocatur biliosa hepatica, aliquando per dilata vasa Mesenterica, 2. aliquando à vasis Hæmorroidalibus, 3. aliquando it per vasa rupta propter nimium impetum vel à causa lædente vel exedente, illa, quæ fit per dilatata vasa, est sanguinolenta sine dolore, si recens sanguis exeat, est *Dysenteria* vel potius *Diarrhoea Sanguinolenta*, vide *Ruyschium in Epistola undecima de Intestinorum tunicis*. Quando omnia ingesta transeunt cruda, tum non est proprie Diarrhoea, quæ notat frequentem excretionem, sed tum dicitur Lienteria (vide *caput de actione Ventriculi in Institutionibus*) hæc proprie est dicenda glabrities nimia intestinatorum, sed ex nomine non intelligeretur morbus, est enim ciborum fere non mutatorum, prout deglutiti sunt ex intestinis excretio, causa nisi aliud est quam ventriculi vis vel intestinatorum contractilis est valde læsa, ubi tantum intestina funguntur officio canalis transmittentis non immutantis non impellentis in lactea, hinc cibi per flaccidos canales delati effluunt, hinc recte dicta est levitas intestinatorum, quæ ingesta non retinet; & frustra veteres à recentioribus correcti sunt, cum tantum intellexerint sublatam vim remorandi cibos, sed quasi per mortuum canalem effluxam.

*Intestinatorum. Malpighius* aquam, urinam &

atra-

atramentum injectit in arteriam Cæliacam, & vidit exitum; ipse *Ruyseus* vidit suam materiam per poros arteriarum patefactos in intestinis hiantes penetrare, & per omnem tractum intestinorum Tenuium, hinc videtis, quod omnes humores ex toto systemate arteriæ Cæliacæ & Mesenterii in cavum intestinorum eant, ergo tot sunt Diarrhoeæ species, quod diversi arteriarum fontes, sed mucus & reliqua semper præsto sunt, ergo hæc non faciunt Diarrhoeam, nam non videtis hominem, qui decem libras aquæ Spadanæ & qui quatuor vel quinque libras feri lactis biberunt, hæc dimittere, ergo hæc præsentia non faciunt Diarrhoeam. Est etiam *Diarrhoea chylosa*, si chylus in ventriculo præparatus effluat ex intestinis non ingrediendo in lactea tumque vocatur morbus *καλιакος*, hic morbus est, si chylus in ventriculo ex cibis bene confectus vel solus effluat per inferiora, quæ est Cæliaca prima, vel cum fæcibus mixtus, quæ est Cæliaca secunda, hic morbus est, si ventriculus retineat vim contractilem, & conostricticem, sed intestina supposita sunt in statu Lienteriæ, ubi delata non retineantur, sed adhuc exeant ut in Lienteria si nulla foex erit, quæ ultima semper naturalis est chylus solus, tunc ventriculis adhuc est bonus, sed intestina sunt flaccida, ex quibus omnia vi respirationis expelluntur. Cæliaca secunda ad Lienteriam non pertinet, quia chylus cum fæcibus ejicitur, quod fieri nondum vidi, licet multi Auctores hoc scribant, hæc si contingat, intelligitur Tenuia intestina in statu flaccido Lienterico Diarrhoico esse, sed ventriculus & intestina Crassa adhuc habent vim se contrahendi, miscentque chylum cum fæcibus

suis & sic ejiciant, sed an fieri possit? nescio: ut intestina Tenuia sint flaccida & affecta, & ventriculus cum Crassis bonis, sed sic fieri potest, ut facile ex Phænomenis intelligitur. Omnes hæ species Diarrhoeæ sunt & pendent à vario humore excreto usque ad sanguinem, sed nunc ex diversis locis in intestina liquida fluunt & exeunt per alvum, nempe ex naribus, ore, faucibus, & æsophago, tum vocatur *Diarrhoea Catarrhosa* scilicet quoties membrana *Schneideri* maxime expansa una continua cum laryngis membrana bronchiorum & æsophagi occupantur levi inflammatione, prima species Catarrhi dicta: hæc inflammatio faciet, ut primo exeat humor tenuissimus, simulque acerrimus; ut in frigore lymphæ fluens ex naribus quamdiu hoc stillicidium est, sic plane tenue aquosum, salsum, tamdiu est Catarrhus, ille morbus vocatur *Coryza*, Latine *destillatio* omnibus Europæis *refrigeratio* Belgicè *verkoutheyd*. Si cadat ad pulmones, fit tussis, si ad nares sternutatio, si ad os, excernitur, si ad æsophagum, ventriculum & intestina, tum oritur *Diarrhoea Catarrhosa*, dico eadem in ventriculo fieri posse, si nempe eadem membrana, quæ à ventriculo continuatur usque ad anum, leviter inflammata sit, tunc semper observatur prostratus appetitus, unde affectio Cæliaca oritur, porro est hepar dans lympham hepaticam & bilem, jam si ibi sit dilatatio, ut nimis stillet humor, fit *Diarrhoea Hepatica*, in qua excernitur materies fere rubella, quasi loturæ carnis, estque effluxus hepaticus, à vesicula fellis *Diarrhoea Biliosa*, si splen, pancreas &c. (quæ tardissimum habent motum circulatorium, quia sanguis in splene fit bis venosus) afficiuntur, potest



liquidæ materia exhibit ægro nesciente; qui viderunt usum medicamenti *Angeli Sala*, quod celebre est sub nomine *Boylei lunæ purgantis*, quod remedium est pro maxima parte Lapis Infernalis, quod si ad unum vel duo grana homines assumant, nescientes alvum dimittunt, & aqua defluet sphinctere ne quidem advertente, ergo Paralysis facit Diarrhoeam. Si multa aqua assumatur, nil per alvum exit, nisi postea parum crassi sæculenti, sed illa postea per urinam exit; ergo non requiritur materia, sed causa admittens in lactea serum, retropellens, hoc facere potest, 1. quia intestina sunt Paralytica, 2. quia venæ haurientes lympham è cavo intestinorum obstructæ sunt, ergo flacciditas, quia liquida non adiguuntur in meatus, quod fit, quia obstructio impedit; unde ægri habent perpetuum Tenesmum, hinc apparet ingens vis expellens, sed in lactea pellens fere nulla; hæc est Diarrhoea scilicet materiæ humidæ perspiratorum motuum ex intestinis flaccidis redditæ, vel ex obstructis lacteis violenta per alvum expulsio. Si homo laboret Aphthis, quæ sunt crustæ mirabiles occludentes vasorum exhalantium & emittentium orificia, si tum tota corporis concava superficies obfessa sit his crustis aphthosis, quamquam raro hoc accadat, ab externis obstipatur, tum ubique tam absorbentia, quam exhalantia obstipabuntur, & liquida ab extremis arteriis eructata ob vim, quam adhuc habent à corde, non resorberi poterunt ab inhalantibus, quæ hac vi destituuntur, hinc fiet perpetua Diarrhoea eorum, quæ deglutiuntur & quæ ab arteriis afferuntur, donec corpus fuerit consumptum.

§. 716. *Materia.* Nam quo ad causam, est in-

inflammatio, suppuratio, cancer, scirrhus, vel dilatatio vasorum nimia, & verbo dixerim sunt causæ infinitæ, sed materiæ fluxus & vasorum laxitas sunt causæ proximæ.

*Effectus & eventum.* Nam si subducetur è sanguine pars liquidissima, tum minor fiet ad cæteras partes pressio, unde cerebrum labascet, quia omnis impetus it versus intestina, ut accidit præsertim Hystericis, & similibus, quæ habent genus nervosum valde mobile, tunc enim non fit sufficiens sanguinis applicatio ad cerebrum, ut spiritus producantur, unde animi deliquiem &c. Ex paragrapho 715. patet intestinorum inflammationem impedire, ne materia transeat in lactea, hinc humor intestinalis acceptus non potest ingredi in lactea, sed vi vitali intestinorum comprimente pellitur ad inferiora; hinc Diarrhoea seu Dysenteria sæpe in febre inflammatoria accidit ob hanc causam, ibi materia inflammatoria perpetuo transfudabit per vias laxatas per nimium motum ob validam febrem, unde hic morbus vocatur febris Dysenterica. Sæpe contingit, quod Aphthæ Villosam intestinorum Tunicam occupant, tum oritur febris Dysenterica Aphthodes. Si materia ulcerosa excoriet intestina cum magno dolore fit febris Dysenterica ulcerosa cum magnis tormentibus; ergo eventus & effectus sunt innumeri materiæ ex intestinis fluenis: aliquando est Cancer in pancreate, hepate & mesenterio, unde sæpe humor acerrimus transfudat, excorians & erodens tunicas intestinorum, similis fere ut in Phthisi, si extremo tempore sanguis vel magna puris copia aggregata circulationis motu acerrimus fit, qui in intestina transfudans omnia ita erodit ut intestinorum partes  
ad

ad mortem usque ejiciantur, aliquando idem fit à materia atrabiliaria acerrima per hepar, pancreas & venas Meseraicas in intestina effusa, hinc Hippocrates dicit, ægros esse morituros, quibus multum materiæ atrabiliaris sursum & deorsum ejicitur; hinc sæpe est morbus incurabilis, nempe si æger laboreat Vomica hepatis; si in pulmonibus, totum pulmonem per aliquod spatium expuet, ita si Cancer in pancreate oriatur, tum fit sputum pancreatis & Diarrhoea truculentissima ad mortem usque, idem de hepate verum est; vidi talem Diarrhoeam in mercatore primo se manifestantem cum paucâ commotione, à Medico dabantur consueta purgantia Rhabarbari &c. cui parum morbus auscultabat; ultimo peior rediit, & adhibitis omnibus aliis idem semper accidit, tandem emaciatus moritur, & in aperto cadavere totum hepar putrefactum & saniosum fuit inventum, si ergo vasa pancreatica sint admodum laxa, si crusta villosa mucositate obducta, si orbiculi intestinorum Paralytici, est morbus incurabilis. Veteres vocarunt *Diarrhoeam Colliquativam*, quando Cacochymia purulenta vel sanguinis putredo totum sanguinem sic tabescit, ut tota substantia in tabem putridam resoluta sit, tum sanguis ad fines artèriarum Meseraicarum & Cæliacarum in intestina venit propter debiliorem resistantiam, & facit Diarrhoeam, in Phthisicis curandis hoc observatur, nam ubi ille fluxus obtinet, hi per substantiæ & materiæ corporeæ consumptionem, quæ per pulmones ire debet, moriuntur, hi, si Medici iis optimum regimen præscribant, semper moriuntur sine Diarrhoea, sed si Medicus illud malum curare tentet, oritur Diarrhoea, unde qua-

quadragesies imo centies intra viginti quatuor horas ægri alvum deponunt, & sic extinguuntur sine ullo sputo; hinc fluor colliquativus pro causa habet ichorem purulentum, turbidum sanguinem erodentem versus Mesenterica vasa, & facientem ut deorsum deponantur, quemadmodum antea per pulmones ire solebat, sæpe integra fragmenta intestinorum sunt deposita. Hic morbus raro occurrit, licet multi Diarrhoeam Serosam statim colliquativam elament, & jactent se Fluxum colliquativum curasse, hi sunt *Celse* dicti histriones, qui ex parvis morbis magnos clamant; in morbo colliquativo fit sensim tarda consumptio cum febre *Hætica*, semper alvum moventes vel in Tenesmo consumuntur ægri, scilicet ubi pus labefactavit rotam sanguinis massam, unde fit Diarrhoea putrida. Si Hydropicis in fine morbi Diarrhoea superveniat, tunc gaudent, & putant se aqua levandos, sed aqua fetida & acris exit, unde purgat usque ad mortem, quia ille humor est plane putrefactus acer & colliquefactus, unde intestina instar cribri sunt fere pertusa; hinc ille morbus oritur 1. quando rotus sanguis est putridus cum causa indomabili, 2. & sanguis ita est solutus, ut in vasis contineri nequeat, & totus ad intestina feratur.

§. 717. *Disponit.* Si liquidum per unum vas ire incipiat, tum hoc vas plus dilatabitur quam reliqua; sic si Diarrhoea per aliquot dies in homine duraverit, vasa abdominalia ita disponit, ut omne, quod superest, in abdomen eat.

*Labefactat.* Si oscula emittentia à Diarrhoea aperiantur, ut fit à Diarrhoea Serosa causa, tum altero die vasa plus laxata erunt, plus lymphæ, hac irritatione omnia sensim labefa-



tantur, idem verum est de hepate & omnibus aliis.

*Excoriat.* Diarrhoea Colliquativa primo die non ita docet; altero parum & tertio plus, dein sensim maxime, quia materia acris deglubit membranas, nam mucosa membrana per deterfionem semper tollitur. *Ruysebius* demonstravit in suis ultimis adversariis, quod interior intestinorum superficies fibrosa & sentiens reddat liquorem mucilaginosum, quando Diarrhoea nimis fuit, tunc tangit hoc liquidum, & illo à suis orificiis ablato postea sanguis prodit, hinc quando mucus à suis papillis denudatus & ablatus est, nervi non tecti valde dolent, & sanguis continuo exit.

*Inflammat.* Intestinis excoriatis, ex binis his causis transit Diarrhoea in Dysenteriam, ut dicit *Hippocrates*.

*Exhaurit.* Incredibile est, quanta liquidorum copia per intestina expurgari possit, visum enim est spatio viginti quatuor horarum esse emissas viginti libras liquidorum, scilicet tum reliqua vasa adhuc valide prement suos humores; hinc totum systema venarum & arteriarum exhauritur.

*Atrophia.* *Hippocrates* dicit, omnia corpora, quæ quotidie purgantur, a nutriendi consuetudine avertuntur.

*Macies.* nam purgantia macilentiam inducunt, quam enim tenuiores transfudant liquores in intestina, omnia vasa sufficienti liquidi copia destituta arctiora & minora fiunt, ac arescunt, dumque interim crassa retinent, plura inducuntur mala & solvitur tota pinguedo.

*Dysenteria.* Vocatur Diarrhoea cum dolore juxta *Sydenhamum*, nam tamdiu vocatur Diarrhoea

rhoea, quamdiu tormina non adsunt, hinc *Celsus* non dixit Latine Dysenteriam, sed intestinorum levitatem, omnis Diarrhoea, quæ tormina habet, est cancrofa, ichorofa, lymphatica, mucosa &c. materia ergo Dysenterix non est sanguinolenta. Medici ergo se fefellerunt, qui supposuerunt Diarrhæam sanguineam, nam non magis est biliosa & mucosa quam sanguinolenta. Dysenteria est totuplex, quoruplex Diarrhoea esse potest.

*Inspissatio.* Unde sæpe in fine Diarrhoearum fiunt inflammationes, febres ardentes & postea mors; hinc si Dysenteria diu duraverit, incipit fieri rubra, ulcerosa, pustulosa, ut monet *Hippocrates de Sparsis Ulceribus*, quia reliquus sanguis parte liquidissima orbatus necessario inspissatur, hujus ratio est, quia superfluous sanguis crassus exustus hæret, ad corporis superficiem, ut pariat pustulas & rubedines; hinc solidorum laxitas dicta ac fluidorum jactura ante intellecta.

*Leucophlegmatia.* Vocatur collectio aquæ in Panniculo Adiposo vel in Membrana Cellulosa totius corporis; omnis, qui Diarrhoea laborat, summopere fitit, si his omnis aqua, quæ potatur, non exeat, ibi accumulatur & hæret, hinc oritur Hydrops & Tabes, sic substantiæ fit consumptio; Phthifici aliquot septimanarum ante mortem accipiunt manus ac pedes usque ad finem ossis tibiæ intumescences, hoc inde oritur, quia circulatio in debilissimis plane desinit, & humores ibi delati manent, hinc Leucophlegmatia propriè est abundantia pituitæ albæ in toto corporis habitu, quæ oritur à vasorum laxitate. De Diarrhoea legi merentur

*Duretus & Hippocrates*; ubi omnia, quæ hic tractata sunt, inveniuntur.

§. 718. Sequitur Diarrhoeæ cura generalis, quæ dari vix potest, quidquid conati sunt maximi viri, hinc nos distinctius proponemus: sanatio consistit in causarum ablatione, si acre irritans & prædominans vel in toto sanguine vel intestinis hæreat, tum illud fibras irritando in motus expressorios adigit, hinc facit sæpe Diarrhæam, ergo cura consistit in ablatione hujus acris, dicetis, hoc videtur repugnare præcedentibus, sed certum est, quod omne acre Paralyfin intestinorum creare possit, ut hîc duobus exemplis & Mercurio præcipitato & lapi-  
de *Boyleano* constitit, quæ licet æria talem faciunt purgationem, ut excrementa in scio homine delaberentur, si causa irritans sit acida, tum sanatur per antacida, Corallia Rubra ad dragmas duas, Oculos Cancrorum, Matrem Perlarum, Ostracodermata, quæ statim sanant hos morbos, præsertim illos, qui in admodum laxis & flaccidis acidis corporibus maxime infantibus obtinent, si causa sit alcalina, ut sæpe in violentissima febre ardente, ubi facile bilis succusque intestinalis putrescere incipit, tum acida sunt optima ut spiritus Salis, Nitri, succi Citri &c. v. g. si quis vitelli ovi putrefacti grana quatuor vel quinque in panis mica involuta deaurata deglutiat, purgabitur homo ab acri irritante, sic etiam ab aliis putrescentibus acris irritantibus, hic nulla sunt remedia specifica, sed multa acida sunt danda ut spiritus Nitri & Sulphuris per Campanam, quæ omnia sunt optima, frustra hic dantur pulveres tritum Santalorum, tum enim Diarrhoea exasperabitur, quia alcali magis exaltatur; sed cur  
illæ

illæ terræ Benedicæ à Paulo ex Melita ita dic-  
tæ? cur terræ Sigillatæ Bolus Armena, omnes  
fere Diarrhoeas castrenses sanant? omnes hæ in  
ore assumptæ instar butyri deliquescent, his  
ergo omne acre quaecunque involvitur, hinc  
acre acidum vel alcalinum omne inviscat, ob-  
tundit, & iners reddit; si fit Diarrhoea ab acri-  
monia, quæ ignoratur, tum diluentibus ad  
acrimoniam quaecunque valentibus est uten-  
dum uti oleosis ad magnam copiam epotis, nem-  
pe oleo Olivarum, Amygdalarum Dulcium, Li-  
ni &c. huc pertinent terræ Sigillatæ pingues, Bo-  
lus Armena &c. vel emulsiões ex Amygdalis,  
Dulcibus, Pistachiis, Olivis, seminibus qua-  
tuor frigidorum majorum & minorum, Lini,  
Avenæ, Hordei, Nucis Cocco & ex simi-  
libus, quibus assumptis æger alvum deponet,  
hacque ratione omni acri materia eliminata  
Diarrhoea sistitur, & sanatus erit æger, sed hæc  
non juvant, quando hoc malum à sola intesti-  
norum laxitate oritur, sed è contrario nocent,  
si morbus sit ab acredine tum juvant, si in ven-  
triculi aut intestinorum rugis acre vellicans hæ-  
reat, irritans liquida ad expressionem, unde  
Diarrhoea producit, tum hic morbus talibus  
demulcentibus curatur; si æger adultus Diar-  
rhœa laboreat, hoc plerumque erit à putrescen-  
te materia, hinc curabitur contrariis remediis,  
ac infantes per acida, si homo quodcunque acre  
assumat, semper incidet in illam Diarrhoeam,  
hinc tum emulsiões anodynæ paregoricæ e-  
mollientes tantum nomen hic habent in curan-  
da Diarrhoea, quales sunt Diarrhoeæ, quæ fiunt  
à fructibus immaturis comestis, etenim hæ sem-  
per curantur per generalia demulcentia, ut e-  
mulsiões v. g. Nucis Cocco, ut fit in Indiis,  
&

&c. 2. obtundendo illud acre per suum contrarium; si acris indoles non cognoscatur, tum dantur oleosa & aquosa, quæ in genere omnia acria tollunt.

○ *Emetica.* Omnis Diarrhoea, quæ non ab inflammatione, nec erosio aut suppuratis visceribus oritur, perfectissime per vomitoria sanatur, sed certi esse debetis, quod corpus non laboret labefactato viscere, ut visceris dissolutio metuatur, hinc sit talis Diarrhoea, quæ hoc non impediat & in quo vasa sint firma, tum vomitoria sunt optima, nempe hoc modo

℞. Rad. Ipecacuanhæ Div  
in minutam scobem rasæ  
infundatur per noctem  
cum Vini albi Gallici ℥iij  
postea leniter ebulliant &  
per pannum album colentur.

Hoc remedio milleni sanantur, ipse pulvis in substantia ad unum scrupulum datus magis incaute agit, sed infusio est melior. Hoc est medicamentum, quod Lodovicus XIV. Galliæ Rex adeo remuneravit Helvetio, non est specificum, sed tollit Diarrhæam, quatenus humorem peccantem excutit, & hac ratione acre & morbi causa tollitur, de hac re nullus dubito; est remedium, quod nempe sub nomine Manapollæ apud Zeylanenses utitur, quod dicitur esse certissimum medicamentum contra Dysenteriam, sed hanc rem explorandi occasionem habui in consilio Medico cum eruditissimo Gallo Medico, qui Sedani fuerat, ubi primo hoc remedium fuit adhibitum. Laborabat aliquis ex Magistratu Fluxu Hepatico à Vomica  
hepa-

hepatis, unde subsequebatur Diarrhoea perpetua, conabar hoc malum tollere per vicem correctoriam, alter vero Medicus suadebat radicem Ipecacuanhæ, ut specificum, de quo vidisset effectus semper felicissimos, ego obstiti & contrarium tenui, & si adhiberetur hic orituram hypercatharsin, ille vero respondebat se ex numerosis exemplis non infelicem vidisse effectum, ego iudicium meum suspendi & dixi, si posset in suam conscientiam sumere, ut adhiberet; æger tamen hoc remedium sumpsit, sed subsecuta est hypercatharsis & postea mors, nam habet vim expellendi, ut omnia vomitoria, si nunc ulcus exprimatur, non inde impeditur, ne cras renovetur, accedit, quod via affecta se inde restituere non possit; si ergo non adsit in ventriculo, diaphragmate, pancreatē, & intestinis & estis certi ægrum non spuisse sanguinem, nec esse Cancrum vel interne Scirrhum vel Vomicam, audacter vomitoria sunt danda, & intra triiduum curatur, si unicum vomitorium non sufficiat, bis vel ter repetatur, quia hæc expellunt, & faciunt viam liberam, tum postea Opio & Diætā exsiccante est utendum. Idem facere potestis methodo *Sydenhami*, qui in initio dat dragmas duas vini Emetici cum Croco Metallorum præparati, quod remedium eodem successu Diarrhœam tollit; hinc Emetica agunt ut expellentia violenta non ut specifica. Asari Septentrionalis folia septem, octo, novem vel decem, pro ut sunt majora vel minora, contendantur in pulticulam, quæ infundantur cum aqua vix fervida sine ebullitione, colantur, quod remedium etiam Diarrhœam curat. Hæc fuit methodus antiquissima in Brasilia præsertim ob-

servata, ubi homines sunt fortes, proceres & longævi, hi autem, observante *Pisone*, curant omnes suas Diarrhœas, quæ oriuntur à fructibus horæis nimis flaccida reddentibus interiora: observandum est quoad Emeticum, quod ter hoc sit repetendum, nempe v. g. hodie, cras & perinde danda est radix Ipecacuanhæ ad prædictam dosin, idem est dicendum de purgantibus, quæ etiam ter sunt repetenda, si Emetica non adhibeantur.

*Purgantia.* Omnis purgatio abradit mucum & exsiccat intestina, hacque ratione causas purgantes tollit, hinc si detur purgans, quando in corpore est acre, quod Diarrhœam producit, cessabit Diarrhœa, & hoc præsertim faciunt Pruna, Myrobalani, qui post purgationem maxime adstringunt, Mercurius Dulcis cum Saccharo vel Scammonio sumptus ita exhaurit intestina, ut homo, qui prius Diarrhœa laboraverit maxima, postea per plures dies alvum habeat adstrictam, nec quidquam deponat; purgantia conducunt maxime in semi corruptis flaccidis & Scorbuticis pro exemplo.

℞. Rhei elect                      Div

Syrup. Rosar. solitiv.

cum Senna

M.

℥j

Et hoc medicamento curatur Diarrhœa imo etiam sæpe Dysenteria Sanguinea (in Colliquativa necaret) hinc omnes Dysentericæ, nulla excepta, purgante tolluntur, si homo sanus assumat purgans Hydragogum ultra quater non demittit alvum, quatenus hic subducunt materiam levantem humidam & acrem & eatenus con-

convenit, omnium pulcherrima sunt purgantia quæ ex Rheo dantur, quia hæc adstringunt & simul expellunt, hinc Rhabarbarum nil specificum habet, nisi quatenus adstringit, sed etiam reliquorum purgantium hæc est indoles, tollendo enim acre Diarrhœam sistunt, verum in Diarrhœis castrensis Rheum esse præferendum censeo, quia hæc bilem plerumque pro causa habent, aliter sequens est etiam optimum.

℞. Tamarindi

vel ejus pulp.

Fol. Sennæ pulv.

Aquæ Cichorei

M.

℥j

℥iij

℥vj

Vel pulvis Mercurius Dulcis cum Scammoneo, illud arcanum quod *Boyleus* à quodam tanti emerat, si Diarrhœa à laxitate optima sunt Myrobalani, pulpa Myrobalanorum sine nucleis v. g.

℞. Pulpæ Myrobalanor.

sine nucleis

Rhabarbari

Aquæ Cinnamomi

M.

℥β

℥j

℥v

Vel

℞. Aq. Plantaginis

Nucis Myrobalan.

sine nucleis

Rhei elect.

M.

℥iij

℥ij

℥j



Vel

℞. Aq. Rosarum ℥iij  
Nucis Myrobalan.

fine nucleis ℥ij

Fol. Sennæ pulverifat. ℥jss

Syrup. Cichoreo cum Rheo ℥ss

M.

Si æger antea quinquagesies alvum deposuit, hoc medicamento assumpto ne quidem sexies deponet alvum, & cras plane erit liberatus, sed hoc medicamentum rursus in aliis casibus nocet, uti in omni Diarrhoea Critica, ubi evacuatio non est sistenda; observandum est, quod, postquam purgatio agere desierit, post duas vel tres horas dandum sit Opium ad granum unum vel duo vel syrupum Diacodii ad unciam dimidiam.

*Clysmata.* Sæpe ob nauseam vix medicamenta haurire possunt ægri, adeo ut impossibile sit, quod aliquid assumant, tum multi Medici hærent, quod non opus sit, sed sumatur triplex dosis quæ superius data est, & fiat infusio, de qua injiciatur clyster. v. g.

℞. Rhabarbari elect. in  
taleolos scissi ℥iv

Aquæ pluvie ℥vi vel vii  
pro ut infusio erit major vel  
minor.

Ex hoc infuso confecto & injecto clysmate sæpe æger curatur, vel si sit infans, assumatur per os sequens remedium.

℞. Rhei

℞. Rhei electi ʒj

Syr. Cichorei

cum Rheo ʒij

M.

Postea injiciatur sequens clyisma?

℞. Rhei el. ʒiv

Aquæ puræ ʒij

Syr Cichorei ʒj

M. F. Clyster.

Sed quoad clyisma notandum est, quod triplicia sunt clysmata, 1. pro demulcendo ex decocto fiunt Althææ, Amyli, Farinæ Lini, & hæc species clysmatis sanat omnes Dysenterias, quæ oriuntur ab inquilina Acrimonia, 2. sunt clysmata purgantia, de quibus jam superius egi, 3. methodus curandi per clyisma est inducendo Narcosin, quod nunquam fessit, si fluxus fuerit nimis enormis, sed hoc remedium à profanis non est dandum; instituat v. g. sequens clyster.

℞. Terebint. Venet. ʒj

Subigatur cum Vitell. Ovor. ʒβ

Theriaca ʒvi vel ʒj

Vini rubri vel

Lactis ferrati ʒvj vel ij

Syrup. Rosarum ʒj

M. F. Clyisma.

Hoc remedium mane & vesperi per aliquot successivos dies est repetendum, & hac ratione plerumque curantur illi, qui erant in mortis a-

gone, quando Diarrhoea supervenit infantibus, tum minori dosi dandum est, in Fluxu Hepatico, Phthisico febrili est optimum medicamentum, modo certus sis nil inflammatorii subesse, tum possum efficere, ut hominibus in mortis agone versantibus non subducatur alvus, hæc ilico applicentur, postquam alvus ultima deposita est, tum malum ad minimum intra viginti quatuor horas sopitur. Si Scammonii grana duodecim purgent, tum sumi possunt grana triginta cum melle, unde fit clyisma idem efficiens ac purgans fecisset; clyisma non est injiciendum, antequam æger alvum exoneravit, sed statim postea, deinde non est præscribendum plusquam tres unciae, ne intestina nimis extendantur, & hoc clyisma æger quantum potest retineat. Si à quadam cacochymia sit morbus, tunc omnia humida, omnia mucosa prohibenda sunt, & panis bis coctus pro cibo est assumendus, uti & carnes assatæ, addatur succus Limoniorum, Cydoniorum, Citri, Rhabarbarum ustulatum, Miva Cydoniorum vel Rosæ Rubræ siccatae &c. tunc oportet, ut æger nil potet, & utatur paucis spiritibus Vini, in quo dissolutum sit paucum Matiches; ex iisdem austeris est componendum emplastrum stomachicum, quod ad alutam extensum parti imponatur; ex iisdem adstringentibus fieri potest clyisma, quod non superet duas vel tres uncias, & ita injiciendum, extrinsecus applicatur abdomini Ceratum Stomachicum *Galenii*.

*Corroboratiōe laxi.* Sæpe Diarrhoea oritur, quia intestina laxa sunt instar canalium mortuorum, hinc quidem humorem accipiunt, sed in lactea non continere nec deducere possunt, hoc

hoc viſo, morbus ſi curabilis ſit, cito curatur roborantibus, hic caſus eſt, ubi iuvant adſtringentia, laxantur ab aquoſo & ſimul omni alio lenimine, ſed dentur Meſpila, & poma Cydoniorum, quæ æger jejuno ſtomacho cum pane toſto edat ad uncias duas vel tres, vel ſequens remedium erit optimum.

℞. Cortex Granator. pulverizat ʒiſſ

Fol. Quercus ʒij. vel iij

Conſerv. Roſar. Rubrar. ʒij

M. F. Conditum

De hoc condito aſſumat æger ſingulo bihorio fruſtum inſtar Nucis Moſchatae; in hoc caſu convenient Bolus Armena, terra Sigillata, veterum à *Galeno* inſtar Divini remedii propoſita, Cornu Cervi uſti &c. folia Quercus, ſucci contriti foliorum Pentaphylli, radices Biſtortæ, Tormentillæ contuſæ & ſiccatae ad dragmam unam vel duas in potu aquæ Martiatæ datae, quæ eſt aqua vel Hydrogala, cui ferrum exſtinctum eſt, addatur Cinnamomum & parum lactis dulcis, vel præſcribi poſſunt auſtera ut Meſpila paulo immaturiora, cum miva Cydoniorum. Princeps Hispaniæ Diarrhoea pertinaciſſima laborabat, ad quam ſilendam cum ſiſtente ventis adhibita, *Lucreſius* acceſſitus feliciter curavit præſcribendo tantum cruda Meſpila in pultem redaſta, ex qua cura multum auri lucratus eſt, ſed hæc data in corpore Phthiſico, vel ubi natura criſin molitur, peſſundant ægrum. Princeps remedium eſt Rhabarbarum paululum ad ignem uſtulatam in pulverem contritum & ad duos ſcrupulos ſemel vel bis de die datum, quod non purgat,

sed adstringit, alterum remedium est terra Catechu, Acacia Germanica, Ægyptiaca, Germanica est prunus Sylvestris, & ejus succus austus in rob datus ad ℥ij. vel ℥iij. usque ad unciam unam, Myrobalani pulverizati ad pauca grana idem efficiunt, hæc est tertia methodus, quæ maxime nocet, ubi materia acris & maligna hæret, ut causa Diarrhoeæ nam occidit ægrum, si causa Diarrhoeæ non sit expulsa, ut *Duretus* & *Riverius* bene monuerunt, dicentes inde oriri inflammationes intra viscera, sed in flacciditate post purgans vel emeticum hoc remedium conducit. v. g. pro pueris tale clyisma adhibeatur.

℞. Fol. Quercuum	℥j
decoque in Aquæ puræ	℥vj
cui adde syr. Myrtini	℥ss
Mivæ Cydonior.	℥ij
M. F. Clyster.	

*Pacatione impetum.* Hæc est quarta methodus *Riverii* & *Drelincurtii*; nulli Auctori hoc plus debemus quam nostro Lugdunensi *Bontio* in egregio tractatu licet parvo de *Medicina Indorum*, ut & *Hermanno vander Heyden Gandavensi*, qui prius purgabat, tum dabat adulto granum unum vel unum & semis Opii, quod vocabat Laudanum suum. Reliqui Medici Opium dare non audebant, putabant arcanum quoddam possidere, sed paulo ante mortem suam provulgavit methodum, hinc si detur ægro nunquam Opio uso unum granum Opii, tum sistitur Diarrhoea sine ullo alio medicamento, sed simulac Opii vis evanuit, rursus illud medicamentum est repetendum, & est sum-

summum arcanum in iis, quibus metuitur Diarrhoea Colliquativa ut in Phthisi, si ibi in tempore non detur Opium, tum ante mortem ægri Diarrhoea diffluunt, quod quam crudele sit, non norunt, nisi illi, qui viderunt; tum enim ista macilentissima corpora ultra quadragies vel quinquagesies alvum deponunt intra viginti quatuor horas, & sic moriuntur, quod omnium optime parva copia Opii præcavetur; sequentia medicamenta idem efficiunt v. g. Theriac Andromachi vel juxta Venetorum præparationem ad dragmam unam & semis, quæ quantitas continet fere unum granum Opii, syrupus Diacodii ad unciam unam, Diascordium Sylvii ad scrupulum unum; sic etiam Mitridatium Damocratis ad scrupulum unum, Diascordium Fracastorii; hæc omnia remedia Diarrhoeam sanant, quoniam continent Opium, hinc idem est, ac si detur ipsum Opium. Præmissis tamen duobus aut tribus purgantibus sequens emplastrum ad umbilicum applicandum est, optimum remedium.

℞ Emplastr. Theriac.

Andromachi ʒj

Mastiches in pulveres

subtilissim. redactæ q. s.

M. F. Epomphalon ad

Umbilicum applicandum.

*Determinatione deorsum.* Hoc est si materia liquida alio est determinanda; hinc primo de parvam Opii dosin nempe ad granum unum vel quæ inde præparantur, ut Theriacam Venetam, syrupum Botryi vel alium valde

Diaphoreticum ad unciam unam tum sal alicujus Diaphoreticum v. g. sequens.

℞. Aquæ Menthæ	℥xij
Vitæ Mathioli	℥ss
Sal. Viperarum	℥ij
M.	

Optimum remedium est Spiritus Vini cum Galangæ folio, Nuce Myristica, pane tosto vel charta crassa bibula apponitur umbilico, dentur antea præscripta ut Vinum Gallicum Rubrum cum pane tosto.

*Per sudores.* Tunc non dandum est Opium, v. g. si sit hepar putrefactum. *Hippocrates* animadvertit, quod Stranguria Dysenteriae superveniens sanet, quod Diabetes superveniens Diarrhoeæ vel Dysenteriae sanet, quia Diarrhoea in fine se per urinas evacuat, unde fiat Ischuria, ut dicit *Hippocrates*, & hoc tam certo facere potestis, quam per hunc vel illum canalem transmittere liquidum, hinc detur Theriaca cum vino calido imponatur in lectum, ut sudor erumpat, simulac ille apparet, omnis Diarrhoea evanuit, vide *Sydenham*.

*Subductione.* Si fomes sit Hydropicus, canerosus, biliosus, serosus lymphaticus, mucosus, salsus, tum utinam exficcare possemus, sed hoc semper non est in manu Medici, si quis Vomicam hepatis habeat, ei hepar putrescit, hinc ad intestina delabens pus facit continuam Dysenteriam, hinc ad curandam illam Dysenteriam pus ex hepate est educendum, quod semper efficere non possumus, nam si hepar vel pulmo sit corruptus & putrefactus, tum sistitur materia, quæ regurgitabit in sanguinem

nem si per intestina urgeantur, hæc excoriabuntur &c. hinc nil aliud efficere possumus quam diluere & hic potissimum utendum est acidis, quamvis plurimi obloquantur, nam ubicunque est hæc materies putrida in corpore semper corrigitur per acida, sic etiam *Hippocrates* in Phthi- si gradu ultimo præscribit oxymel, quod continet acetum & mel; si in Phthificis per salivam pus viam quærat, tum est expuendum, si per nares sternutatorio est amovendum, sic alibi hoc forte curato tollitur morbus. Hæc sunt, quæ de curatione Diarrhoeæ dicere possum, qui hoc bene intelligit, ille omnem Diarrhoeam tollit v. g. si æger intra viginti quatuor horas alvum deposuerit, & sit valde debilis, tum ei dentur clysmata Narcotica acido austera, & adstringentia, nam æger non est purgandus, quia est nimis debilis v. g. sequens remedium.

℞. Mivæ Cydonior. vel succi

Cydonior. inspissati ℥j

Aquæ Cinnamomi ℥ij

Vini rubri Gallici ℥ij

Aquæ Ferratæ ℥v

M. F. Clysma.

Applicatum abdomini Emplastrum de Theriaca, vel Ceratum *Galen*i, & injiciatur clysma, quale præscripsi, si hæc tria inter roborantia adhibeantur, certe curatur æger; sed si in initio instituantur, æger necatur, nam si tum vires consent, dandum est vomitorium vel purgans, ut modo descripsi, sæpe in castris oritur Diarrhoea castrensis, quæ à crudis assumptis vel à corruptis visceribus vel a lutaceis & pessimis aquis generatur, ut integri sæpe exercitus tam



Asiatici quam Imperatoris Romani ab his aquis putrefactis assumptis perierunt, in illo casu optimus est lactis & Opiatorum usus uti etiam abstinencia ab his aquis. Ex his omnibus videmus, quod Diarrhoeam sanare non possimus, nisi prius cognita causa peculiari hanc Diarrhoeam faciente, nam si in putrefacto hepate detur radix Ipecacuanhæ, vomet æger, qui vomitus generabit hypercatharsin, id est, vomet ad mortem usque, sic, etiam si purgetur æger idem accidet, ergo in omni Diarrhoea & Dysenteria primo attendendum est ad causam peculiarem, antequam remedium propinetur.



### *Exanthemata Febrilia.*

§ 719. *Ἄνθος flos & ἄνθημα flos propullulans*, hinc jam *ἐξανθήμα* est efflorescentia; Exanthemata autem vocantur maculæ vel pustulæ, quæ per febris vim in cute externa ægri apparent, cujuscunque figuræ, coloris, magnitudinis numerive sint, huc pertinent; hæc semper notant, quod in minimis vasculis sit aliqua materia, quæ transhalare non potest.

*Pustulæ* sunt maculæ rubellæ cum levi tumore inflammatorio, si scilicet valde rubeſcant, & mediocriter tumeant, maxime oriuntur, quia in febre valida est sanguinis circumactio, ut in lymphatica dilatata, quod transmittatur de sanguine, quod exhalare non potens stagnat, hinc fiunt, quando ultima vascula sunt dimittenda vel per perspirationem vel per sudorem, tum ruit crassior materies, quæ trans-

transire non potest, hæ vero pustulæ erunt varii coloris pro varietate materiæ irruentis & stagnantis ibi sic rubræ fiunt à sanguine, dein flavæ à sero flavo; si sit aqua cum sero flavo erit Erysipelatosa.

*Vim vitæ.* Homo faciem habens ruberrimam simulac incidit in animi deliquium, utpote remittente vi vitæ pallidus fit.

*Circulatoriam.* Quæ hanc materiam hic deposuit.

*Erysipelas* est larga macula subrubra sub Epidermide hærens, pungens, dolens sine magno tumore cum febre Continua: Erysipelas significat Græcis pannum vel latitudinem externam rubram, distinguitur à Phlegmone à tumore nam Erysipelas est, quando ingentia loca corporis tali Erysipelate afficiuntur. Erysipelas est transitus feri sanguinis flavi & rubri, sed præsertim flavi ad illa loca, unde sudor vel Perspirabile Sanctorianum exire debebat. Rosa vulgo dicitur, cum tumor non ita magnus, sed coriaceus cum dolore valido, & oritur, quia vasa exteriora laxa sunt, & magna vi vitæ sanguinis partes vulgo biliosæ dictæ transeunt in illa loca, hinc brevi in Gangrænam abeunt aut desquamantur, materia pustularum non videtur esse naturalis, licet sit pars crassa sanguinis errore loci stagnans, hinc non est maligna, quia sæpe sine malo abit, & frustra in talibus casibus tot curationes contra malignitatem morbi vulgo ab Auctoribus traditæ sunt, quæ nulla est.

*Scarlatina* febris vocatur illa, quæ habet pustulas colore panni (vulgo *scharlaken*) in quibus raro dolor, hinc subito adsunt, subitoque desinunt, eodem modo ut in facie pediculi rubedo appa-

ret cito abiens, hæ pustulæ distinguuntur à Phlegmone, quia ibi per totum corpus tales maculæ sunt dispersæ, clarissimus *Ruyfchius* illas disperfit per sætus cutim, habet enim sætum rubicundissimis maculis tinctum. Hæ maculæ vulgo maxime metuuntur, licet non ita sint periculosæ.

*Petechiales.* Si solus sanguis ruber in hæc vasa ingrediatur, erunt Petechiales rubræ quasi scintillæ; hæ tantum sunt ad glandulas cætera eadem sunt; hæ sunt prævæ maculæ rubræ. Petechiales purpureæ in morbo Acuto sunt lethales scilicet si subito appareant, nam designant exedi à sanguine caustico reddito vascula minima, sanguinem vero colligi extra corrosa vasa; mortem denunciant, non ut causa sed ut signa, docent enim in cerebello & pulmonibus eadem fieri & hinc lethales. De Variolis & Morbillis jam quædam dicta sunt, & plura postea dicentur; cur Purpureæ adeo sunt lethales, varie disputarunt Auctores, certe sequens videtur esse ratio; raro Purpureæ apparent in morbis, nisi ubi nostri humores cito putrescant ut in Peste, hinc videtur sanguis attenuatus non lympham intrare lymphaticam, dum à putredine dissoluta est in verum (ut voluit *Sydenham*) venenum sanguini admistum, quod in medium relinquo, certum tamen est, quod à quibusdam venenis sanguis citissime putrescat.

§. 720. Nam non habent periculum, nisi nimia inflammatio adsit, si subito maculæ appareant sine tussi concomitante, ægerque interim bene respiret periculi expers est, priores vero febres si invadant una cum tussi difficulter sedanda levi delirio, respirandique difficul-

tate non sunt sine periculo, si pustulæ doleant, multum de Gangræna metuitur, si non multum doleant, tum desquamationem futuram designant.

§ 721. Materies hæc non est sub cute, in hoc casu Medicus præscribere debet levem potum, ut cor potum accipiens materiem per loca idonea facta separare pergat.

*Vis vitæ.* Si febris sit magna, & cutis efflorescentias, motum vitæ uti & sanguinis excretionem Medicus metuat, tum magnus impetus sanguinis illi est arcendus; quique æger se caveat inter curandum ab omni frigore, & teneat corpus suum ad idoneum fratum ad perspirandum, utatur diluentibus ad impediendum impulsus sanguinis ad hæc loca; hinc facile curantur ægri, si modo se ipsos procurent; adhibendi sunt potus Nitrosi Antiphlogistici, tum fere semper intra quatuordecim dies sanantur; decocta radicis Graminis Fæniculi Scorzonæ, Tragopogonis, Petroselini, foliorum Scabiolæ &c cum paucis succo Citri sunt optima. Per sudorifera sæpe necantur, Medici dicunt naturam ad exteriora esse ducendam ex eo, quod cicat *Hippocrates* natura quo vergit, est ducenda, verum si plus materia exciteretur & moveatur, tum in capite & cerebro eadem producentur, quia sudorifera æque eo quam ad cutim determinant.

§ 722. Febris cujuscunque in genere causas proximas & remotas enumeravimus, quas in posterum supponimus ut certas & notas. Ultimo consideravimus febrium symptomata vel effectus principes, qui dein recensendi sunt, ut morbi capitales hic traditi, & quo leviora hæc symptomata sunt, eo facilius curantur: nunc sequun-

quantur febres requirentes singularem curationem. Dixi in omni febre vel stimulum vel materiam esse considerandam, illa materia excitat impetum sanguinis, ille vero est causa efficiens, si tunc talis materia vel stimulus cito duxerit in mortem vel sanitatem vel mutationem materie, & si hoc fiat uno accessu, vocatur Continua, si violentia sua variet, vocatur remittens, hinc distinxerunt veteres inter Continuum & Continuatum.

§ 723. Omnis febris est vel Acuta vel non Acuta. Acuta est, quæ parvo tempore cum vitæ periculo decurrit ad finem, has in genere pertractavi, non Acutæ sunt, quæ lente & sine vitæ periculo decurrunt. Febris Continua vocatur, quæ manet in uno statu, hæc Acuta, quæ impetum semel susceptum ad finem deducit cum uno incremento, statu, decremento, non puto uno tenore, sed quod semel tantum fiat. Febris Continuata ab Intermittente venit, sic Tertiana potest in Continuum abire à novo intercedente paroxysmo. Continua vocatur, quæ remittitur æque Continua cum exacerbationibus non desinens, sed quæ attollitur & remittitur, & hoc est februm lethalium genus communissimum, vix autem ex priori febre Continua moriuntur, sed maxime ex iis, quibus quotidie semel vel bis fiebant exacerbationes, hæc Acuta vocatur Continua Remittens. Intermittens est, quæ ascendendo, stando, descendendo statum suum integrum absolvit, sed altero, tertio vel quarto die iterum nova fit, & tota decurrit. Hæc sunt simplices Intermittentes; hinc febris non est Intermittens, si semper laborent, sed si aliquod tempus plane liberi sint ægri, at postea de novo inchoat febris. Hæc omnes Continuæ Remittentes vel Intermittentes Acutæ sunt. Fe-



## Febris continua.

§ 724. Febris continua perfecte triplex vulgo enumeratur, & fere est vel Ephemera viginti quatuor horis perdurans, vel Continua seu Synochus non Putrida, vel Synochus Putrida, Ephemera non turbans humores protracta ad plures quam quatuor dies est Synochus non Putris; hac ratione Medici distinxerunt optimo jure, reliquis distinctionibus nil subest fundamenti, minus perniciofa est febris Ephemera Continua, quia una paroxysmo decurrit, vocatur Ephemera, quia uno die durat. An Ephemera est febris Acuta? ratione velocitatis ita; at non ratione periculi; nisi Pestem violentissimam Ephemeram vocare velis. In omni fere advertendum est esse ἀρχὴν seu *initium* ἀναβασιν id est *ascensum*, ἀκμὴν id est *vigorem*, μεταβασιν id est *descensum* & tandem δολῶν id est *finem*. Omnis febris Ephemera fit, quando nascitur in corpore motus, qui plusquam viginti horas durare non potest, ergo non habet pro causa cacochymiam, sed tantum peccatum in sex rebus non naturalibus vel potius in applicatis ~~gallie, retentis, excretis~~; febris Hæctica est referenda ad febres Continuatas ~~intermittentes~~. Oritur in corpore causa Physica, quæ febrim nasci facit, hæc causa perdurans facit perdurare febrim & ubi hæc causa desinit, tum vis vitæ adhuc superstes protrahit febrim, quæ postea descendit & solvitur.

*Causa* febris est motus violentior in humoribus

ribus & vix alius motus hic oritur nisi à peccato in sex rebus non naturalibus, sic si quis nimium comedat, bihorio post corripitur febricula, idem fit ex crapula, si hæc febris intra viginti quatuor horas non terminetur, est Synochus, si ab acri v. g. ut aceto, multo oleo Caryophyllorum assumpto, ab ira, æstu, frigore, motu nimio vel quiete, dicitur hæc esse sine materia vel cum, quæ, antequam febris jam aderat in humoribus, excitabat febrim materialem, at febris Ephemera nunquam habet materiam præexistentem, si hæ causæ determinantur methodo *Jonstoniana* per gesta, ingesta, excreta & retenta, semper ex his hic major motus excitatur, hinc vix cum frigore oritur. Materies februm est virium in corpore præexistens, unde talis febris renascitur, ergo materia febrilis in genere non referri debet ad causas Procatareticas & ideo febris Ephemera causa est semper Procataretica.

*Levi causa.* Si quis febricitans Medico præfenti dicat sibi febrim esse ortam à nimio motu, cibo supra modum assumpto, crapula &c. si autem hæc causa major fuerit, cenfeo Synochum, sed non Ephemeram.

*Corpore puro* non prædisposito ad morbum, si non adsit Epidemia in aëre, bona excreta, ut sudor, fæces alvinæ, urina &c. denique omnia sana sunt, non Synochum, sed si corpus sit impurum, prius Scorbuticum, Hydropicum, Arthriticum, tum non spero Ephemeram.

*Levibus symptomatibus.* Id est appetitu non penitus sublato, siti non nimia, assumptis non gravantibus, urina bona, naturali alvo, sudore moderato, corporis dolore non magno, pulsu qui-

quidem citatiori, sed non contracto maligno vel intermittente, vel denique quando omnes functiones naturales, vitales, animales non sunt valde læsæ.

*Crisis* est in febre illud tempus, in quo mutatio est expectanda sive sit illa mutatio in sanitatem sive in alium morbum, hinc *Crisis* cita est, quando febris causa cito superatur & materia ejicitur à febre præparata, urina crassiori facta, plus sedimenti habente, & febre desinente judico *Ephemeram*.

*Pulsus*. Si pulsus post viginti quatuor horeas perfecte sit restitutus ad justum æquilibrium, hoc est maximum signum, hanc febrem esse tantum *Ephemeram*, nam si esset febris *Tertianæ*; *Quartanæ*, aut quælibet *Intermittens*, tunc pulsus non restitutus esset ad æquilibrium, nam duodecim horas post paroxysmi decessum in *Tertianis* hoc non fit, hac ratione Medicus eodem die scire potest, an erit *Ephamera* nec ne, unde magna sæpe oritur æstimatio, Medicus ad febri laborantem vocatus quærit, an æger longe fuerit affectus, si dicat, ante sex horas bene valebam, & Medicus roget, an nil in sex rebus non naturalibus mutavit, & respondet, credo me nimium movisse, si nunc pulsus & respiratio bona, lingua non aspera, urina bona, est *Ephamera*, sed si corpus penitus appareat defatigatum cum ingenti siti, magno calore, pulsa citissimo est vel *Tertianæ* vel *Quartanæ*.

*Curatio*. Tantum curabo, ne per eam fiat mala dispositio, nam si diu duret prædisponit corpus ad febrem *Putridam* v. g. si quis violentius cucurrerit, habebit febrem, si currere continuet, febris facile continuatur, aliter si



currere cessaverit, febris etiam cessatura est, ergo causa non est continuanda, sed inhibenda, nam putredo jam oritur, hinc ut fiat impedimentum, tria requiruntur.

*Abstinencia.* Non quod æger nil edere vel bibere debeat, sed quod nil facere debeat in ingestis, gestis, retentis & excretis, quod corpus multum mutare possit, hinc nil cibi est dandum, quod multa coctione egeat, vel viscerum actione, secundo nullus motus, nulli animi affectus, nulla medicamenta, quibus motus promoveri possit.

*Dilutio.* Qua fit restitutio omissi per motum febris v. g. bibat æger omni semi horæ unciam unam vel duas potus Thee, Coffe vel decoctum hordei cum Rob Ribesiorum vel Mororum Nicolai, pauxillo Nitri, quavis semi hora sumat uncias duas (vel Belgice *een Thee backje*) cum enim non nisi liquidissimi jactura sit facta his restituetur v. g.

℞. Aquæ Hordei ℥xxv

Rob Ribesiorum

— Sambuci ana ℥ij

Sal. Prunell. ℥ij

Spirit. Sulphur. per campanam

Q. S. pro grato acore.

M. F. Mistura.

Sumat æger de hac mixtura omni quadrante horæ ℥j vel ℥ij,

§ 725. Si febris ultra viginti quatuor horas protrahatur & per tres, quatuor & quinque dies duret, si leviuscula sit, vocatur Continua non Putrida, quia humores ibi in naturali statu manent, & non degenerant, hinc novam febrem

non

non creant, sed Continua vocatur ob causam tenaciorem; putridum designat, ubi sanguis à naturali conditione degeneravit; si ergo respiratio libera sit, pulsus æquabilis, nec sitis ingens, nec calor turbatus, tum hæc febres sunt tantum Ephemeræ, & Medicus, qui hoc videt, debet tantum inquirere an Putrida, vel non Putrida, quod cognoscit, si symptomata à sanitate non mutata sint, in unico casu hoc fallit, nempe in Hæctica, sed tum cognoscitur ex morbi historia.

*Medela.* Medico ad ægrum vocato semper 1. est animadvertendum, an sit febris, 2. qualis sit; an Continua vel Intermittens, hoc docebit 1. Epidemica constitutio aëris, tum iudicium usque ad secundam visitationem illi est suspendendum, postea si in secunda visitatione post sexdecim horas inveniat catabasin, tum certe judicare potest esse Ephemeram, quod semper in secunda visitatione definire soleo; si vero post sexdecim horas inveniam febrim non esse descensam, tum mecum deliberandum est, quomodo hæc febris sit tractanda, si autem nullum sit magnum signum inflammationis, non statim præscribo venæ sectionem, ut perperam faciunt *Galenici* & *Galii*, ut si adsit magnum signum inflammationis, tum præscribo venæ sectionem ad octo vel decem uncias, dentur refrigerantia ex clysmatibus emollientibus, victus sit ex decocto Hordei. Curatio hujus morbi est ut in ephemerâ, sed addatur tantum leve nutrimentum ut, puls cum Cremore Hordei cum paucis succi Citri, Rob Ribesiorum aut Sambuci vel Vini, aliud nihil præsertim primo die, aut pomacotta cum pauxillo panis vel avena cum sero lactis

Etis, vel lacte ebutyrato, omni trihorio vel quadrihorio assumant, maneant in lecto, non multum moveantur, si metus adfit, ne major fiat putredo, venæ sectio est reiteranda; nam si exacerbescat, & diu duret, necessario desuescit à naturali statu, & febris fiet putrida, hinc requiritur ut laxentur vasa & æstus temperetur, instituaturs venæ sectio ad uncias octo vel decem, fiat potus refrigerans, & simul adhibeantur balnea pedum omni vespera, & fomenta ad caput ex Aceto Sambucino cum aqua. Primo die soleo præscribere in febribus Continuis de cotum Hordei cum Rob Ribesiorum aut Sambuci &c. secundo die mixturam sequentem vel similem.

℞. Aq. Melissæ 3x  
 Sal. Prunellæ 3ij  
 Syrup. Violar. 3i  
 Spirit. Sulphur. per  
 Campanam 3j  
 M.

Tertio die si velim aliquid mutare in materie, sumere possum sequens remedium.

℞. Salis Prunell. 3j  
 Cremor Tartari ana 3j  
 Stibii Diaphoretic. 3j  
 M. F. Pulveres No. viij vel ix.

Quorum unus est sumendus omni trihorio.

Quarto die syrupum Acetosæ vel pulpam Tamarindorum præscribo.

*Febris Continua Putrida*

§ 726. Hæc est tertia species febrium Continuarum, prima erat Ephemera simplex secunda Synochus non Putrida, tertia Ephemera Continuata, hæc est Synochus putrida, continet sub se pestem, febrem ardentem & febres malignas; non autem hic intelligitur chronica putredo jam volatilizzata, plane putrefacta, sed humorum status, à quo fit febris; in hoc morbo circulatio est aucta ad omnia vasa, sed hæc dilutione, venæ sectione & refrigeratione tollebatur, sed si inde cutis incipiat oppilari, viscera & capillaria obstrui, major fit Acrimonia, & Synochus Putrida perfecte Continua, tertio secum habens talem humorum corruptionem, quæ adeo deviat à naturali statu, ut ipsa hæc de viatio faciat febrem esse putridam, nondum autem plena est humorum corruptio. Solum augmentum motus ducit hominem ex summa sanitate in febrem pestilentialem, hinc occurrendum est tali motui nimio; sed etiam illi maxime peccant, qui ad minimam febrem Ephemeram sanguinem mittunt, & maxime refrigerant &c. tunc enim æger ex parvo motu extraordinario quandoque acquirit morbum Chronicum v. g. Hydropem.

*Visceribus.* In Omni febre Putrida est inflammatio, sed non facile resolvable, sed in inflammatione simplici major, hinc si minima vasa sint obstrueta, cognoscitur à cute arida.

§. 727. hæc sunt signa primaria, & ibi magna est difficultas, an adsit Medico cognitio simplicior quam habetur? omnes juniores Medici, quando audiunt hoc vocabulum, putant, quod Medici, qui illud proferunt, ejus habeant accuratissimam Idæam, hoc inde fit, quoniam non cogitant, quod id, quod cognoscimus, per causas cognoscere debeamus, nunc cognoscitur febris, si æger habeat pulsum celeriores, & febris Continua, si per triginta & sex horas æquabiliter adscendat, Continua erit, nam non scio exemplum febris vere Intermittentis, quæ ultra viginti quatuor horas duravit, si fuisset, Quartana, desisset 16. vel 18. horis; hinc si sit Putrida, primo animadvertendum est ad functiones læsas, & cognoscitur 1. si appposito digito sentiatur calor digito urens molestus & pungens, 2. si pulsus celerior aliquid subduri & inflammatorii habens, nec ordinatus, sed inæqualis & derivans, 3 appetitus prostratus ut æger dicat, non possum audire vocem alimenti, sitis magna, lingua sordida, arida, sicca; respiratio non naturalis, 4. urina crassa, cruda, rubra, flammea, sine sedimento, nam si tenuis maneat, est vel Synochus simplex vel Ephemera, 5. temperies calida, sanguinea, biliosa, 6. maxime circa annum vigesimum quintum, nam juvenilis ætas vergit ad putredinem, 7. habitus plethoricus, si sit calidus, alcalescens cholericus succus & sanguineus maxime frequens est, si hæc febris adsit, bene ei est attendendum, nam non tam facile fit curatio quam in prioribus; hæc est febris, de qua tot scripta sunt volumina, nec revera aliud video, nisi quod de hoc morbo multæ nugæ Philosophicæ & Aristotelicæ scrip-

præ sunt, quæ non juvant, & nil explicant.

§ 728. *Homotonos* vocatur febris Putrida, quæ uno tenore incipit, pergit ad finem usque, non adscendit, sed æquali quasi & sedato cursu pergit per quatuor vel quinque dies, ut pejus habere vix avertatur æger; *Hippocrates* hanc febrem summopere laudavit, hæ habent causam putredinis, quæ non adscendit nec augetur, ergo hæ febres sunt satis salutaræ.

*Epacmastica* seu *Anabatica*. Si omnia symptomata, quibus noscō esse febrem Continuum & Putridam, omni hora pejora fiunt, hinc febris sequenti die longe pejor & cum majore tenore adscendens erit, hæc febris *Epacmastica*, seu *Anabatica*, quæ plerumque ægrum suffocat & interficit, quando increscit quasi supra *ἐκπύη*, *Paracmastica* est, quando incipientes febres Continuæ Putridæ omni hora leviores fiunt vigore febris absoluto, hæ febres sunt optimæ, & suffinent vitam.

§ 729. *Prior salutaris*. Si Medicus videat ex ullo discrimine altero & tertio die hanc esse febrem, certo sciet die decimo quarto febrem esse terminandam, si nil agat, modo obsecundet naturæ, sed si quotidie adscendat, æger moritur, & an septimo die victurus sit, scire nequeo, si descendat, & non sit *Hemitritæa*, novi ante decimum quartum diem esse finendam; quidquid *Hippocrates*, *Duretus*, *Cælius Aurelianus* &c. de his scripserunt brevibus his terminis fere includantur. Quæro, unde Medici sciant, quod febres fiant, malignæ nec ne? hoc ex *Hippocrate* conatus fui sequenti paragrapho enucleare. Nulla res obscurior est in Præxi Medica, quam dicta febris; hæc malignitas vocatur latens conditio Physica in cor-

pore disponens ad summum periculum, ut definat circulatio, quando vulgares Medici, qui rem non introspexerunt, vel juniores vel idiotæ audiunt nomen malignitatis, tum putant, quod illi, qui hoc nomen proferunt, habeant distinctam morbi Idæam, hinc desperant de intellectu malignitatis; Excussu scriptorum *sapientissimi Hippocratis* inveni duplicem intellectum hanc vocem ferre posse, vel quod comprehendit nomen stimuli, de quo in præcedentibus amplius satis egi, & hoc est illud, quod vocavit *Hippocrates τὸ Θεῖον* Divinum siderans quasi flatu agens & non istud tenue & invisibile in peste contagium, sed intellexit *Hippocrates* præterea per malignitatem functionis à diathesi inflammatoria læsas, & hæc à Medico sunt noscendæ, de his agam paragrapho sequenti, ponite v. g. ægrotantem febre Continua Putrida laborare; quæstio est, an hic febricitans febri maligna putrida laboret nec ne? Ad hoc respondetur vel intelligitur τὸ Θεῖον, quod vocatur Epidemicum, quod facile cognoscitur, nam nemo malignitate pestilentiali laborat, ubi non plures interficiuntur, nam dum talis malignitas inter omnes regnat, facile cognoscitur.

§ 730. Pulsus est fundamentum omnis circulationis, & est cordis actio, hinc ille est consulendus; si hæc omnia in pulsu concurrant in ægro, vix per horam vivet, si nunc pulsus sit tam debilis, ut vix sentiri possit, si tam numerosus vel frequens, ut ejus numerum assequi non possimus, si sit tam inordinatus, ut post decem ictus se non manifestet, si uno momento sit celerrimus, sequenti momento non, aut simul intermittens sit, tum talis pulsus est pulsus morientis, & quo plus hoc  
adst

adeſt, tanto pejus eſt, hoc ſignum nunquam faller, ſi in febris Continuis Putridis talis ſit pulſus, tum eſt malignus, quo nunc plus ad hæc ſigna accedit, eo eſt periculoſior.

*Reſpiration.* Hæc eſt actio vitalis, nulla ſanguinis gutta tranſit per pulmones niſi ope reſpirationis, ergo actio reſpirationis designat actionem cordis, maniſeſtior eſt reſpiration quam pulſus, ergo plus attendo ad reſpirationem, quam ad pulſum, *Hippocrates in tota ſua Medicina* nil loquitur de pulſu ſed ſemper de cita reſpiratione, angeloſa, ſuprema, profunda, nam reſpiratio eſt ſenſibiliſior quam profunda, non facile mutatur, & notat totum morbum.

*Difficilior*, id eſt, quo plures nixus edat æger.

*Narium pinnis.* Si nempe æger has partes in inſpiratione minus movet, ut illæ dilatari videantur.

*Dolens.* Hæc eſt reſpiratio ægri ad mortem accedentis. Omnes ægri anhelofi certo moriuntur, præſertim quando pulmoni magno molimine opus eſt ad ſanguinem propellendum; quo major eſt indicatio, eo febris dicitur putridior, quo minor dicitur minus putrida, unde jam morbi malignitas cognoscitur.

*Laffatio.* Si hac febre correpti ſe maxime laſſatos dicunt, ſere ſemper moriuntur, hoc ſit, quia liquido ablato craſſa ad majora vaſa hærent.

*Factatio.* Imprimis totius corporis (dum vires conſtant) brachii & femoris &c. ſed quando vires non ſunt & caput huc illuc movetur, notat inſtantiem mortem & ex decem ne unum reſurgere videtis; hoc ab omnibus Medicis pro ſigno lætali habetur, adeo ut hoverim Medicos



prædicentes certe morituros ex certis signis, à jactatione defumptis, hoc enim denotat, quod inflammationes vel obstructions phlogisticæ sunt fere universales, hinc non diu sustinent decubitus in uno latere ob majorem obstructionem, refero hoc ex *Hippocrate*, nec unquam fefellit, nam hoc notat totum systema nervosum laborare & spiritus animales inordinate agere, ut quando homo dicit se quasi fustibus esse obrutum, tum est pessimum signum denotans fere mortem.

*Extensis membris.* Qui corpus huc illuc jactant, non tam periclitantur, quam qui porrectis membris ut cadaver in dorso jacent, & habent brachium, femora quiescentia, & palpebras, caput & collum movent, nisi sit ab Apoplexia, Lethargo, aliove turbido morbo fere semper moriuntur, hoc notat, musculos nullo vigore sic esse obstructos, ut nil valeant, & corpus à nimia impotentia in dorsum cadere faciant, hinc est signum summæ debilitatis, & circulationem non esse talem, ut vasa æquabiliter movere possint.

*Perturbatio.* Quo perturbatiora hæc, eo pejora, leve, delirium, malum, delirium majus, pejus, delirium cum furore pessimum semper fere paulo ante mortem accedens, ferox responsum à leni olim homine est pessimum juxta *Hippocratem*, tum dicuntur jam fato perditii (belgiæ *veege menschen*) cognoscuntur omnes affectus immutati, si quæ ante amarunt, ut liberos, parentes &c. jam de illis non cogitant, tales semper sunt mortui; idem si avarus non cogitet de suis bonis.

*Appetitus & digestio* quo debilior, eo febris lethalior, quando nempe à dato paucò cibo,

si febris ingravescat, hoc est pessimum signum.

*Urina* rubicundissima & crassissima est pessima, si scilicet, ut dicit *Hippocrates*, sit jumentosa nuper reddita, ut est, à jumentis post labores, id est, simulac emissa est urina lactescit, & turbatur, nunquam vero sedimentum deponit, est pessimum signum, si turbidior sit, semper ut plurimi Medici esse bonum signum credunt, sed distinguendum, nam in initio in morbis Acutis talis est salutifera, sed in totius morbi decursu turbida & crassa manens significat mali humoris in sanguine abundantiam, ut *Hippocrates* jam notavit, urina crassa quasi jumentorum turbida sine levamine est pessima; si tenuior sit in pessima febre, & bona appareat, tum malum hæret in cerebro, & ægri moriuntur sine sensu, illa tenuis urina est lethalis juxta *Hippocratem*, nam notat crassa retineri, est adhuc inter pessima signa, si æger vix unciam semis urinæ habens in vesica, & illi hæc sit deponenda, præsertim si tum cruda & aquosa prædeat.

*Motus.* Tremor labiorum, linguæ, manuum, brachii, palpebrarum pessimus.

*Tactum refugientes.* Hæc sunt inter pessima signa, si prima, secunda & tertia die ægri febris Synocho decumbentis pulsus tangatur, manus non movebit, sed quarta die retrahetur, si roges, cur retrahis, dicit, nescio, est certissimum & infallibile mortis signum, manus enim prius dormivit, sed quando objectum venit, excitatur quasi, & retrahitur motu convulsivo in suo ægro; quod signum *Galenus* primo observavit; sed si dicat æger, Medice, tua manus est frigida, tum non est malum signum, nam est motus involuntarius.

*Ludentes.* Si quid accepturi tremant, plerumque moriuntur, præsertim si, ubi bibunt, os quasi quærant, *Hippocrati* dicti palposi vel palpantes incerti an quid habeant. Si ægri carpant floccos ad lectum, quasi muscas caperent, hoc est malum signum juxta *Hippocratem*, nisi oriatur ab evacuatione aut nimia catharsi, at à nimia Dysenteria plurimum est lethale signum, si Medici illos rogant, quare ita carpant floccos, & respondeant se quiescere, tum apparet mala dispositio cerebri non amplius ordinata, jam quasi pereuns à commercio mentis, hoc optime *Galenus* in Diagnosticiis annotavit, quod ipse hac febre laborans sic etiam muscas captaret, tum Medici præsentis dixissent, ecce *Galenus* morietur, nam modo floccos captat, ipse tum nescius se fecisse, sed audiens dicentes cortinam removisset & dixisset, ergo cavete, ne delirium brevi, nam Phrenitis plerumque sequitur, vidi tamen plures emeruisse, sed plerumque moriuntur.

*Oculi.* Hoc nunquam fallit, *Hippocrates* descripsit duplicem oculorum statum 1, oculos luctuosos, si legatis tractatum de peste Massiliensi, videbitis, quod homines habuerint oculos, quos nemo sine commiseratione & horrore inspicere potuit, quando istiusmodi homines rogabantur, ut oculos attollerent, erant terribiles adspectu, dicebant non, sed puto hic esse conditionem physicam, ut oculi exprimant statum terribilem periculi, quemadmodum organa à mente disposita aliter exprimunt, hinc ægrorum sæpe oculi maximam tristitiam representant, si rogentur, quare, respondent se nescire, ergo est talis dispositio cerebri, ut ita fiant sine causa tristes. *Oculi pulverulenti*, tales

les vocavit *Hippocrates*, in quibus scabra sordities adest; versamur in aëre pulverulento, & corpus nitidum servare non possumus, quin statim pulvere plenum sit, sed hic pulvis per lacrymas avellitur, & specie lemarum ad canthum oculi deponitur; hi oculi sunt luctuosi, quod signum est, quod pars cerebri proxima non sentiat, & quod humores cerebri proximi non exeant.

*Oculi semi-aperti & sponte lachrymantes.* Inter dormiendam est pessimum signum; tum inferior palpebra non ita sursum, sed saltem suprema cadit, his quibus hoc adest, lachrymæ non pelluntur versus canthos, sed destillant, hæc sunt signa lethaliæ, nisi magnæ evacuationes vel diurnæ vigiliæ præverint, ut *Hippocrates* loquitur. Quo plura horum signorum adsunt, eo morbus magis lethalis est, quo pauciora, eo minus lethalis, nam quo plures functiones læsæ sunt, eo morbus est periculosior.

§ 735. Hæc signa sunt lethalia, nempe si æger parum dormiat mox vero ac evigilat à somno incipiente est turbatus, violenta habuit insomnia, *Hippocrates* dicit hæc omnia fere esse lethalia, pustulæ purpureæ livescentes bene distinguendæ sunt à maculis Variolosis, Scorbuticis & Morbillois, omnia illa sunt pessima, quæ sunt à vi morbi, purpureæ pustulæ designant non modo in cute sed ad pulmonem & cerebrum futuras tot Gangrænas, hypochondria tensa docent ibi futuram inflammationem, Gangrænam & mortem; hoc fit, quia sanguis ita facile incrassatur ob lentam circulationem.

§ 736. Quidam viri docti qui hunc libellum legere dignati fuerunt, me non addidisse curam apud hunc morbum mirati fuerunt, sed hi

meam methodum non intelligunt, nam ante dedi: generalis curatio tantum sufficit, videndum est ad omnia symptomata, an inflammatio prædominetur, tum venæ sectio est instituenda, corpus diluendum & refrigerandum.

*Varietate.* Omne symptoma à Medico cognitum præsens in ægro indicat aliquid faciendi, hinc si Medicus omnia symptomata consideret, habet omnia indicantia, si siccitatem invenias, & sit talis febris, mutare debes, tum nil aliud respicitur, sed si symptoma sit summus calor, tum est examinandum, an per totum corpus, an vero in parte, si per totum corpus, tum sanguinis missio est præscribenda, si vero in una parte, non sum certus, quod venæ sectio sit instituenda, ergo symptomata facile dignoscuntur. Si hic morbus ut (descriptus est) juveni viginti quatuor annorum accesserit & adsint maxima siccitas, & ardor, tum magna inflammatio adest, tamen sanguis non est mittendus, nam est siccitas; hac enim ratione fluidum remanens auferrem & enecarem, sed corpus est involvendum pannis laneis liquido emolliente madidis, vel supponerem aquæ calidæ exhalanti, ut corpus sit quasi in balneo vaporis, clysmata ex emollientibus injicerem, ut syrupum Violarum & aquam Hordei, similes potus darem, maxime saponacea, gelatinosa v. g. fucci Citri, Rob Ribesiorum, Cerasorum, Mororum, Sambuci, cum spiritu Nitri, Salis, &c. si his nil proficiam nunquam curabo. Scio commendari illa maxima sudorifera ut Petra del Porco, lapidem Bezoardicum, Fabam Ignati, Theriacam, Diascordium, & similia, quia illa ad venenum expellendum valebant, non autem venenum est expellendum, sed nimia

mia sanguinis crassities est corrigenda, hinc fortus, dilutio, & laxatio hic requiruntur.

*Ægri conditione.* Summus calor oriri potest per vasa stricta, ut accidit in fine Phthiseos, hinc sanguis non est mittendus, quia est paucissimus, & missio sanguinis in hoc casu putredinem accelerat.

*Statuque.* Nam febris est Epacmaistica seu Homotonos, seu Paracmaistica, hunc in fine non agere debet Medicus id, quod in initio egisset, nec in initio id, quod in fine, homo v. g. est debilissimus in anabasi à suffocatione, si mittatur sanguis, fit peior, si Medici hoc observent, non errant, legi Auctores principes, & eos indagavi, v. g. *Hippocrates & Sydenhamus* nil considerarunt nisi quatuor capita hic descripta, scilicet symptomatum vehementiam, deinde ægri conditionem & statum morbi, an in initio, ascensu, statu, descensu, crisi, & ex his dedidit quid agendum sit, ponite vos vocatos ad ægrum & invenisse Synochum Putridam, unde scietis, an morbus sit periculosus nec ne? vide paragraphum citatum; hinc attendo ad indicationes vitales, animales, quæ spectant causam, materiam morbi, symptomata, video, qualis sit diæta, potus vel quies, hæc hic disco, deinde video, quomodo ægri corpus ideosyncrasiam & reliqua habeat, his perspectis non hæsito in curatione; an ergo curari possunt? respondeo non, sed in arte non est, ut omnes curentur, sed hoc est in arte, ut nil negligatur *μὴδὲν ὑπεροπῆν* dicit *Hippocrates*.

§ 732. *Συνεχὴς.* Hic paululum recedo à clarissimorum virorum sententia, febris Ardens non adeo ad febres Synochos revocatur, sed

ad febres ex Intermittentibus compositas, & hoc factum est, quia *Hippocrates* in febribus Ardentibus observavit alternis diebus esse statum pejorem, si ab inflammato, adscendit, in statu quando apostema fit; descendit, quando apostema factum est, erit ergo 1. Anabatica, si sit inflammatoria, secunda die non est melior, tertia est pejor, atque in febribus Ardentibus observatur alternis diebus pejor morbus, ergo febris Ardens & Pestis non habent causam perpetuo agentem, sed renascuntur, omnes etiam tales febres non vocantur Continuae sed Continuatae.



*Febris ardens.*

§ 733. Sequitur Causos sive febris ardens; à *causa* *calida* vocatur, hinc dicitur febris Ardens & Continua, sed tamen cum quibusdam exacerbationibus & proinde quibusdam remissionibus, sed in quoniam est febris distincta? Quando calor ad actum est urens, hinc magnus calor, diu perdurans facit signum Pathognomicum.

*Discrimen.* Nam si hæc febris non occidat, aliquid participare videtur ex febribus Intermittentibus. Hæc febris aggreditur præsertim rusticos aratores & similes, qui sub ardente cælo laborant. Medicus, qui febrem Ardentem juxta artis legem curare potest, omnes febres Acutas curabit.

*Laborem.* Huc refero Pestem, prima species Pestis videtur vocari debere febris spirituum, quæ illico occidit sine ullo signo. Secunda est febris

bris Purpurea, de qua Sydenham, Sennertus, Forestus &c. nullos emerfisse dicunt. Tertia, quæ fit cum diriffimis pyroticis anthracibus, ex hac etiam pauci evadunt, sed à duabus prioribus omnes moriuntur. Quarta species est illa, ubi facilius fiunt fuppurabiles anthraces, ex qua febre multi evadunt, & tunc definit in febrem Ardentem.

§. 734. *Calor.* Nam in febre ardentiffima manus & pedes algent, dum vitalia funt ardentiffima, hinc in febre Ardente menfura caloris fumi debet ad partes diutiffime viventes, ut est cor, pulmo, diaphragma, pectorales & abdominales mufculi, hepar, loca vicina & cerebrum.

*Inæqualis.* Fere femper est ardentiffimus dolor & calor ad præcordia, ubi est multum sanguinis. Si frigus ad extrema adfit, hoc docet vitalem fanguinem vix amplius influere.

*Incendens.* Phrafis est *Hippocratica*, non enim fignificat, quod in flammam vertat, nam fi explorare vis ægroti calorem, appone dorsum manus arteriæ ejus, dum expirat, fenties aërem quafi de fornace egredientem.

*Siccitas.* Omnia ibi crefcunt & fquallent, quod notat, vel quod obftructa funt madefacientia vafa, vel quod defit materies ad illa fuis liquidis replenda.

*Respiratio densa,* quæ fcilicet multum aëris fimul expellit.

*Anhelofa.* Quæ fit motu, jugulo, motis coftis, claviculis, brachiis.

*Cita* vocatur, quæ citiffime multum aëris capit, tardiffime retinet & mox efflat. Hi ægriffime refpirant, qui hofter pulmo laborat ad fanguinem non bene meabilem expellendum.



*Lingua sicca.* Tum œsophagus quoque erit ficcus, item ventriculi parietes, si in naribus talis ficcitas cortex cerebri quoque erit ficcus.

*Flava & nigra & est malum signum,* pejus est exusta, quasi bullas nigras habens, quæ secedunt, aut scabra instar rastro asperata est pessimum juxta Hippocratem.

*Sitis inexplebilis.* Si hæc cito tollatur, certissimam intra viginti quatuor horas mortem pronunciat, teste Hippocrate, tunc enim cerebrum laborat.

*Anxietas* maximè circa pectus intolerabilis.

*Nausea & vomitus,* æger nempe horret semper cibos alcaléscientes, sed fert tantum acidos ut poma &c.

*Lassitudo.* Quasi illæ partes fustibus essent dolatæ, quia influxus nervosi in partes non fiunt.

*Lussicula sicca excreans Hippocrati* notata, dum siccantur pulmonum vesiculæ, hæ sibi mutuo fricantur, unde hæc tussis, vel oritur, quia pulmo exsiccat sanguinem non meabilem sustinet.

*Vox clangosa.* Quæ sonitum edit non quasi ex membranacea fistula, sed quasi ex tuba metallica infra crepitationes æræ, quæ oritur, quando palatum, fornix narium, larynx & aspera arteria exsiccati incipiunt.

*Delirium.* Hæc est ultimum symptoma, unde puto, quod febres non sint à perfecta inflammatione sed ab inflammatione habente aliquid cum febre Tertiana commune.

*Diebus imparibus.* Dies pares vocantur 2. 4. 6. 8. & 10. dies vero impares 1. 3. 5. 7. 9. 11. &c.

&c. scilicet si æger primo die se melius habeat, altero die erit melius, die post iterum pejus, sed in pessima febre vix septem diebus supervivunt, hinc fere alternis diebus est levis exacerbatio, unde ægri moriuntur, si post mensem adhuc vivant, fere sequitur Tertianæ aut Hemitritææ, si Semi tertiana alternis diebus ingeminans novos paroxysmos, continua quidem fit, sed remittens. Ergo si primo die aliquis fortiter febricitet, secunda die effulget spes, tertia die est exacerbatio, & quarta est remissio, sed tamen est status pejor, quemadmodum secunda &c.

§ 735. *Labor nimius.* Hinc Rustici morbo sæpe laborant, præsertim ob labores magnos circa Autumnum.

*Iter longum.* maxime per loca arenosa, hinc Caravanis febris Ardens est frequens.

*Sitis* imprimis æstivo tempore vel in febrili æstu, hinc in illo statu, ubi Medici nolebant febricitantibus potus dare, omnes febres fiebant Ardentes. Ab his causis oriri potest omni tempore febris Ardens, ergo vix Epidemica, quin Sporadica, nam nemo est, quin febrim Ardentem sibi procreare possit, si sumpserit unam unciam Piperis cum uncis duabus vini, præsertim si tum evigilans cucurrerit, vel alio modo corpus moverit, ille febre Ardente laborabit; Duces belli ducentes exercitus in Aprile æstuante cælo quantos æstus non perpatiuntur, unde in febres sæpe incidunt, & omnes equi, omnes milites qui cælum, sitim, & æstum tolerare coguntur, hac febre corripiuntur, tum dicitur esse pestis, quæ castra occupat, sed hic morbus tantum fit à peccato sex rerum non naturalium. In siti magna sanguis parte

liquida orbatus inflammationes parit.

*Ufus calefacientium* &c. Cerevisia Brunsvicensis antiquior reddita, crassa, & ut barbare loquar substantialis spiritus aromaticus oleosus, ut spiritus Aurantiorum, Citreorum, Anisi, aquæ Theriacales, & Elixiria hunc morbum creant.

*Venus nimia.* Imprimis æstate in corporibus juvenilibus idem efficit.

§. 736. *Sæpe lethalis.* Febri acutissima corruptus rarissime vidit quartum diem; secundo die non moritur, quia febris tunc fere levior est, sed sæpissime tertio, si perturbatio superveniens cerebellum destruat, lethalior est dies quartus: *annotantibus Hippocrate & Dureto*, quia ad finem quartæ diei oritur quinta dies febris, tertia exacerbatio; id est, ante septimum diem fere semper extincti sunt ægri, sed si ultra vivant; ut plurimum resurgunt ex hoc morbo.

*Solvitur Hæmorrhagia*, ut ipse testis sum ex centum hominibus, qui febre Ardente laborarunt, nonaginta novem servantur, quia natura sanguinem ejecit, sed Hæmorrhagia debet esse ingens, & corpus debilitare, nam si tertio aut quarto die pauca guttæ sanguinis fluant, æger semper moritur, quoniam indicat, quod sanguis tantum quidem in corpore moveatur, ut arterias dilacerare possit, sed sanguinem esse tam densum à magno calore factum, ut exire non possit, cum nullus moriatur, si larga sit Hæmorrhagia, cum nunc Hæmorrhagia sit summum remedium, quod *Hippocrates* inculcavit, videre debemus, quomodo cognoscere possimus illud symptoma esse præsens; si sanetur hic morbus per sanguinis ja-

cturam.

turam; tum in hac febre resoluta menstrua, resolutæ hæmorrhoides, arteriæ nasi, hepatis &c. sanant, si ipse sanguis ex his arteriis dilatatis exstillare possit, nulla tamen est via frequentior quam per nares, quoniam arteriæ, quæ hic sanguinem fundunt, primo derivantur à ramo carotidis externæ, secundo à ramo, quæ intra orbitam iens sub osse plano per nares dispergitur, hæc posterior Hæmorrhagia cerebrum liberat, unde hi ægri, qui per Hæmorrhagiam narium sunt curaturi, habent caput dolens, oculos rubros, & distentos, postea sequitur Hæmorrhagia, si nunc causa affectet hanc viam, scire debemus, an natura hoc affectaverit, multi Medici mirantur *Hippocratem in suis libris Prognosticis & Diagnosticis* semper loquentem de stillicidio narium prævidendo, certe inde salus ægrotantium dependet; ergo Medico est sciendum, an Hæmorrhagia futura sit nec ne, nam si futura sit, illa est adjuvanda: sed forte dicetis, quare Medicus sanguinem mittere non potest? quoniam natura partes sic liberat, ut Medicus nullo modo hoc imitari possit, nam alius effectus est solutæ arteriæ ab ipsa natura, quam solutæ venæ, dicit *egregius Bennet*, quod multos viderit homines ad Phthisin dispositos, sanguinis stillicidia per narium arterias ab hac Phthisi liberari, & quod ille sanguis floridus calidus arteriosus, ad unciam unam plus demat de pulmonum periculo, quam si libra una esset dempta de sanguine venoso; ergo non est cogitandum, proinde esse, an sanguis dimittatur, sed multum refert, an ex arterioso, an ex venoso genere venerit, ergo hoc prius facit citam resolutionem, quomodo nunc scio talem Hæmor-

rha.

rhargiam futuram? Si æger dicat immaniter dolere & torpescere cervicem, & præsertim si dicat, credo, quod cervicem non movere possim, 2. si dicat, quod circa tempora habeat distendentem gravitatem, 3. si ejus oculi caligent, turgeant, rubeantque, si tum dicat, simul tenebricosa caligo mihi offendit lucem, hoc est signum certum, arterias internas esse dispositas, ut hoc faciant, tum enim rami arteriosi nervos involventes optime distenduntur & faciunt Anastomosin, curavi multos istiusmodi caliginosos, sed morbo resoluta caligo abibat.

*Præcordiorum &c.* Hoc est quartum signum, si dicat æger circa præcordia omnia distendi & aggregari, & tamen nullus tumor inflammatorius in vasīs adfit.

*Invitis lacrymis.* Hoc est quintum signum, nam omni nomini lachrymæ ejiciuntur facto majori motu ad oculum.

*Rubore faciei.* Ex eadem causa hæc septem signa pronunciant, hære diathesin, ut si minima fiat occasio, statim sanguis prorumpat, *Hippocrates* hoc videns ferebat nares, & laxabat pannis aqua tepida imbutis, & sic impetum in narium arterias trahere conabatur.

*Die decretorio.* Primus dies decretorius in febribus Ardentibus est tertius, secundus est quintus, si his diebus, quibus adscensus sunt plerumque graviores, fiat arteriarum solutio, est optimum. Memorabile est apud *Hippocratem* exemplum in matrona, cui hæc omnia hic descripta erant, tamen abortus salvus evasit contra omnem artis canonem, *Hippocrates* hoc videns jussit nares & os aqua calida foveri. Græci vocarunt diem decretorium morbi &

& sanitatis vim, pugnam, litem, conflictum, nunc hæc statum indicant, in quo determinabatur hæc lis, dabatur morbi vel vitæ victoria, & Crisis ipsis non fuit evacuatio, sed dies decretorius effectus. Criseos ex sua hypothese dixerunt, nec mala, sed tantum hoc tempore luctari vitam & mortem, ac hinc vocarunt statum vel diem in quo apparebat victoria unius, id est, vel vitæ vel mortis, hinc dicitur Crisis à *κρίσις* decernere, hinc Latini diem hunc dixerunt decretorium, si hac die decretorio vis vitæ prævaleat, tum oriuntur sequentia symptomata. Nempe vomitus atrabiliaribus exaffatus in intestinis, aut hæc materia deorsum per alvum eliminabitur, aut sudor exit subviscidus bene calidus, levans aut urina multa cum Stranguria crassa sedimento redditur.

*Sputo crasso.* Quando materia abundans sic fistulas pulmonum & bronchiorum dilatat, ut non purus sanguis, sed mucus sanguinis per hæc vasa exeat; nam sic ut in omnibus mulieribus menstrua sine ruptura exeunt, & ita hæc vasa dilatantur, ut in materia glutinosa sanguinis proxima exeat, hoc videmus in Peripneumonia, quæ si sanatus erit æger à natura prodeunt sputa, unde illa? ex vasis sanguiferis, nunquam ex venis, nam illæ non facile rumpuntur, non sanguinem fundunt, ergo ex arteriis, nunc pulmo sanguinem accipiens, cum perpetua tussi ejicit hunc sub specie materiæ flavæ & tenacis; hinc morbus solvitur sputo crasso, quia in omni Ardente febre est extensi in Schneideri membrana.

*Accessio die pari.* Regula est Hippocratis, quod accessio pari die sit pessima, si æger die secundo, quarto aut sexto post accessionem novo

Paroxysmo obruatur, fere semper moritur, nam dies impar erat initium morbi, dies secundus erat remissior, tertius erat exacerbatio, si nunc secundo & quarto die utpote diebus bonis quoque exacerbatio sit, augebitur malum, & tum nemo ferre potest, & fere semper est morbus lethalis; addit *Hippocrates*, si octavo die sit accessio, signum est febrim non esse ardentissimam violentam, quæ septimum diem nunquam transit, sed ante hunc diem ægri mortui sunt, hinc si septimum transcendant, liberantur.

*Ante sextum diem.* Quia omnis febris Ardens, si transeat sextum diem, amisit naturam febris Ardentis.

*Urina nigra.* Loquor de febre ardentissima, in Peste urina sæpe est instar atramenti, notat olea esse ambustissima.

*Tenuis.* Quia pars crassior in renibus accumulatur.

*Sanguinis sputum.* Quia pulmo motu & summa vi statim obruitur, ut in pluribus casibus observare licuit, vidi hoc in primario homine, à quo cum discessissem, inveni eum per sputum extinctum, quod notat in vasis cordi vicinis corruptelam, ut interiora magis sint corrupta.

*Mictus.* Sive fiat ruptis aut dilatatis vasis pessimum est signum, nam turbat totum corpus, hinc *Sydenham* in febribus Ardentibus & Variolis semper hoc ut lethale signum annotat, quod notat cerebrum sic esse dispositum ut nulla spes amplius supersit.

*Deglutitio læsa* est pessima ut causa & ut signum, ut causa, quia bibere nequeunt, nec sine potu sanantur ut signum, nam notat omnia

omnia in pharynge obstrui pessima obstru-  
ctione.

*Refrigeratio extremorum* pessima, nam tunc non fit per hæc loca circulatio, id est motus sanguinis jam transire nequit.

*Facies rubra.* Homines habitu vultuoso optime vivere & valere videntur, sed hoc denotat, quod sanguis appulsus per venas jugulares transire & in sinum *Lowerianum* se exonerare non possit, hinc cerebrum obruitur & carotides internæ turgent.

*Sudans.* Si febricitantes nullibi in corpore sudant nisi in facie, est signum sanguinem à capite deorsum defluere non posse.

*Parotis suppurans.* Parotis vocatur tumor inflammatorius in glandula salivali post aures latente, si adsit, notat summam inflammationem ad superiora vergere, si hæc suppuretur, æger liberatur, si non, notat in reliquo corpore sanguinem adeo acrem, ut vasa intestinalia aperiet, subducat tenuissimum & inflammationem augeat.

*Alvus nimis fluxa* est duplex in principio & fine morbi, in initio fluxu alvi laborantes fervantur, in fine vero est signum lethale, quia significat omnia esse putrefactione liquefacta.

*Cum tremore.* Nam febris Ardente laborans si tremorem & delirium habeat, notat cerebrum & cerebellum inflammari.

*Delirium.* Trementes dein delirant, quod notat materiem obstruentem jam hædere ad caput.

*Anhelitum* significat, quod sanguis ire non possit per pulmones & mortem instare, nam omnes, qui febre Ardente enecantur, Peripneumonia moriuntur.



*Ingentia alvi tormina.* Si hæc præcefferint notat, quod fuerit inflammatoria diathesis ad vasa, unde facile materia expeditur, sed si nulla fiat resolutio, nil est expectandum, nam in febris Ardente natura per alvum ruere debet, si hæc non fiat & accedat febris, tum est pessimum signum. Omnis febris Ardens, si critice solvetur, cum rigore solvitur, certe sanabilis est diathesis tendens proxime in inflammationem per arteriam totius corporis, si nempe sit perfecta febris Ardens, & si sanabilis sit, ergo cogitate, quod sit sanguis aggregatus in systemate arterioso, & quod pauca sanguinis copia eat in systema venosum, si nunc hic morbus erit, solvetur, hæc solutio in eo consistit, ut materia transire non potens in venas eat, tum non amplius sit attritus à sanguine in ultimis arteriis compacto, vasa laxantur, & sanguis cum impetu in venas dimittitur, sed omnis sanguis, qui sit rarior, eo tempore quo sit rarior, facit frigus, omnis sanguis rarus minus pressus in venas derivatus facit frigus, tum æger putat quasi congelasceret præ frigore, paulo post iterum copia vasorum solvitur & iterum oritur ingens rigor, id est horror, vel sensus refrigerationis; hic est decursus febris Ardentis, & sic loquitur *Hippocrates*, nam in toto *Hippocrate* nil de causis invenietis.

§. 737. Cognoscitur. 1. ex febris. 2. continuata, 3. ardentissima ad calorem circa vitalia, 4. immensa siti, & 5. ariditate ad omnis corporis partes.

*Causa* materialis est sanguis crassatus, compactus, tenax & piceus causa efficiens est inflammatio, idea hujus morbi sunt solida maxime infarcta, humida, oleosa, acria crassa, sic  
à ve-

à veteribus sanguis exustus fuit dictus, male ergo recentiores hoc nomine irriserunt veteres, nam in cadaveribus extinctorum fere talis apparet, & cum à summo ex hac febre calore oriatur, non male sane illi hoc expresserunt. Unum est, quod vobis contradictorium videri possit, est scilicet suffocatio in humoribus & major calor, sed omnis calor fit à circulatione tantum in arteriis & venis primi generis non in vasis serosis nec lymphaticis, si nunc vasa ita sint disposita, ut per vasa lateralia non magis fiat circulatio, tum videtis, licet obstructio dimidiam partem corporis occupet, quod tum tanto major fluxus fiat per vasa primi generis, nam raro fit obstructio in vasis primi generis, aut subita esset mors, ergo maximus calor esse potest, licet minor fluat copia.

*Parte blandiori.* *Bhoni* observavit, quod in sanguine phlegmonico non globi sed flocci adsint, hinc sanguinis rubri particula non per puncta sed per superficies se contingunt, adeoque impotentes fiunt per vascula fluere, quæ est altera causa inflammationis, vide *Caput de Inflammatione*.

*Præfagia.* Nam ille morbus accedit, si non brevi juvetur inspissato sanguine, nata obstructione & vasis minimis destructis, nam calor in febre Ardente ascendit ad 94. sed in eo calore sanguinis serum & albumen ovi coagulari incipiunt *docente Chemia*, præterea Sulphur inflammatione productus eisdem affectus habet quam alius ignis, vide paragraphum 370. & ubique æqualiter agit, quibus pensitatis facile periculum subsequens videtur; si inflammatio magna & humores maxime depravati, nemo inde sanabit, hinc tam pauci resurgunt, & in progres-

su omnia sunt frustranea, quia inflammatio est nimia & sanguis nimis spissus, hinc plerumque transit in mortem; scio inflammationem universalem à quibusdam Neotericis in dubium vocari, quia dicunt homines sic non vivere posse, si esset tota in toto, sane in Pleuritide & Peripneumonia est inflammatio inter ortum & exitum, in Gangrænam, quod est tempus intermedium; hinc præfagia morbi sunt notissima abituram in Gangrænam, quæ ad cerebrum, cerebellum, pulmones & viscera pergens cum tremore & convulsione mortem affert.

§. 738. Hic morbus curatur, si cerebrum ac pulmo aliquatenus bene se habeant, tum non est desperandum de curatione. Singularia Antidota & Bezoardica ad febrim Ardentem non valent, nam centies expertus sum nil effectuisse, sed vidi solum, quod contra morbi ideam pugnent.

*Exigit.* Natura curat hunc morbum per Hæmorrhagiam, vomitus, sudores, urinæ fluxus &c. hinc Medico est prospiciendum, quam viam natura moliatur, eique tum succurrendum, nullum enim hic datur specificum, nulla remedia febrim compescuntia.

*Aër purus.* Ut hoc fiat, non sint multi homines in cubiculo ægi, nam horum exhalationes sunt fere putredinis vapores & putredo hic maxime nocet, aër debet esse frigidus, gelidus nocet, sed frigidiusculus reficit, & in eo optime respirat æger, cortinæ non debent esse clausæ nec camera obscurissima, qui malus est mos apud nobiles, sic enim propriam Atmospheram putredinosam inhalare coguntur, est contra methodum *Hippocratis*, aër non sit inquinatus, at frigidus depuratus novo semper, allato,

allato, ne æger inquinamentis suis necetur, hinc intra cortinas non coërcetur, vel loco obscuro aut calido, quod pessimum est.

*Integumenta.* Nam hæc angustant vasa & comprimendo venas attritum producunt, hinc tempore Hyberno nobis prospicimus, quibus arctando vasa frigus arcemus & calorem producimus; quo enim corpus in hoc casu plus calefactum est eo pejus.

*Situs erectus.* Nam jacenti sanguis longe magis hæret in vasis capillaribus, quam si æger sederet, homo enim, qui stat in capite, habet totum caput tumidum, sed si sedeat, tantum pinguedini insidet, natibus suppositæ & se perpetuo movet, sed decumbens plurima vasa comprimit, vidi, quod in febribus miseri ægri delirantes & somniantes simulac de lecto accepti & positi capite erecto statim melius se habuerint, quod *Sydenham* optime observavit, hinc si supini jacerent ægri haberent varia phantasmata & capitis perturbationes, quæ erecto paululum capite optime cessabunt.

*Sape.* Idem est de Convulsionibus, Spasmo & Crampo &c. nam si tunc æger se erectus teneat, non laborabit, si jaceat, malum recrudescit.

*Potus* copiosus optimus est non uno momento ingestus, aliter æger fit Hydropicus, aqua si lente & parum simul admisceatur, vi circulationis penitus sanguini admiscetur, aliter per urinam sanguini non permista abit, debet esse blandus & demulcens, nam omnes sales sunt acerrimi, debet esse subacidus, quia putredo prædominatur, aquosa maxime diluunt, potus debet esse calidus, quod mirum jam quibusdam videtur, sed probatur auctori-  
tate

tate *Hippocratis* vel tepidus, nam potus frigidus coagulat sanguinem, ut sanguis è corpore extractus ab aëre coagulatur, hinc potus frigidus diaphragmatis & arteriarum intercostalium sanguinem coagulat, & polypos facit in corde, creat Pleuritidem ad arterias intercostales & Paraphrenitidem in diaphragmate &c. sed calidus potus melius sanguini se miscet & plus laxat, *Galenus* bene dixit, quod frigida constringant, si ægro febre Ardente laboranti detur gelidus vel frigidus potus, sentiet se ilico resocillari, sed momento post, quando vasa plus per frigus contracta sunt, redit calor & anxietas & oppressio versus cor, si vero detur aqua calida vel Caffè vel Thée cum multo melle, vasis laxatis humores diluuntur, & fit refrigerium gratissimum, notissimum est, quod ab itineribus redeuntes, si assumant potum calidum, optime se habeant. Potus optimus est sequens.

℞. Tamarindorum selectorum ℥iij

Aqua puræ lbviij

ebulliant spatio ¼ horæ

adde Syrup. Violar. ℥iij

M.

Hoc resistit putredini, temperat oleosum, solvit coagulum, laxat alvum & urinam provocat; potus debet esse gratus ut lac recens pressum in serum defloratum aut decoctum Hordei cum succo Limonum & sacchari aut aqua decocti Hordei cum ⅓ Vini Rhenani, & audeo hic dare vinum sic delutum, adde succi Citri uncias, altero die detur cerevisia Neomagensis tenuis, calida; aut alia tenuis recens

recens, altero die lac ebutyratum vel succus expressus ex Cerasis, Sambucis, Ribesiis, Ebuli baccis &c. & dein leniter decoctus addito succo Citri & affatim poterit optimum est, ut ego sæpissime expertus sum.

*Cibos leves.* De his in præcedentibus prolixè egi, debetis omnes hos cibos noscere, ne deficiatis, quando Praxin exercebitis, date enim potius cibum quam non cibum, hoc repugnat præcepto Hippocratico, sed Hippocrates quando prifanam præscribebat, dabat cibum, sed quando abstinentiam præscribit, intelligit ab iis, quæ nocere possunt, nempe jure carniū, ovis, piscibus & oleis alcaliscentibus, quæ hic valde nocent & putredinem accelerant, ergo detur 2. die solum Lac ebutyratum cum pauca farina Avenæ coctum & per setaceum transmissum, ut sit tam tenue ut aqua, vel uncia una Avenæ vel eadem quantitas Hordei (nam Avena in decocto deterior.) decoque in libra una aquæ, hoc sumo pro basi adde  $\frac{1}{2}$  lactis, habetur Hydrogala avenata optima. Secunda die serum lactis recens coctum cum Oryza & per cribrum transmissum, vel adde parum panis tosti & Vini Rhenani frigidi. Tertio die decoctum Hordei cum aqua & paululum succi Citri, vel poma acida cocta in aqua Hordei, ut habeatur pulticula pomata, linteo trajecta adde unum foliolum Macis & parum Vini Rhenani. Quarto die Cerasa vel Ribesia matura in aqua cocta & edulcorata cum paucis saccharo & pane tosto modo immerso, sed non opus est, ut æger edat panem. Quinto die Avena in aqua cocta & in pulvem confusa addito succo Limoniorum vel Citri, & sic finis non esset, nam millena sunt, quæ sic præscribi possunt, quando æger

de medicamento v. g. de lacte ebutyrato dicit se non posse assumere, hoc mihi repugnat, tum plurimi Medici dicunt, debes assumere, & sic crudeliter satis miserum torquent ægrum, sed cum ægro favere possim & tamen eum à morbo liberare, cur hoc non facerem. Multi hic evehunt gelatinam Cornu Cervi, Eboris in scobem redacti, vel jura carniū, quæ gelatinæ, si sint admodum tenues & non crassiores ac serum lactis, & tantam succi Citri copiam admixtam habeant (ut penitus acidæ sint, tum ratione aciditatis conveniunt) sed ratione alcaliscentiæ non, nam pauca alcaliscentia dare est flammam oleo affundere, cum ergo apud Magnates ita laudentur? sub hac conditione assumi possunt, addito multum de Omphacio de Limonis, de Aceto Sambuci, de Aceto Lavendulæ &c. tum hæc amittunt suam vim alcaliscenti, retenta vi nutriendi.

*Venæ sectio.* Hic decido, quantum omni scientia possum, signa, quibus cognoscitur, an venæ sectio conducatur nec ne? regulas generales curationum periculosissimas esse ante demonstravimus, ante tertium diem venæ sectio prodest, sed quarto die plerumque moriuntur ægri, hinc hoc tempore non mittatur sanguis, tum enim venæ sectio pro mortis causa accusaretur, si calor sit maximus circa præcordia & frigus in extremis, anceps est venæ sectio, nam nescio, an subduetur totum paucum sanguinem circulanti, in fine morbi sanguis est piceus, crassus & paucus, qui si tollatur, nil superest, si nimium rareseat, tum fieri potest, aliter non; revulsio à pulmone & hepate necessatio venæ sectione perficitur &c. hinc non semper mittendus est sanguis, & si sanguis nimis

nimis refrigeratur in ultimo morbi tempore non fiat venæ sectio, in initio enim vires adhuc sunt bonæ.

*Rarefactio nimia* apparet per vasa tumescētia.

*Symptomata urgentia*, ut dolor, summus æstus in aliqua parte, omnes Medici practici dicunt minuendum esse sanguinem, sed quam male hoc cedat, sæpe vidi, nam sanguis sæpe est paucissimus, tunc si subducatur sanguis, æger moritur, quia post sanguinem missum non statim in vasa rursus defertur sanguis, quoniam arteriæ ita obstructæ sunt, ut pauca copia sanguinis adhuc fluidi remaneat in vasa, quæ sola erat causa, ut cerebrum & cerebellum adhuc sustinerentur ab illo paucō sanguine; hinc Medico semper est animadvertendum, an non aliquid contraindicet, si vero hæc signa recentia adsint, sanguis ad animi deliquium usque audacter mittatur; si enim sit aliqua spes in sanguinis missione, tum est instituenda, ut inferiora solvantur, hoc est cum rigore, sed quoniam multæ circumstantiæ hoc vitare possunt, melius est repetere venæ sectionem, quam unica vice omnem sanguinem detrahere, ut videamus, quomodo primam ferat æger, nam metus esse potest, ut talis sit obstructio, ut non statim sanguis ad vasa eat, & tum sequeretur mors, nec in ~~æger~~ institueretur venæ sectio, sed in initio; vidistis in puella febris Ardente mortua, quod si sinus cerebri fuerint depleti, cortex etiam imo medulla rebicundissima sit, quid ergo tum per venæ sectionem efficitur, nisi vita tollatur, hoc est paucus sanguis, qui adhuc est in venis, educitur, qui tamen, ut vita permaneat, ad dextram cor ire debuit, si



ergo morbus sit in initio & corpus sit juvenile plethoricum robustum &c. tum sanguis mitti potest ad refrigerium vel repeti, pro ut res requirit.

*Clysmata.* Hoc est maximum arcanum in talibus febribus, hæc quater intra viginti quatuor horas sunt injicienda vel ad minimum mane & vesperi, hæc enim ratione omnia laxantur vasa, humores diluuntur & refrigerantur, calor temperatur & omnia symptomata tolluntur; non inde concludo clysmata ubique convenire, nam scio in morbis Chronicis, ubi est laxitas nocere, sed ubi strictura, calor &c. faciunt morbum, in nimia copia dari non possunt, licet omni hora darentur, nam simulac ægri sese melius habent, remitto, non vero hic intelligo clysmata purgantia, sed talia, quæ tantummodo lavant & corpus laxum reddunt, Galli hoc vocarunt *lavement*; constare modo debent ex simplici aqua, aut quod adhuc melius est ex aqua, in qua farina Lini cocta cum Melle & Nitro mixta est, singulis diebus ad uncias 3x pro re nata tuto injici possunt, vel ex aqua Hordei, & sero lactis hydrogalo si vero videas, quod calor jam cessaverit illis est abstinendum, aliter corpus redderetur Hydropicum.

*Colluendo.* Hoc tantum bonum facit, ut incredibile sit, æger prius surgat, sedeat sedeli, habeat tibias immerfas aquæ calidæ, quamdiu sedet, habeat stragula supposita, ponatur pelvis ad manus, uti sedeat in aqua tepida, colluat os, ponantur spongiae circa axillas, aures, poplites, inguina ex aqua Rosacea & aceto Rosaceo, & ubique, ubi humores se innuare possunt, liquores ore hausti optime pul-

mones humectant, quos in mortuis aridissimos vidimus, sic os & nares humectantur, nam hæc siccata sæpe mortem induxerunt non per se, sed quia docebant pulmones siccatos, hinc sæpe gargarizetur os aqua Hordei.

*Medicamenta.* Sola medicamenta conveniunt, quæ sunt acida, aquosa, nitrosa, quæ omnia in uno medicamento habere possunt.

*℞.* Tamarindor. Orient. select. Sempervivi major, Succulent.

Rad. Acetosæ Pratenfis recent. lectæ ana ℥iv.

Ebulliant simul cum octo libras aquæ ad consumptionem 3/4 partis

superare ut remaneant sex libras admisce Syrup. Acetosi Citri

ad gratum acorem singulæ libras addatur Nitri puri ℥j

*M.* Bibat omni quadrante horæ ℥vj hoc medicamentum omnem putredinem arcebit & refri-

gerabit, si vero calor defierit, & æger satis fuerit refrigeratus, tum est abstinendum. Medicamenta, quæ hic conducunt sunt sequentia, quo aquosiora, eo meliora, blanda non acria, nitroso grato acore sapida, alvum leniter laxantia, pruna acido dulcia, Tamarindi, sal Prunellæ, CrySTALLI Tartari &c, præterea urinæ materiem præbentia, & Diuretica, nam urina est cloaca, qua sanguis abluitur, hinc simul materia redditur fluida, hæc sunt Cerasa, Fraga, Ribesia, bacci Mori, Sambuci, Ebuli, Pyra, Pomâ acida diverso anni tempore se insequentia, adsint Hyeme rob. & alia ex his præparata,

aqua diluta, quæ dari possunt; sanavi centenos pauperes, febre hac Epidemica laborantes solo Ribesiorum decocto succo expresso admixto sale Nitri, sola fusione depurati, venæ sectione, si medicamenta præmissa justo regimine præscripta sint; omnes fere curantur, hoc modo sudor bonus elicitur, qui non movet, nec exsiccat; tandem adduntur diluentia & temperantia. Multi magni viri hic graviter errant, qui credunt Alexipharmaca & Diaphoretica ardorem tollere; sal laxans & parum stimulans conducit, sed acria & stimulantia nocent, hac ratione contractio in solidis & crassities in fluidis curatur; hinc non video, quod hic morbus sit adeo incurabilis quam vulgo dicitur, si hoc modo cura peragatur, sed ægri sæpe violentis medicamentis enecantur, vidi ipse in prima Praxi fidens nimium violentioribus medicamentis Chemicis plures mortuos; sed postquam jam datum methodum adhibui omnes fere curavi, à Diascordio, Theriaca Mithridati, Sale volatili Cornu Cervi, spiritu Succini &c. horrenda oborta sunt symptomata; experientia & ratione bene edoctus, dein fere omnes dicto modo curavi, in initio Praxeos risi fere simplicissimam Hippocratis methodum, dum videram illum virum solo potu seminis Orobi similis fere nostro Coffe aut fero lactis similive simplici per aliquot dies successivos hunc morbum curare velle, sed frustra adhibitis tot Neotericorum specificis hanc denuo veram expertus sum viam. Præterea Ardentes febres, & Synochi reliquæ mitiores sunt, & hinc facilius sunt curandæ.

§ 739. Nam dixi de calore febrili, & in quo calor peccet, nunc in posterum dicam de fe-

bribus calidis à capite incipiendo, nulla hic dantur remedia specifica, nec famosus Lapis Pedro del Porco Hystericis aliquid facit, sed nosse arcana est nosse methodum.

§ 740. Morbi Acuti Febris Ardens inflammationem habet, vel per totum corpus vel in quadam parte affecta, quæ generalem inflammationem pro causa habet, ejus curam dedi, nam omnes Synochi simplices vel Synochi putridæ vel febres Ardentes, vel reliquæ febres cognoscuntur, ergo sequitur, ut agam de inflammationibus, quæ in parte quadam contingunt ut v. g. in Pleuritide, Ileo &c. hæc enim requirunt aliam curandi methodum, quia ad duo est circumspiciendum, ergo sequitur, ut de his agam quod præstabo, sed prius de Intermittentibus aliquid dicam.

*Febris intermittens.*

§ 741. Febris Intermittens cognoscitur ex febre Ephemera, quæ postea relinquit signa oriaturæ febris, de quibus signis ante egi. Febris Intermittens est plane desinens & recrescens spatio libero intermedio ἀπορροια dicta.

*Diagnosis.* Febris Intermittens cognoscitur quando per periodos redit febris Ephemera post paroxysmum hominem plane liberum relinquit, sed Intermittens post paroxysmum ægrum defatigat, appetitum dejicit, urinam rubeam facit, omnis febris, quæ intra sex horas cum exacerbatione ad ἀπορροια tendit, non est Ephemera, nec Synochus, sed Intermittens, his præ-

missis cognoscitur quoque febris Intermittens in suis speciebus; si adsit magnum frigus diu durans, vomitus, magnus calor diu permanens, tum fit *Tertiana*, non erit *Synochus*, quia intra sex horas adscendit, stat & decrescit *Febris* quotidiana est vel *Hæctica*, quæ pomeridiano tempore certa hora increscit, vel 2. quotidiana est ex aliis composita. Intermittens vocatur, quæ semel nata ex certa causa adscendit, stat & descendit, & quando desinit, plane abest, supponit ergo causam, quæ non semper agit. Simplicissima *Tertiana* vocatur febris, quæ intra viginti quatuor horas incipit & desinit, ac tum diem salutarem subsequentem habet, antequam redeat, eaque perfecta erit, si stato tempore iterum invadat iisdem symptomatibus. *Tertiana* duplex est, quæ v. g. primo die invadit ante meridiem, secundo die post eundem, tertio ante meridiem, quarto post eundem, vel potest etiam *Tertiana* geminata esse, quando primo die quo paroxysmi adsunt, secundus dies est liber, & tertio die iterum duo paroxysmi, hinc potest esse *Tertiana*, cujus omnes paroxysmi iisdem symptomatibus terminantur, sed quando *Cachochymia* abest, hinc *Hæctica* videtur potius ad *Quotidianas* referri posse, si paroxysmus duret à primo die ab hora decima usque ad horam decimam sequentis diei & alter paroxysmus tum iterum veniat, qui ad viginti quatuor horas duret, dicitur *Tertiana* geminata continua seu *Hæmitritæa*. *Quartana* febris dicitur, quæ quarto quoque die redit v. g. si primo die sit febris, secundo & tertio non & quarto iterum redeat, si eodem redeat tempore, quo primo die vocatur *exquisita*, si vero redeat alio tempore, dicitur

citur vaga anomala, quæ nunquam est boni moris hæc vocatur duplex, quando æger primo die duos paroxysmos habet, secundo & tertio die bene valet, & quarto die paroxysmis iterum afficitur. Quartana tergemina est, quando primo & secundo die alio tempore aliis symptomatibus se manifestat, tertio iterum alio tempore; & quarto respectu primæ, quinto die respectu secundæ, & sexto respectu tertiæ decurrit, tum Quartana triplex vocatur, quæ à Quotidiana & Tertiana distinguitur, de omnibus his febribus optime egerunt *Hippocrates*, *Sydenham* & *Bellinus*. Si febris Quartana fiat continuata, *Galenus* optime notat ægrum moriturum.

§ 742. *Dominatur*. Non ergo nomen à tempore, quo prædominatur, sed à tempore quo prædominari incipit, sic Tertianæ hodie dominantes à febre pergunt usque in Augustum, Quartanæ Augusto incipientes in Verum durantes semper nominantur à tempore, quo incipiunt, non à tempore quo durant, si estis in regione mensis Februarii vel Martii & adsint febres Tertianæ violentæ, tum omnes morbi, qui sequenti anno ad Augustum decurrunt, habebunt typum Tertianæ, sed circa Autumnum desinet, & alia incipiet, sed forte sequenti anno illa febris redibit.

*Necessaria*. Febres Tertianæ mense Martio incipiunt, quia deprehendunt corpus mucosum phlegmaticum ad mensem Julium, tum erit generalis diathesis qualis mense Februario, unde sanantur; hinc Quartanæ Vernales raro diu durant, sed Autumns deprehendit corpus exsiccatum per calorem & traditur gelidæ hyemī, hinc Quartanæ Autumnales omni tempore dif-

ficilliores & expugnatu difficillimæ, hinc bene est annotandum, quod omnes febres Vernales de inflammatorio morbo participant & purgatione & sanguinis missione curentur, sed in Autumnalibus, si mittatur sanguis, aut si dentur purgantia, in Hyemem durant & sunt peiores, ideoque debemus observare & distinguere has febres; ergo si æger inciderit in Tertianam Intermittentem tempore Verno, est Vernalis, si Septembri erit Autumnalis, Novembri, Decembri manent Autumnales, sic duplex est Intermittens; hæc distinctio autem est ingens, nam varii sunt moris Tertianæ, ita Autumnales peiores, quia his magis exassatus est sanguis, Vernales cito terminantur; Autumnales vero diu durant. Tertianæ Vernales pergunt contra calorem, Autumnales contra frigus tendunt, hinc Tertianæ Autumnales sunt temperandæ; nam in his symptomata quotidie fiunt graviora; Vernales abeunt siue relicto alio morbo cum crisi perfecta, sed morbus Autumnalis incipit futurum frigus, hinc non tam facile tollitur, facileque post se relinquit morbos Chronicos, non mirum est febrem Autumnalem Majo mense curari, nil enim facilius est, sed eandem mense Decembri sine cortice Peruvia no curari artis est, hujus Quartanæ Vernalis curationis levissima est duratio, omnes Vernales non diu protrahuntur; Autumnales quavis methodo pertractatæ sint pertinacissimæ, in febre Autumnali venæ sectio, purgatio, & refrigeratio est pessima; Quartanæ regulares circiter circa Augustum, Septembrem, Octobrem, incipiunt, deficient Martio vel Aprili, febris Vernalis solvitur in calore superveniente; febris Autumnalis augetur per frigus succedens, unde

unde dicit *Hippocrates*. Febres Quartanæ vix nisi post Hyemem solvuntur, purgationes non feruntur à febribus Autumnalibus v. g. febris Quartana Autumnalis non solvitur à pulvere Cornachino, sed remediis incidentibus sanguinem, quæ saponacea & subacida esse debent.

§. 743. Pauci hoc norunt, non scio, quod ullus Medicus hoc explicuerit præter solum *Sydenhamum* v. g. Quartana habet certum typum clausum, si quis velit curare Quartanam Vernalem (ut dicit *Galenus*) & dat calefacientia, facit in ejus corpore æstum, hoc est, dat medicamenta, quæ æstum faciunt, unde æger sæpe moritur, sed febris Quartana Autumnalis ab his curatur, si nunc Quartana nascatur eo tempore, quo corpus dispositum est ad Hyemem, nascantur febres Continuas mentientes. cum nunc Medicus nec missionem sanguinis nec purgantia nec debilitantia applicare debeat, sed refarcire, quod est exhaustum & sanguinem diluere, si tamen subministret priora, Quartana fiet lethalis; hæc sunt in Medicorum arcanis de Quartana non lethali, idem de Tertianis Autumnalibus verum est, qui Autumnali febre laborant, iis si dentur levia medicamenta, habebunt Quartanam, si vero hic morbus tractetur, ut morbus inflammatorius venæ sectione, diluentibus, vasorum laxatione, tum tota Hyeme laborabit æger, hoc facile est animadvertendum, nam attendendum est ad temperiei caliditatem & ad signa inflammationis, si hæc non adsint, tum sunt febres Intermittentes, ingens est error, quod omnes Medici, qui antiquos sequuntur, velint in omni morbo minuere vires, nec minus est error eorum, qui nunquam volunt vires minuere, nam Me-



dico est distinguendum an ab inflammatione partium, an à diathesi inflammatoria, ne Medicus semetipsum fallat, quia febris diu durat, ante biennium orta est cacochymia in bile & in hepate, unde febris est nata, de qua dici non poterat est Continua vel Intermittens, nec Quotidiana, nec Tertianæ, nec Quartanæ, sed erat cacochymia, omnes Medici, qui dederunt corticem Peruvianum, ægros suos in plurimos morbos Chronicos injicientes mortem accelerabant, & omnes ægri, qui leniter tractabantur, sanati sunt.

§. 744. Vulgare in Medicos fuit dictorium, expone, quid sit febris, erisque Philosophus. Febris Intermittens, est crux Medicorum, hinc maxime huic morbi est prospiciendum.

*Pandiculatione*, id est, coacta membrorum extensione non ingrata sed cum sensu voluptatis.

*Lassitudine*. Quasi muscoli multum operis fecissent.

*Frigore*. Nam frigus non oritur primo sed post hæc quatuor signa prægressa.

*Rigore*, hoc est, frigore cum rigiditate & inflexibilitate articulorum, uti in moribundis & mortuis.

*Tremore*. Uti in lingua, labiis, imo tantisper sunt tremores, ut genua, manus & maxillæ collidantur.

*Pallere*. Ungues livescunt, labia cærulefcunt & facies pallefcit.

*Respiratione difficillima*. Quia ob frigus omnes partes accipiunt contractilitatem & sanguinem nimis ad cor accelerant uti & ad pulmones, qui cum se expandere non possunt, tum sanguis accumulatur inter cor dextrum & pulmo-

monem, id est, inter ultimos arteriæ fines per totum pulmonem dispersos & inter venam cavam.

*Pulsu.* &c. quia sanguinis pars redditur cordi sinistro, hinc cum non habeat tantam sanguinis copiam, ut eum per totum corpus infundere possit, hinc æque palpitatur ad cor dextrum, sed ob sanguinis inopiam fit pulsus citatus debilis & parvus quoad vires.

*Hæc symptomata* non mutantur, nisi mutetur febris, si febris sit exquisita Intermittens, tum hæc symptomata semper adsunt.

*Hæc pejora.* Id nunquam fallit, si frigus diu duret, uti & calor morbus erit peior, qui Quartana laborat vix nullum magnum frigus habet, uti vix magnum æstum.

*Periculosus.* In febribus Intermittentibus nemo moritur nisi tempore frigoris, si hoc tempus superet, nunquam morietur ab illo paroxysmo, sed non hic loquor de febribus Continuis, ubi homines sæpe in *ἰναρμὴ* moriuntur. In Hæmititræa vel duplici Tertianâ primo die male se habent, secundo melius, tertio pejus, quarto melius, quinto pejus, & die impari exstinguitur, quo acerbatio accedit, urina est cruda, & tenuis, pallida, maxime devians à naturali & plerumque fatis copiosa.

§ 745. Sequitur alter febris status in calore primo cordis, dein distributio per totum corpus, maxime rubore cum pallidi fuerint, suffocati, qui prius libere inspirabant, pulsus fit celerior, qui erat tenuis & debilis, jam fit fortis & lentior, fitis dolorque capitis ingens, hic status est *ἀνὰ* in Continuis, & hic secundus status non est adeo periculosus, nisi per illa symptomata magni fiunt dolores in capite.

Pro ut majora fuerunt, pallor, frigus, debilitas, pulsus citator & debilior, eo fiet major calor &c. hinc quo in Tertianâ & Quartana ingentius fuit frigus, eo major erit calor.

*Anxietate* Ut moribundi ægri,

*Capitis.* Imprimis ad finem, quando caput immaniter dolet, adest calor, quando est ingens dolor, tum respondet ~~æger~~ continuata febris.

§ 746: *Sudor.* Quia, per calorem humores stagnantes promoventur, solvuntur, fluunt per vasa & tunc simul remittuntur omnia symptomata, nam sic omnes humores tenuissimi facti sunt per sudores, & tunc æger pejus se habebit die intercalari.

*Sedimentum.* ad vasorum latera deponitur fusco rubrum & ad fundum vasis instar pulveris seu lateris vel boli Armenæ.

*Apurexia.* Si nunc esset febris Ephemera, æger agilis resurgeret, & si sit Intermittens, est lassus & debilis.

§. 747. *Periculosas.* Quando calor nimius & motus nimius excitantur, fit febris Hæmitritæa seu Semi tertiana, quæ maxime est lethalis, Hæmitritæa febris vocatur, quæ quotidie eodem tempore revertitur, sed quando præter hanc Ephemeram alternis diebus fit paroxysmus, hisce multi moriuntur, has etiam vocarunt febres continuas cum accessu dierum imparium. Secunda species est Hæmitritæa, quæ constat ex duabus Tertianis, quorum paroxysmi singuli intra viginti quatuor horas durant, hæ vocantur febres Continuæ cum Quotidianæ exacerbatione. Hæc distinctio maximum usum habet, si enim febres veræ continuæ cum Tertianis sint, nullus inde resurget, sed si febris sit

Continuata cum duabus Tertianis, ibi licet remediis uti contra Tertianam, & ego tales cortice Peruviano sustuli, nam erant Intermittentes, si modo bene distinguat Medicus, nunc cacochymia adsit nec ne. Si quis Tertianam laborans sumpserit calida, dissipantia, & sudorifera, accipiet continuam, ubi clysinata & cortex Peruvianus tuto sunt danda, quia est ex natura Intermittentium. *Galenus* jam observavit Quartanas ob motum & nimium calorem jam factas esse lethales.

§ 748. *Vim infert.* Nam sanguis tempore frigoris perfecte stagnat in extremitatibus, & derivatur ex arteriis in pulmonem.

*Coagulando.* Quando æger febris Quartana laborat, in summo frigore manus ejus abscindi potest, illo non sentiente, & vulnerari sine sanguinis exitu, simulac calor accedit, vasa extendit, hinc corpus mirifice mutatur in vasis & liquidis.

*Debilitantur vasa.* Quid est, quod corpus elasticum maxime debilitat? ipsa Chalybs corpus maxime elasticum debilitatur, si mox illuc flectatur, hinc in febre Intermittente omnes fibræ extenduntur & mox flectuntur in arcus, ergo debilitantur, unde corpora post Quartanas adeo mutantur, ut fiant Hydropica non potentia sua liquida coercere.

*Habent.* Omnia diu quiescentia fieri debent flaccida; liquida sunt morbosa, quia in frigore stagnant, calore attenuantur, partes sudore expelluntur, nimis assimulantur, nec æqualiter miscentur, quia fluida abeunt, & crassa remanent.

*Acrimonia* est duplex, quæ fit in nobis vel spontanea, partibus non satis motis, vel pro-

veniens

veniens ab humoribus minis motis; lac in stomacho assumptum calidum stagnans ibi fit acidum acre, si absorbeatur in venas & febris adfit, lac motum combūritur, amarescit & accrescit, unde lac febricitanti dicitur movere bilem, si ex propria indole & motu mutantur humores, ergo necessario in febris acrimonia nasci debent.

*Transudante.* In omnibus febribus Intermittentibus vidi, quod nunquam penitus curentur ægri, quamdiu sudor adfit, nam horum sanguis est sic dissolutus & vasa sic debilitata, ut si modo jaceant, sudore diffuant, & quamdiu hic adest, nunquam curabitur æger, optime convenit cortex Peruvianus, ubi talis est sanguis, & tamen nulla adest Cacochymia, infusum ex spiritu vini, vel vino generoso cum Salvia quoque convenit, hoc nemo antioyavit, neque Sydenham ad hoc non attendit, post discessum febris vasa laxissima à magno motu humores atteruntur, & partes crassissimæ per urinam exeunt, quæ nunquam in initio paroxysmi nec statu aliter transissent, sed in fine, sudor jam non est aquosus ut in initio, sed in toto corpore viscidus, hinc patet vasa esse adeo laxa & humores adeo attritos transudare; urina fit crassa &c. hic est finis Tertianæ & Quartanæ nimis diu durantis, ut ultimo abeant in Scorbūtum, ut facile intelligitur.

*Residua.* Tunc diffolata parte tenuiori partes crassæ accipiunt novum humorem per potus, sed ille humor manet crudus, nec illis crassis partibus misceri potest, unde tunc in corpore nascitur causa, cur sanguis à se dimittat semper liquidum, unde tunc temporis sudores oriuntur.

*Simul.* Si detur post primum paroxysmum cortex Peruvianus, alterno sequente nil sudoris exhibit, si materia lenta esset ejicienda, cortex Peruvianus hunc non contineret, sudor ante frigus excitatus dissipat fere paroxysmum, unde error hic natus est.

*Scorbutum.* Quod est contra Sydenhamum & plures alios Practicos in Anglia, sed quid hi viri intelligunt per Scorbutum, & ex quibus signis cognoscunt, non nisi ex Phænomenis, quemadmodum omnes morbos cognoscimus, & sine his nullum, dicent, est morbus Chronicus, in quo est exacerbatio & lassitudo post somnum, in quo urina crassa pinguis, latericea, gingivæ pessimæ sanguinem fundunt, ubi maculæ flavæ lividæ corpus deturbant &c. fumant quæcunque velint post perpetuum sudorem, producit illa Pathognomica nigra, ex quibus tu desumis Scorbutum, sed dicunt non est in Italia, nec in Gallia, sed revera omnia hæc signa in hominibus deprehenduntur; imo & suo tempore Hippocrates illud graphice describit ubi agit de morbis nigris & ulterius nil scimus, nisi ex observatis Phænomenis, ex his deducto legitimo ratiocinio, quod enim obstat post diuturnas Intermittentes febres passas, corpore per febres laxato, & humoribus depravatis hunc morbum oriri.

*Hydropem.* Quod iterum est contra illos Claros viros dicentes hunc Hydropem non posse expelli per purgantia, quod fateor, nam per moderata calefacientia est tractanda, ut & omnis Hydrops, si hic obedire velit, hinc ante sanationem Quartanæ pedes plerumque intumescent, quod est bonum signum, nec vel hoc minime deterri debet.

*Leucoplegmatia* à sanguine nimis resoluta.

*Mala.* Si hæc fiant, facile intelligitur, inde omne genus morborum Chronicorum oriri debere, qui enim diu laborat *Tertiana* vel *Quartana* iis tandem facile lien est obstructus, hepar tumidum, abdomen prominulum, & quia tenuis aqua dissipata reliqua crassa manent.

§ 749. Itali vulgo dicunt de *Tertiana* & *Quartana* nunquam sonat campana, id est, inde non moriuntur, quod plerumque verum est, si *Quartana* diu duret, nec minus turbet, disponit ad longævitatē, quia humores disponuntur ad magnas mutationes facile ferendas, & sic ad magna mala toleranda, nam humores depurat, hinc est beneficium naturæ habere hanc febrem, quare optimi Medici bonam *Diætā* & medicamenta non multum efficientia dant, tantum attendunt, ne nimia fiat, ne *Tertiana* fiet *Continua*, nec paroxysmi nimis graves, dant, quæ non turbant, ut ægri eos multum facere putent, sed in fine dato levi medicamento sanant. Multos longævos senes examinavi & nullum inveni, quin in vigore ætatis laboravissent *Quartana*, si hic morbus non turbetur per disconvenientia, morbos generis nervosi & humorum perfecte curat, idem de *Tertiana* verum, nam ab *Epilepsia*, *Podagra*, *Convulsionibus* ægrum liberat. *Quartana*, hinc non est auferenda febris, proinde considerandum est, an febris plus boni quam mali efficiat, si febris sit curanda, dirigitur, ut febrem procreando febris expellatur, v. g. *Gentiana*, *Carduo Benedicto*, *Serpentaria Virginiana*, *Absinthio* &c. hinc res est certissima, & corpus non destruat febris *Tertiana*, roborat,

*Celsus* de Diæta dicit variam vitam, nunc his nunc illis mutationibus obnoxiam roborare homines, qui *Tertiana* exquisita laborant, alterno die frigus & æstus, si modo febris bene dirigatur à Medico. *Quartana* curat *Nephritidem* à sabulo accumulato.

§ 750. Quo magis magisque cogito de febribus Intermittentibus, eo magis video veram esse sententiam, quam *Borellus* proposuit, quod scilicet febris Intermittentis causa hæreat in genere nervoso, cogitate hominem sanum nocturno tempore meditabundum sedere audit strepitum, palpitat, cor tremorem habet, frigore horrebit, & habebit talem respirationem uti descripsi, paulo post summopere calebit & æstuabit, in initio febris *Quartanæ* momento post primum symptoma, est pandiculatio corporis, debilitas, frigus, non creditis, hæc nasci in ejus sanguine, sed si cor minus virium per nervos accipiat, habebitis causam symptomatum, ergo pono causam visciditatis in lentore spirituum nervosi hære, & sic primariam conditionem febris Intermittentis esse in nervis. Per visciditatem non intelligo, quod sanguis crassior fiat, sed impedimentum circulationis, quo sanguis fit lentior. Cortex *Peruvianus* videtur potius agere in spiritus animales quam in humores, nam observante *Sydenhamo*, ille cortex non minus valet ad curandos morbos à debilitate spirituum ortos, ut est passio *Hysterica* &c. quam ad curandas febres Intermittentes. In febre *Tertiana* dies intercalaris est utcunque tamen morbosus, sed, tamen in *Quartana* secundus intercalaris videtur esse in statu sano antequam veniat febris.

§. 751. Hoc centies feliciter feci, in *Quartana*



tana exquisita efficere possum, ut non fiat frigus, tum paroxysmus non erit, hinc omnis sudor, qui excitatur, antequam febris fiat, plerumque tollit febrim, sed qui post febrem toleratam advenit, disponit ad aliam febrem, est tamen aliquid mirum, quod hoc accadat, curavi elapsa Æstate nobilem virum (qui in febre Quartana pertinacissima tamen se non ita male habebat) ejus corpus replevi decocto Guajaco, sed præter opinionem accedebat Tertianæ, dum æger mane & vespere sudabat & intra viginti quatuor horas octo libras hujus decocti assu-  
mebat & nihilominus tamen Quartanam accipiebat, hunc sustuli per purgans & corticem Peruvianum, & porrexi in usum decoctorum tribus septimanis post rursus accipiebat febrim, continuato sudore sub craticula rursus febris rediit, fere desperabam, an unquam sanari posset, iterum tertia vice sustuli cortice Peruviano, tum non rediit amplius, ergo febris non est in fœce, nec in sanguine, sed aliud quid est. Omnes Auctores observarunt, quod æger cortice Peruviano sanatus, si se frigori exponat, & hoc frigus sit tantum ac illud, quod febrile frigus fecerat, recidivam patietur, *notante præsertim Sydenhamo*, ergo qui in febre exquisita Intermitteente efficere potest, ut illa sanguinis viscositas non fiat, hanc febrim prorsus tollet.

§. 752. Pone e. g. omnia manere ut nunc, dum sanus est, sed levem stagnationem oriri in spiritibus, tum habebit æger omnia signa calefcentis febris, causæ quæ efficere possunt intra datum tempus, quod spiritus sint nimis mobiles, sunt infinitæ, hinc impossibile est dicere, quæ sint causæ ex tam infinitis, quæ fe-

febrim prodixerint, videtur, quod talis æger sit tempore frigoris in physica conditione hominis moribundi, id est, quod cordis vires sanguinem per arterias & pulmones non movere incipiant, quando hoc fit, frigus existit; simulque ac adest frigus, corporis vasa contrahuntur, tum fit delatio sanguinis venosi versus cor, quando ibi est collectus, & per pulmonem ire non potest, tum pulmo obruitur à sanguine à dextro corde veniente, interim cor dextrum repletur ab alio sanguine, quoniam hinc nihil fere ad cor sinistrum pervenit, & ibi hæret sanguis, oritur frigus summum &c. hoc tempore æger moritur, nisi calor succedat; pone nunc renasci vires cordis & respirationis, simulac hoc fit, sanguis venosus accumulatus celerissime trajicitur per aortam, si nunc ille sanguis fluere posse incipiat, maximus oritur motus, nam sanguis movetur à corde, omnis sanguis est circa cor, cor nunc recipit vires, ut se moveat unde oritur calor, hinc mihi videtur, quod causa proxima sit aliquis lentor in spiritibus moventibus cor & organa respirationis, hujus rei possunt esse tam multe causæ physicae, ut ego dicendo par non sim. Si quis pater videat filium suum cadere in aquam, pallescit, frigebit, vix loquetur, tremet, ut febricitans prima accessione Intermittentis, nisi quod forte tandem non duret, cum sit à turbatione tanti cerebri, unde enatae sunt aliæ ideæ, si liberatum videat filium, non statim sanus est, sed diu male habet, sæpe toto vitæ tempore, quia nimius motus creat inflammationem, unde Scirrhi & pessimæ stagnationes. Ponatur circumstantia, ut pater percussus sic incipiat tremere, sunt aliquot clausuræ fibrarum

rum in cerebro, jam si aliquid aliud obstruens ibi adesset, febre laboraret, non prægresso tali effectu, si humor crassus febrilis accumulatur, jam crypta aliqua acrescat, ac ut edimus, bibimus, mingimus, alvum deponimus certo tempore, ut saliva sit certo tempore, ut somnus, semen prolificum, medulla ossium regeneratio in vulneribus requirunt certum tempus, cum hæc fiant, cur non aliquis humor alicui accumulari posset, quique abundans suo tempore in sanguine efficere hanc stagnationem & motum, hinc non sumus cum *Galeo*, qui in solo sanguine nec cum *Borello*, qui in solis spiritibus febrem morari credidit, sed ex omnibus humoribus oriri possunt, eadem hic est ratio, ut si spina corpori infixæ sit, primo non sentit, dein fit horror, febris inflammatoria suppuratoria. Ergo quæ causa, unde tam certa & ordinata putredo in febre fiat? Si febris in initio impediretur scilicet talis causa certo tempore facta, generata abundans, hos affectus faciens, decrescens, si nimix adsint causæ, tum ultra non possumus, v. g. chylus sanguini mistus facit sanguinem non satis meabilem, fit frigus, si permixtus sit, & jam illam stagnationem fecerit, si misceatur, resolvitur, calor oritur, huic accedente febre chylus habens materiam causam effectum, febris hujus finem definit, simulac materia cruda facta sit meabilis, sed causæ infinitæ hoc facientes assignari possunt, hinc difficultas v. g. aliquis calidus se exponit frigori, frigescit, ubi parum se restituit, calor nascitur, & fit febris, at humores certo tempore mutantur per Tertianam & Quartanam, nec hic opus est tanta sed levitantum mutatione sanguinis, quod ex chylo

patet, ergo certo tempore nascitur humor non naturalis, qui abundans facere potest sanguinis stagnationem & omnia symptomata, nec aliud quid, si causæ cognoscerentur, omnes curari possint, si non pro causa vel fomite visceris alicujus malam constitutionem habeant, ut si ex Scirrhuso hepate biduo nasceretur parva materia, quæ quadraginta octo horis aucta, quasi fota reliquo sanguine miscetur & facit febrem; tales febres vix tolli possunt.

*Dari.* Unde veniat, quod febris suos status periodos exacte teneant, nescimus, hoc tamen verum est, hominem certo tempore delabi in somnum &c. ergo tam mirum non est, febres certas periodos habere. Recidivam quoque patietur æger post usum corticis Peruviani, non modo ex frigore, sed ex indigestione, imperspirabilitate, animi affectibus &c. hinc æger optimam Diætam servare & cibis euchymis uti debet.

§ 754. Omnes febres Intermitrentes per unam generalem methodum curari non possunt nec per corticem Peruvianum, si ab internis visceribus, sed si à rebus non naturalibus orta sit, tolli poterit, hinc non una est curatio, curabitur vel Methodice vel Empyricè. Cura fito exigit ea, quæ tarditatem in spiritibus dissolvere possunt, omnia, quæ hoc faciunt, febrem tollunt, si sit Tertiana exquisita, & hominem facio tribus vel quatuor horis ante febrem sudare, non habebit febrem, nisi aliquid Epidemici adsit, uti in hoc biennio, cæterum mille sic sanantur; secundo si tempore apuræ magnum motum faciam dato v. g. forti purgante vel pulvere Cornachino, amarissimo Absinthio, vel herbis vel succis expressis ad uncias

uncias duodecim, quod non fallet, modo hæc medicamenta dentur tempore intermedio, si hæc per saponem vel pilulas vel per elixiria dentur, est idem si modo non sit singularis diathesis in illo tempore, sed dicetis forsan, quænam est causa, quare, vir (de quo ante dixi) tam sæpe recidivam accepit, respondetur, quoniam erat corpus viri Literatissimi & admodum laxum & satis magnum, primum decoctum Guajacum minimum frigus accedebat; si in mille sanati sunt, qui simulac minimum frigus acceperant, ilico in febrem rursus inciderunt, & certus sum me vix in his deceptum iri si morbus non sit nimis Epidemicus v. g.

R. Aquæ Cardui Benedicti.

vel Rutæ  $\mathfrak{z}\mathfrak{x}$

Sal. Polychrest.  $\mathfrak{z}\mathfrak{ss}$

M. F. Mixture.

Bibat omni die libero unciam unam, febris Intermittens fere tuto curatur, si facere possimus, ut prima ejus causa scilicet spirituum stagnatio in corpore impedire possit, hoc fit, si tempore, quo febris abest, sex res non naturales & medicamenta sic administrantur ægroto, ut causa minui possit, unde stagnantes spiritus hærent; veteres curaturi Intermittentes jubeant ab omni motu, potu & victu, unde impedimentum facili spirituum motu fieri poterat, secundo balnea, fomenta, frictiones & corporis exercitationes applicabant, ita ut omnis humor tempore Apurexiæ dissolvatur, tertio subministrabant talia medicamenta, quæ bilis vim exercere poterant, ut Absinthium, Centaurium minus, Cardium Benedictum, Aloë-

Aloën, Myrrham &c hæc enim erant febrifuga; sum certus per totam Praxin medicam nisi subsit character malignus, quod omnes sic curari possint, hinc videtis, cur Vinum cum Absynthio, Vinum cum Gentiana vel cum Helenio adeo laudata sunt tempore apurexiæ potata, & quare recentiores post *Basilium Valentinum* & *Paracelsum*, nil utilius duxerint, quam hoc tempore dare pulveres ex salibus fixis, sed hoc non est inventum Chemicorum, sed uti *Borricius* notavit, est jam à *Dioscoride* adhibitum, ergo omnis ætas, omnis observatio facit, ut credamus, quod omnia, quæ tempore apurexiæ dantur, tantum sint, ut frigus seu minor motus præcaveatur, unde paroxysmus originem ducit. Optima dantur remedia, nempe Vinum Absynthii ad pintam unam, Centaurium Minus ad uncias duas minutim concisa sumpta ex cochleari cum vino vel aqua, aut eadem herbæ infusæ, alii dant Piper ad unciam unam cum Aceto, Sal Absynthii, Tincturam Myrrhæ, radicis Gentianæ & milia talia antifebrilia dicta sunt scilicet eo tempore, quo natura à febre est libera, quibus assumptis calor & motus simul toto corpori conciliatur, sequens remedium est optimum,

℞. Rad. Gentian. Illyric,  
 Amariss. omnium ℥ij  
 Conscindatur in taleolas  
 infundatur Vinum ad pintas ij  
 in phiala alta methodo nostra  
 decoque per viginti quatuor  
 horas, erit Vinum amarum  
 Gentianum.

Bibat omni hora unciam unam, aut si debiliior sit æger, unciam semis, tunc secedat in balneum, vel aliter se foveat, tunc optime febris tollitur; hic nullum magnum discrimen facio inter Carduum Benedictum, Absinthium, Veronicam Pratensem, Folia Chamædrys, Marrubii Albi, Centaurii Minoris, tantum est attendendum, an herba multo sale & oleo abundet. Idem efficiunt omnes sales, sed imprimis in aliis speciebus mihi observatur Sal Polychrestus Parisiensis factus ex Nitro & Sulphure per horam simul calcinatis, & ex hoc dentur omni hora grana quinque vel sex in apurexia, ac bihorio ac trihorio ante paroxysmum detur scrupulum unum, hac methodo sæpissime tollitur febris; vel sequens remedium etiam convenit.

℞. Ligni Santali Rubri

— Albi

— Citrini ana ℥ij

Sem. contus. Bardanæ ℥ij

Rad. Imperat. 3℔

Caryophilli

Flor. Centaurii Minoris ana ℥ij

Herbæ Veronicæ Man. ij

Conscissa & confracta coquantur  
cum ꝑb iij aquæ & dimidium

si ægri ament delicatiora

adde Syrup. quinque Rad. aperientium

Tunc simul fumo sequens

℞. Aquæ Stillatitiæ Rutæ 3viij

Tinct. Croci

— Myr-

— Myrrhæ ana ℥j  
 Sal. Polychrest. ℥ij  
 Syrup. Diacodii ℥j  
 M. F. Mixtura.

Sumat æger omni hora unum cochleare de hoc potu, & superbibat post singula cochlearia tria unciam unam decocti, corpus quamdiu potest, ambulet, postea fatigatus foco affideat, tribus horis continuatis, vel committat se lecto calido, hac ratione aderit sudor, antequam frigus febrile veniat, & hac methodo quidem centenos curavi. Hæc sunt remedia febrifuga certiora, modo nihil adfit Cacoehymia præcedentis, igitur sequens methodus est observanda in febribus Intermittentibus, 1. nil dandum est, quod impedit perspirationem, 2. corpus est tenendum in tepore Verni, 3. arcendus æger ab omni frigore. 4. ægro interdiu est dandus potus calidus ex quinque radicibus &c. duo tantum sunt vitanda, 1. ne nimis humores solvantur per nimia subito calefacientia, 2. ne frigus nimiusve calor ad corpus accedat, sed produendus est in illo corpore Vernus tepor. Ergo tunc si sumatur contra Quartanam Theriaca Diatesseron *Mesue* vel Carduus Benedictus, Absynthium &c. reducitur corpus ægri ad Vernum calorem, tum æger curabitur, & hoc semper proderit nisi post longum sat tempus ægri habeant lien, vel hepar vitiatum, ut plerumque in Quartanis accidit; sed hæc cura non omnibus convenit, nam quidam populi, ut sunt Britanni, requirunt aliquod adstringentis conjunctum calidis, alioquin eorum humores dissolverentur, & ægri in perpetuos sudores verterentur, & tanquam Hæstici fierent, ut ego in



hac gente expertus sum; itaque tunc uti oportet cortice Peruviano, Tamarisco &c, etiam in febribus Intermittentibus Vernalibus. Si sit Vomica in hepate vel tale vitium in aliis visceribus, ut Scirrhus &c. tunc cortex Peruvianus adstringet, & Vomica se diffundens in sanguinem creabit febres Continuas, & æger morietur, malum quoque inde oritur, si sit Scirrhus &c. sed exceptis his duobus casibus, omnes methodo præscripta sanantur.

754. Sæpe in ægro febricitante est colluvies in primis viis in ventriculo, intestinis, hepate & vasis meseraicis ibi hæret residuum, quod est crudum ex male coctis assumptis cibis, ibi pituita mucosa, bilis recrementitia, depositum recrementum vasorum cæliacorum & mesentericorum, quando in febre Intermittente hæc hic hærent, putrescunt, degenerant, & quotidie pejores fiunt, nil tum juvat tollere frigus adventitium, potius juvasset febrim mansisse, ut hanc materiem subegisset, sed si Medicus hoc animadvertat, tum cura ad illam materiam consumendam illi est adhibenda.

*Purgans.* Puto, quod à vomitu omnis actio febrium Intermittentium interrumpatur, si modo Medicus sciat, quod ibi colluvies materiei, 2. viscera non sint corrupta, 3. vires non perditæ, nam ipsa natura hoc indicat, vix enim unus est ex mille, quin natura vomitum faciat, tempore frigoris unde levatur, ergo vomitoria hisce conditionibus data melius esse quam purgans, subducunt materiam per motum concussivum, & quia æque tuta sunt quam purgantia, nam plusquam millies usus vomitoriis in Praxi mea nunquam inde sinistrum vidi effectum, quo-

quoniam curavi, ne darem, ubi viscera sunt dubilia, si enim tum dentur, Hypercatharsis supervenit à solutis visceribus.

*Tollendæ.* Remedia sequentia optime conveniunt, pulvis Comitissæ de Warwyck, quem Cornachinus sibi dein fecit proprium, aliter pulvis Cornachinus ex Scammonio grana xvij, Stibii Diaphoretici grana xxiv, Cremor Tartari grana v vel vj, quo minus Cremor Tartari, eo fortius purgat, hoc est optimum purgans, si detur ante paroxysmum, optime tollit febris semen, unde Itali & Galli huic maxime fidunt. Vidi & usurpavi sæpius maxime in infantibus, cum incredibili successu, ubi humores sunt maxime mobiles, adde Saccharum, ut sapor Diagrydii tollatur, sic infanti triennii dedi Scammonii grana v vel vj vel vij, Antimonii Diaphoretici tantundem, CrySTALLI Tartari grana vij vel octo cum Saccharo, quod remedium detur quinque vel sex horis ante paroxysmum, hinc est summum arcanum Præzeos dare purgans vel vomitorium tempore opportuno, quæ medicamenta si dentur die intercalari, non multum profunt, & in ipsa febre occidunt, sed si dentur eo tempore, ut operatio agere incipiat tribus vel septem horis, antequam natura sua faciet per vomitum, tollitur febris prima vice, hinc videmus, cur pulvis Cornachinus hic descriptus unum, duos vel tres vomitus faciat & simul purget, & hoc tempore agentia solvant materiam, quæ febris solvendæ restitisset, dum hoc faciunt, motum curant, credo, quod hac ratione millenos ægros sanaverim, datis simul diluentibus; sed quomodo scimus hoc esse faciendum? Si præcesserit victus opiparus, unde conjicitur talem materiam esse re-

lietam, linguæ fordibus nigris, seu flavis, seu albis. Empyrici norunt, quod vomitorium tollat febres Intermittentes, nec refert quale sit, v. g. Vinum Emeticum cum Croco Metallorum ad uncias duas, cum Antimonio ad unciam unam & dimidiam, iis, qui difficillime moventur, adde grana Mercurii Vivi quatuor, detur hoc medicamentum quatuor horis ante paroxysmum, maxime bibendo quam prius primus vomitus factus est, operatio erit perfecta ante paroxysmum, tunc æger se componat lecto, tentet, an sudare possit, hoc est optimum remedium in simplicibus Intermittentibus, non Scirrhum vel putrefactionem supponentibus, nec in omnibus Intermittentibus, sed ubi saburra in primis viis, vel obstructions in hypochondriis, hoc cognoscitur, si æger prius usus sit locupletissimo victu & copioso, tunc evacuatio est tentanda, si materia sit infarcta, tum est purgandum, & etiam optime per vomitum tollitur, si nausea adsit magna, vomitorium prodest, ubi vomitus adest, vix sine vomitu curatur, neque per paragraphum 758. sanabitur, sed vomitorio, at si priori detur vomitorium, tanto major erit febris. Sed quomodo vomitorium sit dandum? ad hoc respondetur, si velim, ut æger cras vomat, da hodie mollia saponacea ut Rob Sambuci Ribesiorum, Oxymel simplex, Oxymel compositum, syrupum de Fumaria, syrupum de Cichoreo simplici, vel cum Rheo, &c. quæ, viam & viscera laxant, & corpora disponuntur cras do vomitorium sex horis ante paroxysmum febrilem, omne tamen vomitorium intra tres vel quatuor horas agere desinit, moneo simul, ut æger nil sumat, nisi prima vice vo-

vomuerit, quoniam aliter omnis materia non ejicitur, tum bibat affatim Hydromel, donec iterum vomat, bibat iterum, & sic pergendo, donec ultimum epotum in ventriculo maneat; hoc facto debet adesse potus Opiatus habens unum granum Opii in vino vel aqua Citri dissolutum, huncque haustum sumet æger, quando absoluto vomitu æger evacuavit corpus, & certus sum ex mille casibus, ne unus deficiat, quin æger sit liber, si vero tum cedat morbus detur cortex Peruvianus, & nunquam male cedat, quia aliter sine hisce præparationibus assumptis Hydropem &c. fecit, quia hæc materia requirebat febrim, ut auferatur, si hæc materia non sit sublata, & febris sublata, tunc materia manens in visceribus facit plurimos morbos. Si symptomata supra dicta adsint, semper vomitorium vel purgans prodest, sic loquitur *Hippocrates* & confirmat experientia. Postquam purgans effecit suum opus, id est, post sex aut septem horas dandum est unum granum Opii, ad sistendum magnum motum, quem fecit purgatio Vomitorium præstat purgante, si corpus non sit debile & facile vomitorium ferre possit, nam vomitorium evacuan- do ventriculum purgat etiam inferius primas vias quatenus concutit, sed vomitoria sunt pessima in morbis, ubi humores sunt dissoluti, ut jam dixi de gente Britannica, secundo vomitorium non est dandum si sit putrefactio in quodam viscere, ut Vomica hepatis &c.

§ 755. Hæc vomitoria & purgantia non tantum agunt evacuando, sed concutiendo im- pacta viscera inde resolvuntur, nec febres ab obstructis aliter curantur, prius Oxy- mel Scilliticum laxanda & præparanda est materies vel

Oxymel cum sale Polychresto, nec cibi multarum facum sunt dandi.

§ 756. Si in febribus Intermittentibus nulum sit signum materiam hæere in primis viis, non vomitoria nec purgantia danda sunt, quia debilitant, liquidissima eliciunt, bilem auferunt, & digestionem turbant, qui hæc negligit & promiscue dat vomitorium vel purgans sæpe fallitur, sed hæc non danda, nisi priora signa adsint, aliter elicit bilem quod erat necessarium requisitum sanationis febris.

*Diuturnitatem.* Vidi *Sydenhamum*, qui observavit, quod si prima die purgans non successerit & sustulerit febrim, repetitum purgans illam fixabit, itaque videmus Hispanos, Lusitanos & Italos purgantibus continuatis sic fixare febres Quartanas, ut ibi durent plerumque per duos annos.

*Producit* Nonnulli Medici, qui vina purgantia suis ægris præscribunt, ut magna vascula inde exhauriant, ægris pessime sæpe consulunt, nam plerumque totum corpus perit, bilis deficit; visceribus infarctis liquidissima eliciunt & crassiora compingunt, bilem auferunt, debilitatem creant in visceribus; *Sydenham* pulchre observavit dicens, quod si scapellum Chirurgicum prima vice pertusum per venam, non sustulerit febrim, diutissime durabit febris, quæ non tamdiu durasset, si venæ sectio non fuisset instituta, alio loco dicit, si diu purgetur, facit corpus debile, ita ut ultimo fiet deglutitio læsa, vel Angina & tandem ægri moriuntur; hoc etiam observavi in Carbaris Arabibus, quod repetitis purgationibus febres nequaquam curarunt, sed plures ægri inde mortui sunt, hinc aliquo jure *Helmontius* insultavit.

vit scholis, quia fere semper venæ sectionem & purgationes instituebant.

*Frigus & febris sudorifero tollitur.* Hæc est secunda methodus & certe millenas tales febres sustuli, si inveniam corpus tantummodo frigidum nil à motu vel à calidioribus medicamentis habens sumo quaecunque decoctum leviter aromaticum, & deposito pretio certare possum, me primâ vice sublaturum febrim, hoc decoctum potet æger, ut dixi in *Materia Medica*, & sex horas ante paroxysmum ponat se æger ante focum bene vestito corpore, bibat omni quadrante horæ uncias tres, & reliqua calida, & sic potando excitet sudorem, & sudor sit isto tempore, quo frigus febrile habere deberet, si hoc continuat, febris erit ablata, & ex centum, ne unus habebit febrim, hac ratione sanavi ægros, qui paroxysmo antecedenti morituri videbantur, & hæc methodo perfecte sunt curati; in *Materia Medica* sudoriferum raro fallens proposui titulo mixturæ vel decocti, cui potestis fidere, habetis jam duas methodos; quibus certissime curantur febres Intermittentes; si febris absolute sit abigenda, ut sæpenumero ætas senilis suadet, quoniam senibus Quartana sæpe est lethalis, sedeat æger erectus in sede sudatoria, supponatur carbo ignitus, sorbeat de decocto ligni Guajaci, sudet ita duas horas ante paroxysmum, si inter sudandum multum frigus admiscuerit, febris ablata erit; missio sanguinis plerumque sit lethalis, si in febre Quartana adhibeatur, methodo hic descripta omnes febres Intermittentes curantur, si malam causam non habet; annosis Tertiana est sæpe lethalis, transeuns in Quotidianam, tandem in Hæmitritæam maxime metuendam, id est

continuum, sed altero die habet acerbiorē & altero die leviorē paroxysmum, ut exemplo rem proponam, erat in matrona annosiori febris, unde mors metuebatur, si bis vel ter esset reditura, erat plurima saburra oppleta, ideoque corticem Peruvianum dare non audebam, dedi decoctum aperiens v. g. ex Sassafras, Radicibus Bardanæ, aut simile & tali decocto plurimum potare jussi, simul salem Polychrestum magna copia quatuor horis ante paroxysmum febrilem, jussi vestes exuere, stragulis tegi, assidere largo foco, ac ut ingeratur semper decoctum sudoriferum, sic incipiebat emollire, & ad sudorem disponi, tunc jussi augere dosim assumendi decocti usque ad febrim ordinate redituram, tum non accedebat febris, & erat prima vice libera, si non successerit prima, tentatur secunda vice; si senex valde frigidus fuerit, hoc modo etiam curatur.

℞. Aquæ Menthæ vel	
cujusdam aromat.	℥xij
Elix. Proprietat.	℥vj
Sal. Absynthii	℥ij
Syrup. è ꝑ. Radic.	
aperient.	℥ij
M. F. Mixtura.	

Utatur de hac mixtura uno vel duobus Cochlearibus omni quadrante horæ superbibendo uncias quatuor sequentis decocti post singulas quæque.

℞. Ligni Santali trium ana	℥j
— Raf. Sassafras	℥iv

Infusa vasa arte clauso per  
duas horas absque ebullitione  
sed fere fervida, dein parum  
ebulliant, tum decocti pint. ij  
exhibe. Addatur cortex Citri  
vel simile quid non multum  
refert.

Vel sumat æger decoctum Agrimonie, Me-  
lissæ, cum aliquo sale aperiente v. g. Absyn-  
thio, licet dragmas tres consumeret in mixtu-  
ra tempore apurexiæ, superbibendo prius de-  
coctum v.

℞. Aquæ Cardui Benedicti. ℥vj

Sal. Absynthii. ℥iij

Tinct. Myrrhæ. ℥j

M. F. Mixtura.

Sumat inde in apurexia unciam unam & se-  
mis omni quadrante superbibendo post singulos  
hujus haustus decoctum præcedens.

§ 757. An venæ sectio Intermittentibus bo-  
na? si fiat erit in apurexia; cæterum mea ra-  
tione & experientia ut & *Sydenham* non fiet;  
hinc pessimum est *Galen*i dogma sæpe *Ter-  
tianus* mittere sanguinem, legite quæso *Litteras  
Clarissimi Pateni, les Letters de Monsieur Guil.  
Patein*, ubi narrat, quod venæ sectione omnes  
febres Intermittentes curaret, imo triginta tri-  
bus consequentibus, sic etiam tunc temporis  
decumbebat *Infans Hispaniæ* à febre Intermit-  
tente, venam secabant, repetebant, donec  
miser occubuerit, tunc Poëta quidam ceci-  
nit.



*Quod Mars non potuit, Medici potuere secundo.*

*Sic Mavors ipse fit minor Hippocrate.*

Hinc raro venæ sectio in hisce casibus prodest, & tantum in Vernalibus, in Autumnalibus nunquam nisi forte casus, quando est corpus juvenile & plethora in culpa.

An tenuis diæta bona? Hanc Itali commendant ad febres curandas, sed vidi inde pessimum successum; febres Tertianæ intra quatuordecim dies, febris Quartanæ intra sex menses terminantur, sed per quatuor dies æger aliquis non abstinere potest, nec per sex menses, si nunc abstinencia imperetur, vires languent, & sic multi ægri pereunt, unus ex primariis viris hujus urbis acquirebat febrim quartanam, ille erat respuens Medicorum consilia, dicebat se velle abstinencia curare, habebat prudentem Medicum, qui dicebat inter has febres & Continuas esse distinguendum & inter corpora senilia, hæc penitus negligebat, & nil comedere in animum induxit, quod fecit, & vires perierunt, & cum postea edere vellet, non poterat, & sic mortuus est, vidi è contrario alios, qui diu Quartana laborassent, & moderate comedebant se melius habuisse; vidi à parentibus rigorosis imperatam esse infantibus Diætam strictissimam, unde plurimi perierunt; sed hic requiritur, ut dentur cibi, qui non crassas dant fæces tempore vacuo, hinc in Quartana die antecedente jus carniū est assumendum, idem de Tertiana verum est, hinc *Hippocrates* pronunciat exactissimam Diætam hic esse pessimam, nam dicente ipso *Hippocrate* vitia nimie assumptionis.

ptiones facile tolluntur, minoris vero non. Sed quando transit frigus febrile, quid tum dandum? Longe alia, quam in statu apurexiæ. Aquosa calida & quæ hic propono, didicivera esse, quando febris exit in calorem & frigus abiit, do subacida &c, ut Rob Sambuci & Rob Diamororum, & quæ putredini resistunt, ut Spiritum salis, Marini, spiritum Nitri Dulcis, Ammoniaci: fui aliquando in contentione cum Medico, qui putabat hæc non convenire volens calida, sed do talia, quæ vim saponaceam habent, & tamen sunt subacidula mollia, & lenia, tum febris optime dissolvitur, da moderate reficientia & refrigerantia & impetrabis gratiam ægri & sanationem morbi, sed quando sudor, quid tum faciendum? Nam sanguis est solutus & vasa laxata & aperta, ille sudor nunquam prodest, imo quamdiu vester æger sudat, post paroxysmum, nunquam curabitur à febre, sed sudor ante paroxysmum bonus est, ergo simulac febris est in declinatione, do jus carniū cum succo Aurantiorum recenter pressum cum succo Citri, Vinum Rhenanum vel Mosellanum cum succo Citri & duabus partibus aquæ, hæc paululum calefacta tepide offero, si hæc materia ingrediatur sanguinem, non nocet.

§. 758. Si vocaris, dum calor adest, & rogeris quid faciendum; aut si in antecessum moneas, hoc observatur, scis omnia esse infarcta, quæ data porta in venas ruent, unde celerrima sanguinis & vasorum jactatio ad putrefactionem, ergo dentur multæ aquæ calidæ forbendo, ut impetus febrilis aliquid habeat, in quod agat; si febris sit in fine, Nitro attenuo; ut præservem à putredine, addo levia aci-

da, ut Rob Sambuci, Ceraforum, Ribesiorum, Decoctum Caffé aut ligni Sassafras hic est optimum. Non obruatur æger stragulis, non multum movendus, sic enim materiam febrilem dissipare tunc poterit.

§. 759. *Solvitur*, hoc est, quando æger post paroxysmum incipiet esse sedatior & sudare. Si abire febris incipiat, & sudor oriatur, juvant ptisana vinosa ex aquæ Hordei pintis tribus, vini pinta una, cum taleolis Citri, decocta aut panis tostus his immaceratus & jus carniū optime restituens amissum. Vinum huic ptisanæ addimus ad confortandas vires debilitatas à sudoribus illis in fine paroxysmi. Æger raro curari poterit, nisi illa in sudorem proclivitas sedetur.

*Promovere*. Ne sudoris diffusio noceat, liquidum deperditum est resarciendum, tunc sudor oriri debet, qui nisi orietur, æger male se haberet, ergo cum hunc sudorem impedire non possimus, nec debeamus, oportet tantum illi vehiculum præbere, ne liquidi nimia diffusio noceat. Hinc si febris desitura sit hora octava, moneo, ut per quatuor aut sex horas maneat in lecto, simul his non medicamentis, sed alimentosis repleo vasa.

§. 760. Si dolor capitis adsit, hunc tollo epithemate ex Oxycrato, appono pedibus epispastica, & multum potus diluentis, sic omnem dolorem capitis tollo, aliquando tamen venæ sectio & clysmata requiruntur, si vomitus adsit, vomitoria ante febrim & Opiata post vomitum sunt danda. Hæc methodus proposita semper sanabit febres Intermittentes, nisi febris sit Epidemica radicata vel etiam quædam species quartanæ.

§. 761. Quando febris est ablata, ne putet Medicus nil esse agendum, nam omnes febres, quæ sic vagatæ cito tolluntur, etiam cito redeunt, Medici tum nimis operosam Praxin habentes relinquunt ægros, sed in novas febres incidunt, sic inexhaustis viribus fere necantur, postquam ergo ablata est fere febris, æger utatur victu analeptico, scilicet tenui, alente sine multis fœcibus ut jure carniū, in quo ova sunt dissoluta & omnia Cremoracea, victus analepticus est, qui non multum temporis ad coctionem requirit.

*Corroborantibus.* Quæ vasorum & humorum laxitatem corroborant, unde sudor tollitur, optime huc conducunt Theriaca, Diascordium, Vina medicata cum Salvia, Helenio, Absynthio, Centaurio minori, condita Diatessaron, hæc corpori dant debitum robur, & sanguinem ad legitimam densitatem redigunt; cortex Peruvianus etiam hic convenit, quia fibras maxime roborat, cum fibræ à febre magis flaccidæ sunt redditæ, unde sæpe oritur Hydrops, assumat æger corticis Peruviani unciam unam, decoque in Vini pintis duabus, sufficit cochleare unum de die, postquam robur actum est, æger est purgandus methodo *Sydenhami*, aliter recidiva metuitur, sed tum non redit, at purgans non est præscribendum, simulac febris desinit, nam oritur recidiva, quia natura, quæ quieverat, turbatur, sed tantum quatuordecim diebus post febrim finitam optime conducit tam id Vernali, quam Autumnali febre & hoc fiat Rhabarbaro vel simili. Si purgans nimis cito detur, male cedit ægro, si serius, cadit æger in morbos Chronicos, verum tempus purgationis non definiri

potest, sed tantum prout vires citius vel serius sunt recuperatæ, & hoc aliquoties fieri debet bis, terve, & ægri optime inde se habebunt, vide de hac re Sydenhamum.

§. 762. *Autumnalis.* Tum tantum cortex Peruvianus requiritur, non in Vernali, quia in Vernali calor succedens restituit, sine auxilio hujus corticis, hinc illæ febres Vernales Methodicè curari non possunt, quia humorum liquefactio hic requiritur, quæ hic non est adhibenda.

*Debile.* Quamdiu corpus non sit debile, credo, quod cortex Peruvianus non sit dandus, nam febres Intermittentes non sunt tam periculosæ, ac dicunt, & nisi corpus debilitetur, sine febrim per aliquod tempus decurrere, quippe quæ coquere debet plerumque crudam materiam sanguinis, ad quam excoquendam nata est hæc febris. Si adsit inflammatio in corpore, tum cortex Peruvianus est pessimus, quia plus obstruit, si pus alicubi hæreat, vel obstructio visceris, tum non conducit, aliter tuto datur, si conditiones descripræ adsint.

*Duravit.* Effectus durationis febris Quartanæ facit sudores, itaque illi sudores à febre non fiunt, sed ab ejus effectibus, id est, quia corporis viscera & vasa maxime debilitantur ab illa tam diuturna & sæpius recurrente mutatione.

*Inflammationis.* Quotiescunque ibi adsunt veræ inflammationis signa, non dabo corticem Peruvianum, neque similia medicamenta, nisi videam causam inflammationis esse jam coctam, nam si antea darem corticem Peruvianum, tum Scirrhi & pessimæ obstructions orientur, ut vidi in febre Epidemica, ubi erat  
quæ-

quædam inflammatio circa hepar, nam illis ægris, qui hunc corticem sumpserant, successit pallor, post febris cessationem, &c. & ad minimum nixum alvum deposituris crepuit hepar, unde mortui sunt.

*Paris.* A pure collecto in visceribus Hecticæ fiunt febres cum genarum rubore & resplendente cute &c. Febres Intermittentes Quotidianæ exactæ cum chylus sanguini miscetur, causa cur post diuturnas febres Intermittentes æger tunc sudoribus diffluat, est, primo, quia pulmone non bene compingit sanguinem, secundo, quia ille æger, ut plurimum sumit multum potus, qui statim per sudores difflatur. Si ulcus sit in pulmone, chylus hic accumulabitur, ergo oriatur febris ad coquendum hunc chylum, & hæc febris est remedium ad materiæ coctionem, hinc tunc temporis cortex Peruvianus non est dandus (ut fecit *Mortonus*) nec etiam quamvis tantummodo ibi esset debilitas in pulmone, non vero ulcus, nam si dem in hac febre (ut ille fecit) corticem, febris quidem tollitur, sed tunc implebitur pulmo, unde se male habebit, imo & inde sæpius suffocabitur.

*Cortice Peruviano.* Si Medici bene considerassent hoc remedium quod est ex præcipuis medicamentis, pro veneno non fuisset habitum, nam ille cortex nunquam aliquid mali facit, sed si febris fuisset melior, eatenus malum facit, quatenus naturam spoliât suo adiumento, v. g. æger habet hepar inflammatum, febrim accipit, Medicus non considerans, quod hic maturare debeat, dat corticem Peruvianum, unde febris tollitur, & materia ibi manet, tunc ille æger evadet tumidus, Leucophlegmaticus.

& moritur; dicunt, tunc Medici corticem Peruvianum occidere hominem, nil minus, sed natura dederat optimum instrumentum nempe febrim, quæ si mansisset, solvere potuisset, hinc si hæc sex conditiones adsint, nunquam erit malum à cortice Peruviano. Quidam acriter litigant, quam ratione ille cortex agat, plurimi putant coagulando sanguinem, & vasa adstringendo, verum est optimum aperitivum, proinde longe credibilius est eo tempore, quo spiritus à materia febrili exagitari solent, eos figi.

*Pulveris.* Sunt inania medicorum verba, dum dicunt, se habere corticis præparationem, quæ non nocet, dicunt enim, si in omni substantia detur, lignum obstructions facit, in ventriculo; ut cortex sit bonus, debet esse ponderosus, ad gustum amarissimus, non nimis ficcus, coloris Cinnamomi, id est, profundi coloris subrubelli, recentissimus, nullam cariem passus; tum ejus uncia una in haustu certe febrim intermittentem tollit, si hauriatur tempore apurexia, sed venditur pro cortice, quod non est cortex, aliter res est verissima, si detur forma decocti, tum hoc decoctum sit crassum, spumosum, coloris subflavescentis, & hac methodo duplicetur dosi. v. g.

℞. Cortic. Peruvian. ℥ij

Aquæ puræ ℥xx

M.

Ebulliant simul vase  
clauso ad remanentiam  
unciarum octo.

Nam de cortice nil perit, hoc detur tempore apurexiæ, si hoc inspissetur, habetur extractum, quod cum vino medicato ex radice Gentianæ & Centaurii minoris miscere potest, si in pilulas redigatur & assumatur cum vino, quoque summopere prodest; sed optime erit illud dari in substantia, nisi hoc malum subfit, quod sæpe in his casibus non requiritur; si detur hoc medicamentum in febre ipsa, plerumque necat, hic infame hoc medicamentum *Londini* fuit, quia paulo ante paroxysmum dabatur, infantibus debilibus ob amarorem non inconueniens sumatur triplex dosis, quam ore assumitur, decoque in aqua, unde injiciatur clystima post alvum depositam, injiciendum tribus horis ante febrim ex. gr. pro trienni infante.

℞. Cortic. Peruvian.	℥vj
Aquæ Fontanæ	℥iv
M.	

Coquantur simul per  
horam vel sesqui horam  
injiciatur sex vel septem  
horis ante paroxysmum.

Quæ methodus est optima & eadem in adultis fieri potest; cortex Peruvianus relinquit causam materialem, sed præsens stagnans tollit; hinc nocet Phthisicis, dum chylus sanguini affunditur, hæc vero febris est major motus à machina excitatus, qua chylus subigitur, hinc est effectus chyli, & causa cur chylus subigatur quinque vel sex horis post primi paroxysmi invasionem relicto pulmone debili, sanguine corrupto, flaccidis fibris impedituris il-  
lum



lum majorem motum, dedi suafu celeberrimorum Medicorum hora decima matutina, cum febris effet ventura, hora quarta pomeridiana non accipiebant febrim, sed maximam anxietatem in respirando, quæ aqua assumpta tollebatur, si prior febris Hæctica accedat, tunc curatus est æger, hinc caute hic est procedendum, si aggregatum visceris se sanguini miscet, nam oritur febris Hæctica, quod est pus conceptum & eliminatum per majorem motum, sudorem, alvum, urinam vel sputum, hinc per corticem Peruvianum hæc maturatio non augeatur, sed motus tollitur, ergo tum æger non habebit febriculam, sed pessimam anxietatem, quæ non curatur, nisi potu aquæ calidæ & nova febre excitata, qua plus coquitur materies, subigitur & eliminatur; hinc ibi nocet cortex Peruvianus, ubi febris facit plus boni quam mali, sed si febris sit mala, tum cortex est bonus; pro Magnatibus fiat decoctio corticis, filtretur, & illud liquidum filtratum exhalet in massam solidam, ut pilulæ inde formari possint ex binis vel trinis  $\mathfrak{z}\beta$ . corticis Peruviani.

*Specificis.* Medici dicunt corticem esse adstringentem; hoc concedo, sed unde est amarum & calidum medicamentum, si ergo cum cortice vellem aliquid dare, præscriberem gratissimos Syrupos subacidos, ergo hunc corticem tempore apuræxiæ, sic ut ultima dosis una hora ante febrim detur; si corpus ægri sit frigidum misceri potest cortex Peruvianus cum *Diateffaron Mesues*, si cum vino detur, modo non sit nimia copia, vinum melius proderit, quam si daretur cum simplici aqua, si nulla sit apuræxia & febris sit Continua, tunc detur illo  
tem.

tempore, quo febris est omnis levissima sed parvis dosibus, tantum est cavendum, ne sit fomes inflammatorius &c, alioquin cavendum esset ab hoc pulvere; observavit *Helvetius*, quod si detur cortex Peruvianus, per alvum forma clysteris post egressas prius fœces, idem faciat, ac si daretur per os, sed illa clysmata danda sunt triplici dosi & tempore apurexiæ, sic igitur utamur hoc remedio, injiciatur sequens.

℞. Aquæ coctæ & calidæ ℥iv  
 Mel. optimi ℥ij  
 Sal. Gemmæ ℥i  
 M. F. Clysma.

Hocque medicamento facibus alvinis eductis adhibetur sequens

℞. Cortic. Peruvian. ℥vj  
 Aquæ puræ ℥xv  
 M.

ebulliant simul ad  
 consumptionem dimidiæ  
 partis, tum addatur  
 Mel. Mercurialis. ℥j  
 F. Clysma.

Hoc remedio injecto, illud est retinendum quam diutissime. Vide *Fulleri Pharmacopœam extemporaneam titulo enematis febrifugi*, ubi observat talia enemata ex cortice Peruviano melius succedere in pueris & in ætate tenera quam in adultis, vide etiam *Tractatum Helvetii*, qui nuper erat Medicus Ducis Aurelianæ.

nenſis defuncti, ille enim primus hunc uſum invenit, de uſu & abuſu Chinæ Chinæ, vide *Ramazinum*, qui tamen eam medelam nimium ſuſpectam habet, non enim nocere poteſt, ſi prædictæ conditiones obſerventur.

*Ordine.* Si apurexia ſit duodecim horarum, distribuenda eſt doſis unius uncæ in ſex doſibus, omni bihorio; ſi vero febris ſit Quartana, tunc erunt quadraginta & octo horarum intercalaris, & ſimiliter distribuenda eſt doſis; ſed obſervandum eſt, quod doſis eſt danda duplo major copia ante paroxyſmi inſtantiam.

*Regimine.* Si adhibeatur in ſubſtantia v. g.

R. Cortic. Peruv. in pollinem  
ſubtiliſſ. contritum ʒj

Syrup. Menthæ q. ſ.

M. F. Conditum.

Sumat unam partem duodecimam omni bihorio ante paroxyſmum duplicando doſin in fine apurexiæ

§ 763. *Epithemata.* Hæc eſt quarta methodus, qua vidi febres pertinaciſſimas eſſe ſublataſ; ſic narrat *Coyleus in Tractatu de Infido experimentorum ſucceſſu*, & *in Tractatu de Specificis Remediis*, quo nobili viro febre Intermittente pertinaci laboranti ad epicarpia Medicus applicaverit epithemata ex Lupulo, ſalē & paſſulis minoribus, & curaverit, & quod ipſe dein idem ſummo cum ſucceſſu dederit omnia vero, quæ ſic applicantur, ſunt acria; hac ratione *Boyleus* ſanavit à febre Intermittente deſperatum puerum, & ruſticus Batavus cum Ranunculo Pratenſi febres Intermittentes ſanabat, hac herba pro epithemate utens, ſumebat ra-

dices

dices deterfas contufas, quas inter flexuras digitorum & pedum. ubi cutis eft tenerrima, aplicabat, unde maximus calor in ægro oriebatur, qui frigus fuperventurum fuperabat, atque fic immunis manebat à febre Intermittente, nam in febre Acuta hoc peffime cederet, & forfan ægrum perderet. Si ita curare velim ægrum, primo deducendus eft æger ad diætam Quartanariorum, de qua fuperius egi, tunc omni die per quadrantem horæ dimittatur in balneo, friftiones adhibeantur pannis calidis præfertim circa fpinalem medullam ante focum luculentum, vel in balneo ficco idque cum unguentis idoneis, tunc in lecto tranquillus deponatur, & adhibeantur epithemata ad carpum ex Clematitide vel &c. bihorio vel trihorio ante paroxysmum. Nonnulli aliam methodum adhibent, nempe inungunt dorfum ægri ufque ad os coccygis oleo Rutæ, Liliorum Convallium, Alborum, Caftorei, Myrrhæ; Terebinthinæ lucidæ vel Juniperi, alii fpinam dorfî inungunt oleo Croci vel Euphorbii, tunc applicatur longum emplaftrum tres digitos latum ex aluta cum Galbano fuper extenfum à nucha ufque ad os Coccygis hac ratione fanantur delicatiores & puſillanimi, hæc omnia in ſanguine & ſpiſtibus majorem motum excitant, unde tollitur febris, ſed facile redit.

*Adſtringentia.* Ut faciunt Itali, qui tollunt febres Quartanas per decocta Tormētillæ, Pentaphilli, Plantaginis majoris Latifolii, Quercus, Fraxini, hæ radices maxime quoque profunt imo & decocta corticis Cinnamomi data tempore apurexias vidi curatas

Quartanas, sed observandum est, ne humores sint nimis dissoluti; aliter postea inde diu languent, nec facile in pristinum vigorem redire possunt.

§ 764. 1. Mera hæc est observatio, quam habet *Sydenham*, licet ipse dubitem, an res adeo *ænerôs* intelligenda sit. *Sydenham* dicit, quo brevior est paroxysmus febris intermittens, & tempus apurexiæ longior, eo plus durabit &c. vice versa, febris quotidiana exquisita septimo paroxysmo finitur, si Tertianæ simplex quatuordecim diebus duret, Tertianæ duplex itidem; si sit hæmitritæa continua terminatur die decimo quarto; Quartana durat per tres vel quatuor menses vel etiam longe plus, sic quo magis spatium habent Intermittentes intra se eo diutius durant Quartana requirit septies viginti quatuor horas, ut hinc illa debet redire decies & quater juxta naturæ cursum, dicit vero *Sydenham*, intercurrerunt tot horæ, hinc diuturniores esse debent, an ille calculus exacte sit verus, hic relinquo, sed hoc verum est, quo brevior est apurexia, eo citius terminatur morbus, ut patet in Tertianæ, quæ quatuordecim diebus durat, & Quartana, quæ non ita cito terminatur; nam Quartanæ in Italia sunt observatæ, quæ per annos durant, quia insultus est magnus, licet tantum temporis intercurreret, vide *Sydenham in capite de Febris Intermittentibus annorum 1661, 1662, 1663 & 1664*. Quotidiana est proxima Acutis, deinde Tertianæ & Quartana, ergo febris Quartana, omnium minime nocens, hinc vulgo dicitur de Quartana, non sonat campana. Si Quartana oriatur in corpore, ubi latet quidam

dam morbus generis nervosi, ut Podagra &c. tunc Quartana librum ægrum faciet ab hoc morbo, quamdiu ipsa hæc febris durabit, uti hoc accidit cuidam Podagrico, quem novi, qui post passam febrem Quartanam ab hoc morbo fuit liberatus, itidem fit in Epilepsia, nam Quartana liberat à paroxysmis Epilepticis, hoc etiam est verum de Tertiana, Quotidiana, & Hebdomadaria.

2. Sic Tertiana facile fit Hæmitritæa seu Continua, citius hominem occidens, Quartana non ita prius fit duplex, tum triplex.

3. In febre Tertiana causa est copiosior, simulac finitur, incipit redire, si retrocedat, significat causa minui, hinc quo sæpius reduplicat paroxysmos; causa est mobilior, & copiosior.

4. Nam si corpus non sit ad inflammationem dispositum, plerumque tollitur septimo paroxysmo, sed si corpus ad inflammationem sit dispositum, tum non tollitur.

5. Accedente frigore Autumnales crescunt, hinc Augusto mense mitiores sunt; Septembri frigidiori peiores & quo magis friget, eo peiores fiunt, calore benigniores, hinc mense Martio fere omnes Quartanæ fugantur.

6. In febribus Intermittentibus, ubi nulla materia, sed fere simplex irritatio spirituum juxta *Borellum*, cortex Peruvianus semper est adhibendus, sed non in his febribus, ubi materia prius est liquefacienda, emollienda, & debellanda; sicque reddimur audaces in febrium cura, & corpus redditur purum. Decuratione febrium Intermittentium egi, & non scio aliquid omissum esse omnium medica-

mentorum, & methodorum, quibus febres curari possint, si ergo ille morbus sit perfecte intermittens & causam non habeat ex corruptione humorum insuperabili, nec ex labefactatis visceribus per morbum incurabilem, tum omnes febres Intermittentes per hanc methodum tam certo curari possunt, quam fames per panem & vinum.

*Finis Tertiæ Partis.*



# I N D E X

## R E R U M & V E R B O R U M .

### A.

<b>A</b> cuti Febriles morbi qui ?	13
- - Qui Chronici	<i>ibid.</i>
- - Utrorum explanatio, unde pendeat.	14
<b>Anxietas febrilis</b>	191
- - Causa	<i>ibid.</i>
- - Diagnofis	<i>ibid.</i>
- - Effectus	196
- - Prognofis	198
- - Cura	202

### C.

<b>C</b> alor Febrilis	278
- - Diagnofis	<i>ibid.</i>
- - Causa proxima	279
- - Hujus proximæ	<i>ibid.</i>
- - Gradus unde fcīatur	288
- - Effectus	289
- - Cura	292
- - Quæfta	638

Caufos, vid. Febris Ardens -

Chronici morbi febriles - 13

Cibus quo tempore febris & copia dandus - 95

Coma febrile quid ? 316

- - Causæ *ibid.*

- - Antecedentes 319

- - Indicatio 321

- - Cura 323

Convulfio febrilis unde 330

- - Effectus 332

- - Prognofis *ibid.*

- - Indicatio 334

- - Cura *ibid.*

Crepitus vid. Ructus

### D.

<b>D</b> ebilitas febrilis unde	264
- - Diagnofis	266
- - Causæ remotæ	264
- - Unde cognofcatur	269
- - Cura	271
- - Ut & caufarum	273

Delirium febrile quid 306

- - Diagnofis *ibid.*

- - Causæ 307

- - Cura 308

<b>Diarrhœa febrilis materia</b>	364
- - Causa	<i>ibid.</i>
- - Prognofis	352
- - Effectus	355
- - Cura	358

### E.

<b>E</b> xanthematum febrilium materies	372
- - Causæ	<i>ibid.</i>
- - Nomina	<i>ibid.</i>
- - Cura	375

### F.

<b>F</b> ebris qualis morbus ?	1
- - In hujus indagatione, quæ obfervanda	5
- - Diagnofis	10
- - Signum pathognomicum	15
- - Natura unde cognofcatur	14
- - Causæ proximæ	17
- - Remotæ infinitæ	31
- - Quæ dividuntur in communes five Epidemicas	32
- - Vel in fingulares	33
- - Phænomena	19
- - Effectus	49
- - Prognofis	61
- - Exitus in mortem	70
- - In alium morbum	72
- - In fanitatem & quomodo	79
- - Indicatio quadruplex	86
- - Primæ fatisfit	92
- - Secundæ	105
- - Tertiæ	155
- - Quartæ	175

Febris Acuta quæ ? 11

- - Causa proxima 29

- - Remota 30

- - Ardens 394

- - Causa proxima 404

- - Antecedentes 397

- - Diagnofis 395

- - Effectus *ibid.*

- - Prognofis 398

- - Cura 406

- - Autumnalis Intermittentis vehementis cura 448

Febrie



# Index Rerum & Verborum.

Febris Continua quæ?	377	- - Effectus	ibid.
- - Non puris	380	- - Prognosis	184
- - Harum causarum signa	377	- - Cura mala quæ?	ibid.
- - Cura	ibid.	- - Quæ optima	185
- - Differentia	ibid.		
- - Putrida	383	<b>N</b> auseæ febrilis causa proxima	219
- - Causa	ibid.	- - Remota	ibid.
- - Diagnofis	384	- - Harumque Diagnofis	ibid.
- - Differentia	385	- - Effectus	222
- - Prognofis	386	- - Cura	223
- - Cura	391	- - Quæfita	230
- - Continua remittens quæ?	376		
- - Dicitur & οὐρεξία	393	<b>P</b> ervigilium febrile quid?	324
- - Ephemera feu Diaria	377	- - Causa proxima	ibid.
- - Intermittens quæ?	376	- - Exitus	ibid.
- - Autumnalis	417	- - Cura	ibid.
- - Vernalis	ibid.	<b>P</b> ustulæ inflammatoriæ Bry-	
- - Phænomena	420	pelatoſæ: Scarlatina &c. vid.	
- - Exitus in alium morbum	422	<b>E</b> xanthemata febrilia.	
- - Causa	ibid.		
- - Proxima	427	<b>R</b> uctus Diagnofis	233
- - Effectus	423	- - Causa proxima	ibid.
- - Indicatio	427	- - Remota	233
- - Cura & qualis in initio	431	- - Effectus	233
- - Causæ proximæ tollendæ;		- - Cura	242
quid proſit.		- - Quæſita	248
- - & quando	436		
- - Quid noceat?	440	<b>S</b> iccitatis febrilis cauſa	302
- - In excreſc.	445	- - Natura	ibid.
- - In decremento	446	- - Effectus	ibid.
- - Symptomatum prophyl-		- - Cura	ibid.
xis	ibid.	<b>S</b> itis febrilis cauſa	243
<b>Æ</b> grique Virium reſtaura-		- - Diagnofis	ibid.
tio	447	- - Indicatio	ibid.
- - Prognofis	456	- - Cura	216
- - Lenta ſive Chronica quæ?	12	<b>S</b> udoris febrilis cauſa proxima	340
- - Epidemica ſive communis	ibid.	- - Effectus	341
- - Singularis	ibid.	- - Indicatio	343
- - οὐρεξία ſive continens	393	- - Cura	344
<b>F</b> latus vid. Ructus			
<b>F</b> rigus febrile	181	<b>T</b> remoris febrilis cauſa	187
- Causa	182	- - Effectus	188
		- - Prognofis	ibid.
		- - Cura	189